

圭山副藏叙

太史公曰詩三百篇大抵聖賢發憤之
所爲作也吾宗子長度豐於才而留于
遇後不見怨先於時又以稱焉然吾觀
其圭山副藏諸篇不遇騁奇選之氣
以寫其祖太白而宗靈均之槩亦其因

窮拂蕩於揮毫濡墨間，窮之無間
焉。說者曰：此固李子之善於怨也。夫以
以怨者，詩教也。則如古風歌行五七言
律，諸位強可與燕齊吳越諸君子
相頡頏。當時之士，靡不願奉程式而
長度。遜謝未遑，此觀長度為人目

空一世心期。古交時之好，豈駕齊軌于
靈陽東坡間。則圭山副藏之名，是編
最深切矣。太史公曰：藝之名，山副在。京
師以侯後之知言。君子長度，亦況此
意。其為詩如此，是為教。

告

萬應歲在己未上巳日秦淮宗末
李本寧頓首相撰



北遊州叙

余與長度交垂二十年在始
長度與蘇少載楊六琳善余
嘗游古密訪二琳未及尚長
度適其北還走片札評汝
我曰吾郁或亦一省乎令人

不無嬰唱之哉余時始知如彼
及一見遂以爲逆也詩篇訓和
郵筒之使不絕是時長夜在
諸生留數載矣雅工古文辭
尚能於遇眾或以此充長夜乃
長夜不少改已何督堦山陰

朱衡嶽公來再成信云長
夜龍峯敬王西石公來宰古
岡者造士每課二必推長夜
寂於是長夜之名遂震兩
午高賢書括余偕計道上
遇方如抗陶逸則詠子取口

道長及才亦不鄙余以於
鼓相上下以故長度雖蹇蹶
而燕齊吳越之間莫不志
有長及長度為人美於韓
善誦喚遇景臨膝情然如
有躬往吐詞吟咏不數大曆而

下今所彙梓其地遊迹稟
也沈詣有被一軌於法以示
海內雄壘定出鴈以下裁
余與長度功夙夙善不能多
卷長度乃以瀾然蔚然去
在蕭章者固不可掩也遂

直叙其樂以詒世之知者者

告

萬曆己酉中獲日黃易社

弟韓上桂頌首禩



邑志小傳

李之世字長度號鶴汀新會東亭人父以麟兄弟皆以道學名語見本傳之世少有逸才工詩善書間作雲林山水皆清絕可愛少保朱熹元時為督學名人倫鑒所拔士皆至卿相見其文曰霍湛而後為嶺南生色者非子而誰萬歷丙午舉于鄉數奇不第嘗與番禺韓上桂道淮淮督尚書李三才號聲氣領袖兩人投刺謁之李未及見遺以數縑兩人留使者坐立裁報章頃刻千言駢麗典則章八李亟延見贈三百

緝曰幾失名士晚年始就瓊山教諭遷池州府推官
日對纍囚非所樂也未幾移疾罷歸所著有圭山副
藏剩水山房稿息廬詠小草北游草南歸草家園草
水竹洞稿朱厓集行世

選閱同社諸子爵里

吳 兆 字非熊 新安人

冑愈昌 字伯麀 如皋人

林古度 字茂之 閩人

吳 元 字彥先 新安人

喻應蓋 字叔虞 南昌人

孫 穀 字子雙 華容人

周應辰 字斗文 蕪縣人

相傳合選諸稿編目三十卷自其初稿之選也則
 有家園草圭山副藏行稿之選也則有南歸草北
 游草竹笑亭草家草之選也則有涉園草雪航草
 浦山殘什諸如小草又有溪上草息廬詠青竹園
 稿塗草又有詠物草不住菴草山樵雜詠至於所
 云選稿又名泡菴草崧臺草一榻草水竹洞稿
 剩水山房稿當泣編司鐸于瓊始著朱厓集之五
 草一集浮槎二集可廬三集歇園四集和蘇五集
 韻語上紀諸稿多殘缺失次僅存十一于千百幸
 見朱厓集原刻瞭然餘皆湮沒可勝惜哉

鶴汀詩集卷次

卷之一

五言古

四言古

卷之二

七言古

卷之三

五言律

卷之四

七言律

卷之五

五言排律

七言排律

卷之六

五言絕句

七言絕句

六言絕句

卷之七

古騷

雜言

樂府

卷之八

雜著上

記序文傳

頌詞

墓誌行狀

卷之九

雜著下

禽判銘

獸經

題贈

贊

卷之十

鳧渚集

附錄

國家圖書館 NATIONAL CENTRAL LIBRARY, TAIWAN, R.O.C.

南歸草

北游草

竹咲亭草

家草

涉園草

雪航草

浦山殘什

小草

溪上草

息廬草

青竹園稿

途草

詠物草

不住菴草

山樵雜咏

選稿

泡菴草

崧臺草

一榻叅草

剩水山房稿 水竹洞稿 當泣編

朱厓集

一集浮槎草 二集可廬草 三集歇園草

四集和蘇草 五集韻語

以上草稿二十編皆殘缺失次惟存朱厓集五草原刻瞭然餘無可搜覓可勝惜哉

鶴汀詩集卷之一目錄

五言古

擬古

為園效陶體

錄別 四首

送楊亦琳上春官

舟次橫江

十八灘

醉中書事

感懷

效輓歌

述懷 三首

舟次橫江上春官

舟中翫月

由圭峯歷蒲澗作

卽事

上林明府

重遊西山

經陳公甫先生讀

將出京上大座師

途中即事 二首

登濟上酒樓 二首

江上有懷舍弟 四首

江行夜泊

江行曉發

過牛渚温太真撰

陪王老師鳴山宴

傷逝 五首

對庭樹

閒館書懷

撥悶

悲永日

行家園

經外家

對月

秋夜

營墓

苦雨柬陳憲副

吳非熊同梁過訪

過非熊館

閑齋對雨同吳

喜非熊再訪

重過非熊館

將北征書示同志

送舍弟應試

送吳非熊還新安

見郊外掩骼

戲咏古翁仲

閑坐對月

憐哭

秋日同萬益之登圭

山中呈萬益之

贈萬益之

贈劉平子

同萬益之出郭醉

春日荅何文起

和平子寄宿中林

月上

溪館夜坐

四首

遊通天巖

遊滴水巖

遊忘歸巖

洞口僧房

莊家

莊田僧舍

過東華舊寺

遊興隆菴

遊觀音巖

新置斗室不住菴

訪廬一清

荅贈高斗仲學博

登漱流石弔朱少貞

別後寄龍門張

重九登高

輿夢

塵浪

卽次

遷館

暑甚呼童障日色

九日區彥斯置酒黃雲

送蔣北瑞遊北雍

讀說命三篇

雜懷

十首

走筆荅蔣懋功

晚步

調諸子

鄧山人

陳生

麥道人

國家圖書館 NATIONAL CENTRAL LIBRARY TAIWAN R.O.C

梁生

楊生

蔣生

嘉薦姪

送菊蔣懋功

周明府席中賦

生日

古瓦盆歌

題松泉雅適卷

別韓孟郁

端午舟中述懷

課圃

元旦卽事

題梁伯靜三壁

胭脂花

陳憲副招集大雲

金粟泉

以下浮槎神

白龍泉

東坡井

天寧寺

題五里亭禪室

重過黃氏園訪李

次荅友人池館

聞蟬

別王堯韭

題熙東姪園館

樹萱有感

以下可廬草

和蘇新男見贈

木下廟

再渡海紀夢和坡

以下和蘇艸

可廬經燬

和食檳榔

和貧家淨掃地

和夜燒松明火

和糴米

咏止酒

和浴罷

和旦起理髮一

和午窓坐睡

和夜卧濯足

暝投海口菴

余畜一黃犬

和連雨獨飲

夜雨衣衿盡濕

生朝自壽示諸生

懷歸和送芝道人

茅竺夜酌示諸生

和飲酒 二十首

讀書柳子厚牛賦

懷息廬和坡

食南椰麪和坡翁

羽甫家兄招遊石澗

羽甫兄採松花

嶺上逢何文起

四言古

題松柏同春卷

和洞酌亭詩

和觀碁

久旱憫農因和 四首

和勸農 六首

齊詩集

卷之三

五



國家圖書館. NATIONAL CENTRAL LIBRARY. TAIWAN. 500.0

鶴汀詩集卷之一

明嶺南李之世長度著

五言古

擬古

左手持一縑右手持一素昨日是新人今日新人故
將縑來比素祇在兩手間憐新與棄故翻手作波瀾
感懷

孤松生絕壑蘿生松樹巔嚴風摧松枝蔦蘿安得完
如何相鬱抱中道忽棄捐行行白日暮駘馬度高原

爲園效陶體

託跡城市久不能事遠畊爲園向東阜今歲始得成
編麻插疎籬周折互相撐開畦列高下鑿沼注清泠
細雨魚兒長菜甲亦以生釣魚持作饌剪蔬持作羹
鄰父偶然過不用相逢迎濁醪出行厨對酌還盡傾
雖談不甚解而自愛其情從此罷平書來讀種樹經
效挽歌

逝水自東馳浮雲自西徂與我夙旋久形影漸以疎
明知不可度藥餌強相扶巖風動羅幃吹我骨髓枯
許音忽遠聞愛憎異悲愉家人羅前庭爲我身後圖
一身不自保寧問妻與孥妻孥渾不解袒跣悲以呼
凌晨設祖奠門外駕靈輿室廬讓與人逼我山澤居
出郭獨彷徨四野塚累累向來攜手伴執紼共前驅
車徒空雜選祇爲觀者娛長揖謝世人來與魍魎俱

錄別

一年一別君茲別情逾戀紅顏能幾時鬢髮將無變
羣居不自保况及異鄉縣風塵各飄蕩安知定相見
關河凍雪深故鄉日以遠

其二

燦燦中林月迢迢夜向徂遊子不能別忼愴悲以呼
行役無遠近出門盡畏途况值嚴冬日身上無完襦
非無室家好其奈飢所驅

其三

飛埃黯河梁回飈卷枯藿天寒毒霧昏揮鞭出郊郭
緬茲倦遊情臨岐淚紛落行人即遠道居者念離索
風塵事事違行矣不如歸

其四

女蘿附松栢託根亦於茲根株不相結安能長相持
青陽有回晷紫艷無重披何以吐君懷寫作生別離
惻愴不成音君懷誰復知

述歸

原無干世術抱璞祗自珍窮途一回首翻爲泣玉人
侵晨理征帆迢迢向河津行李莽無光童僕亦逡巡
川途已脩阻濁浪復崩奔且辨還山服沿江采白蘋

其二

江雲暝以陰束峽哀湍瀉篙師戒前途晚泊古榕下

捨舟沿圻岸，訝然見曠野。荒池環竹陰，籬落開茆舍。
漁翁不相識，細語聊慰藉。酒熟還共斟，班荆對長夜。

其三

灘流怒不平，兩岸聞鷄鳴。寒風振大壑，呶呶雜櫓聲。
推蓬一以望，烟島紛縱橫。古戍連秋草，殘流帶曙星。
的的漁燈亂，迢迢塞鴈征。朝日映扶桑，因之凌東溟。

送楊亦琳上春官

攜余一尊酒，送子長河湄。征途八千里，行役在京師。
是時冬正深，凍雪膠河澌。子雲澹不流，我馬東西馳。

贈君從此去，雲霄會有期。鴻鴈起天末，鷦鷯巢深枝。

舟次橫江上春官

夙昔秉柔翰，抗志事遨遊。駕言不得意，各各守故邱。
今晨當別離，何由展綢繆。子冬十二月，霜露欺重裘。
冠蓋趨河曲，聲華滿帝州。努力赴風雲，明良固所求。

舟次橫江

凌晨發江門，其夕抵東渚。西流下崩湍，方舟逆相拒。
危檣牽巨纜，十步九迴顧。灘聲怒如雷，雜以蕭騷雨。
遊人終夜嘆，大半思鄉土。却望豬頭山，三朝又三暮。

舟中翫月

孟秋苦積霖經旬不肯歇晚色稍澄霽開窓陶嘉月
金波盪漾明半侵瑤池闕乍如一鈎懸散作千流沫
孤雲裊裊垂忽與漁燈沒舟人趁暮潮進權暗相撥
水宿厭滯淫臨流暫披豁安得任公釣下搗鼃鼃穴

十八灘

竒情因險見山水亦人然山水適相遇此地得其偏
水性柔而滑山亦靜而專相觸爲波濤終古此熬煎
怒氣橫中流賁育不敢前造物多不平險乃歸山川

軸翻江倒流一鏹走青天竒態紛百出意匠若爲傳
山水遇竒人幽靈始一宣

由圭峯歷蒲澗作

茲山信竒秀律光中天峙丹梯鬱盤紆巖巒廻清闕
赤日吐大江朝霞共明媚半空出樓閣隱隱宿雪際
六月涼颺生冷然透衣袂攀蘿鳥道長漱石泉聲細
中嶺出層霄度者如磨磴一逕轉幽深千流漚清泚
臨流擷澗蒲荷鋤斲石髓須臾日就頽明滅林光霽
策杖還故山偶與高僧值茗分石竇泉飯索香厨米

因耽一日閒恍焉忘人世

醉中書事

處世如浮萍大都無不可昨日與今朝頭顱漸非我
有酒不肯醉坐惜流光過何來美少年娉婷復婀娜
下馬闖柴扉長揖當堦坐中厨出濁醪薦以秋園果
一觴復一酌頽然白日墮客子殊未闌主人已高臥

卽事

初月澹微明寒風莽迴薄端居不自好呼朋走東郭
同遊有童冠步履亦參錯周折歷紆途憑凌陟層嶠

峩峩百尺臺中有讀書閣古堂絕瀟灑長檠罩翠幙
有美共聯翩狂吟間浪謔城頭更漏深半下葦蕪鑰
送送出城闈還訂復還約黑雲彌四山驟雨天邊落
欲留不可留欲去行且卻屏憩石橋陰高談共商畧
隣翁借餘照瓜果隨意剝須臾雨色收廣陌淨如濯
攜手踏歌還褰裳復濡脚八門雨復滋空齋轉蕭索
呼童更舊衣茗茗進一杓終宵不成寐懸燈照屋角

上林明府

單父奏鳴琴東阿鑄耕器絃歌叶雅化檐泊襄上理

我侯清廟材治行洵可儼游刃餘盤錯揮斤恢體髀
恩覃海筮權績奏彤廷最 聖主繁縈綬輿情周眷
注披雲僊鳥還攬轡朱輪駐忻茲被和風噓拂甘棠
樹

重遊西山

迴車遵廣術重眺西山麓古臺絕瀟灑晴景恣遐矚
穿雲俯危磴疊石架幽屋鳴蟬號枯林餘響裊相續
冥心百慮遣游目千態足日影澹林坳前岡聞伐木
經綠護屏陳公甫先生讀書處

青山圍碧玉中有讀書臺頽垣鞠艸莽伊人安在哉
唯餘山丹樹花落點蒼苔

將出京上大座師張子中魏肖中二先生

希世無長畧挾策干明時時髦應景運迂薄疇見知
僕徒理裝具言與京邑辭倦鳥思安巢遙遙戀南枝
豈不懷初服眊昧屬恩私誓將策駑劣報德以爲期
途中卽事

紅塵匝地起白日何濛濛驕馬東西馳徒御不可踪
長安道如絃而我泣途窮行行遵廣術卽次已聞鐘

故人具鷄黍尊酒何從容爲權自一時嘆息北征蓬

其二

燕山環海甸金河日夜流北地多奇寒春條莽未抽
眷言懷故土立馬此夷猶昔來霜始降今去冰解膠
如何奄忽間坐使時運適古人愛景光樹德乃良疇

登濟上酒樓

謫仙本沉冥季真亦蕭爽羃名供奉班浪跡鑑湖長
縱酒全天真論詩契予朗乘興非夙期間值或偕往
金龜時自解宮袍醉相傍茲地留芳蹤懷古愜遐想

兀兀孤城間危樓自高敞

其二

濟上有酒樓醉仙像在茲我來一瞻拜悵矣不同時
孤城臨孔道處處颺青旗當時賀李輩偶此泛金卮
後人表芳躅就地構魏祠因悟賢達徒所過留音徽
方其混酒壓悠悠孰見知飲者甬其名斯語信戲辭
江上有懷舍弟文度

翔禽應候鳴柔芳變時條自予徂京邑悠悠歲運交
離萍戀本根羈獸求匹曹如何連枝親形影滯江臯

其二

江臯洵難越烟濤復崩奔宵行倦睇覽夜宿驚營魂
豈不同枝體莽莽異寒溫幸果還山諾爲歡在晤言

其三

晤言能幾時朱陸變子陰翳翳匪頽景械械就衰林
牽世羅區累懷古有遐心引領翹芳訊冥淚遺飛沈

其四

飛沈杳無象紛復攪余思池草旣漫披園柳亦鬢垂
緬茲勞夢魂予賞愜心期長懷強中詠菲薄不可追

爲園

靡蕪日以青楓橘日以黃柑柿與紅梨長條飽德霜
嫩蕊不禁寒移之植中堂有客遠方來嘉卉勤相將
寧知物有性終不改其常嚴風動地來身上無完裳
但謂機中人好好理蠶桑

江行夜泊

涉川振遐檝遵坎沿脩渚江勢拍鴻濛盪漾摩天宇
蔽日下千艘逗浪危帆阻遡流艤圻岸投篙側浦激
辨火知漁舟依依泊孤嶼風汎菰蒲偃擢觸鳧鷺舉

沙際見遙村烟中聞夜語水族紛回詭波光澹來去
戒徒念屢切信履道無沮因書成短謔庶用勞同旅

江行曉發

宵行憚昏晦迅邁及崇朝孤月媚中川殘星纏奔濤
中流澹容與投策沒輕篙鼓柁泝馮夷挂席屬招搖
初日照粉榆流影披林臯陰崖發紫芝陽陸燦紅桃
川陵徑迴複歷邑互周遭欣茲屆歸期云與初願交
紆思把瑤翰陶然命濁醪排悶謝懷土無營神已游

過牛渚温太真然犀處

一作過牛渚

地岫滔東溟天傾蕩南紀混沌想初闢微茫天爲理
元氣互吐欲誰能測終始水族並流形萬象紛呈詭
鮫室胡局閉龍宮孰造址坤元何糾軋真采或韜閔
茲理自茫茫笑彼然犀子

陪王老師鳴山宴集得地字

雲壑鬱芊綿瑤林聳蒼翠冠蓋盛遨遊良辰愜勝地
巖際張華組花前驅小隊鳥啼山籟寂鶴舞松陰碎
輕霞檻外浮落蓋杯中墜閒聽單父琴蹙輟東山妓
相看倒接籬宛似習池醉

傷逝

奔湍寧駐壑頽雲豈歸山眷我室中人一逝永無還
結髮事中閨柔嘉靜且閒冰操亮爲矢服約志所歡
漫云沾薄祿與爾共歲寒萬里赴燕臺執手涕汎瀾
窮途思比翼中道忽摧殘生平一寸心付此七尺棺
丈夫雖剛腸坐感百憂攢卽事猶可了循念始難安

其二

候續良已窅叩音亦云寂昔日深閨人今爲泉下客
芳華猶未歇零露忽成夕重衿結羅襦珍重藏遺魄

黃腸一以掩百年不復覩欲掩還踟躕臨訣重悽惻

其三

儀牀虛自設靈爽亦何之佇立望空幃惓惓來何遲
警欬如可卽長寐乃于茲撫棺寂不聞慟擗復逾時
痛定還嘿嘿咄嗟此情癡

其四

嫵婉倏已捐室廬亦蕪漫遺器經手澤狼籍任漂散
束素妥冥魂虛位陳遺玩鏡臺永謝影蕙草空依幔
淒淒風動壁沉沉秋方晏盤餐徒在茲無人來舉案

其五

悲風從何來流響度長廊靜聆怯營魂潛身歸洞房
蘭缸猶未滅黯淡杳無光觸物易縈緒憂來詎有方
殘梳積埃塵顛倒亂衣裳鍼刺存篋笥刀尺委巾箱
高壁留遺掛香奩卸舊粧緘封時一覲紆迴自付量
彌戀知無益棄置復難忘

對庭樹

不見室中人空對庭前樹庭樹發新葩攀條人已故
荒苔封舊逕猶記遊行所幽禽亦何知兩兩花間語

閒館書懷

單居寡懽棕含悽卽空館瑤葉久絕御架上殘書亂
愁緒紛無次據案漫捉管對影憐影隻約帶減腰半
怳怳坐如馳一夕鬢髮換

撥悶

悼往事已延綿思耿如昨門檻亦灑掃香閨仍封鑰
流塵結綺窓蛛絲罨羅幕燕歸舊巢空蜂度餘花落
悟彼芳景徂如何不歡謔冥心謝區累達生庶可託

悲永日

滯緒已愒愒遲景倦方永誰云酒破愁愁來復難整
虛檻颯廻颺蕭條山閣靜几案儼遺翰丹青幻留影
對此還如夢悟來方一省

行家園

端居曠時序誰憐偕隱心園廬一經涉謹晤永沉沉
昔時手種樹槭槭欲成陰後來誰攀折嘆息思難任

經外家

來過故人宅不見故時人庭卉猶含綠蕭條空復春
憶昔同拜慶花下列文茵蒼苔留芳躅閒堦想襪塵

猶餘懽賞地坐此張佳辰時芳宛如昨翻令人意新

對月

秋宇何寥廓澹宕來輕颺皓月流空庭清光鑒薄幃
坐攬方盈抱遲迴不在茲逾懷平生歡延睇獨移時

秋夜

重纊亦不暖輾轉對空房誰謂百年促偏令此夜長
白露塗前除崇蘭委令芳端居獨無偶坐惜此時光

營墓

東郊卜隱地今爲埋玉墳淒涼一坏土芳艸無冬春

會當同燕寢歲月尚逡巡松楸手自植爲爾表貞珉
重泉尙虛左旦暮誰爲親百年鼎鼎流嗟此暫時人
苦雨東陳憲副吳山人

終宵苦淫潦簷溜如傾益澤國成沮洳蕭齋更颯爽
人簾訝浙瀝迸堦條沈澆諦聽耳目駭靜憇營魂况
推枕不成夢端居紆閒想撥爐香已燼挑燈焰不朗
奔雷時一吼劃電光相盪避濕徒藜床張帷護書幌
紙窓任模糊木屏恣偃仰枝了驚果墜林欹攪葉響
傍砌移盤丹當堦決淤壤懷人在城闌如隔東西瀼

青尊時自把子言誰共獎安得桃葉舟移泊荷花蕩
吳非熊同梁伯靜過訪山齋分得裏字

柴門日夕扃委巷謝塵軌自非素心人尋幽曷至此
晤言無俗韻酬對絕繁禮間庭縱遐翫班坐周苔屺
山厨任簡率狼藉置盃七香脆剪秋尊寒日剖霜柿
頽陽下夕陰茶烟在竹裏

過非熊館問病同楊亦琳

周南豈留滯文園聊卧疾閤館肅沉沉殘架卷書帙
窓隙逗流光晶熒見朝日宵眠鄉夢餘晨起梳頭畢

芝檢秘丹方石鑄養苓朮羈居寡塵縈寢坐興非一
淵明既止酒維摩亦持律北戶來輕颺負暄對捫蝨
閒齋對雨同吳非熊作

涼雨滴未收微陽復放景爍葉助澄鮮連山帶遠淨
况此對知心蕭然發清興返照猶在壁新月出林頂
笋輿喚不來念子歸途濶

喜非熊再訪

乘興非夙期園林恣游詣何須驚剝啄荆扉任啓閉
蕭齋午夢餘對客尙蒙袂愛此盤石閒裊裊蔭叢篁

商風攪林木糾幹互相摠語長觴可命坐久看一繼
何處有清音高柳兮蟬嘒

重過非熊館

金風雖零露園林尙葱蔚以我過從數諒子羈懷慰
窓隙挂蠨蛸墻隈啼絡緯中坐有餘清茶烟鼎初沸

將北征書示同志

夙昔綜文苑委志赴明時姓名誤通籍六載乃于茲
栖遲兩遭別抱璞翻自疑投策返故林開逕剪茆茨
容膝諒可安寧復較崇庠北窓納遠岫南榮列秀蕤

幽谷變時禽芳塘漾碧漪對此欣有悟偃息忘其疲
倦鳥思安巢豈不戀舊枝云胡牽遠役行與家山辭
雲蘿恰相戀猿鶴有餘悲登堂慰慈母且復念羣兒
中饋久無人寒燠誰當知童僕三五輩各各顧其私
居者自爲歡行者慘不怡殘書粗檢點棊劍莽無姿
敝絮足禦寒裋褐固其宜曰余嬰世網業已謝耘耔
千世非長畧征途杳何之自咤還自哂書爲同調貽
送舍弟應試

送舍弟應試

少年識事淺所志學干祿雖誤點賢書不飽侏儒粟

子嘗奮脩翎余亦理征軸薄技倘一售還山藝松竹
送吳非熊還新安

曰余抱微尚息影卧邱樊託交在文翰投契比金蘭
晚得吳非熊使我吐肺肝芳詞郁春蕙素波揚清瀾
高齋嘯咏餘澹語皆成懽蘿逕莽森羽修竹蔭檀欒
夜寢連襟稠晨興共盤餐良晤方在茲胡令別緒攢
余將遊燕市子言歸故山故山邈以遠廣川間層巒
疲策憚脩坂頽顏鑒逝湍風波已倦涉况乃歲時殫
脾衰妨旅食形怯訝衣單行囊正蕭條歸夢徒盤桓

送君從此去關河杳漫漫還山餌芝朮洞中日月寬
見郊外掩骼慨然有賦示同社諸子

惻惻睇崇岡遲遲遵古路不知何人骨何年飽霜露
撐拄亂如麻填委半新故蟠坭穴螿蛄帶齒飼狐兔
蛻殘不辨形棺朽空留蠹衾賸久已縻頂趾紛異處
輕輕似解籜栩栩如墮羽白經野燒燔青含宿草互
風雨洗膾穢塵沙蝕垢污荒涼誰是主狼藉那能數
飛鳥慘不鳴行人却且顧衣殮有遺言掩骼豈虛募
瓦棺恰蓋藏藁塚就安措生前異趨舍託體同邱墓

姓字原不諳寧復知生娶無碑可勒銘有墳不封樹
丁癸無定向壙域弛禁步立石祀土神牛羊任顛仆
杳杳青郊迥蕭蕭白楊暮巫陽詎可招冥漠誰當愬
前身已茫昧曷解辨冥趣且置蒙莊說枕體聊待寤
戲咏古翁仲

蹲蹲立兩旁寒暑罔移易既作巨人觀胡爲墓下役
窮泉永不晨徒留石人跡不知年代深暮雨空山碧
閒齋對月

夕陰忽已歛皓魄夜流明娟娟來媚人攬之有餘清

佇立望河漢不知霜露零羣動皆有息伊余獨何營
憐哭

但聞憐人哭未知哭者誰睠彼哭中人悲歡寧復知
聞者亦何關顧令心不怡振衣步前除中庭露下時

秋日同萬益之劉平子梁伯靜李世楨張嘉脩

舍弟文度登圭峯得北字

陽林半委蕤芳郊澹野色出郭面寒山泉流暗通洫
小橋石逕轉崗勢周紆直蘿深樵術微石碕雲磴仄
遙澗絕超距崇巘頓躋陟宛見長空外冥濛辨水域

同遊興飛翻余憇禪房息午鐘清夢殘香厨薦齋食
忻然聊一飽緩步雲崖側山花偏帶人山鳥如舊識
洞間陰飈生峯虧陽景匿蟬鳴谷籟幽魴躍潭光澁
浮觴汎瀑渟紀韻刊苔蝕清暉憺可娛宴坐移景刻
前山夕靄歛髣髴故蹊惑逢僧乞食歸導我過橋北
山中呈萬益之劉平子用平子韻

連崗逕廻復踰洞復深廣吐飲通元氣崢嶸摩僊掌
嵌空石乳垂注壑寒流瀆同遊有二仲俱抱煙霄想
崖欹裊自攀葛弱捫可上冷然發長嘯罡風來颯爽

青莎匝徑繁紅蓼沿谿長訪道憇松陰禮磬來方丈
禪關如可託於此契幽賞

贈萬益之

常聞靜者言澹泊栖精魂之子抱微尚抗志謝世樊
原無昏濁染安用漱靈根五岳遊其四九州何足論
察人洞腑臍擷草辨寒溫斷酒持清齋端居不立言
和光世可混抱冲道自存余懷方外踪於子情彌敦
贈劉平子

劉生伯倫裔沉冥亦耽酒飲可容數升其才有八斗

半酣濡墨瀋揮筆如掃帚清如風入篁細似絲抽藕
余本畸世人迂疎獨相耦晨遊袂必聯清夜門可叩
攤書曰滿床壓酒亦盈缶子來聊共斟且把新詩糾
同萬益之劉平子梁伯靜嘉薦侄出郭酌吳非

熊

出郭霜氣微孤邨澹斜陽依依聞隣遂我懷憐以愴
眷彼同心人胡爲委山崗海國三千里遊魂歸路長
入門不見人但見此黃腸旅葵蔓荒堦枯蘚上頽牆
思子平生歡微吟暗自傷蔬盤羅野筴且復薦壺觴

放聲聊一哭掩袂出長廊

春日答何文起見懷

韶景延初霽晨曦燦中林未測西林裡春華幾許深
陽陂擢新黃幽谷嘽鳴禽流輝如曳練興霞似卓簪
惻惻歲光邁悠悠戀賞音豈不眷西臯軫念滯愁霖
故人枉惠好投我懷春吟以彼辛栖想憐余畸世心
勁翮知投薄脩鱗思泳濔嚶鳴自有感長謠報斷金
和平子寄宿中林

只在此林廬同歡不同宿書聲近相聞得句還相續

涼雨澹幽軒宵吟恆達旭晨興理盥櫛散慮恣遐矚
葉光鑒初影房櫳靄新綠池魚弄淺漪谷鳥啼深竹
耳目既無營舒散任童僕入林雖未深喜無往來躅

月上

前山白一點林木未分曉涼露濯素輝薄雲承初照
虛壁乍流光隔簾看尚宵

溪館夜坐

空堦草露泣乍聞涼雨滴不覺池流入潮痕添一尺
殘月印波光遙遙盪孤石風林葉一聲恍若有人跡

其二

開門無遠近淡漠孤烟生林光火乍迸短橋人獨行
衆鳥方歸息草蟲時一鳴溪流雜雨响斷續間疎更

其三

野竹亂無次昏鷓栖不定燈寒四壁青坐久春衣冷
紛慮忽以閒微醒亦初醒榻畔來疎鐘冷然發空警

其四

人語稍停喧夜作猶未歇隔浦懸疎燈斜照疎林月
清溪漫以漲衣荇近可掇凌波望若空孤光去復沒

遊通天巖

團團俯衆岫巖巒巒夏菑峭鑿磴曲盤空沿溪共繚繞
陰壁炫霞光殘林間疎照始入洞如迷屢窮勝未了
居然一壑尊俯攬衆岫小潦倒石疑崩撐雲復夭矯
一嶺千重巖千巖千佛遶隨相露莊嚴因勢藏窈窕
初作洞間觀轉疑入冥窅箭括微通天攀捫出象表
如來丈六軀蹲立雲峯渺天龍周擁護獅象莽奔跳
遐哉開闢初洵矣良工妙蒼崖題字遍閱人知多少
雲蓋石層層倒卓蓮花嫋孤高難久立注視營魂掉

寒蘿纒一憇循逕出松杪石龕聞鐘聲餘响咽虛竅
陽光漸匿景陰颯來悄悄清境戀遐搜疲力阻延眺
斲與山靈辭後期還杳杳

遊滴水巖

恠底茲山竒而無泉與潭山僧聆我言指我滴水巖
捫蘿纒一上片石亦嶄嶄旣無瀑布噴亦非水鏡涵
石面微沾潤點滴纒二二手接不盈掬舌飴有微甘
借問僧徒衆何以救渴饒山僧笑不言引我度粗藍
香厨間石壁暗用竹筴探青澗瀉無聲沄沄注虛壘
壘下疏清渠餘流分遶龕霖暎無增減冬夏常湛湛
酌我香鉢盃令我解煩悒始疑造物私旋悟智者耽
涓涓成江河斯語匪虛談

遊忘歸巖

茲巖號忘歸我是懷歸客于焉展芳遊忻賞迨晨夕
前峯登陟倦來就巖際息石梁架丹嶺蜿蜿蒼龍脊
琳宇摩穹霄陰房透地脉恍疑仙子居塵凡通一隙
乍闖已飛騰旋入轉警悟歆崖倒欲垂箭光忽注射
窈窕壁留颯砰砒籟生鳥却疑鼠鬪穴翻似鯨穿積

窮崖別有天頓與前境隔蒙茸綴澗花恠嶮露巉石
靈蹟既韜秘遊人遂克斥虛亭占絕巘恰可布筵席
山影搖深盃夕陽對岸憤尊罍漸以罄僕馬頻催逼
聊舒一日悰悵矣牽緣役

洞口僧房

洞口莽迴複石逕亦盤紆茆茨藏山腹云是老僧居
問僧何名氏住山幾臈餘歲月渾不記暗想結茆初
簷樹高於屋草長沒堦除自來此山住迥與世人疎
下山爲汲水入園爲摘蔬同在山中人不到老僧廬

莊家

林裏桔槔懸伊伊輓轆響郊原雨尙稀車水灌蔬壤
崩塘差補葺預防春潦漲菜甲已破坭魚苗亦吹浪
鄰里助辛勤樽酒相遺餉鉗盜幸餘儲牛羊漸壯旺
生事泊無憂開懷且盡量

莊田僧舍

山僧不住山莊上結茆屋川原新雨過處處啼布穀
農家春事忙曉出驅黃犢蔓草偃荆扉山僧還獨宿
過東華舊寺訪凌空上人不遇因贈御空上人

溪邊尋古院迢迢向草萊微雨洒郊垆禪扉傍曉開
山僧不相識借問客何來十年重到此殿宇委塵埃
補葺成新構非復故亭臺却覓臨池處僧指沙礫堆
留題壁已沒空想舊莓苔高基半就夷窪澗積鬼鬼
因悟世界浮還將陵谷推隨訊主院僧荅言往天台
門徒亦星散客至若爲陪香飯供蒲筍破例歎良醅
嘿嘿自縈抱開懷且盡盃

遊興隆庵

斷磧絕行逕石溜崩湍瀉盤山幾轉深竹院殊疎野
雲壑藏諸天鬼鬼構廣廈遊人占畫橋山僧閉蘭若
攤經尙未收晒衲古廊下

遊觀音巖

陡絕一懸崖躋攀斷雲術却從烟際渡如搗龜鼉窟
洞口出波心縈堦琢山骨捫摩石壓面登頓頭低膝
礧絕施層棧厓巉引脩綵繚繞蝸旋殼高庳螿封埴
詭幻非一態竒嶮難具悉行人去窅窅忽訝半空出
大士跌蓮花慈容照慧日陽鏗漏天光陰竇秘泉滴
礙石過雲遲飄帆轉溜疾躡景忽如馳回睇惘若失

清遊難久戀靈蹟洵無匹

新置斗室顏曰不住庵因紀以詩

雙脚似轉蓬如何得暫住我身隨脚轉欵若空中霧
何況身外居亦復等行路新置一間房副以常供具
何須用此房如行小歇步竹簾和木榻茶鐺并酒瓠
草草畧完整一一就安厝坳池滯積水小有濠濮趣
盆魚四五頭時花兩三樹我來粗灑掃我去斲扁錮
不借俗人居牆壁忌沾污不用家童守無甚可將護
辟如解絲鳥豈必戀空筴以我幻來身權寄蘧蘆寓

取名不住庵庵非常佳故

訪盧一清次其見贈韻

夕靄澹城陰尋君到水石門外新潮漲瀾漫迸堦入
爽然衝宇清棊書散幽寂庭檜留輕颺恰與炎歊敵
賓朋旣數過雅韻時相及閒拈壁上題雌黃任胸臆
境闕夏如秋陰虫已唧唧煙裏聞歌聲漁燈泊沙脊

荅贈高斗仲學博

我有一素棊寥寥韻在茲緬懷鍾子期惜我不同時
流泉封玉匣清響爲誰揮高涼有韻士雄情太古姿

大雅振洪音明堂奏清夷顧我爨下質冷然慙心知
爲君重拂拭長鳴安敢辭膠漆亮不渝永言嗣夙徽
登漱流石弔朱少貞處士

衆山忽皆響泠泠激石音何年寺飛來石乃遺至今
幻蹟半明昧靈氣無銷沉不見漱流人空聞石上吟
流水自千古登臨誰晤心日暝孤猿噪淒寒不可任
別後寄龍門張明府

停雲在何處渺渺天一隅龍門百尺浪高高不可踰
欲附長風翼路遠不我需忼慨臨江干我懷正鬱紆

古人感知已不惜捐其軀平生國士心欲報將焉如
願言流景鑠千秋竹帛垂緘書託來鴻聊以蔽余思
重九登高

山期不約同九九敦嘉節茲辰雖云邁時芳尙可悅
薄言展燕遊權賞偕時詰冠履旣駢鞅尊壘亦互挈
崇岡纔登踐遂乃凌巖業孤亭踞其勝空翠若可擷
苔石墮所據區豆離離列風蘿入盃影菊蕊亦紛綴
遊情竟日晡猿鳥助清切餘花插帽簷歸路穿松埡

輿夢

破夢登籃輿輿中成一夢形神恍不交微息寄人踵
低昂與之俱方酣忽一動視聽兩參差魂飄體亦縱
零亂少成章癡人說何用

塵浪

輿行塵浪中有如江上船長風吹沙立白埃漫蒼天
油幕隨飄蓬肩趾失其權平坡亦登頓十步九翻顛
借憇古樹陰枝攬輓如綿疲役思投止青野斷人煙
殷勤慰僕御儘力更推延

卽次

酸風射眸子塵堞莽迷離遙聞犬吠聲行近見茆茨
主人揖客入不暇交言辭衣裘剛抖擻沙礫上髣髴
倦馬向櫪鳴童僕亦苦疲權迂一日程卽次暫于茲

遷館

久假而不歸烏知非我室千金重卜隣况乃連兄姪
以此爲因依周旋日已密侍兒知花性權令司紙筆
頻來藉花茵琴尊間編帙或往叩鄰扉胡牀歡促膝
一年週一遷光景流波疾芘身久仰人茫茫余自失
物貴返厥初旭日行當出圖書歸舊厨几案留淨室

庭木醉霜華朱柿與黃橘人禽競扳窺呵護從此畢
我身等蘧蘆寧暇兒女恤謝主兼別僞返鑰仍封鑄
暑甚呼童取車幃障日色戲咏

油碧作車幃周遭八九尺向來御霜霰今以頓高壁
燕京六月天驕陽酷了得炎埃捲白濤地作龜文坼
行渴望智井無蔭可憩息居人憚種樹蚊蚋之所宅
炎暑尙可那蚊蚋嘴太螫停午火輪飛家家匿簷隙
庭廡下布簾聊以遮日炙間有縛高棚紉箔編叢荻
余居僦委巷蝸廬矮且窄欲作棚箔遮千錢亦可惜

猛然思敞幃堪與驕陽敵先乃撒埃塵次以清泉滌
懸梯上屋牙施繩垂兩纒展開琉璃幔恰恰當甌甌
洞戶散鬱蒸兼豁疏櫺格砌除屏諸有紺綠搖空碧
迴風捲翠旗似洒蕉窓色又如行風濤布帆飽半席
熱惱想頓蠲興居隨以適南海蒲葵扇湘潭斑竹席
几席雖不良指抹淨如拭筆研差不惡副以竒書籍
平頭持秃帚掃滅蒼蠅跡倦來枕書臥興或弄筆墨
以此閒功課頽陽易向夕縱非羲皇侶權謝襍穢客

九日區彥斯昆玉置酒黃雲山宴集余不終席

去尋得貽詩輒有此荅

公子敬邀客鮮服盛遨遊
 遊遊叶佳節爽然挹清秋
 晴天斂微雲空壑野煙收
 軒蓋臨廣陌華筵敞崇邱
 張祖披林臯移觴泛曲流
 山厨出桂醕列俎薦瓊羞
 流連展謹誥洵美非余儔
 抗手謝徒侶回鑣遵道周
 良朋眷清睇顧我不可留
 沉吟逸響發結念靈思抽
 耽寂多違豫思離常軫憂
 興言申斯詠庶以敦好仇

送蔣伯瑞遊北雍

金飈肅桂宇噉噉征鴻呼
 之子事遠遊馬首徭川塗

計程八千里抵役在帝都
 帝都何巨鹿九域十二衢
 東閣羅英髦西崑儲圖書
 觀光來上國策名在修途
 大鵬負六翮安能戀枌榆
 浮沉各異尚何以慰區區
 願言崇令德愛子千金軀

讀說命三篇有感

一木支大厦梁棟奠弘基
 從來師濟輩弼亮為先資
 維帝錫良弼陟野彰容儀
 誰知版築人儼然帝者師
 金礪木從繩濟川調鼎彝
 煌煌三命篇對揚乃在茲
 覽編三歎息千古渺難追
 白駒匪無良帝賚此其時

雜懷

羈獸走索羣離禽戀儔匹以茲蓬藿心欽子蕙蘭質
雄談駮今古高誼薄雲日何以表余衷以膠投于漆

其二

世途多陷缺傾覆有千端悠悠復悠悠貧交古所難
蒼蠅施點綴白壁滋其盤素心苟不渝相視但忘言

其三

西方有一鳥五色美而都非鴻亦非鵠曰鳳乃其雛
羣鴉甘腐鼠嚇嚇競噪呼相將厲六翮一舉凌天衢

其四

屏古謝塵營委志事文藝一語破鴻濛便欲當吾世
名山無改移金石有刊敝落落千秋情伊誰得深諦

其五

鷺百不如鴉于人亦復然一人是知己胡用客三千
悠悠行路間涼炎迭爲權去去勿復道索居且自全

其六

豈無綠綺琴塵埃不復理拂拭向君彈泠然中宮徵
古有鍾子期斯人今已矣抱琴試問君高山定流水

其七

峩峩百尺臺高高與雲齊中有千仞松颯颯凌丹梯
清夜不能寐攬衣步空階徘徊復徘徊皓月照蒼崖

其八

方舟泝淺流息櫂臨河岸深雨洒輕颺滴滴珠光亂
薄言采芡芷聊以恣燕婉盈盈衣帶水一望肝腸斷

其九

翩翩誰家子玉勒青驄馬經過大道旁鮮服都而冶
盃酒矜豪雄顏色輕相假而我獨閒居閉戶寒窓下

其十

少年學書劍老大無成名黃金結客盡白眼遞相輕
薄有盈尊酒與子話寒盟一斟復一酌悠悠見平生
走筆荅蔣懋功見邀

平生不飲酒三酌卽頽然有時傾一石白眼望青天
濁醪有妙理可以對少年公子雅敬客高館張華筵
玉盤貯霜蕤朶朶壓金錢殷勤枉惠好飛翰灑瑤箋
但能對綠螳我來甕底眠

晚步

端居不自好散步出城闈偶然適相值俱是意中人
交談未及畢坦率露清真寒雲彌江干中天月一輪
徘徊不忍別各各戀情親

調諸子 鄧山人

山人少機心語嘿忒胸臆木盤盛青蕉擎出當街食
雙鬢影淒淒皓月與之白放浪少年間乃自得其得

陳生

陳生工西看灣灣似新月每對月華生憂心以悒悒
離家將一載思家無斷絕何日大刀頭相看圓又缺

麥道人

麥生頗好道時時茹青齋雖然不吃酒却看太常妻
有琴不會彈摩娑愜巧懷諾諾復爾爾油油與之偕

梁生

梁生破素產佔俸學爲儒間爲人卜地母乃飢所驅
策杖凌高巔猿猱也不如得錢不作活時時收古書

楊生

楊生雅可親呐呐不出口含笑當百言逢人却且走
一片少年心誓死不相負那知末路交雨雲翻覆手

蔣生

矯矯蔣生郎微尚差不俗千金買阿嬌貯之黃金屋
時時屏之去曰毋溷我目獨呼小奚童案頭展書讀
嘉薦姪

阿薦固善貧厥性寡所諧時時傾綠醕頓頓噉青蔬
胡不放兩眉跌宕恣心懷有酒醉便得無錢使亦佳
送菊蔣懋功

金葩耀素節的皜吐竒姿絢雲被灼灼溥露宛垂垂
對此娛芳辰眷言贈故知朝薦君子堂百卉競歲蕤
寧知歲寒心忻賞必于茲

周明府席中賦贈

使君昔朝天鳧影傍雲翔今日瞻雙鳧還集舊河陽
河陽千萬戶處處沾化雨仙萼被華陰映帶甘棠樹
樹影何離離偏縈去日思居人嚴呵護父老望旌旗
使君褰帷入甘雨隨車濕冠蓋夾轂迎吏人捧案立
吏散官衙清瑤琴拂匣鳴冷然發新韻彷彿舊清聲
聲清何瀏瀏疑是南薰奏一彈氛埃滌再彈民物阜
願君理此曲長奏南風前更以獻明廷 天子壽萬

年

生日

今辰復何辰杪秋月既望三十三年前此時吾以降
流光倏如駛畢竟成何狀去日已悠悠來者亦莽莽
酌酒以懽懷頽然且自放

古瓦盆

茲物誰知貴沙土埏埴成既無瓌異姿了不殊衆形
爲器充庖廂受水同瓶罍幸不遭毀殘猶然保堅貞
年深貌質故摩久剝廉稜黯如入土色叩作蔓木聲

同塵受涅緇止水湛澄泓清可鑒毛髮澹能怡野情
卽此已可愛玩弄幽意生

題松泉雅適巷

泠泠百丈泉迸流穿石罅上有千仞松盤拏互相亞
寒飈六月起驚濤莽崩瀉龍鱗珠霧噴塵尾箭波射
葱鬱似含春清涼可消暑閼巖竇深靚懸磴絕瀟酒
蘭楮支杏梁縹緲連雲架藥臼倚松根茶寮當竹下
石几淨無塵丹書研露寫苔印芒履滑枝礙羅巾絰
觀世得沉冥寄懷任騷雅名利兩蝸牛乾坤一指馬

言從靜者居請息俗士駕

別韓孟郁

夙昔奉君子妙言契金蘭
摘文奮逸藻絕景躡高壇
大雅久沉冥淪代在其間
竦身赴瑤池接翮汎清瀾
云胡中道乖臨風戢飛翰
羽毛正催頽文采失爛斑
流波逝東海卷蓬沒西山
軫念屬睽違何由展話言
京洛盛遨遊鮮服簪華冠
傲裘履霜雪誰憐范叔寒
豈無綠綺琴知音久不彈
因風揚妙曲泠泠中肺肝
呀貴心不渝毋令積思攢

端午舟中述懷

凌冬辭鄉邑盛夏滯京師
戒途理舟楫行行赴郊圻
水宿淹宵晨我思如渴飢
江流汨滔天逆浪愆還期
况及陶嘉節悵焉念舊畿
遊子自有懷明發心不怡
哀哀我二人何由見容儀
揆辰雙諱屆旬日乃于茲
沿流擷芳芷欲薦不能持
彌恨亘終天悠悠當告誰
懷祿既不逮浮名空爾爲
誓將理素業儘餉耕東菑

課圃

構室鄰榛莽爲園亦于茲
詎云久不窺荒蔓良易滋

禽魚習主嬾花睡亦無時念我當遠行灌鉏應屬誰
疏畦剛揀礫刪冗斲披枝先乃去其甚餘亦以次爲
室廬衆共處偏我獨園私寧爲圃場植草木養閒姿
人情狎故昵厭每生干離顧我爲園心去住罔問之
刺刺語園子童亦笑予癡

元旦卽事

聞鷄未覺曉辨色始知旦譙樓鼓一聲驚起晨鴉散
牆隈爆竹响屋角歲燈燦門前已戒御中厨方進盥
羅衣卸舊塵榆火試新爨望門投空刺東里復西閑
躑躅衢巷窄楚楚冠裳煥兒童慶歲添老大祝遐算
日月雙跳丸暗把流光彈

題梁伯靜空壁

山人不近山一屨還近市柴門日掩開市聲不到耳
空壁何所有一榻而已矣舉案對山妻挾書授兒子

胭脂花

幽林有蔓卉香色亦纖新縮髻能增艷和鉛可點唇
空空寧用此聊藉綴苔茵

陳憲副招同吳非熊集大雲寺分得懷字

時有歌妓

觴侑

黝壑莽迴互紺宇藏其厓金風度檐鈴墮葉滿庭階
夙負雲林想茲忻朋好偕紆迴歷郊垌登踐窮幽崖
香厨戒衲子促席喚歌娃徐傾北海罍復嗽太常齋
竹戛砒聲碎風迴舞袖徘徊入雲磬最出谷鳥喙喙
草色偏縈袂苔文欲印鞋剝蘚看殘碣窺林拾墮釵
延賞借懽棕沉唵叶所懷山靄晚逾翠秋容望轉佳
林翳光忽暝露泣徑深窈歸路忘其疲暮雨糝長街

金粟泉 以下浮槎艸

諸天空際浮海水周其外顥氣吹鴻濛天水相映帶
荷葉漾珠光泓碧在深靄渟渚不見流衆酌任所丐
海味攪鹽汁一點如甘露空洞何吐茹香粟噴金瀨
仙葩不依凡著土僅芽蒂冥心觀物始茲理曷茫昧
天風吹海濤衆靈莽奔會冷然毛骨清三酌營魂怖

白龍泉

毒龍所止處水必渾以腥茲泉名白龍水味何清泠
澄澄鑒毛髮龍曷遁其形陰風時怒號微吟或可聽
川脉發神光尤物藉其靈白龍化爲人魚服昔焉經

何必家于水後人贅以亭我來酌斯泉醉荷不肯醒
龍乎亦來不視之如堰蜓

東坡井

顏城數眼井井井號東坡坡仙若不來其如此水何
點嘗任去取水味亦靡它舌本失其據耳與口傳訛
白龍與金粟兼此無乃多圖經爭不定碑碣空嵯峨
品藻生風雲棄置則巖阿世人夢不醒徒爲雙井魔

天寧寺

馳道夾柳陰暝風吹冽冽筍輿踏山影嵐重炬難徹
初日發海光白處天疑缺俄而諸天霽羣象燦可閱
明明蛟蜃宮宰堵鰲背予何物鎮山門如來石所鑿
其石滑如脂其音清以越僧以挺來試禁之母乃褻
云自海藏來洵與震旦別法鼓冶以金鏤文細似纈
冥思浩劫因捫摸證石碣天水共荒唐難憑老衲說
我欲紀異聞咄哉緘其舌

題五里亭禪室

勞勞五里亭禪關亦在茲往來冠蓋人駐馬蹙經時
輪蹄紛雜還供張錯路岐塵勞遍大地佛力津梁疲

我來登法堂拈花一問之苦海幾由旬塵海亦如斯
睠茲塵界人彼岸到何期

重過黃氏園訪影九

翳然一林水蒲稗相因依昔我屆春遊涉夏轉芳菲
宿雨滄衆澮池痕漫以肥蘿竹爭空堦灌莽司垣扉
人影交濕光深碧在中衣薄日照難徹紺綠蒼成圍
境寂蟲逾武人閒鳥息機蛙响競中夜到午力稍微
一爲攤書坐散慮憺忘歸

次荅友人池館閒步見懷

秋光盪人懷霽景媚澄池况乃琴書暇水木憺多思
因病謝朋侶行行鷗鷺隨閒寂見成感羈閒多生悲
忽聽夕蟬噪悵焉戀別離豈無攜手好要非心所私
同爲異鄉人聚散天之涯大海宵以深萍槎安可期
惻惻緘中情毋令魚鳥知

聞蟬

露蟲動秋感切切號枯林一聲聲斷續沁入離人心
寥韻發空谷餘響曳牆陰掩抑知情重紆回覺思沉
此時方靜嘿况復聞城砧

別王堯韭

牆東王居士傲骨凌千秋手持七寸管旁無作者流
胸既破萬卷目亦橫九州豈學醯鷄儒但爲妻子謀
淡香然古爐白茗點瓷甌有時對韻士枯桐與紋楸
品卉商瓶史移泉問水郵空館聽蛙鳴高樹聆禽啾
片語證無生蓮花上上頭離合海中萍愴焉歲已周
天水憺空迥浩思方悠悠

題熙東姪園館

市居厭煩囂山栖訝岑寂惟此半畝園可以恣吾適

遠可攬溪山近不越籬壁周垣綴牡蠣甃壇斲方石
庭廡不必寬胡牀只數尺中間列圖書兼以置琴奕
盆魚畜數頭時花隨意植充園有鷄豚良醞儲庖廩
佳朋過卽留客散掩關息從容理編帙興至弄筆墨
何必問舍田謀道卽謀食我有一小園亦有耽書癖
其奈尊常空賓至無顏色爾今食稍饒可以延嘉客
擁書對良朋此樂有何極

樹萱有感

以下可廬草

真憂不可忘憂是心頭草澆以淚淋漓培以思懊惱

向風頓發生離離不堪掃大地爲愁城播種遍穹昊
其根不可芟其葉不可槁誰云萬斛憂療以一莖草
家家人樹萱食萱如食稻忘憂是阿誰殷憂人易老
和蘇新男見贈草堂初成

鹿性走藪薄蟬吟翳高枝結茅依屏宇丹堊不復施
花間圍竹格引蔓疎離離短簷礙巾幘人室始一披
海風盪雨塵柳影莽參差就濕濬渠澗向隆登城基
北窓午夢甜直可傲軒羲開門逢大蘇把臂一遊之
琅琅矢嘉詠四座照摩尼瀹茗欵清言剪韭薦山卮

戲爲蠻語唵媪媯躍清池

木下廟

覲面相欺瞞山靈藏斜目石骨標迥雋地偏景亦縮
危橋鏗振策過盡巉山麓水石爭喧豗能豁耳根俗
沿岡踏陂衍步步蹻心足萬石忽奔騫共賒天一曲
溪迴石亦駐似攫還似伏膩葉交濕光脩藤緣老木
漸遠城市囂亦蔽炎州燠神據勝而霽陰風助肅肅
伏臘走兒女登薦刑鷄鶩草木貶幽竒溪山亦折福
踞石我沉冥披捫任童僕陽曦薄崦軌注光射山腹

遲景不可延訂我重來躅

再渡海紀夢和坡公行瓊儋間肩輿坐睡夢中
得句 以下和蘇草

長天帶遠水孤島浮于中風利揚半帆疾如箭離弓
環觀積氣周天水但一空靜然耳目內難以物理窮
慣來狎海若尙欲叩天翁噫氣起蘋末誰爲辨雌雄
潮何以應蚌草何以知風恟恍夢魂間耳畔聞鐸鐘
百幻肆以陳迭奏殊未終我時驟白鳳夾駕兩青童
照路一摩尼擎之以禿龍萬丈白毫光照耀紫金容

稽首奏玉墀繪天語難工丹書許我求三度訪龍宮
可廬經燬另構小苑因和東坡新居

祝融妬我廬幸宥垂楊影改築面南離舊構成新境
盤卉經燒殘劫灰同一屏月來竟入之轉覺虛堂永
槿籬芟枯枿得雨仍抽穎客來始一歎滄桑亦俄頃

和食檳榔

千桂撐雲幪着土沒其礎炎洲未是炎萬筵扇殘暑
丹粒結翠房似爲饑禽禦仙掌苞鳳卵葡萄垂馬乳
鮮食珍土人致遠藉蒸煮千艘與萬軸輪輓無停阻

嚙津一快喉暫嚼滓還吐味回橄欖甘亦帶蕨筍苦
發頰助顏酡點絳增唇嫵園旣擅素封利亦殖富賈
推垢兼破塊能以導爲補常殮等蔬稻藥用此些許
黎水涎帶醃腹痕似抱鼓惡風旋鬼輪時爲頭目侮
毒霧霽不開炎沙爍日午天施辟瘴丹厥效爲君數
勗哉浮海人眠餐力當努地產山海珍食譜難盡舉
惟有藥材慳以此助窮旅一錢買盈握昏暮求必與
南中藉享奢難爲北客語

和貧家靜掃地

瓊人不貨箒教童縛數頭貧家無長物堦淨竹脩脩
巧月到庭除偏能爲我留窓明地亦潔此樂安可媮
淨穢關至性如味別薰蕕士品亦如斯入室人焉度

和夜燒松明火

窮冬愴陰晦海氣交沍寒我無絳蠟炬斗帳圍紅鸞
樵人割松脂焚着青煙團瓊人輕沉檀嗅此如蒞蘭
覆瓦炷其煙收煤有一槃我聞龍香劑乃出松火殘
恨無和膠法棄置殊可歎良材貴有遇太息坐更闌

和糴米

饑鼠徙鄰家山僮赴米市雖傍海人居常餐少鮮味
頓頓摘青葵八口仰空地束帶不任鉏蔬食猶懷愧
遙望南橋坡青苗早抽穗縱乏豚蹄祝頗諳老農意
咏止酒

歡伯招我遊愁城域我止悲歡各有緣不落杯七裡
兩渡瓊海洋子身拋妻子中饋乏酒儲曷爲嘉賓喜
况乃逢俗賓投觴輒欲起強作解事言濁醪有妙理
知音不在絃得趣酒可已今我欲還山此瓢永棄矣
辟如鼠飲河豈必窺其涘懷哉阮步兵瓣香聊以祀

和浴罷

帽束滋頭垢眼昏忌腦沐惟此土木軀間日須一浴
一洗陰埃消陽明始來復蘭湯候温煦澆背徐濯腹
伸臂按其勝摩頂遂至足頽然四大蠲跣趺瞑雙目
放體效戲禽齒門憂哀玉吐納以綿綿靈泉任灌沃
百孔頓噓蒸似煙噴鑽竹暫入無懷鄉希夷路正熟
小勞身乃叅栞書間誦讀涉趣防其流迴光湛內矚
逝止隨流坎何須詹尹卜莊叟賦逍遙至人守緣督

和旦起理髮

金鷄海上鳴白氣發龍宮晨起搔短髮如霜摧禿松
茸茸不受櫛墮絮颺遊風結束神觀整頰嗽耳目通
冠簪甫云畢朝謁何太匆頭岑體復憊汗漬衣重重
倦驥思櫪槽長鳴擻鬣驟聞頭責子羽於我將無同
富貴不可求神仙不可逢詎無置身策東郭灌園公

和午窓坐睡

家有癯仙椅坐卧便首肘海舶致之來今復爲吾有
久失還故鄉坐忘不知久偃息妥營魂安閒舒足手
侍僮疑入定客到訝中酒我生同草木不材以爲壽

華巔難返童神理當不朽此中別有緣睡覺兩不受
無想亦無因非淨亦非垢縱然化蝶去不夢漆園叟

和夜卧濯足

海南無冬春單衣裹袷裯生事亦云足官貧了不憂
螢火熠幽軒黑林叫夜鷓洗足未登牀竹屋瓦燈留
勁風捲簷瓦牆隙鳴颼颼分火烹新泉聊以芳茗投
此生願無餘何苦利名鞬飄泊海中槎身世一漚浮
地旣產狂泉誰以獨醒瘳茫茫大塊圈今古跳獼猴

暝投海口菴和入寺

野寺半無門老佛忘其尊院殘僧不守流散寄他邨
我以寺爲家見佛卽慰存海天流日夜送月復迎暎
欲持錫杖尖挑破黃金盆堦樹定猿守風簷怖鴿奔
街鼓嚴淨夜人語寂黃昏剔起佛前燈殘經聊自溫
余畜一黃犬行時留以守衙比再渡瓊此犬啣

衣跳舞感而賦詩和坡公烏喙

隣舍產一獒乞養權爲主我行三叮嚀慎勿膏礎俎
遂與衙役依晨昏守空戶及我再來茲啣衣相向舞
似歡還似悲垂首淚如雨此畜頗異人食後浴于浦

入水性如獺搏狸氣似虎別我一歲周不謂再見汝
盡識家人貌兼復解其語何物無因緣三生叩佛祖
和連雨獨飲

曠懷覽千古事有然不然我心古人心相視在其間
云胡一體內強分儒佛仙此屈不可伸連語叫蒼天
混沌無首尾何物是天先茫茫針孔內今古相往還
舉盃浮積雨但願雨連年沈冥盃斝中萬事可醉言
夜雨衣衿盡濕抱書三徙因誦坡公一夕成三
遷之句卽用其句和其韻

夜氣涼復佳夕寢方陶然我居海之南老屋閱歲年
習久安其陋詎云選地偏獨恨微官繫未便營舍田
常思枝鹿遊此地可卜廬萬感攢中夜雷聲復攪眠
破屋雨重重一夕成三遷侍兒抱殘書堆擁向案前
冷竈已沉火敲石又無煙因歎在官貧或不媿昔賢

生朝自壽示諸生和子由生日

騶動皆含靈脩短亦不一偶然脩短之豈必天所隲
俗士强安排持券邀所必至人冥于虛君子踐其實
體墮形匪拘神藏聰可黜潜然返厥初生理亦云畢

我年過半百所遇半凶吉流坎乘化運愔漠守神室
未免與俗緣所欠焚研筆我自觀其生君勿慶余日

懷歸和送芝道人

有士不可名强字曰長度戴髮依空門縮綬仍儒步
一葦汎重溟四年海上住瓊南非我鄉海北將問渡
水雲道者裝瓢衲僧行具問我歸時因卽是來時路

茅竺夜酌示諸生和遷居之夕聞鄰舍兒讀書

蛙宮陳樂部堦樹應時禽雖無山水綠耳畔足清音
竺中何所有木榻與布衾門庭多韻士絃誦間豪吟

靈氣歸海潮自北以至南海霞朝夕變濤聲自古今
人生如風萍一別卽商參念此惻中腸惟賴酒盃深
坐客揚清歌歌罷還復斟頽然遂至醉無言對韻琴
和飲酒
我不能飲酒酒亦厭薄之試問清醒徒何如濁醉時
清濁兩不受醉醒寧在茲未飲顏先酡客亦不我疑
空杯謊枯腸權爲酷客持

其二

酒腸比滄海醉骨像邱山山水仁知徒醉醒何足言

中山千日醉一飲當三年借問蜉蝣世深杯能幾傳
其三

醉翁不在酒而得酒中情達士逃于酒而爭酒中名
我亦兩置之陶陶樂其生醉吟泣風雨落筆鬼神驚
古來才仙者多以酒而成

其四

鷓鴣附鵬背我始從汝飛風高不得下魄喪神亦悲
鷓蘿與松語畢世爲君依長松推爲薪問鷓將安歸
權輪有時竭愛席有時衰當其權愛時尊酒莫相違

其五

夢中聞簷溜恍惚江浪喧醉裡下階除有似乘舟偏
好語不相投覲面隔邱山勸君但飲酒世上少往還
醒來莫輸心醉後莫獻言

其六

五十覺前非過此仍非是身如衣繡莠巫覡任贊毀
我固自爲我爾亦自爲爾從教麻與菜不羨縞與綺

其七

少年從我飲照座亦英英與語人間世一往有快情

何必勝公榮當盃便可傾枝頭有黃鳥嚶嚶求匹鳴
繫我獨無徒悠然念友生

其八

海濱逢一叟儵儵雲鶴姿終日自行歌手執青松枝
世人莫知識但訝行徑竒笑指海東雲子能從我爲
舉頭欲問之搔手去莫羈

其九

穀以春而獲花逢臘亦開海上真仙都其俗號無懷
我欲受一罍乘桴志靡乖勺水亦可飲支林亦可棲

鴻雁遵沙渚寧顧指爪泥自來生分薄良願不我諧
今是昨誠非一悟了不迷茫茫汎苦海是岸我卽廻
其十
遵駕古城麓路轉東北隅前岡車騎盛蹲沓隘道途
是身如車輪終日受人驅從來名利場所得孰留餘
飲酒讀離騷百城南面居

其十一

造化本無私朝廷今有道禽鳴桑柘間鷄豚醉父老
炎洲氣如煦經冬苗不槁三登嘉穀熟四季春華好

海內未休兵 聖人方却寶水國有波臣擬賀平奴
表

其十二

乘筆八鼠穴大夢顛倒時人間醉所言俱是醒中辭
謂夢而非覺覺亦在于茲朝聞夕可死尼父豈吾欺
形神將接問請君一問之

其十三

天地一生滅何處是真境偶然幻作人幻醉仍幻醒
呼我爲馬牛我亦從人領但得處于囊不必露其穎

予豹隱霧中奚羨文之炳

其十四

伊人各有品貴自成其至莫以我之醒而笑彼之醉
醉醒一瞬間循環以其次辟如巢許清不礎夔龍貴
雲壑別有緣清朝亦有味

其十五

羸海幾由旬中區浮爲宅我亦雲水居一官徒寄跡
山經島有三福地洞踰百層噓幻樓紅鰲湧雪山白
不作海上游鹽鷄亦可惜

其十六

家世學爲儒傳家只一經硯田粗有獲不必計其成
先人叨俎豆子孫兌踐更少小習文翰微名達天庭
清時靡所監何用經術鳴舉杯浮蒼天孰測余中情

其十七

屋瓦飛欲盡沙石走狂風海水如沸羹大地簸其中
但愁坤軸拆遂與河伯通半酣逐奔潮手挽二石弓

其十八

倚杖聽鳴泉欣然若有得十年塵土夢一洗耳根惑

洞然鏡古初茲理無通塞何事繁音聒嘈嘈滿蛙蠲
對酒弄無絃冥心返于嘿

其十九

陶公無宦情飢乃驅之任行藏不問天卷舒惟任己
榮膺非所欽薄祿非所恥束帶見督郵不必問鄉里
自我浮於海悠悠歷星紀卑疏雖易容迂薄亦可止
白髮已盈冠青尊尚足恃

其二十

與我周旋者何物最爲真惟此坏尊內陶然太古醇

氣味久不渝一挹一清新悠悠交中人肝膽爲越秦
流光汎酒海大地揚麴塵古人百不戀惟於此物勤
我量不能勝要令風誼親天上有酒星乘槎一問津
地下有酒泉可以漉我巾聊和飲中詩竊比于酒人
讀書柳子厚牛賦有感效坡公體 自探韵

瓊土恬殺牛食之以當粟吉凶昏喪事殺牛婚親族
家大視牛多宴頒皆取足上以薦祖禰下以飫僮僕
牛自海渡來頭頭皆就戮有牛不以耕但用恣口腹
又有生黎種嗜牛尤太酷殺牛不用刀斃之僅一鍬

剝皮以當鍋燂燒取半熟入口尙聞腥鸞刀帶血漉
毛骨委山野腸胃棄深谷厥地產沉香還以生牛鬻
以此腥膻禽易此芳馨木災木與刑禽其理等賤僂
牛鳴瀉厥悲香淚亦當哭胡爲東坡老忍木而仁畜
熱喝醒沉夢痛棒創狂俗供佛以沉香卽是燒牛肉
余性酷燒香不忍牛殼觶二者訟于中曷以平茲獄
空香入斧斤有斫而非觸我卽罷購香牛命不可贖
不若勤燒香爲牛資冥福

懷息廬和坡翁息軒

吾家有息廬息身未有日古人悼無聞四十而五十
百年可例推想亦無間隙莫若早回頭可以息則息
果腹惟三餐容身祇一席古昔有良訓歸當書之壁

食南柳麵和坡翁薏苡

南中少霜霰麥性不淳良惟此南柳麵飽食曹不傷
我亦核其性山經早已亡但聞產黎落其樹徑丈長
胡天有嘉植偏厚於遐荒始疑椰實粉或曰搗枕椰
登筵貺佳客詎云儉歲糧搜和淨且滑作餌亦馨香
乃知羶食者徒以饅肥腸溫冰與軟玉翠盤別有光

羽甫家兄招遊石澗同區茂對區君玉猶子仲
昭流連迨暮歸途狼藉賦此紀興

山水本相須往往不相假孰若茲山竒石泉兩絕也
石自泉中出泉自石中瀉泉味既甘寒石貌亦蕭野
點綴俱玲瓏布置極幽雅平者如匡床突者如廣廈
艷如青蓮蕊古如紫芝把如瞻復如蛛如獅復如馬
此是石恢竒請說泉瀟洒或飄如曳帛或紛如擲瓦
或沸如茶鏞或鎔如金冶如魚張口吸如沫齒縫下
有響擊空山無聲走石罅泉石既相遇相晤不肯捨

流來經委折轉入更虛間連峯列如屏其下蔭松檟
有草碧如染有花鮮如赭是石皆可憇是林皆可藉
逢巖可安竈遇坎可泛尊塢可名藏春灣可題銷夏
水從巖際度人向石上跨懸厓時戟面淙流或沒踝
磴苔置屐滑箭風當面打戀賞成久淹入暝轉驚訝
昏黑度前岡迷路穿樵舍鬼燈光如漆的的照籬笆
咒力厭怖魂齊聲誦般若谿迴路忽斷危橋獨木槎
遊人顛墜厓坭潭交喧咤衣幘不及顧時時傷髀髀
溪山到處有好事人恆寡墮嶮與啼厓勝事古來詫

我欲紀茲遊鈍筆不堪寫一死博河豚戲語同遊者
羽甫兄採松花和茯苓作餅餌見貽詩以酬答
并刀剪龍髯長鑱斲木癭蝶粉糝玄霜捻作松苓餅
石臼碾輕塵冰紈篩枯梗和以蜜脾脂清沁灌肺冷
微黃似鴉鷁丹的點粧靚又如縈溟碁數十不盈皿
蕭瑟苦宿霜午睡方纔醒竹扉猶未啓牆外聞人警
貽來金盒兒顚顚周完淨初觀委難辨小咀亦深省
問渠來何方松花擷山頂問渠和何味茯苓收藥簞
道人戴竹冠羽扇臨丹鼎少婦織手調玉童汲階井

念彼百艱成供我一饑傾頓嚼三十九似礫投深井
石火試陶鑄沃以松蘿茗輕鬆乍迸牙香韻纔灌頂
冷然兩腋風謾謾吹松影枵腹藉一克饗涎欲再逞
呼童走藥肆爲買茯苓筵百錢剛一斤銖兩猶未整
二月松樹花開遍開岡嶺長竿打一遭粉膩沾衣領
誰云解療飢如虎得蚱蜢聞君山厨內採摘盈筐秉
願作拷撓團一饜淘河頸

嶺上逢何文起

相逢梅嶺上問我何時歸休問我來歸看我去時衣

我衣去時新歸來化淄塵豈但化淄塵點點漬淚痕
男兒志四方非我戀鄉里我病日纏綿我歸良有以
問我病中情我病難取譬一日復一日但覺形神瘁
君語曰無損強飯善自將去路與來程一一爲我詳
自從十一月辛苦離家鄉是月廿九日辦裝發五羊
陸路殊勞頓雨雪又難當沾病抵濠裡信宿驛館旁
館舍荒涼甚居人逐虎狼病間禮南華催程過黃塘
是時有一僕苦病淚汪汪初十度梅嶺就買南安船
舟次善將息稍覺體氣痊立春到贛州吉安過小年

一程到市汊前病又復然阻風彭蠡口歸心日日煎
却與舍弟別涕泗交潺湲元旦又五日買舟始言旋
屢屢寫家書無人寄一字時時望家鄉無由縮地至
今朝逢故人恍如隔世事我有家中人大小平安否
君言俱平安我恐順應口我有中懷緒倉卒難記憶
就中所記者畧語難周悉君行年初四我返年初五
兩行皆逆水舟行邠得駛來時鄉中事約畧爲我陳
鄉景想如昨鄉情果日新濃淡園中景聚散社中人
邠處過從數邠個來往親扶留青葉翠新鮮檳榔核

持出共對嚼珍重故鄉物家僮來問訊軟語相寬慰
還顧波濤侶唧唧復娓娓大小各情親人情亦復爾
離合見悲歡所貴同臭味君今榮趨府我獨倦垂翅
浮沉各異路濁水清塵比前村笳鼓鬧人來逐車騎
旌旄蔽崇岡蹲蹲走官吏登車君子邁策蹇我迴避

四言古

題松柏同春卷

陟彼高岡松柏楚楚于日于朝以風以雨日月之行

盪乎其中山川歎薄不出其所根盤太古蒼鬣虬枝
洗髓汰漻濯魄玄夷白雲在天紅日在地精靈出沒
與之游戲二儀一象四氣唯春松耶柏耶後衆并存

和洞酌亭詩

往來井井于彼于茲衆口如瓶曷辨澠淄一土攸生
厥味莫齊舌司鑑衡匪曰泉私清聖濁賢君子是儀
既好其辨爰系之詩

和觀碁

登岸造極築基繫址義取其爭和不爲美設險似兵

坐隱若士雌雄未分黑白唯二投鞭斷流揆穴取子
袖手徒觀當局忘味驚矢落鵬游絲繫鯉制勝以謀
縱擒在指敗還自葺勝勿浪喜藝之云乎道如斯耳
久旱憫農因和停雲

停雲薄空有風無雨欲叩帝闈祝融伊阻三春云邁
良辰空撫孰搗龍宮操豚是佇

西郊作雲厥氣冥濛有赫震雷倒岳掀江掩耳避之
閉戶塞窓天意叵測莫之適從

睠彼良苗悴不再榮哀哀子遺嘿軫余情祠川禱岳

豈憚宵征昊天不卹不如靡生

液不榮根葉辭其柯民之不祿孰沴天和及此降霖
獲少喪多其復不爾嗟嗟民何

和勸農

天沃爾土不敕爾民一畊三食勞逸誰真三時弗若
兵饑相因勸爾務農自利利人

市利莫爭藝我黍稷金賤穀貴貨不可殖驅此勞民
以稼以穡地產明珠飢不可食

天禔爾瓊珍饒川陸地發秘竒民破淳穆情農弗畊

奸賈利逐環瓊百室春糧不宿

積玉堆金家弗可久上智明農相戒其偶坊市勿嬉
併力南畝農亦有閒不爲游手

謀食有方務本不匱縱不逢年勤則有冀物豈余慳
唯力弗至畊鑿嬉遊帝力何愧

墾我疆場拓我邊鄙無地不毛唯畝是履既登嘉穀
盈箱溢軌伏臘雞豚酒濃肴美

卷之一終

鶴汀詩集卷之二目錄

七言古

打魚歌

三首

青鏡引

歎落花

送春吟

官倉行

徐濟伯畫白鷹歌

送方上舍還江右

送阮生遊瓊海

勾漏歌贈高山人

醉中題壁

蟠木几歌

寶劍篇贈陳子明

題何文起雲卧軒

長歌寄贈蘇汝載

爾汝行贈陳子明 喬雲軒為魯子湛題

秋夜汎舟有約 代東荅梁叔熹

送梁生遊江右 過采石弔李太白

戲贈醫士從戎 過孟嘗君食客處

賦得望羅浮贈邱 賦得楚天春雁

南山樵客歌 廬江叟

余彩震竺中古瓦 賦得錢塘歌送張

贈醫士王明心 劉仲安青山草堂

贈琴僧 余以怪石贈平子

戲作調文起 高臺古樹行為

江上觀野燒 賣花郎

觀鷓鴣 遊月華寺

遊陽歷巖 讀陳使君贈梁歌

葵葉蒲團歌 送辛陽道人

病中承王侍御老 小雨池上同韓

梁寄曹溪露茶 一拂道人夜話

長歌贈李嗣良 曾文卿見贈詩扇

賦得衡山送張明府 酒保

國家圖書館 NATIONAL CENTRAL LIBRARY TAIWAN

卽事

漢闕雙鳧卷

風木遺思卷

徐生

有剖蛤蜊者

古研歌

贈周明府復任

題舍弟浣旬池

玉漱雲牙卷

醉歌走筆示胡

送吳將軍良卿

送蛾眉山僧

歲暮放歌

二首

羽甫家兄齋中木几

羽甫兄池上白鷗

再題金粟泉

合下九首浮槎可廬草

二一壘歌爲俞

題羽甫小影

題高公先畫

大方伯王公平寇

過石門訪王堯韭

贈杜辛洲將軍

九蓮歌贈馮

題昌化令張侯

解嘲和坡公

合下四首和蘇州

因病閒居和

摘荔枝和謝

王際明以藤枕見貽

梭往來欸乃唱漁歌江潭黝杳不見底網入如膠提
不起投竿擲網撇波去况見仙人騎赤鯉

其三

小魚掇荇帶翻與大魚會大魚噉小魚跳入罟中居
漁人得魚換酒沽一飽旋復棄其餘白浪如山罟如
簇竭澤窮源探水族檣傾柁折須臾事漁子亦飽江
魚腹羸輸物理皆自然弱肉誰司造化權

青鏡引

妾有七寶青銅之古鏡重之不减青琅玕香羅繡帕
鴛鴦結碧玉粧臺龍鳳蟠流光團團似明月清輝潤
烟鑿毛髮規影微含翠羽斑鈕環半蝕虫文絕芙蓉
帳暖睡遲遲夫婿臨粧對畫看蘭房晝永垂珠幕寶
靨香凝透玉肌朱顏冉冉豈相待青鏡迢迢看漸改
憔悴芳心不自持淒迷春夢知誰在孤鸞驚影日光
沉鏡能照貌不照心君心安得長如鏡妾貌難於鏡
裡尋沉吟撫鏡三歎息香帕玉臺長拂拭願持明鏡
贈夫君留與後人照顏色

歎落花

花開花更落花落花更開便是春風多翻覆卹得君
心無去來紅顏樓上探春女看花摘盡春花蕊管
取新粧鬪麗華寧論憔悴委泥沙南鄰思婦當階坐
手撚殘花淚交墮

送春吟同社中諸子賦

每句拈春字

惜春春不留送春春自愁春愁荏苒春風起春艸春
花總相似殘雲澹月吐春華曳絮遊絲亂春渚春渚
迢迢連春郊春禽隊隊歸春巢此時思婦上春樓此
時遊子折春梢春梢何裊裊春樓何杳杳垂楊蔽日

結春叢飛騎如雲簇春曉萬戶千門春鳥啼九衢八
道春氣迷有錢便可買春酒無錢何須踏春堤春堤
一帶浮春水水逝花飄春不語朝瀉紅粧春黛殘暮
浣繡裙春濺駛春流九派長春花百和香春眠春夢
短春望春思忙春眠春望春蕭索春草春花春冷落
春遊公子躍歸鞭春盡佳人深閉閣東隣少婦春思
闌行春拾得雙玉環持環往問春閨女春色如環可
待汝

官倉行

官倉近在東城下頽垣斷壁連四野芄芃白草沒行人屋鼠清晨竄古瓦去年鄉落多流民富者給糜噉四隣憐人得糜仰大屋官倉都無半粒粟富兒入粟并入官糶載車量幾萬斛此粟應從何處支此倉之發幾經時縣官何繇徵子粒倉吏或竊飽妻兒且暮周身元草草當年官吏且不保

徐濟伯畫白鷹歌

徐郎寫白鷹肅肅毛欲動鋏爪盤挈大石間其下衝波萬丈湧素波霓裳一色明照見愁眉雙目睛長天

遠浦雲飛斷老樹一枝縱復橫徐郎真好手胸中別作禽獸囿摩挲落筆分翅翎爛熳臨池開花柳曾掃上林春曙圖骨相形神色色殊信手招雲霧決皆入毫銖扶桑半映萬林西孤鳳初鳴百鳥啼菰蒲菡萏蒼汎汎出荆棘橐梨隱隱栖此鷹一出衆禽避半空裊裊流雲氣垂頭一叫衆鳥號奔濤破山風動地頓覺四壁間滴瀝水花起陽侯入戶鮫人笑松窓漂入風湍裡水聲嘈嘈下碧灘回看却在几席間莫是天河決將無地軸翻吾聞鷹是搏擊鳥此鷹此畫得其妙

當日臨風刷羽翰一舉萬里絕雲嶠卽今孤崖栖側
目江天渺吁嗟夫威鳥文鷁世所稀鴟鴞亂啗稻梁
肥深山大澤吾能到盡斬蓬麻任爾飛

送方上舍還江右

方郎手提三尺劍云是延津躍出雙龍子自言此物
信有神水斬蛟龍陸豹兕張華去後少人知匣裡寒
光漾秋水君曾攜之燕市頭醉來拂拭聲啾啾秋風
走獵上林苑月明高宴娼家樓秋風明月自年年半
生行樂馬蹄煙滕囊時出濟人藥藜杖空餘沽酒錢

我政逢君君欲別對酒無歡共嗚咽驛亭春盡柳花
斑鶯語鶉啼草樹間蘭橈曉趁三江水馬首晴開五
嶺山興來倘上滕王閣好寄音書雙鯉還

送阮生遊瓊海

海樹鬱青青人烟白浩浩迺是瓊厓中州之別島東
來巨浸碧濛濛欵杏似與元氣通水底神魚或作雨
溪邊種草能知風憐君萬里窮名勝狂來氣與波濤
猛鼓柁遙臨黎母江垂綸欲釣魚爺井朝來海氣蒸
成霞扶桑高傍嶺雲賒河源杳杳知何許轉憶張騫

八月槎

勾漏歌贈高山人

我聞勾漏之峯亘萬里丹梯碧落浮雲氣山人家住
綵雲西荷鋪被雲斲石髓千壑萬壑雲冥冥雲裡依
稀鷄犬聲曾是葛洪飛度處至今丹竈留翠屏翠屏
黝窳連石屋山人夜傍繩牀宿雲磴崔嵬斲玉芝瑤
函縹緲開金籙山人出入雲氣隨山人放歌鉄遂吹
鸞璫鳳管世不識別有霓裳羽衣詞醉來拓筆掃丹
嶂倏忽烟霞開萬狀解衣遙臨磅礴前傳神偏在阿

堵上自從浪迹遍江山轉覺壺中日月閒漫說鴟夷
浮海外那知方朔在人間我是玉皇香案吏一謫泥
塗今若此自分宜置邱壑中煩君貌我丹青裡

醉中題壁

讀書破萬卷拈筆無一字結客近三千緩急不可恃
閉門謝客客從呼焚書燒筆坐虛無飽飯三時無一
事坦腹擊缶歌烏烏

蟠木几歌

千盤萬盤互糾紛欽嶮歷落可笑人下垂兩股蹋至

地宛似躑躅獸蹄奔左撞右突相撐拄其上衍平無
削痕玩之疑石又疑鍊乃是槎枒老樹根此樹蟠根
幾許年此根入土淪黃泉未睹繁陰礙白日定有偃
蓋摩蒼天霜餐雨蝕幹柯盡根含神理鬱纏綿天翻
地轉如駮轂深谷爲陵陵爲谷淘沙汨浪孤根出塵
埃誰識真面目水石樵人太好事移我中林之幽屋
自來野性百不愛愛此離竒伴幽獨蓬頭坦腹據豪
吟偃仰摩挲看不足我聞漢時有古桐中郎拔之煨
燼中深山大澤寧無此斧斤狼藉恣蘊崇孤性不隨

劫火盡出世或憑神鬼工輪囷堪爲萬乘器雕鏤無
人誰先容吁嗟無人誰先容且置中林幽屋中

寶劍篇贈陳子明

吁嗟寶劍何神異莫是鬼國之鍊昆吾之炭鑄鍊而
成此請看龜文與纓理色與青蛇差相似靈氣莽莽
含天晴混元太始合流形陰陽媁交五行會神工鬼
詰殫經營塵埃安得此竒物白虹赤電降其精世人
見此三尺鍊看與鉛刀差無別卽看鉛刀居然別就
中神異不可說鵬鶻模糊血花明一種霜風寒冽冽

千年玉匣秘不開龍虎盤拏蛟螭結此劍一出無所
藏直之無上橫無旁左燭右燿不可當劃然天地倏
低昂中宵北斗懸清光含輝遁景無人見此物由來
鎮非常

題何文起雲卧軒

何人高做苾雲堂雲窓霧棟駕虹梁白日看雲卧不
足晴天雲景懸清光團雲隱隱如傾蓋飛甍直豁翔
雲外誰向雲林種白榆誰引雲槎泛碧海朝朝暮暮
雲重重雲來雲去杳無踪白雲時或化蒼狗黑雲時

或乘赤龍世間萬事浮雲變心似閒雲任舒卷主人
雅得看雲趣雲卧忘機自仰偃問君雲卧幾經時看
君年少青雲姿萬里雲衢爭蹀躞百尺雲柯光陸離
休訝無心雲出岫蹇爾雲栖依澤藪懶雲高處枕書
眠雲關靜掩無人叩瑤函金磴盛雲緗丹梯碧屺繚
雲房雲巖露滴茶煙冷雲閣霞分藜焰光侍童雙雙
傍雲宿時擁雲車驂白鹿閒持玉鐻斲雲根拾得靈
芝蔣雲谷鷄犬雲中寂不聞雲璫翠管雜繽紛過逢
半是雲僊侶多暇時刪雲笈文君住雲西我雲北披

雲一見增顏色何當理棹水雲邊與爾爛醉卧雲石
長歌寄贈蘇汝載

蘇郎意氣落落誰與儔自言欲託放浪遊出門東西
南北無一可而况六合與九州嗟哉世途傾仄不自
由何必太行百折之峻坂與夫瞿塘萬疊之洪流驀
然平地風濤起雨覆雲翻掌上收弓蛇往往分杯影
談笑之下藏戈矛君今欲度而無楫欲濟又無舟酌
君酒勸君留胡不迴車輟棹且夷猶卧遊八索并九
丘此地中藏十千界延覽大可豁心脾一人知己無

不足萬事杜門死卽休得句還應自唱酬疑處須與
古人謀沉寔可以周八極瞬息可以窮千秋不然扁
舟棹入水竹洞與爾散髮垂釣終日坐溪頭

爾汝行贈陳子明

陳郎聽我擊節歌爾汝古人結交重意氣嗚呼覆雨
復翻雲此道於今已掃地鳶肩鶴膝蛇爲行百態千
容工巧媚由來木疆性所宜隨俗織趨我不爲相逢
一笑惟爾汝世上悠悠卹得知

喬雲軒爲魯子湛題

黃雲城邊雲氣流千朵萬朵壓城頭中有蜃樓駕霧
閣青天幻出崑崙邱瑞雲一道騰騰起其色內青外
復紫青者如藍半拂煙紫處流霞初散綺非煙非霧
碧冥濛如困如輪滿太空宛凝湛露金莖曉忽灑輕
埃玉樹籠曦陽隱隱紆丹轂注景含輝並紛郁縹緲
長依天際浮氤氲自抱重巖宿翠微深鎖讀書臺暮
靄朝霞去復來卽看清夜燃藜處定有祥光燭上台
秋夜汎舟有約不至

月上未上半啣煙與客攜壺巖舸船乍看潮漲流涓
涓倏忽汪洋溢百川須臾霧散進嬋娟金波蕩漾不
成圓疎籬茆屋雨三椽野人濯足臨溪邊冷然一棹
去如僊中流擊楫更扣舷放歌宛轉酒杯傳半酣白
眼望青天美人家住城之偏重門關鑰信杳然思而
不見空回旋沉竿沒纜水濺濺人竹穿蘿裊裊牽主
人呼酒尚流連客子披襟擁露眠此中勝事難盡宣
人生行樂須少年

代柬荅梁叔熹

去年南浦南珠江北送子慘淡無顏色九江冥冥廬

崔詩言集卷之二
山遠嶺樹迢遙望不極
兩年不見定何如
賴爾鴻書報消息
新詩往往堪解頤
無乃偏得江山力
我有閒吟數百篇
非子之好誰記憶
自從一病掩柴扉
鎮日沉吟卧枕席
向來促膝談詩伴
經月何曾通一刺
偶然思子但寄詩
從今亦懶拈筆墨

送梁生遊江右

春水碧如油
春光淡宕浮
離亭數斗酒
彭蠡一扁舟
彭蠡湖邊一鴈度
白雲冉冉依江樹
到日萱花明壽杯
別來池草添新句
滕王閣前新水生
徐孺宅前孤月明
君行覓得西江鯉
好向天南一寄聲

過采石弔李太白

長江碧滌洄
青山莽明滅
采石流朱英
燦爛瑤臺闕
憶昔夜郎初度時
宮錦袍鮮湛羽卮
一杯濁酒一篇詩
忽然騎鯨躡斗箕
邇來不知千百載
但見文采照江潛
馮夷宮鮫人窟
奔濤逆浪不能平
萬頃煙波沉海月
月沉猶可掇
水逝無還期
孤雲變隼晴
天沒與爾停杯
一問之陽烏
何東升
玉兔何西馳
縱有長生藥
那管髮邊絲
賢達既寂寞
飲者誰留名
吸盡長江

水不能實瓶罌升沉貴賤何曾定請看離離水上萍
險莫險兮馬嵬之迴湍難莫難兮蜀道之七盤人情
傾仄與波瀾誰將一日醉易此供奉班長安市上紅
塵滿歸來滄海弄潺湲沉香亭金鑿殿伊昔豪華不
可見蛾眉翠黛波盈盈髣髴太真擎玉硯我來訪古
不勝愁縹緲長空倚暮樓澄波一抹飛雲盡三山點
點若浮漚

戲贈醫士從戎限韻

梁生家世八閩人少小學書并學劍近得龍宮不死

方煉就昆吾躍冶焰朝尋山頂採黃精夜倚旄頭看
紫電匣裡龍蛇或一吼袖中黃白將九轉逃名豈學
吳門隱排難礙飛聊城箭揭來海上請纓去漫爾壺
中施藥遍芙蓉七寶衝星孤芝草三花帶露碾隔垣
且窺越人臍射生須縛單于面功成鑄劍來種藥海
外三山任遊衍

過孟嘗君食客處

齊王昔全盛公子擅豪華三千食客今何在此地空
餘彈鋏嗟猿啼露白白黃昏月印蒼苔疑履痕空山

隱隱聞鷄犬猶是當年俠客魂

賦得望羅浮寄贈尼邱山司理

羅浮四百七十峯峯峯秀結青芙蓉璇房瑤室紛窈
窕金書瑤檢秘竒踪石樓巖出絳霄上鍊橋迤邐帆
相向竹葉長含鳥篆文曇花似摩仙人掌何處仙人
去不還空餘流水聲潺潺丹竈煙籠絳幕冷石林苔
蝕紫衣班武夷仙子風流客近署羅浮列仙籍遂吹
梅花五嶺春筆染明霞千嶂色日觀峰頭貯絲雲朱
明洞中凌紫氛因風爲招洪崖侶授我長生玉笈文

賦得楚天春鴈送友人

春鴈南歸何迢迢家在衡陽萬里遙衡岳去天不盈
尺上有迴鴈之高標行行刷羽摩青霄家山雲樹鬱
岩堯瀟湘夜雨寒蘆暗黃陵苦竹垂新條九疑九曲
紛相似此中零雨暮仍朝雲夢平吞若八九君山一
點似萍飄大王雄風起天末神女行雲漾翠翹送君
行行且謔人生可似隨陽鴈相看南浦別魂銷今日
南浦頭明日湘江渚蒼梧雲去湘水深猶記啼痕染
竹處斷行且莫怨離羣緘書爲寄洞庭君黃鶴樓空

山月白好去吹簫弄綵雲

南山樵客歌

朝採南山樵暮採南山樵南山高高白石巉嶢黝壑
無人陰風颼颼風颼颼多古木雲裡綴荷衣巖際搆
蘿屋渴飲沆瀣飢餐玉禾朝朝暮暮南山嵯峨靈風
吹我襟甘露洒我髮薄暮採樵歸肩頭兩明月採樵
復採樵人間方外共逍遙世間甲子何曾記洞口碧
桃花自飄

廬江叟

廬江叟廬江叟扁舟橫竹竿得魚且沽酒朝釣廬江
灣暮宿廬江口秋晚廬江木落時風裊垂楊颺釣絲
綠簑細雨歸何處炊煙一縷傍江湄

余彩震齋中古瓦盤歌

兀兀稜稜一古瓦是誰良工範而冶埽沙摸土近千
年可惜沉霾塵土下憐君清高雅相宜中庭貯水漾
淪漪澆花芳徑添新潤洗硯間齋澹古姿世人貴耳
不貴目紛紛好古翻成俗不見魏朝宮寢久無踪後
人埴瓦猶銜鬻

賦得錢塘歌送張儀吉

君不見錢塘波浪動地來奔流噴薄共滌洄張郎筆
底驅河嶽氣與秋濤爭喧阗當年早謝儒冠累恥學
低頭事權貴漫爾江湖作浪遊亦向雲山稱典記以
此蹉跎秋復春棕袍布襪忘其貧袖中雖有龍蛇璧
世上徒逢按劍人君今倦遊歸閭里錦帆欲指三江
水杖履晴霞嶺外春煙花夜月吳門市吳山一片石
峩峩西湖綠水漾微波他時兌得餘杭酒與汝同醉
金叵羅

贈醫士王明心

城中十室五藥肆朱牌粉額紛相向十指茫茫看病
人恰似捉月蝦蟆狀我愛山人王明心指頭了了現
諸相爲憫衆生受病多不辭身寄江湖上平頭童子
負奚囊到處名山一相訪曾從廬頂掘僊茅今在嶺
南食茹醬中林亦有餐霞人時時相過閣無恙

劉仲安以青山艸堂詩見貽寄題一首

城裡有佳山沉霾如許久渾淪氣色疑未分恰似精
華今始剖劉郎本白天台流今來却是雲山友城郭

勞勞到者稀捫歷方知巖岫陡前山如揖復如趨中
嶺峩然似拱受萬瓦鱗鱗脾睨間炊煙幾縷紫林藪
峯頭古木不知年陰森或有精靈守闕林黝壑悄無
人偕遊必與烟霞耦刊木隨方借卜居小構茆亭僅
數肘鐫石磨崖記歲年我與山靈良匪偶嶺上白雲
堪贈誰緘題爲寄中林某刺水溪頭儂是家薄有園
廬寬似斗非無圭山一片翠望裡迢迢隔窓牖君今
振衣千仞崗笑我紅塵地下走紙上分明寄卧遊雲
關有路何時叩看君不是山澤癯廣額稜稜河似口

斲爾雲山狎主盟它日移文君訝否

贈棗僧

古桐斑駁冰紋斷雪色湖絲七縷絆憑將指下悟禪
機輕霜拂林秋籟微梵語清圓唄音細吾師傳棗卽
傳偈身如槁木心如灰一派清聲空裡曳

余以恠石兩枚贈平子五年于茲矣今來過訪
袖出相示摩弄之餘輒賦短章

長河淘出璠砂粒纖指螺紋縮細髮琉璃漱灑珠光
明淨滑擘開安榴核紺綠銅杵貯碧漪照膽光絲凜

寒骨青逼摩尼映法筵借與劉郎供古佛乞來聖水
浴雲根散香多在維摩室休言超劫出污坭前身恰
是中林物五年重飲剩溪水石共點頭私作語分明
記得舊精魂前度劉郎從此去

戲作調文起兼以自嘲

時文起病瘧

銀蒜押簾鎮繡箔寶篆烟積翠幕公子蘭房深又
深玉綈半臂猶嫌薄屏外酸風刮刮寒玉圍遮煖排
香閣蜃牕光送日瞳瞳夢中猶抱玉玲瓏美人香額
初描黛何郎粉面半流紅
紅熱情僂得如熾炭僂袖飄

來尚倚風中林措大竹方床梅花帳裡伴蟾光休云
冷落鴛鴦債省得金錢買藥王

高臺古樹行爲區茂對昆玉作其樹先大夫手

植也

此樹生來如許久聞道臺成樹已有樹根入土知幾
深土面蟠根已半朽暗想繁臺覆土時根株着土一
齊移臺高不改舊規格樹古年年發新枝五馬門前
一徑深森森臺畔表喬林爲言世遠思培植更築崇
基護綠陰

江上觀野燒

黑雲靉靄天模糊火龍銜燭照幽衢却訝蚩尤噴紫
霧翻疑鮫室弄明珠卓起彌天錦步障撒開大地紅
穉穉螺髻新粧初洗黛峨眉看淺暈亦施朱映日扶桑
高萬丈紅樓十二遙相向浮來金海漾榮光影入銀
河添新浪驚起天雞五夜啼銀蟾半落玉繩低江靜
老驪眠不穩露寒驚鵲夜難栖帶隴連崗同一色此
時目斷思鄉客漁火疑螢望不分空月如霜照愈白
沙鴈嘹嘹向夜鳴舟人火裡認山城殘葉原頭捲欲

盡濕雲洞口燒無聲孤蓬飄蕩無南北可似遊人江
上跡已將涼燠付浮烟還悟生身同火宅浩劫炎炎
燼亦寒世界應同幻影觀侵曉推蓬試一望青山依
舊鬱嶺岼

賣花郎

賣花郎賣花郎年年月月爲花忙六時灌溉無停手
一歲能得幾春光男叫女啼俱不理惜花勝於惜兒
子花正笑時爾獨顰花睡濃時爾先起滿園爛熳爲
誰春花何富貴爾何貧漫道主人愛花好奈何花開

別主人城中日日看花醉誰念種花人苦辛

觀鷓鴣

漁翁手撚一竿竹和烟夜傍鷓鴣宿編檝爲槎水面
浮朝放鷓鴣下沙洲鷓鴣渺渺隨波去漁翁却立在
槎頭沙淺日明魚出曝呼羣引類相追逐大魚背負
小魚啣總得魚來不入腹漁翁袖手魚滿筐鷓鴣水
底爲誰忙兒童但笑鷓鴣拙我獨臨流暗自傷

遊月華寺

并紀

按曹溪志梁天監初西域智藥三藏禪師航海而

來登五羊法性寺以所攜菩提樹一株植於宋求
那跋陀三藏所建戒壇側識曰吾後一百六十年
當有肉身菩薩于此樹下開演大乘度人無量及
至韶聞溪水香掬而飲之謂其徒曰此水與西天
無異源上必有勝地乃遡流入曹溪四顧山水歎
曰宛如西天寶林也因謂居民可建梵刹百六十
年後當有無上法寶於此演化時韶州牧侯敬中
表建寺宇額曰寶林卽今之南華寺基也蓋自大
鑒祖師授法黃梅駐錫曹溪而宗教大振然揆天

監至龍朔適符所識則智藥禪師寔爲開山法祖
顧可忘其所自乎師肉身濛濛之月華寺其來
舊矣曾經火災蓮座煨燼金骨歸然至萬曆間始
重新之予舟次濛濛訪藥禪師遺跡瞻禮之餘篝
燈展視見其跣趺端坐鬚眉面目儼然如生兩脛
作鐵石色以手捫摩胸坎似籀書然有聲亦可異
也詢之主僧及居人俱不能詳師履歷之由與本
寺興廢之故卽志所云備載周公刻石者今亦刊
落因借筆題詩併述其大畧以告之余旣出寺門

徘徊瞻眺尙不忍去忽於林下逢一老僧訶余曰
前山有虎可早回舟余始驚悟行數武復却顧僧
亦不見矣時己未二月初四日也

跋陀壇邊懸表誌留下菩提真種子百七十年似彈
指袈裟罩却墳前壘誰將一滴遍河沙二葉依然結
五蕊至今人飲曹溪吐盡是吾師功德水石龕闕骨
一千禩劫火燒空永不燬有口無言坐堆堆落葉歸
根水見底龙澄如漆絳羅委行人瞻拜淚瀾瀾

遊陽歷巖觀瀑布 巖內有陳公肉身

陽歷山前巉削壁倒掛雲巖石洞黑未解源泉何處
尋但見長空一道白遠望還同玉柱觀近看却似瀉
冰盤旋和甘露灌僧頂忽傍飄風灑客冠崩崖陡下
數千級石面苔花泫泫濕曳來雲脚共斜飛迸出山
腰還倒立山腰雲脚路重重小橋轉過碧冥濛珠幕
光中開古殿雷聲吼處度遙鐘二十琉璃鑿石室絳
幃闕護金僊骨却從瀑裡現龕燈髻銀河吐海日
半空分瀝入山厨竹笕探來石臼儲敲火石頭自戰
茗咒泉鉢底亂噴珠千竒百幻看難盡閃日搖山目

乍瞬赴壑迢迢知幾深攢峰窅窅望逾峻夜半磬聲
窟裡傳遊人驚立暝林煙山僧却道耳根熟偏向巖
端結靜緣

讀陳使君贈梁山人歌因作繼贈

二十年前同學易露珠細點虫文跡我猶章句守訓
詰君悟無言靜鈎索離離數畫子中子北窓夢到羲
皇前叩響無聲嘗味淡個中安得落言詮龜文點裏
叅性命枯草莖中決兆先夜半無眠升屋脊步景窺
躔罔差忒却從星宿想河源暗向崑崙覘地脈須彌

西向舒一臂天下名山盡迤迤我讀內經半信疑憑
君指出真圖勢恆持此術去救貧君今數口猶依人
始知負窮亦有命遵坎乘流是易因境內山川行欲
半岳遊尙爲婚嫁絆穗石城邊儻舍居兒自執經僅
執爨從來術高和者稀滿腹經書不療飢教兒只有
床頭易日午垂簾對下帷

葵葉蒲團歌贈葉世美

江南六月火雲卷家人製蒲葵扇餘葉留將緝綠
簑山僧巧設閤方便規成璧月影團團堪作蒲團堪

作簟碧眼胡僧航海來手裡摩挲目未見有時胡跪
白真言有時趺坐拈珠串茆簷向月轉經殘一片琉
璃掛壁寒中林借作常供具斐几明窓靜處安閒堵
淨掃明如拭剝啄無人戶返關泉聲戰茗來松閣花
影移陰過藥欄攜將芳徑襯苔滑藉向花茵點蕊斑
青蒲葉葉具禪意輸與中林識真味銷金帳裡紅氍
毹幾人抹殺閒風致虛白道人口談天方床木板坐
無氊寄與中林栲栳物倦時好枕石頭眠

送予陽道人

予陽道人冰雪姿銅冠羽扇鶴髦衣麗看斑髯貌嬰
兒三花聚頂施華滋廬中丹闕白玉墀驂駕素鸞馭
赤嶠昔在終南採蕨薇今向羅浮擷紫芝相逢石上
歌竹枝揮手雲山從此辭

病中承王侍御老師分惠藥金賦此奉謝

五羊城中地一片輕車沓沓遊塵卷柏府門前對巷
居鎮掩雙扉人不見十日九日雨逃離乞火不來朝
烟遲或過禪堂趁淨飯有時浙米寄隣炊坊頭酒價
亦不貴病眼年來沒興味篋中賸有鷓鴣裘不克酒

錢克藥費茆簷向日曝芝苓手掬清泉注瓦餅按圖
且學軒轅勢無事但看神農經殘方屢試效難取走
向街頭尋藥譜可奈囊空無一錢措大文章賤於土
低頭不肯向時人繡衣使者惠金頻誰云霜威凜如
許吹入寒崖便是春

小雨池上同韓孟郁對酌

夜聽滴瀝溜簷響紙窓劃電明如晃朝來積水漫平
池萍葉離離沿堦上我家剝水遶門前綠篠叢中泊
釣船湘簾捲練平如席夢裡潮聲到枕邊榻來市上

紅塵走僦居徒傍官衢口半畝方池澹不流更無隙
地栽花柳今朝疑對輞川圖曲闌干外看模糊強將
芥子投盃沼陸地豈必非江湖鄉心對此全消遣况
有高人問酒沽

梁國楨寄曹溪露茶兼訂住山之約荅之

曹溪老僧斲石骨種得芽茶細似髮白露纔過三兩
日青布裹頭籠焙出嗅香果足醒心魂鄭重封函遠
記存我曾一飲曹溪水中冷惠山只如此城中止數
蟹眼潭三十銅錢買一壘我對佳茶想佳水今年定

住曹溪菴

一拂道人夜話

世事茫茫無定所昨日陰晴今日雨幾場春夢夢中
叅一盞青燈燈下語懷中心事口中言欲吐不吐耳
屬垣殷勤贈君一片鐵袖裡摩挲肝膽裂

長歌贈李嗣良

吾家嗣良青蓮後新詩百篇酒數斗自言詩與酒相
成混沌元從醉夢剖曖曖玄黃宵未分爾時一線靈
光瀏隍中之鹿餽邊人醒來摸捉原無有刮面旋風

入耳輪急瀦松煤揮禿帚詩喉澁處酒灌澆酒興慵
時詩撒抖萬斛明珠似湧泉通體琉璃含錦繡來遊
五嶺不知年酒伴詩朋靡不叩時過白社必攢眉或
醉紅裘輒濡首高談每動公卿坐里巷酸儒或掩口
暇叩中林手一編顧謂髯公首肯否髯公亦是一酸
儒稱詩只解陳窠臼勺酒入唇便傾倒眼花落井扶
牆走嗣良笑我非丈夫我言醉醒不在酒譬如詩趣
非關詩千古幾人露眼手曲欄花下寫烏絲一片斜
陽掛戶牖

曾文卿見贈詩扇輒荅

耳君香名業已久盧生向我大誇口掌珠懷月底般
明爭似曾郎標格清曾郎與我纔相識紈扇緘題勞
寄憶詩比飛泉一派清流出出山千仞碧挹君風度
讀君詩轉憶臨流揮灑時

賦得衡山送張明府還龍門

望衡山衡山高不極七十二峯頭峯峯如列戟三十
八洞泉泉通地脉祝融峻嶒倚天外芙蓉石廩勢
如擲瑤函漶沒幾千秋中餘玉宇不可識非但列宿

應機衡人文往往發休徵伊山古屋讀書處至今紫
霧屯青冥我公早毓衡山秀氣吞雲夢常八九撰奇
欲蒐洪荒前文雅直追宋屈後登壇一嘯雄風來化
爲雲雨遍蒼垓天南兩地行雲過次第薰風桃李開
迴風披拂甘棠樹晝永鳴琴坐清暑彩筆雄駢七澤
濤翰墨淡掃瀟湘雨花前小隊緩轡行章縫竹馬雜
交道不獨解推憐赤子也能吐握下儒士江南二月
春和煦星輶卑發郵亭路不盡板轅卧轍情空餘下
榻鳴琴處嶺雲楚水望迢迢中天衡岳倚晴霄緘情
惟有衡陽雁翹首龍門天路遙

酒保

儂家老店馳名久坊市人家儂居首千金不與甕頭
方百錢只沽壺中酒底須舖上懸空尊更深人尙打
柴門大壘小盞搬不盡樓頭甕底醉昏昏從來賣酒
賣風趣本多利少平平兌海內聞名遠見尋上客嗅
香旋已醉勸君買酒細細嘗坊頭坊尾賣清水

卽事

十八灘頭灘浪高雨聲滴滴水嘈嘈萬丈巉崖挽不

上漩渦一柱沒長篙舟人相顧戒舟楫小港洄波衝
舟入息櫂惟聞蛙蠅鳴篝燈自檢琴書濕朝來擁被
正高眠直至亭午笑無煙兒童報道籩糧盡野曠無
人青草連思向鄰舟貸餘粒欲語不語還羞澀林生
佞佛持清齋自噉虀鹽傾米汁楊郎數米供晨炊顧
見釜中已生魚當年不索長安米窮途往往歎居諸

漢闕雙鳧卷送周明府入計

客星迢迢度南越化作雙鳧傍雙闕乍看流影入彤
霄忽曳清聲破曉月月色朧朧啓曙輝九重端御正

垂衣龍鱗光繞翠華仗鶴侶齊趨青瑣闈夾城日高
未下殿離宮別館羅清宴玉宇遙瞻五位尊金莖特
賜羣臣遍周侯爲政古循良烏影高懸紫極光到日
定知扳睿作會有賡歌續柏梁

有客攜風木遺思卷索題時午月朔次日爲先
子諱辰余恫焉有感揮淚書之

白日墮西山流波到東海人壽亦如斯奄忽不相待
豈曰無親親莫留樹兮欲靜風不休孤兒獨洒終宵
淚蒼天漠漠白雲悠

徐生

徐生七尺軀少小輕投筆自言親授異人編妙精玉
女及符術此中千年秘不傳風雲遘會豈徒然男兒
致身須及早母令祖生先着鞭

有剖蛤蜊者滿腹皆虫蛆再剖亦爾莫測其故
余作歌示之

閻浮世界大海水泡影光中化百族皮毛齒角及鱗
介下至有頭若無足莫不含靈具至性其中一一有
佛慈悲衆生無差別佛相遍現亦如之應緣度生

垂化迹不爭其類爭其時迷人不解佛真性敢向衆
生戕慧命鸞刀一啓性命悲一日不啓饑難支彌天
殺網張沙界萬劫相尋無盡期諸佛名爲可憫者以
殺止殺應難化殷勤摘葉付兒啼方便菩提證刀下
枯殼相中轉法輪儼然大士現化身河目珠眷光滿
月瓔珞伽黎妙入神豎儒不答其中義只道形模偶
相似肯信文殊累劫因前身曾脫蛤蜊蛻云何饑腹
競噉吞依然蹠殼食蛤蜊菩薩如來大憫傷不示慈
容示醜類雙殼纔開百蛆攢細似牛毛簇似蝟投之

以水蠕蠕活諦視良久生寒悸須臾更剖亦如斯傾
筐一擲溝與隧此段因緣詎偶然我云是佛顯教權
衆生業輕猶可度一凜慈容信且堅辟如劊子逞刀
手見其父母刀亦捐迷人業重佛不轉枉教善巧行
方便嚙喉火起業生貪奪其所奪業不現蜿虵鑽額
蛆腐腸對此何如尙敢嘗翠盤有筋不能下何用鸞
刀重創傷罪性空時莫問果佛佛圓明珠顆顆就將
蛤蚧比蓮臺顆顆中具如來座佛遍恆河沙界中物
物應與蛤蚧同乍然悲喜生畏抑是物皆現聖慈容

有如貪喙恣豪嚼鉢盂淨飯亦生虫此是如來秘密
藏芥子須彌納萬象提出吹毛領下刀抉去空華目
裏障不然枯骨有何靈猪齒白骨現佛形獐犬啣來
不敢食難道畜生不愛腥狗子有無佛性也且掃塗
抹幾剝藤

古研歌

余得磚塊一枚迺越王臺畔土人濬井出之
古穴者也銳首豐下形似隻履背面皆有紋
其面平之以受墨似曾爲研者或曰塚中殉

具也夫塚之物多矣此磚獨存何哉暇因賦之

古磚何年入古穴穿井出之土脉裂十丈寒泉悶不泄冷光一道吹陰雪金石匪儼色則鐵擘處恰似神工掣有漬蝕痕蘸鬼血其紋錯綴細如纈面稍平之微凹凸凹者似藏輕瀋涅以手揩摩氣尙秘銳首豐下存樸拙天然製與雕鏤別前人作事多不劣不取其全因其缺孤賞肯留耳目藝誓與重泉共封閉神氣澌盡土氣歇豈料終爲後人竊穴之所有化塵屑

磚立其中神子子或言文士精所結畢竟難將物理絜竒物從來運世閱一磚可悟恆沙劫

贈周明府復任

周侯挺秀自貴竹英姿皎皎湛瑤玉早窮學海障迴瀾上陵班馬掩張陸九苞雲煜含靈文萬里驍騰看逸足當年射策謁明光我侯弱冠何昂藏金鑣玉勒桃花騎橫行帝里曄生光馳過金馬門突入麒麟殿鳴珂散紫宸揚鞭揮赤電意氣憑陵跨五侯文采風流至尊羨銅章墨綬竹爲符出領專城宰大都排筭

解錯利器別坐理彈琴古所無岡城亦是先儒地衣
冠禮樂號名區比年水旱驅盜賊况乃權算太煩荼
孤城窳窳誰安堵百口磬磬思待哺我侯嘔喚若慈
母拔窳起瘳回焦枯是時封狐當路衢磨牙吮血恣
所娛薰狐擲鼠自不惜直探虎穴將其鬚忠誠可以
回日月子惠寧論徧里閭三年治行冠南海卓異循
良漢茂宰忽訝王喬鳥影飛更留召伯甘棠在十里
壺漿擁道周萬人伏闕競遮留聖主獨厯南顧慮詔
從借寇解民憂進賢之冠紫貂裘是日承恩出鳳樓

香含玉座烟獨滿露浥金莖泣未收看花上林苑折
柳大江頭自從折柳度江越清夢迢迢懸魏闕鳧影
晨飛碧海霞琴聲夜傍黃雲月黃雲佳氣鬱崔嵬到
日褰帷首重回橫波舊識鯨鯢淨夾徑依然桃李開
吏人肅候干旄返父老重迎竹馬來余也蓬蒿一賤
士剪拂曾蒙伯樂顧空啣一寸明月珠欲報深恩無
處所去年送送出河關雙鳧可望不可攀今日江鳧
下江北扶搖更待凌風翼南國蒼生一解顏宣室求
賢正側席祇恐徵書下九重雖欲借寇借不得噫嘻

雖欲借寇借不得爲侯歌德銘金石

題舍弟浣句池

吾家仲子差不俗斗如一室羅花木當門崔嵬對南山
白日雲陰濺飛瀑穿雲入洞幾逶迤疏脉通泉貯
作池我有舊題浣句字移來恰好穩置之此池不深
亦不淺其中可畜數魚兒漱流洗耳古人事取名浣
句夫何爲浣之又浣無不可其句伊何文與詩一字
經營堪嘔血片言悟心差解頤匡床木榻堆湘帙倦
卽高眠醒卽披我來扼腕論今古惻惻切切復怡怡

此道由來有宗統譬如大海匯流漸狂瀾一柱任顛
倒東西南北紛如馳何當一挽天河水洗滌日月淨
昏霾雕蟲咕嗶嗶監儒事千秋之業寧在茲高歌一曲
卧池上夢入池塘春艸時

玉漱雲牙卷

雲有根兮玉有乳崑邱渺渺蓬瀛渚三花樹上素鸞
栖五色霞中丹鳳駐誰餐玉液鍊青精誰擁雲裾駕
綵駢左拉雲君右玉女手握芙蓉觀玉京爲君一奏
霓裳曲曲繞行雲聲曼玉天上雲璈十二徽世間絃

崔詩言集 卷之二
管空局促

醉歌走筆示胡伯連

孤劍迢迢望都門，鶴裘敝盡客衣單。
清時儒冠不抵事，擲去長安博一官。
肝膽摩來手尚熱，鬚眉向處面常寒。
昨冬驢蹶余傷手，此時肯歸歸已久。
南都不住北都住，滿面紅塵路上走。
當時射策爾如虹，胡爲一墮雲霧中。
同是天涯無根草，吹落沙塵任轉蓬。
我昨青袍持一刺，三走朱門投不得。
恨不相攜胡伯連，急向紅槽占一席。
鼻頭火出氣如蒸，却敲銅盤呼賣冰。

呶來五內戰寒熱，歸卧兩日不能興。
今朝強起頭未櫛，手持竹箒打蒼蠅。
東鄰彼美邀余飲，索余艷語寫徐陵。
胡郎痛飲能數石，笑我量不如瓶罍。
三杯人口頽然醉，須臾一覺輒成醒。
案頭殘墨濡濡濕，信手狂塗幾刺藤。

送吳將軍良卿就試大司馬

燕山九月飛陰雪，畫角城頭聲咽咽。
司馬轅門牙帳開，十萬材官分隊列。
令旗卓處鼓三嚴，馬首嘶嘶蹄超忽。
朱纓皚甲晃寒光，滿臂驛弓如抱月。
萬人叢中

逞好手日快意遲惜始發颼颼鳴鏑貫垂楊盾鼻濡
毫奏策章宮花插髮袍如血五鳳樓前謁君王

送蛾眉山僧

君不見蛾眉山高高一抹入雲霄紫霧濛濛暮復朝
下視塵界千萬里宛如滄海一萍飄上有玉芙蓉瓣
瓣插太清問師何赤脚曾踏蓮花頂上行問師何所
有一錫并一盂錫底飛空常不住盂裡藏龍蜿蜒舒
榻來行脚遍塵寰恍如身坐蛾眉山火裏青蓮長不
滅風中旛影任飛翻瞿塘灩澦何壯哉不用折蘆與

渡杯一盂斟盡錦江水卓錫橫空是歸來

歲暮放歌

著書十萬付名山何如把策叩燕關浮名千秋俱等
閒但取黃金繫肘後還留白眼向人間

其二

蔡公一言奪封侯蘇生十上仍不收世間巧拙皆自
謀生憎子雲老執戟草屨卧閣風颼颼

羽甫家兄齋中曲木几歌

離竒古木不中繩以之爲器器不平吁嗟豈是樵爨

物高人一見眼自明登君之堂作君几我取離奇不
取平古之奇人多礪砢其貌嶮巖而可驚始知世俗
稱平者乃是鈍滯之別名山不奇今不肯高水不奇
今不肯清平莫平于案與椅終日對之有何情請君
相士如相几但見離奇切莫輕

羽甫家兄池上白鷗歌

世間不獨少閑人人間亦復少閒鳥白鷗爲性本幽
閒行步紆徐翮天矯如今世上少閒林不如斂翮向
君沼君之池沼最清閒主人與鳥立池間若個閒人

肯伴鷗我卽開門問逞還

關文

再題金粟泉書蘇公祠壁

茫茫大海汎玻瓈奇甸波心一葉挈中有寒泉漾碧
光宛如荷面珠明滅誰云海眼與潮通泉味負與鹹
潮別石縫澄澄幾許深飄來金粟紛如屑山上常聞
產玉禾井中誰解有金埒僧雛誇語未足信居人拾
得爲余說我來窺井甯無見恰如貧子思金穴何須
海外覓黃芽一軟神瀆甘且冽曾浮楊子飲中冷此
泉堪與相頽頽天荒海闊無人到羽也泉經安得列

前余飲者蘇端明冷席頽垣碑子子入門見像不肯
拜手自捫蘿看古碣佳水佳山信有緣要待奇人成
三絕二十年前我夢遊光景明明目所閱却恨端明
不我見江山千古留餘缺今來揮手與山辭泉聲爲
我增幽咽流波滾滾送遊人五百年後何人吸

二一壘歌爲俞季郎作

濁醪一觴歌一曲人生兩事亦云足來日苦短去日
多有酒不飲歡不歌吁嗟人生奈樂何床頭有金瓶
有粟終日憂生猶不足儂今不飲有何懼儂若不歌

便當哭生不必逢李太白亦不必逢賀知章今人豈
必古人讓不見西良俞季郎季郎胸中一物無壘頭
黃卷與青壺閒來對酒發長詠歌罷牆頭又自治不
署苦吟先生不狎高陽酒徒季郎自用季郎法咽喉
長潤腹不枯長鯨一吸千江水老蚌一噴萬斛珠醉
來不蘸張顛髮百番溪藤信手塗季郎不苦胡爲乎
世間清福須人享瓶罌有材亦有量老而材壽酒性
怪我對季郎空技癢冷齋無事學枯禪凍益梅花兀
相向

題羽甫小影

昔別江頭看曉暉君從江北望余歸瓊海迢迢音信
稀思而不見重依依見君紙上是耶非鬚眉欲動韻
霏霏迫而叩之聲息希無言無語自按徽如何覲面
乃相違徒倚沉吟興遄飛七絃在手倩君揮君如顧
我笑微微我已潜然淚滿衣

題高公先畫

昔我騎秃驢關山幾萬里當時只歎行旅苦豈知身
在函圖中覽圖始知行旅好在家寧免繫樊籠木葉

落小亭空短橋東復東霜淒露正濃敲詩誰是騎驢
翁

大方伯王公平寇歌

梟雛叫風古木惡火光迸地賊星落高牙卓處斗帳
懸八面旗門仗鼓角砲聲一响賊移營賊酋早向營
前縛零星部落半無主羈鳥弔巢魚泣釜一陣風吹
柵燼灰化作營前乾白土馬前將吏走如飛急傳令
箭解重圍邲邲搗鼓賽神酒馱着牛車牽犬歸

過石門訪王堯韭新居

鐘鼓樓前吹畫角煙火家家遍城廓太守祠荒徑草
深居士披裘恆帶索數武方塘接敞廬相過不用喚
籃輿登堂把臂忘賓主楸局桐徽問古書未論勝具
雅非一交情不與流輩匹懶將笑語嬉時人生成一
片峻嶒骨素業難憑清吏遺青緗自是儂家物環堵
蕭然不是貧布襪方袍野葛巾移泉不問晴和雨聽
鳥常同昏與晨老子生來有潔癖海南獨恨少茶賓
三日門前無履跡便遣平頭走通刺先生蓬巷雀張
羅居士蘿軒門是席我從挾策望燕關君亦移家向

石門石門确确石徑滑虛庭無瓦草依垣匡牀祇有
殘書帙客來何處話琴尊問君攜落胡爲爾吞聲嘿
嘿不敢言自古世途多偪窄勸君舒眉莫戚戚滄海
有日碾成塵深谷須臾變邱垤胡爲墜地七尺身不
寄四方寄四壁我今浮海卽爲家君今無家亦似客
大地何分南北居我身仍是去留宅世情厭故不厭
新賀君且結石門鄰蝸牛行處頭戴屋人生隨寓可
安身石門石門何嶙峋門前沙井清粼粼願將一掬
清冷水且浣舍田耳畔塵

贈杜孚洲將軍

生來膽識最超羣，掌上兵機指畫分。
 三入武闈魁浙水，獨提偏帥領涯濱。
 斷鰲島溼城依壘，射雉山椒箭沒雲。
 駐劄恰當瓊要害，長驅欲掃瘴妖氛。
 弓彎滿月烏號靶，旗颭垂虹虎爪紋。
 碧海無波人偃甲，綠林息警燧沉熅。
 雞聲曉漏屯吹角，鼉吼空江浪打鼓。
 每入郭門張綠幕，徑邀所輩醉紅袿。
 觥籌錯落豪能整，詩翰紛披雅且文。
 芳名自教童子淪，沉香時對韻人焚。
 詼談五夜殊無倦，轟飲千盃亦不醺。
 白眼劇憐肝膽

熱清歌微覺齒牙芬，幕中才調真無匹。
 海外詩壇近有聞，襲帶昔傳羊叔子。
 風流今許杜將軍

九蓮歌贈馮載賡

我聞西方極樂天，九品蓮臺九品蓮。
 欄楯七重圍寶樹，重重帝網空中懸。
 西方極樂真難狀，苦海衆生盡迴向。
 識風鼓浪慾河深，誰向龍宮窺海藏。
 龍宮金闕貝爲樓，斯鰲四足奠中流。
 神洲列島瓊居一，縹緲隨波海面浮。
 一片紅輪掛樹上，八面無風搖碧浪。
 五指崑崙高戟天，捧出玉毫真佛相。
 瓶持甘露灑琉璃，手

翳芙蓉跨白象我會折蘆一問津彼岸茫茫隔世塵
偶逢居士掀髯笑笑指蓮花是夙因精廬也傍蓮菴
側滴翠門前搖冷碧維摩斗室一匡牀藏盡世界人
不識度世緣深入世閒浴日扶天手一隻暫將高韻
寄琴書雅有閒情課水石曇花如掌葡萄成林酌水餐
霞養道心我來不語拈花笑君撫無絃七尺琴落日
啣山風在牖竹裏茶香煙縷縷爾能我等忘主賓抹
月批風筆如帚隔壁分來是佛燈昏衢一點明於晝
海潮三丈梵流音破雲隱隱木魚吼滴翠山房九蓮

菴截斷芻芻未語談同君共托無言偈胡床靜裡且
須參

題昌化令張侯瑞應冊

大明天子坐明堂山陬海澨遐哉荒翡翠珠貝走上
方有邑淳簡儉之昌厥侯爲政古循良則壤惟賦均
且詳鞭笞不事民樂將枕榔樹下課農桑有雨隨車
濡灑灑散之原野盡天漿禾登于壠穀盈廂民之樂
只帝力忘檳榔椰實樹千章更于其下牧牛羊使君
何必下琴堂八風六律調宮商雁鴻中澤鳴載翔鴉

食其菴音則臧草不知風波不揚三秀曄曄產芝房
金砂淘粒蚌舒光豐碑洗出峻靈王再拜稽首神固
藏公無渡河河湯湯須臾汜濟河斷梁民加其額公
壽康公曰偶爾未為祥卽今奏最上巖廊 天子
曰嗟爾化昌 御屏定書昌化張

解嘲和坡公夜夢

旁人笑我士不如終日誦誦一卷書龕燈常過午夜
餘晷起剛及曉鐘初樹為局局不自舒前身定是一
蠹魚我言萬於緣詩書於我真音偏帶經而仕

又三平依然舊

瘞較之博奕此為賢匪余癖

也古有然大聖三絕勿草編

因病閒掃和聞子由瘦

近服黃連稍斷肉頓頓只啖黃梁粥窓燈眼纈未成
眠入夜蟲聲逐蝙蝠朝來投牒乞移病剛得閉門一
避俗攪穠半擁絳帳明冷衾未許偎紅玉風敲短簷
落葉乾寒肌隱隱生金粟強調中氣守黃庭心花瞿
眩奔狂鹿印鎖空庭鳥雀譁山厨黠鼠欺童僕纔梳
短髮帽寬欹帶孔移腰形似鵠

摘荔枝和謝歐陽晦夫

往來瓊海五經年製得沉香黑角冠
土人笑指私相詫贈我抹額青花纓
白藤細笠黃皮屐我今暫與俗相安
從來入俗須從俗且與揚波汎其瀾
萬安藤枕細且滑定安草簟冰紋寒
攜之花陰供午睡要與家山一樣看
海風嘯林夏不熱荔枝五月遍同轡
脫冠戴笠遊其下新衣黎葛輕如紈
三杯粘酒頽然醉先生頽賽荔枝丹
傾筐回來攜滿袖飽啖還解帶圍寬
東坡饜腹佞其

笑海翁酸

王際明

扣韻答之和坡翁琴枕

七尺匡牀置草屋
用冰簟蘄州竹
副以萬州細藤
枕一生閒具亦云足
朝來解帶倦將迎
重衫脫下汗如漉
憑君相引入華胥
釣天一鼓雙門曲

鍾江詩集 卷之二

三



國家圖書館. NATIONAL CENTRAL LIBRARY, TAIWAN, R.O.C.

鶴汀詩集卷之三目錄

五言律

寄何鳳來讀書西山 過越王故苑

自省還洞中作 寒食感懷



林陽仲攜諸子訪 卧病

開徑 林陽仲容九閣過飲

泊甘竹 經古汶洲

客至 蘇汝載山房同韓

泊黃邨 元旦祝 聖



薦家廟

入峽望圭峯

以下二十首由圭峯作

玉臺寺

辛帝殿

文昌宮

觀音庵

李真人廟

辛峰道士山房

祈雨壇

真人巖

石牀

朝斗石

嘉樹

瀑泉

借宿禪堂

石龕

寒甚從道人索衣

從東嶺度逆折

從真人巖降就

詩社 二首

秋水芙蓉

吏部試

寄嗣淳家兄

訊林陽仲落第

登西山閣限韻

訪容植之山館

同余彩震宿東山

望臨江臺寄

贈施純卿

輓吳別駕

寄懷羅華麓丈人

秋夜訪蔣伯瑞

初發涇湖

涇陽道中

度清溪

望曹溪

夜度曹溪

途中雜詠五首

逍遙臺

安遠除夕二首

登涿州城

京邸立春

關門

長城

寒食舟中

舟中書所見

對月

對酒

南池

經圯上

過汨羅江吊三閭廟

登雪浪閣

登九成臺

同王虞石老師二首

訪張約之

送黃達卿遊西粵一首

定帆亭晚眺二首

訪余彩震溪居

彩震碧浪居留題

喜高公先過訪

苦雨柬公先

送吳彥先扶其兄二首

送吳非熊旅櫬還二首

過舍弟園館

訊何文起

送馮縣尉解組歸

對落葉

見白髮

夜行口占示區

新寧道中八首

同劉平子夜坐溪

會文起病中見寄

晨起同平子步除月

送區彥斯返館長沙

送區茂對之五羊

戲作爲區君玉

同諸子東浦放舟

重過西林

區君玉同訪西林

潮生

浮波片葉石

鐘聲

初出關留宿

澁湖驛

夜投官莊

望僊臺

舟中臥病

苦雨

別舍弟

歸棹 二首

江中書事

金華山小菴

閑步

儲潭廟

晚度梅關

擷芳亭夜話

送容叔文讀書廣海

送黃淨友遊洞庭

贈端公禪師

送方士

送何文起赴廷試

送傅子彝還金陵

旅館書懷 五首

贈無樹上人 二首

小年夕同楊亦琳

上蕭拙修太史

吳彥先過訪

訪邱宗上人

舟次同楊應先

余自金陵與西粵文 除夕前二日送李

羽甫家兄花下彈琴 同陳叔和過知微

苦雨柬何文起首二 晚過容知微園館

過羽甫家兄池館首二 過陳叔和館

贈容瑞瑜 雨懷知微

過放生社問高 苦雨再柬羽甫家兄

羽甫兄中林夜話 聽雨

過東臯訪區茂對 賦梅影二首

廬一清過訪 得韓孟郁書知

留別廬一清 同諸子賒月臺玩月

將之五羊話別 同廬一清集斐園

過韓孟郁清居首二 送吳彥先還金陵

中元節過長壽庵 羅浮仙籍

贈張白一道人 送梁起先遊飛來

慰羽甫兄失磬 羽甫兄得還舊磬

送匡雲上人 春日過訪陳來獻

送周時府入計 賦得秋荷

送容九閣遊韶陽 寄訊曲江梁國楨

鬼燈籠 并引

別鄧黃二生

彭峩崑過訪

長門怨

巫山高

愛妾換馬

明月光

遠別離

新婚別

將別息廬夜坐

裝簡

不寐

社中琴集送吳生

遊飛來寺

過白下投贈李伯開

舟次螺江始聞蕭

秉燭贈所歡

同楊應先集中秘園

過御空上人

將北征上侍御 五首

江上

過十八灘

道士山房

譚與人過訪舟次

哭吳非熊

贈逆旅主人

西江晚泛

送陳治父還清遠

望圭峯寄道人

秋夜荅梁天放

得南海劉方瀛老師

別李幹甫

席間贈黃達卿

秋夕葉而章過飲

過廬陵謁拙修太史

訪王君奉

國家圖書館 NATIONAL CENTRAL LIBRARY, TAIWAN, R.O.C.

曉行河間道中

別廣文鄧先生

區彥斯攜酒過訪

同平子君玉玩月

堦前樹

喜邢耿乃同舟

夜泊梁口

過明因寺

浴象 六首

同楊應先集程散木園

雨夜 六首

何十熙刺史話別

夜次大通

寄舍弟

夜起讀陳子明詩

過潘元明留題

除夕

訪梁孝廉

余方謝客 二一首

秋雨園居 二一首

林陽仲容九閔過飲

汝載山房話別

十三夜

十四夜

十五夜

同梁伯靜送彥先

送吳德祖還新安

水松

翠鳥

燈

閨閣燈

禪室燈

佛燈

漁燈

邨燈

溪邊春望

步月過天寧寺 過寶月臺曉不及

賦得蝦蟆石 題大小孤山

賦得鴛聲似故山 謁徐王陵

高皇廟 經鄒縣

觀鞦韆 署中病懷示王堯韭 二首合

下十一首原刻朱
厓一集浮槎草 社集同諸子詠六角井

送陳國徵廷試 和潘山居寒雨 二首

冬雨閑居 四首 小雨集李影九

初抵家園 合下四十五首原刻
朱厓二集歇園草

題伍百億行樂 二首 哭羽甫家兄 四首

輓陳憲副 二首 歲暮苦雨 三首

除夕 題梅贈黎隱君

次和林陽仲西郭 三首 過羽甫兄舊館 二首

元宵卽事呈林 二首 過文玉青浪園 二首

春日客集歇園 偶作示兒姪

園居社僧過宿 二首 雨卧中林因懷

懷莫止公 并引
二首 春日東俞季郎

題世立澹居 贈祝愛林

同梁叔熹集蔣園

春日尹世立集放生社二首

春夜世立過訪二首 次和世立夜過口占

送世立沾麓赴試 春雨懷林鹿野

得友人山房苦雨 余將赴瓊話別二首

別李公祖

經高涼寄題李山亭三首○合下三十一首
原刻朱厓三集可廬草

披莽四首 酌酒戲贈楚江石

贈王堯韭移居 同諸子遊清源庵二首

訪答子亮 杜子洲折柬

蚤起 初春出郭訪鄭

送林公毅之會同 寒雨懷空可亭二首

戲贈鄭聖符新婚 命美邀同馮集空可

東馮載廢新納寵 同載廢命美賜炬

訪潘垣杓別業二首 夜起步月烹茶

輓蘇新男司訓二首 同彭蔣二寅丈二首

次荅自珍病中見懷 次荅何人止見懷

和坡公倦夜合下十三首原刻
朱厓四集和蘇草

有感和坡公 睡覺和贈子野

自省還洞中作

牢落倦遊歸蕭然掩舊扉
蘇留題處墨荷換去時衣
一雨秋陰淡孤峯倒景微
晚來新水到垂釣坐苔磯
寒食感懷

由來寒食節風雨倍悽然
人世猶如此夜臺殊可憐
垂楊煙漠漠荒壠草芊芊
向晚烏啼急雙飛集墓田
林陽仲攜諸子月夜過訪余
走逆城南不值賦
此寄之

共擬探幽去如何踏雪來
不知蘿月下曾否華門開

行跡餘芳草留題覓古苔
冷然清興盡何異剡溪迴

卧病

歲晚憐家居翛然一鶴如
常時親枕簟經月罷琴書
文債猶催逼閒緣未斷除
應門頻有報花下駐朋車

開徑

開徑遙分竹疏流近接巖
雨合湘浦淚春入武陵迷
細荇魚吹浪高枝鵲借棲
閒情應未減風物每撩題
林陽仲容九閤過飲鳳城旅館

倦遊無歲月可似滯周南
客計窮相傍鄉愁酒共醺

時名驕白眼世路誤青衫牢落歸何晚徒令短鋏懸
泊甘竹

稍覺鄉關近移舟泊海門萬山盤一壑小徑入孤村
岐路心俱折還家舌尙存不須吟澤畔沙岸轉黃昏
經古汶洲寄陳夷仲

此地昔爲別經過倍愴顏人家平貼水日影半啣山
一鴈來何處扁舟去獨閒殷勤江上鯉寄信到松關
客至

閉門緣避客客至偶開門乍見不爲禮相看無一言

烹茶分曲澗散帙媚幽軒勿訝元龍傲還令古誼存

蘇汝載山房同韓孟郁楊亦琳劉觀國話別

暝色下庭陰移觴傍竹林別離不在遠去住總關心
久客鄉園夢懷人落日吟其憐他夜月尊酒不同斟
泊黃村

雲澹水涓涓中天皎月懸松梧依靜渚墟里上孤煙
宿棗輕鷗外鄉愁旅鴈前空江人語寂對此未成眠
元旦祝 聖

肅仗傳呼急嚴城鼓吹殘千年周鑄洛一代漢衣冠

淑氣迴金闕光風轉畫闌天南雖萬里日出是長安

薦家廟

焚香掃敝室稽首淚沾巾雖有冰盤薦何曾七筯親
蕭條傷往事慘淡對芳辰舊種庭前橘年年春色新

入峽望圭峯

以下二十首
遊圭峯作

羣峯趨谷口縮勝有危橋望望玉臺寺鐘聲來碧霄
雲迷天路迥水接桃源遙况復高秋日登臨野思饒

玉臺寺

古寺也白沙先生榜畧今不存

寶刹開靈境慈雲護法堂僧閒不掃地客到但焚香

塔影澄秋霽松陰散晚涼悠然息塵想隨意禮空王

孚帝殿

當寺中頗宏敞

北極是天都孚冥護赤符風雲開法陣營衛肅辰樞
玉節時趨闕商飈颭戒途千年香火地斜日鎖金鋪

文昌宮

在左景較奇

靈洞清虛府天街白玉堂山河扶繡棋星斗煥宸章
獨攬中峯色還依帝座傍碧桃千萬樹偏泄露華香

觀音庵

其後為觀音庵奉大士化身

來叅大士座妙相果莊嚴千手金輪轉雙睂珠火尖

白猿閒聽法青鶴靜窺簾一片華池月流光滿四簷

李真人廟

跨寺左像其中跣一足

空傳墜履跡猶想餐芝顏古廟無人到蒼苔一逕閒
雲陰餘落日秋露滿空山何事令威鶴千年殊未還

子峯道士山房

最東為子峯道士山房有流泉清寂

羣峯望不極一室迥清虛莫是化人國真成靜者居
巖花細遶徑澗水暗通渠我亦雲中侶來叅方外書

祈雨壇

從絕頂降得祈雨壇香爐供案在焉

掃地象圖坵祈年事可求翻雲開羽節和露薦瓊羞

擁珮祠官集颺旛真侶遊近聞四氣洽禋祀不曾脩

真人巖

神室何年闕靈踪久已蕪古松巢野鶴陰雪餐飢飈

石鼎三芝秀雲房五色鋪憑高望海氣一點類蓬壺

石床

在巖左石壁障之偃而入可容一人

真人惟面壁石榻僅容肱雨沒縈裾草雲垂交戶藤
鳥王啣絳果山鬼吹青燈指點靈竒蹟高風信可憑

朝斗石

片石分雲出生成禮斗壇星河七曜動環珮五更寒

鳥丁寺集

卷之三

四

靈雨陰長潤霜華剝不刊飛來雙白鵠縹緲下層巒

嘉樹 高百尺而無枝夜半懸燈光出雲杪

嘉樹蟠雲固亭亭萬仞枝罡風吹不動湛露泣長垂

帝遣神工護人欽佛力持林端舍利影光蘸碧琉璃

瀑泉 穿右峽出跨以石梁迸空如射

雙泉懸碧落百折度丹梯迸作飛空雨瀉為漱玉溪

蒸雲噴宿霧插漢飲晴霓可是巫山女垂垂珠箔低

借宿禪堂 從文昌宮左腋得禪堂借宿焉

借榻禪居淨冷然聽梵音燈明方丈室香襲旃檀林

其覓無生路因知不染心月華偏法界清夜對沉沉

石龕 在寺密室懸燈鎖之有老僧化鳥雛俱養不絕

石龕鎖青壁面面有燈燃乍映摩尼色偏臨淨樂天

飛空流玉鏡特地湧金蓮但悟無生滅何須學四禪

寒甚從道人索衣

名山採藥遍薄暮怯霜寒衣自霞細出人疑鶴蹙看

凌風雲氣濕被月露光溥便可還初服因之製竹冠

從東嶺度逆折而西登絕頂

直躡雲根出方知中嶺尊地臨南極盡山以北為藩

日湧雙輪轉樞旋萬象奔疑聞鈞樂奏咫尺是天門
從真人庵降就行厨入禪堂始飯

凌晨披霧出歸始及朝炊香飯僧厨借山薇野客道
和雲烹露茗就石擷靈芝頓覺顏顏變飛仙挾可期
詩社

重來詩酒會耆舊幾人全白社空留蹟青山不住年
荒臺縈蔓棘池草莽淒烟寂寞千秋事登壇一泣然
其二

聊持一觴酒來就飛泉陰遠公何處去策杖還相尋

同是栖真侶誰懸出世心莞然成一笑送送過東林

秋水芙蓉

吏部試

朱華涵綠浪並瀉一秋光澹冶生閒韵清妍濯淺涼
飄來枝影動散去岸痕香水鏡如同照流波望正長

寄嗣淳家兄

時爲杞縣宰

洛陽千古地宰邑有吾兄露冕行寄過壺漿遮道迎
雲迷雍邱國花重高陽城翹首長安近雙鳧切太清
訊林陽仲落第

聞君不得意歸復掩柴關世路原如此浮名亦等閒

曲慙歌下里書好副名山若問行藏事相看鏡裡顏

登西山閣限韻

秋色來何處空亭夕景啣山情恬鳥雀霜意宿松杉
寺近時聞鐘林疎忽辨帆平蕪踏歌遍嵐重濕衣衫
訪容植之山館

山逕少逢迎幽居無俗情密雲過戶濕細雨入池平
插架槩書靜侵階苜蓿榮高談二三子終日有餘清
同余彩震宿東山艸堂

城頭月似霜流影入松房乍覺衣裳薄全消枕簟涼
花陰閒命酌石几靜燃香終夜無言說迢迢清夢長
望臨江臺寄陳瑜仲陳熙父

孤臺臨斷岸此地昔攀登攀石沉危浪盤空綴古藤
山童橫牧笛溪婦曬魚罾極目觀溟漲垂綸愧未能
贈施純卿

四十猶未遇生涯殊可悲世情看俯仰吾道屬支離
挾有干時畧貧無買酒貲頽然堪一笑何物是男兒
輓吳別駕

漸鴻

含砂終誤毒抱玉豈鳴冤一死酬臣節千秋作禮魂

棘林新鬼哭白日 帝城昏不是能尸諫何由感

至尊 吳以權監構逮

寄懷羅華麓丈人

養寂衡門下居然邱壑尊木奴千樹橘石室一家言
歲月烏皮几風花綠玉樽睽違今十載幽意向誰論

秋夜訪蔣伯瑞小酌

東遊不得意歸興日悠悠夜雨芙蓉劍秋風蘆葉舟
寒蟲偏入戶殘月故當樓况值黃花候清尊好共留
初發湓湖與仲昭姪別

甞爾離鄉井暮行投遠村驛亭無長吏穉子候柴門
平明驅馬去露白岸微昏嚴程自茲始羈思更何言

湓陽道中

危峯半入雲雨色靄氤氳向晚湓陽道愁穿豺虎羣
路迴青嶂斷石溜碧泉分蒙塗兼歷險于役此何云

度清溪

攢峯如列戟古木鬱淒迷盡日聞猿嘯長風送馬蹄
人烟茆屋午官路板橋西異境何曾到磨厓覓古題

望曹溪

崔詩言
招提不可到樵徑一僧逢問詢前山路翠微知幾重
林光浮舍利水香藏鉢龍居然靈境隔立馬聽遙鐘

夜度曹溪

一燈傳影後茲水共留名浩淼來何處沿洄遶化城
寧因浴佛潔始辨入山清自笑迷津子褰裳此夜行

途中雜咏

京國數千里悠悠去不停鷄聲破曉霧馬首認殘星
古戍依寒草官橋間短亭無情堤畔柳憔悴不成青

其二

野店臨平坂荒村人語稀步簷驚虎跡登榻卧牛衣
客至時爭席童嗔半苦飢天涯一翹首能使旅情微

其三

北地殊風候兼之歲欲殘辟塵繒覆面衝雪革爲冠
苦水醱酥酒腥羹苜蓿盤罄囊持一飯未結主人歡

其四

肩輿不可度霜滑磴途賒倒影疑涵水長天帶落霞
行人驅螳隊稚子挽牛車同旅時相勞前村日未斜

其五

寒色暝淒淒荒墟古木齊飢鳥時自出瘦馬不聞嘶
夾轂人相叱畏途劍獨攜由來貪訪勝到處漫留題

逍遙臺

下馬臨高臺迢迢但草萊雀羅人事改花發夕陽催
廢井圍荒棘殘碑沒古苔雍門昔有淚千載思悠哉
安遠除夕同韓孟郁甘存之守歲

間關餘萬里迢迢向京華政爾逢除夕蕭然寄酒家
驛路臨淮近淮流繞郭斜悠悠此行邁離思滿天涯
其二

椒盤隨俗供尊酒話平生湖海窮交淚風塵羈旅情
紅顏芳歲換白眼世途輕顧已牽緣役勞勞何所營

登涿州城

危樓抗百雉鎖鑰壯神州表裏連三輔襟喉屬上游
浮雲邊塞色落日薊門秋極目寒煙外金河百折流

京邸立春

瑞雪霽芳辰輕煙裊裊新青陽初應律朱邸迥臨春
就日披榮早迎風解凍勻自憐衰朽質嗁咈藉洪鈞

關門

關門壯國險寒色迥沉沉肅衛千屯合崇墉百雉陰
黃塵飛古道白日下幽岑一片隴頭月清霜拂藁砧

長城

長城迤萬里落日照黃榆飲馬交河裂揮戈塞草枯
陰山連獵火寒磧度飛芻何限紆金印橫行誰伏□

寒食舟中

曠野四無隣征途及暮春孤舟寒食雨萬里倦遊人
鄉壘音書斷松楸涕望頻一杯今日酒誰醉故山墳
舟中書所見

楊花白于綿榆筴細如錢並觸征人棹春愁殊爲牽
衝波無日夜歸夢已經年何似忘機鳥中流去渺然

對月

素月澹盈盈凌波影乍生關山一以望碁杵幾家鳴
箭浮衣苻亂鏡漾布帆輕誰解征人怨蕭條此夜情

對酒

微風起蘋末涼雨亦絲絲征路聊逢此青尊且自怡
孤雲生掩映獨鳥弄漣漪最愛湖光滿輕舟盡日移

南池

鳴丁寺集

卷之三

三

樹隱平橋合花藏曲塢幽昔賢留有詠茲地成千秋
桂擢芙蓉渚菱歌杜若洲南池風物好春日羨遨遊
經圯上

丈人逢孺子挾筴此相邀所以邳城下今存墜履橋
靈竒傷往事契合想前朝淮水東流去英雄恨未銷

過汨羅吊三閭廟

昔聞楚子怨今過漢江滑山鬼拳蘿立湘靈鼓瑟悲
蒹蘭行客薦時俗土人思古廟空山裏陰風閃翠旗

登雪浪閣

羅文恭公書院

昔賢辭簪紱栖遁此山間臺館渾如舊雲蘿長自閒
渚花明講席溪月照松關因悟區中累倦遊吾亦還

登九成臺

曾聞韶樂奏鸞鳳此來儀仙馭杳然去高臺空在茲
山容如削玉泉響雜哀絲猶似聆餘韻臨風一解頤
同王虞石老師湛仲賓年丈經白沙里用區太

史韻

危樓恣攀陟初月印澄潭野水明鷗席松風清塵談
宦情懸薊北吾道亦天南它日留芳躅因之想盍簪

其二

昔賢棲遁處水月澹孤村綠篠微通徑青山不礙門
臨流一以眺懷古意空存碧玉依然在千秋共討論
訪張約之

曲徑轉蕭森幽栖傍竹林閒雲一榻靜芳草半池陰
舊好攜尊入新詩抱膝吟因知仲蔚宅未許世人尋
送黃達卿遊西粵次其留別韵

巖風起木末颯颯動高秋正值蕭條候况兼離別愁
人烟苗子國桂棹夜郎舟向晚頻翹首茫茫天際頭

其二

千山環斷岸一水遶孤城送送河梁別悠悠空復情
野雲正鬢鬣江月淡微明定有浮湘賦飛鴻一寄聲
定帆亭晚眺和王老師

其二

定帆亭一望海勢淨遙空落日含餘照輕霜帶薄棗
烟霞夕圃外鷄犬碧雲中向晚緌笙過飄飄欲馭風
近山浮淺黛遠水淡微波地僻惟松菊亭閒自薜蘿
桑間時引雉池畔足籠鷺絕壁留題處空慙和郢歌

訪余彩震溪居留酌

秋水欲浮郭維舟便到門村春隔隣巷書聲在竹園
花間時引步雨裏一開尊盡日無人見焚香展話言
彩震碧浪居留題

航幽此結齋一逕草深靈樹陰疑壓閣日影不移階
竹密成行次籬蔓沒安排坐來清露重花氣逗人懷
喜高公先過訪

相見渾如舊相憐髮已非壯遊餘俠骨客路換征衣
野徑黃花滿秋山紫蕨肥莫嫌生事薄到處可忘歸

苦雨柬公先

黃葉飛林外蕭條但閉門懷人隔秋雨相過待朝暾
水市多魚饌比隣是酒村盈盈望不極期共採芳蓀
送吳彥先扶其兄非熊旅櫬還新安

歸程不可問泛泛度河津芳草天邊路遊魂夢裡人
還驚鄉土異偏覺客懷新况復秋風別空江滿白蘋
其二

嚴程無日夜幽賞每多違鴻雁雨中斷交遊嶺外稀
鄉心容易折客計轉憐非生死雖殊路雲山一處歸

送吳非熊旅櫬還新安

死別已淒惻送君重可嗟空山懸客夢孤櫬獨還家
鄉樹吳門近雲峯嶺路斜所嗟魂未定渺渺越天涯

其二

獨憐芳草遍之子未寧居有弟能收骨孤兒可付書
囊因爲客盡句尙苦吟餘借問同遊輩誰來策素車

過舍弟園館

雲蘿如有戀入徑莽牽衣獻賦不能遇郊園空掩扉
門驚羅雀靜燕識主人歸猶憶池塘夢殘燈對下帷

訊何文起

秋風餘幾日亭院定蕭閒竹徑緣誰掃花肩聊下關
溪聲來一派峯色淨雙鬟却憶同棲處余今倦出山
送馮縣尉解組歸

涼颼起木末江驛動微程但解林巒趣寧知簪紱榮
雲連千嶂暝風送一帆輕不盡江門水難銷此別情
對落葉

落葉掃還積霜林影乍空無情偏逐水有恨但隨風
蟬翳移深樹鶯歸失舊籠可憐蕭索候况是病愁中

見白髮

衰髮忽蕭颯霜毫添幾莖鏡前看不見梳後拔還生
乍覺遊絲繞還同落絮輕憑闌翻自哂嘿嘿此時情
夜行口占示區季譽甘存之

輪蹄交雜還夜語不分明望火時投店聽鷄夜度城
候人嚴邏柝驛使抗前旌夾轂還相問鄉關第幾程

新寧道中

荒城纔斗大比屋似星疎夜市多蒲席山獐半穴居
民貧惟種豆地瘠不宜蔬客况殊無味悠悠念故廬

其二

孤館不遑寐迢迢刻漏長留燈共客話催僕檢行裝
城角猶殘月河堤半曉霜歸心正悽惻欲濟又無航

其三

行行踰峻坂望望是邨西古道無人跡荒原盡獸蹄
瓦窰依壑穩茆屋傍林低一陣衝寒過長風送鳥啼

其四

獨行三十里草樹密冥濛買食投荒店迷途問小童
天遙山點翠霜重葉垂紅怪石蹲崖立疑穿虎豹叢

其五

翻疑川路盡迴合見江濱吹角牛歸壠鳴鑼渡喚人
山光晴冉冉潭照碧粼粼且復隨流去征途休問津
其六

維舟沙渚靜霜落見潮痕雀噪寒枝聚人爭水渡喧
畏途藏姓字混俗變鄉言今夜滄洋宿計程近故園
同劉平子晚坐溪林

園廬秋方晏芳樹晚條稀寒燈聽雨罷淡月出林微
暝色乍延浦河流欲漫磯如何此時賞幽抱共依依

畚文起病中見寄兼訂西林之約

秋色今如許秋期間未閒囊中時貯藥夢裡亦尋山
曉樹迎霜早寒潮帶月還對景堪延賞無然靜掩關
晨起同平子步餘月臺望西林因寄懷文起兼
書近况

懷君一長望雲木共依依病况知無恙西林應到稀
秋色遙連水晨光澹在衣正愜芳園賞中林漫掩扉
送區彥斯返館長沙

津樹澹霏霏蘭橈盪曉暉空江還獨往投館未言歸

別路縈芳草間房傍翠微同衿憐遠隔客裡受寒衣
送區茂對之五羊

昨日同尊酒今朝南浦行還隨一鴈去又度五羊城
霜岸秋容澹江流曉氣清所思無遠近相別總含情
爲區君玉戲作悼亡詩

羅幃香夢斷夜被不成溫欲識懷中恨還看枕上痕
酣花憐笑影癡月想奔魂縱有新承寵難忘是舊恩
同諸子東浦放舟轉入西林

隔浦望不遠登舟行轉深誰云剩溪水有路通西林
山館遮紅葉人家住綠陰閒時亦一到邨解此幽尋
重過西林有述

刺眼皆非舊多時余不來澹池穿石脉移樹補牆隈
雖爾除繁蔓猶然費品裁松陰開共課山色照深盃
區君玉同訪西林還宿中林

買山余未得溪上且閒居趁此登臨興還來共息廬
虛牖涼生枕殘燈夜伴書相留殊草草相別意何如
潮生

渺渺來何處悠悠看漸盈常隨宵月長偏傍曉霜清

澶漫原無極迢遙似有情物華向此度空水自長生
浮波片葉石

本是頑固質何來波面浮已憐湛似水難道幻如漚
江楓飄一片斷梗截中流物情皆有託泛泛爾何求
鐘聲

流雲遞幽响隱隱度層岑斷續隨風緒微茫帶暝陰
忽驚來枕畔旋復入空林政爾息塵想遙聞亦警心
初出關留宿子帝觀與親友言別

青郊帶暝色官路少人行雨裡停車騎尊前別友生
一燈明古院五漏隔嚴城暫此還栖宿聊寬遠道情
涇湖驛

迢迢度隴阪僕馬不辭疲底事忙如此征途未有期
驛垣經雨塌村竈傍巖炊去去無窮已離懷方在茲
夜投官莊

透迤百里道登頓幾千重流水咽危石陰風嘯古松
曉霜人度磧暝路僕迷蹤夜宿投村店沾襟露氣濃
望僊臺

停橈傍水隈一上望僊臺磴道緣溪盡庵房鑿嶺開

卽看花散處疑有鳥啣來靈境居然別鸞笙幾度迴
舟中卧病

世味闕來淡鄉心殊未恬扁舟同病載新水共愁淹
敲雪添棉襖遮風下布簾歸期不敢問暗把夢來占
苦雨

終朝恆苦雨山徑阻招尋作客殊無味逢人難語心
曉風初出谷寒葉尙餘陰可似羈栖鳥春來思舊林
別舍弟

客程一分手征鴈隨南還折柳臨前浦聽鶯懷故山
清時誰不羨因病我投閒舊業東臯下殘陽深閉關
歸棹

偶然興盡返始願何曾違京路人如織家山吾獨歸
病多身念重閱久世情微稍覺南中煖春來漸減衣
其二

來路悔已遠算程歸尙遲鄉心篷底月客况鏡中絲
問我還山事東波潮漲時夕陽深閉巷去掃舊茆茨
江中書事

草色綠於染江山春雨餘客程三月別親舊隔年書

麥壠驅黃犢沙溪打白魚隨緣生事足吾意亦懷居
金華山小庵

庵在半山處山腰雲數層上方無覓路古壁有懸燈
積霽沈崖棧消冰見屋稜往來舟上客試問幾人登
閒步

水宿殊淹滯閒尋野寺行寒山隔岸小殘雪落林輕
鷺歷連江色迢遙遠俗情無僧可共語寂寂一燈明
儲潭廟

到此灘聲息平沙一鏡涵人烟過白礪江廟賽儲潭
映日帆移岸搖風火漾龕征途殊未歇催棹又投南
曉度梅關

曉霜猶濕徑驅馬望山城鄉月臨關近歸雲傍嶺生
人今辭北地鴈始背南征去住雖殊致同爲羈旅情
擷芳亭夜話

閒亭秋氣早芳樹晚留颺愛此槐陰月清光來入池
微吟穿竹逕對語隔花枝漸覺明河沒城頭曉漏遲
送容叔文讀書廣海

春早遠行邁悠悠劍獨攜山程過石嶺水渡問邨西

風景堪描畫煙花八品題孤村讀書處古木有猿啼
送黃淨友遊洞庭

君山如抹黛湖水貼天青一望無邊際孤帆入窅冥
臨風懷帝子挾瑟訪湘靈爲問空潭月漁歌誰共聽

贈端公禪師

金篋導苦海玉鏡照迷方煮石臨堦月緡經續鼎香
衆生資慧命大地盡慈航不必知名姓前身是藥王
送方士

淒淒芳草遍之子動征輪渡海施來藥書符解活人

懷中三尺劍囊裡一壺春收拾煙霞去歸裝莫訝貧
送何文起赴廷試便道省覲

桃花新水漲之子事長征子感千秋遇青雲此日程
握衣淮甸月躍馬薊門城正及皇都麗春風聽早鶯
送傅子燹還金陵

所嗟行役遠念子去如違度嶺愁聞鴈經秋未授衣
家山淮甸杳鄉月大江微遙憶維舟處春流滿燕磯
旅館書懷

城市休相問閉門事事疎向人求藥草課僕種盆魚

補壁懸新畫移床頓古書閒庭剛灑掃纖月到前除

其二

恰似閒荒院松門閉寂寥催齋常過午聽雨每連朝
掃地延僧話裁書謝客招茆簷忻日出向暖護蘭苗

其三

住處當官路轉過門巷斜借經來靜院貸米向隣家
病眼長親藥衰脾尙癖茶偶逢方外士勸我鍊黃芽

其四

病來慵約束舒散快心靈客到頻題字童關漸解經

小池過雨碧砌草閉門青爲惜春朝去移花插膽餅

其五

鋪設閒供具常時淨掃房竹間安茗竈花下置藜床
學演戲禽法多傳却老方晝長無事事小步遶巡廊

贈無樹上人

住山凡幾臘渡海忽經年布衲衝雲破芒鞋踏嶺穿
拈詩呈了義不語悟單傳我亦同飄梗茶香暫結緣

其二

彌天江路迥一錫向南飛幻影原無住逢山可當歸

行隨湘浦鴈身老粵中薇相遇溪堂上香雲滿衲衣
小年夕同楊亦琳胡伯連對酌分賦明日立春
扁舟徒泛泛野泊傍江漁客况驚殘臘流年逼小除
消愁今夜酒償債幾行書獨有鄉園夢先春到敝廬

上蕭拙修太史

秋杪離鄉井經春阻白門風萍嗟浪跡感激爲酬恩
一顧時名重千秋古誼存尊前紆碩畫借箸向誰論
吳彥先過訪旅舍留宿

嶺上一爲別邨堪十載餘難將心曲事去覓往來書

以我傷萍梗逢君問起居相留惟脫粟休嘆食無魚

訪邱宗上人留宿

逢師寂無語宴坐一爐香空水搖山戶閒雲宿石床
松因經臘古草不待時芳向晚簷鷓息聞鐘未下堂
舟次同楊應先譚敬質玩月

鄉心同此地旅食算流年幾度天邊月虛從望裡圓
涼風低燭影清露濕茶烟爲愛連宵話推篷未忍眠
余自金陵與西粵文程可楊不羣同舟屈指月
餘念抵庾關行將告別臨風對酒聊贈短章

孤棹自京華迢迢水一涯他鄉同對酒旅夢未還家
庾嶺聯歸騎灘江獨泛槎時危各努力離索未應嗟
除夕前二日送李解一還鹿門

晏歲促歸程蘭橈趁曉行客心隨候鴈鄉夢記啼鶯
凍雪融泥濕殘梅點袂輕暫時還此別相望隔年情
羽甫家兄同容知微花下彈琴

幽人欵竹扉相對理清徽夕靄下庭薄輕風生袷衣
宛宛指間語寥寥思際微乍覺春寒重流泉花外飛
同陳叔和過知微齋中聽雨

雲光與草色清影碧參差夜榻留燈處閒窓聽雨時
爐香飄茗盞餅露醒花枝忽作沉沉溜餘流迸入池
苦雨柬何文起

春愁不可奈苦雨又連朝架沁琴書濕庭添几案潮
芳遊能幾許索處更難銷爲問花安否相將護短條
其二

雨濕燕泥重花飛故傍簾宿雲癡欲墮砌草嫩成淹
倦覺茶助薄寒欺酒力嚴遙峯如可數霽色露荊簷
晚過容知微園館

庭皋望空濶山靄晚煙微犬護籬根靜蜂搏花粉歸
暖風來燕雀香露浥薔薇亦有中林客乘閒歛夕扉
過羽甫家兄池館留贈

芳樹接池陰幽齋依小林花標閒逸韵松作淡虛音
過雨忙移藥拈香靜譜琴離居猶混俗自是少塵心

其二

深巷市喧隔虛亭長寂寥穿堦留綠筍背樹綴紅椒
童子收松粉山樵送藥苗詩筒兼酒觥忙過百花朝
題陳叔和館

一區藏窈窕片石斲雲根移樹高於屋編籬小作垣
雲應供灑翰鳥亦課閒言不是棊詩侶夜深誰打門
贈容瑞瑜

名山終欲往昏嫁暫隨緣候火調丹鼎烹茶借蒔烟
閒心花石古勝具木瓢堅時有耽吟癖孤峯頂上眠
雨懷知微

蛙吠水聲急陂塘春漲浮草香微有韻花淡却如秋
此際難成寐思君獨上樓還聽蕉葉裏疑入玉棊流
過放生社問高公先病

旅館思難任投閒依道林青燈孤客夢白社舊遊心
齋鉢分香積閒塔狎施禽毘耶雖示疾一室散花深
苦雨再柬羽甫兄并書所感

雨歇還復注園廬恆暝陰空階行藥遍芳草閉門深
計口權留鶴算囊欲賣琴生涯隨分過不羨披裘金
羽甫兄嘉薦姪過中林夜話

衡宇晚蕭寂客來破暝烟燈影竹間出屐聲花外傳
詩壇新舊局世態雨晴天與爾閒商畧悠悠夜似年

聽雨

燈火隔籬落溪橋人夜漁樹隨波影動螢傍草烟疎
暝閣報更後官衙歇鼓初此時惟靜嘿聽雨掩殘書
過東臯訪區茂對

竹院偕僧住蕭清長道心花同禪味淡草繞定壇深
齋閣聽鐘飯閒廊接偈吟書聲蘿屋裏和磬出疎林

賦梅影

半壁疑見畫虛廊月上時輕霜含遠韻空水澹寒姿
祇自沉吟久還堪折贈誰遶簷凡幾匝宿鳥誤投枝

其二

浮影渾無定，移梢漸過牆。月殘微帶暈，風細稍聞香。
野寺斜橋外，孤村淺水旁。相看如舊識，佇立聽更長。

盧一清過訪溪上

舊業在金閭，行踪遍五羊。遊兼春草發，夢與海雲長。
新漲菰蒲岸，輕帆書畫航。逢君今夕雨，疑是對瀟湘。

得韓孟郁書知有仲弟之變寄此

得爾還家信，風霜知飽經。長途憐老馬，歸夢憶原鴒。
客裡囊先盡，愁邊酒易醒。傷心池畔草，不似往年青。

留別盧一清次陳憲副韻

五月新潮漲，河堤處處通。遠烟含島碧，殘照點帆紅。
把酒同聽雨，停橈尚候風。萍踪聊復爾，休歎路西東。

同諸子賒月臺玩月因懷知微

同舟嗟靡及，復此念離羣。今夜高臺月，隨波流照君。
空階疑積水，花影亂苔文。目極江門樹，依依隔暮雲。

將之五羊羽甫家兄攜酒同諸子話別

相過頻如此，相離暫亦難。蘭尊初汎綠，荔浦正垂丹。
孤月懸鄉夢，清江破曉寒。幽懷不可寫，明發路漫漫。

同盧一清黃逢永伍國開集陳集生太史斐園

咏白鴨得輕字

澄沙照愈潔汎汎雪衣明帶月宿無影隨波浮共輕
花陰時逐侶浴罷自呼名却謝朱闌鬪來遊玉沼清
過韓孟郁清居

清幽誰得似小築僅如拳樹古藤交綴籬疎竹任穿
室餘虛作白亭有草成乎轉覺炎蒸薄深林咽早蟬

其二

山光紛入戶草色連青郊揆地剛盈笏穿池只一均
紙窓螢借焰堦樹鳥同巢且喜茆堂近荆扉帶月敲

送吳彥先還金陵兼訊冑伯磨林子邱林茂之

洪仲韋諸子

輕裝頻往返復此暫淹留旅館閉銷夏歸期尚及秋
因君傾別淚寄語問同遊目極無來鴈空江日夜流
中元節過長壽菴感懷

搗衣驚此月鄉夢起秋砧况值孟蘭節誰無寸草心
金錢資佛會香鉢趁禪林復想家堂薦遙遙淚滿襟
羅浮仙籍爲潘子僊題

恰有真仙骨常叅四百君拾得丹竈藥私窺玉笈文

松影搖山月天風吹海雲弄筵鐵橋畔羽衣凌紫氛

贈張白一道人

頗學梅公隱都忘塵市心白雲隨杖遠紅葉住山深

放鶴夜歸洞種桃春滿林祇應松下月長照北堂陰

送梁起先遊飛來兼訊高斗仲朱惟四曾文卿

猿聲啼不盡霜葉點行舟地有飛泉勝山傳古寺留

玄心寄獨往幻蹟恣冥搜倘遇清音侶酣歌月滿樓

山畔有清音樓

慰羽甫家兄失磬拈得四支韵

清齋閒寂寂韻友亦何之去住同為幻聲聞此暫離

轉經殘月後對客罷談時翻覺無長物沉冥或在茲

羽甫兄得還舊磬賦此志喜

孤磬忽云遠迢迢抱韻歸摩挲今再覲清寂幸相依

燈影搖松月窓光啓曙暉主人心似水來去本忘機

送匡雲上人歸廬山

匡山禪誦處三疊流泉飛花雨飄空梵晨鐘滴翠微

一筇今獨往五嶺送將歸休說還山好孤雲無是非

春日過訪陳來獻

林影乍回薄清暉照槿園花迎客共笑春醉鳥無喧
揮塵叅微論呼童檢韻言予心誰獨賞吾興已騰騫

送周時府入計

夫子中朝彥風流落下情一琴流水遠雙鳥帶星懸
馬踏金門雪花含玉露烟懷芹何以獻天子在甘泉

賦得秋荷

盆荷秋欲盡偏放一枝奇皎潔凌霜色娉婷弄月姿
輕颺搖影動香露泣珠垂向夕鈎簾坐應添靜夜思
送容九閔遊韶陽

對酒不能別相看淚欲揮河梁一分手前路換春衣
柳色經霜嫩梨花帶雨飛倘逢山水勝休令賞心違

寄訊曲江梁國楨

君才真擴落空自滯南冠梁獄珠光暗豐城斗氣寒
黃金散欲盡白眼醉相看勿訝虞羅窄鴻飛厲羽翰

鬼燈籠

江南有野草焉結實如毬綠衣爲房丹粒內
映藜生蔓植燁燁離離俗呼鬼燈籠以其似
也暇日於佛壇見之漫賦一律

質與凡根植名因俗諺傳綠幕看疑掩丹心寂不然
似帶青燐色微含宿草烟無心隨佛日故傍法輪懸
別鄧黃二生

一尊臨水曲露白蒹葭秋揚舲不可住之子去悠悠
蟬聲在喬木鴈影度江樓含情各分手離思滿芳洲
彭峩崑過訪話別

北風入庭戶蕭索攬貂裘以我栖遲志逢君下榻留
江楓黃葉渡烟舸白蘋洲明發鳳城去茫茫不可求
長門怨

妾命真成薄君恩未是疎玉樓聞玉漏金殿度金輿
長樂歌鐘歇長門夜月虛愁顏無復少傳語謝相如
巫山高

雲雨暮仍朝陽臺入望遙時時橫翠館往往墮金翹
乍拂霞裾動還承羽蓋飄淒涼千古夢無語對空寥
愛妾換馬

祗分辭新寵寧知念敝帷粧臺封玉鏡仙苑登金羈
孤淚雙雙落長蹄宛宛垂若爲麗姬怨端謝塞公悲
明月光

明月一何光閒愁偏共長可憐千里目猶滯兩江鄉
朔鴈衝殘雪寒砧拂夜霜倚欄空袖手揮淚濕流黃
遠別離

生長深閨裡何曾解別離可憐今日去況值春風時
弱柳維行舫鳴鶯戀舊枝長亭千萬里相送日遲遲

新婚別

由來生別苦不似新婚時踏月頻驚影臨粧懶畫眉
帶自同心結棄調絕命詞愁心看鴻鴈無字寄相思
將別息廬夜坐志感

羣喧歸一寂人鳥亦交冥暗牖能來月澄池可數星
難將今夜意去問草堂靈颯颯疎槐下風吹幾葉青

裝簡

一囊空復爾客計若爲歡久矣謀生淺于今出戶難
疎交誰可託冷面竟羞干且置休相問回燈語夜闌
不寐

微尙將無隔與居百念回口和心自語形與影相猜
聖世誰甘隱逢時諒非才中宵緣底事起步獨徘徊
社中琴集送吳生還金陵余亦將北上

別緒人方嘿離絃泛泛長君應攜韻去余亦束琴裝
荷渚擎雲翠楓窓點葉黃泉聲彌戀戀似惜馬蹄忙

遊飛來寺題振衣亭

寺在陝山爲黃帝二庶子故宮

涼風生兩腋步步陟危亭石似兼泉墜雲疑戀壑停
虛光涵遠白零露沁空青幾度忙遊此難招帝子靈

過白下投贈李伯開

浮踪何所住曾否賦歸來珠海逢君處蘭橈此際開
殘霜猶釀橘新雪欲啣梅今夜澄江上離懷向月裁
舟次螺江始聞蕭伯玉大行奉使還里不及造

訪悵然有寄

千里勞書問經途宵不聞誰云衣帶水能隔往來雲
清月猶懸夢皇華獨照君倚橈頻欲寄沙鴈悵離羣
秉燭贈所歡

蕭膏和蠟炬送喜入歡房斂淚當明鏡揚葩助艷粧
輕搖翠羽幙半侵象牙床好把冰羅護留歡待玉郎
同楊應先朱瞻御梁階林集程散木中秘園亭

用瞻御韻

冥濛香徑滑澹雨灑林扃侵曉方趨省留賓暫憩亭

花明仙掌露草帶鳳池青勝念堪留記浮蹤幾聚萍
過御空上人蘭若留題

新草上堦綠禪房花木妍十年重到此一榻尚依然
鳥語過林滑經聲遶竹圓却憐塵網繫歸棹寺門前
將北征上侍御老師

寒燈燦幽館永夜對沉沉政有長途役難忘遲暮心
宵鐘清遠寺涼露澹疎林惜別徒勞念因風寄短吟
其二

自憐甘懶拙颯杳誤儒冠短劍空存鋏敝裘寧耐寒
戒途猶渺渺顧逕且盤盤卽未離鄉井已懷行路難
其三

行藏俱莫問難報是君親風木餘雙淚驅馳剩一身
半生焚硯債未老倦遊人時事方蒿目聊容招隱淪
其四

塵勞真寢寢四十未知非覺路瞻猶遠空門暫可依
戒香蓮漏永清梵寶林微勝地此爲別長謔始願違
其五

嚴程八千里北極是京華藿食猶懷闕林棲豈戀家

賣菜克橐儉策蹇問途賒賴有連枝伴休憐天一涯

江上

空江望不極長天淨碧漪客心聊共遠江路浩難期
霜葉紛辭樹流鶯未上枝及早還鄉井芳菲正此時

過十八灘

沙堰船難進前灘浪復高客心殊已倦舟子亦云勞
陰磧走萬馬衝風度一毛往來不及瞬慎勿弄輕篙

道士山房

結廬在山頂高高傍斗壇夜來風飄瓦吹雪滿霞冠

汲泉留洗藥養火爲燒丹怕有俗人溷書符貼板門

譚與人過訪舟次因留小酌遂拉同舟

以我鄉愁劇逢君旅思新同爲羈病客堪作並舟人

草碧故山路梅殘隴首春孤蓬隨飄往尊酒話情親

哭吳非熊

非熊有今歸
轉如客之句

徒云歸是客難道客如歸易篋僮先散招魂誰可依
來驚春浪濶去及柳條稀迢遞黃山路程程入翠微

贈逆旅主人

主人忘世味雅志在林園如何市朝隱不避車馬喧

相逢具鷄黍佐茗僂清言揮手自茲去前途風雪繁
西江晚泛因懷鄧梁二山人

西江何清淺廻合卓岡岑雖自非吾土依然生遠心
予徒牽物役爾輩足山林倘許從初服薜蘿春正深
送陳冶父還清遠

凍雪何霏霏嚴寒透衲衣故山頻入夢殘臘始言歸
末路交情見長年遊道非攜將春草色還以獻慈闈
望圭峯寄道人

亂壑在深翠禪關不上局衣裁雲葉白座藉草盤青
施食鳥無怖馱經虎有靈更疑說法處或者老猿聽
秋夜答梁天放

夜窓誰共語清對短簷松月浸一池水風飄何處鐘
寒知天邊鴈秋入壁間蛩兩地俱搖落懷君隔幾重
得南海劉方瀛老師書輒賦一律奉答

珠江望不極晴色靄氤氳萬里看明月相思隔暮雲
花間琴自遠桑下雉爲羣想像絃歌處微茫一水分
別李幹甫

嗟君不得意湖海事遨遊夜雨雙龍劍寒江一葉舟

澹雲孤鴈杳芳樹晚風柔別後看明月相思漫倚樓
席間贈黃達卿

風流誰藉甚閩海有狂生白眼逢人態黃金結客情
詩篇行處滿世事酒中輕若問羸輪理相看一局枰
秋夕葉而章過飲小園有贈

槐竹互參差窺林得月遲閒庭青靄合荒徑碧苔滋
濁酒汎籬菊清霜摘埜葵相逢無約束潦倒是襟期
過廬陵謁蕭拙修太史

暫爾還初服鴻冥亦可儀登堂今日再領蓋昔年知
天豈虛磨鳳人其闕鼎彝賜還當此際行矣赴昌期
訪王君奉于德興寺留題

雖遊京國遍而獨愛禪居柿葉留僧偈蓮花借佛爐
空床儲臘酒高庋頓竒書客况無聊賴思君便策驢
曉行河間道中

曉行三十里白霧尙冥冥沾灑俄成霰微茫不辨星
馬寒嘶欲止車滑去難停隱約見籬舍疎煙出遠坳
別廣文鄧先生

絳帳橫經日黃雲接袂時春光如有待花雨本無私

桃李沾前潤風雲想後期重遊惜分手南陌柳絲絲
區彥斯茂對君玉攜酒過中林訪平子

故人載酒至石榻一開樽訪友來蒿邈謀吟傍竹垣
庭蘭芳氣合堦樹野禽喧值此秋光好乘閒共晤言
同平子君玉玩月

中秋懸兩夕月色可能同素魄微虧暈流光澹寫空
連溪蘸一碧鑒葉皎千藂清景誰延賞高臺習習風
堦前樹

嘉樹發芳蕤亭亭復在茲年深霜蘚剝根古石文移
寒影半栖壁涼蟾來掛枝誰人解幽賞只是愛華滋
喜邢耿乃林學仲同舟賦贈

家鄉南極盡去路與天長各自攜孤劍相將上野航
揚舲遵水次斲月挹山光且喜偕心賞計程未覺忙
夜泊梁口

寒沙一片白澹月帶霜痕舟子乍停槳人家半掩門
疎烟啣落木微火辨遙村暫覺離鄉遠江干勞夢魂
過明因寺看如來成道碑

已訝魚知樂因尋僧伴閒問途經水次禮磬入雲間

到此偶成趣逾時忘却還如來有遺記勝會想靈山

浴象

譯貢來何域香芻飼一欄班行隨肅衛廝養屬曾官
剪拂添光采梳爬絕垢癩渡河聞內典今見戲清瀾

其二

羲馭當炎候天開放浴晨魁梧看若輩參養幾經
春騎出人爭擁調來性已馴應霑新雨露天子禱

郊頻

時值久旱

其三

且自辭天仗羣趨向禁壕乍泅波欲黑對立岸難
高鷓鴣陪會慣熊羆氣並豪年年當此際湔刷圉人

勞

其四

出入隨宮禁烟波沐主恩雄堪為獸長慧亦解人
言輦道行猶窄長河攪欲渾畫橋垂柳外觀者駐遊
軒

其五

浴罷更昂藏濺珠滿地涼歸朝添渥澤散步有輝

光鼻劃荷筒捲牙垂藕筍長遙看真可訝修影出城牆

其六

縱然生佛國何似集 王家竹削四蹄穩稜分兩目
斜沉疑山落影噴亦雪飄花會向堯堦舞時清不觸
邪

同楊應先朱瞻御梁喈林集程散木中秘園亭
用瞻御韻

畫闌藏宛轉芳樹互周遮斲石片雲墜移筠萬玉斜

濃分宮苑柳艷綴海榴花時復清吟罷兮言共啜茶

雨夜

微雨忽入戶夏雲涵暝光經旬苦毒熱茲夜浴浮涼
旅食矜珠桂鄉愁問稔荒胡爲空役役終日尙名韁

其二

從來薊北地多旱少愁淋殘溽蒸成雨微雲蕩作陰
就涼方徙榻汎爽最宜棊自覺身無累悠悠此夜心

其三

夜長睡可厭暑雨快何如懶是生來骨窮留著就書

一燈清漏下數杵寺鐘餘蕭爽還如晝紙窓流影虛
其四

密雲舒又合雨色尚徘徊減膳皇仁渥升庖國禁開
微霑宣久鬱薄怒示輕雷天意難應問終宵首重回

其五

明明真宰意嘿以示禳祥夜久炎如洗聽殘喜若狂
清時無害馬天怒在宏羊甘澍應如此歡呼走萬

方

時戮璫黨
而雨應

其六

昨有傳來信江關弄甲兵人皆數粒食野有揭竿行
夜夢親兒女鄉書隔友生南中天澤遠應不比京
城

何卜熙刺史過館話別兼贈以詩卽席奉答

君今五馬貴猶說宦情難况我垂雙鬢經年博一官
關山行役苦雨雪去途寒賴有臨岐贈芳詞吐若蘭
夜次大通滯

風便船彌進中宵尙促程一帆江霧重幾片雪燈明
郵館風傳柝官艘夜點兵畏途頻命旅息漿待潮行

寄舍弟

吾儕二三子大半不逢時
斃戢飛騰翼誰圖邱壑姿
生涯七寸管舊業一茆茨
出處元同調栖遲得並枝
夜起讀陳子明詩

終夜不成寐披衣檢舊編
遐哉千古事作者幾人焉
草昧凡三變精華或一宣
看君饒著述他日必能傳
過潘元明靜適堂留題

市朝空役役此地得真如
竹影苔痕合庭陰日色虛
頻來非問字憑几共觀魚
啜茗無餘事焚香讀古書

除夕

耿耿達長夜悠悠逼歲除
時序不相待頭顱變故吾
生涯看潦倒禮法任粗疎
卽此銷餘日千秋將焉如

訪梁孝廉

金鷄下紫宸寒谷暗生春
白髮悲遊子丹楓度逐臣
曝背思明主過庭傍老親
圖書四壁在知爾未

全貧

余方謝客而順德黃功治鄧爾師來訪
開戶延之賦贈二律

經秋無一事結束類枯禪藥草羅清供香花禮法筵
閉門辭問字高枕咏殘編有客來相過言尋靜者緣
其二
幽居惟水竹息影絕紛呶得爾素心侶真成把臂交
一瓢常挂樹三徑自誅茆從此忘來去蓬門可任敲
秋雨園居容九閔過訪留酌

頽垣經雨塌編棘故當籬弱卉斜穿格垂蘿裊蔭門
茶爐置竹脚藥臼倚松根時有高人過乘書共晤言

其二

微雨颯沓過涼颼透薄簾侵堦時瀝瀝映草復纖纖
諛語堪成韵輕盃劇可拈飛騰君自愛吾著老夫潛
林陽仲容九閔過飲鳳城旅館

倦遊無歲月可似滯周南客計窮相傍鄉愁酒共酣
時名驕白眼世路誤青衫牢落歸何晚徒令短鋏慙
汝載山房同諸子話別

比棹遲明發移尊話竹林別離何必遠去住此時心
作客恬鄉夢因君動苦吟刺桐花下月且與坐更深

十三夜

未覺清暉滿還驚皓魄流夜涼清似水雲澹曲如鉤
鴈影衝寒塞砧聲起暮潮孤城一長望蕭颯總悲秋

十四夜

素月淨明漪危橋清眺時帶星光瀝瀝蘸水流澌澌
岸火行相引漁舟望屢移巖城不禁夜玉漏正遲遲

十五夜

暝色澹城烟中天一鏡懸薄雲微點綴清影闌嬋娟
狼籍傳盃竿縱橫列几筵酒闌興未已南陌共翩翩
同梁伯靜舍弟文度送吳彥先于東郊賦別

黯黯那能別尊前不盡歡日色曉啣閣嵐光晴度巒
起看江上影遙掛片帆端欲發頻維棹偏憐此際難
送吳德祖還新安

山山黃葉積之子汎歸舟邂逅成今昔存亡念舊遊
嶺雲微帶雨江樹遠含秋惆悵西風道茫茫起旅愁
水松

只訝移峯嶺誰知產污坭傍柳還垂岸非桃亦占溪
照水龍鱗現翻波麈尾齊欲搆茅龕住憐君在襄西

翠鳥

委毳人爭惜微軀混野蒿
啣魚衝水入避繳掠林豪
豈不矜文藻何慚借羽毛
山鷄頻照影顧盼亦云勞
燈

孤光唯一點清迥若含情
喜送紅珠潤殘添碧暈生
虛暉涵室白纖隙借鄰明
獨有寒襟影侵人夢不成

閨閣燈

珠蕊寒難結蘭膏淡不輝
情因妮獨夜歡恐奪朝暉
曖曖送宵夢澄澄鑒薄幃
幾回羞對影背立換羅衣

禪室燈

已知光是幻難道照非緣
滅盡歸何處物殘續有權
分能千百影聚亦違來煙
此際原無着聊憑膏火傳

佛燈

含靈都向晦寂照一龕中
色豈無常幻光原不住空
日月燈皆佛山河影盡同
靜看輪轉內于此悟無窮

漁燈

蕭蕭蘆葦岸點點似流螢
澹影搖細浪微光綴曙星
魚方思浩蕩鶴或驚空冥
不是撚犀照深潭聚百靈

村燈

遠火明長薄孤邨欲暝時人聲在籬落花影宿茆茨
犬獵遙歸壟鷄棲盡上枝田家多夜作腰斧斫松脂

溪邊春望

暖煙纔着水澹宕一痕春密樹深藏寺修篁翠映人
揀沙鴻跡淨晒日鷺裳新漁子閒搖槳滄波漾釣綸
步月過天寧寺時僧有掃室相留若索筆贈之
榕陰下夕霽殿角引微涼片月流空梵飄風灑異香
僧懸半夜榻淨掃一間房我亦原無繫江干信短航
過寶月臺曉不及登

茫茫蒼靄外不復辨臺亭珠蚌長胎月煙螺近綴星
千章環古翠一抹走空青未得閒吟眺肩輿可暫停

賦得蝦蟆石

怪石蟾蜍似蹲蹲立海門疑從沙際浴常吸露華吞
應月珠生蚌向風浪拜豚千秋形不滅陰雨想精魂

題大小孤山

孤山兩片石分峙蠡湖中地控三江險波連九派通
斷鰲懸左右卓劍並雌雄開鑿何年始川流盡滙東

賦得鴛聲似故山

鷺聲凡幾轉似報故園春夢醒身仍客鄉遙鳥是鄰
連天芳草色刺眼柳條新欲把雙柑聽香醪懶入唇

謁徐王陵

立馬望岩堯舜宮敞沈寥神臯栖瑞露陰隧颯靈颺
玉佩趨蹌地翠華想像遙河山留砥礪紫氣夜常朝

高皇廟

芒碭氣何在遺祠尙儼然空留今俎豆猶想舊山川
村社醜牛酒山農種廟田松間老鶴語疑說歌風年

經鄒縣

邾城兵燹後茅屋半無鄰白晝燐隨馬青林鬼鬧人
麥田歲不雨荒墟草難春浩劫應如此翻疑造物仁

觀鞦韆

粉榭間垂楊鞦韆出短牆佩搖先作響衣動俏聞香
片霧頽青髻雙鈎挂玉梁恍疑烟靄裡神女下高唐

署中病懷示王堯韭

台下十一首原刻
宋屋一集浮槎草

拙宦成何補羈栖病轉淹
疢衣防濕壁曬帙向晴簷
海鳥時窺牖崖蜂故墜簾
空堦行藥遍嫩草正廉纖

其二

雖然稱冷暑強半類僧寮折鼎同鄰爨荒畦課僕澆
清齋供淡笋苦茗雜陳椒且喜無家累行踪付衲歌
社集同王堯韭潘孟與諸子詠六角井

爲泉因地六甃石肖其形雪蔬紛同出菱花曲淥青
凭闌窺面面施綆汲泠泠直接泮池派芳芹撲鼻馨

送陳國徵 廷試

寒潮霜漸落之子去揚舲象郡通南極鵬程涉北溟
濤來千頃白天際一帆青客思同明月隨君夜度瓊

和潘孟與山居寒雨

颯沓遍林阿邨居奈雨何市聲到壑盡幽事傍農多
山作重重睡畦添白白波橫垣竹戶外相近不相過

其二

入室始牽蘿搯床藉以蓑邨醪堪一醉鼓腹亦當歌
浙浙雨如注殷殷雷乍過驚聞豚犢響起問夜如何

冬雨閒居

寒到天邊減雨偏冬後淫一閒消客况萬感入鄉心
乞火修山屐縱囊護旅琴更嫌風稍緊移藥傍廡陰

其二

也知身是贅何必更言家天外浮皆水波心泊似槎
俸貧難寵鶴門冷任郵鴉雨過堦前綠茸茸茁菜芽

其三

雖然焚不律時復攪枯腸混沌留頑竅希夷教睡方
豈堪題傲吏或者怨清狂窓外人聲過生徒到講堂

其四

凍益花無韻熾爐香不恬已憐人意倦况值雨情淹
洗竹安茶白移泉問水簽客來唯有此清供諒無嫌

小雨集李影九

幽清誰領略空館我同君水木閒添韻禽魚劇赴羣
詩懷看石貌客履認苔紋一雨池煙澹寒花對薄醺

初抵家園

合下四十五首原刻
朱厓二集歇園草

一爲江路客三負故園春水木誰閒主禽魚似避人
庭添初植卉門逐風來賓本是栖遲地翻令意轉新

題伍百億行樂

用伍國開韻

謔裏余曾識人今立小齋鏡花微有像秋水澹無懷
牝牡觀其妙丹青失所裁若將形影問猶費夢中猜

其二

乍見猶疑似神情恹恍間圖雲偏傍水繪月不離山
塹埴憑天巧鉛華洗俗顏誰明真幻相一語破禪關
哭羽甫家兄

只道經年別云胡隔死生死餘長恨事生抱獨鍾情
痛極都無淚哀來不作聲喪予堪有慟豈但悼難兄

其二

常時託生死易簣不相聞舉世誰知己偏余獨負君
妻亡誰定諡友在拾遺文冥漠何繇薦瓣香徒自焚

嫂氏亦
先月逝

其三

情深能寓淡交泛雅存真月旦歸時彥風期邁古人
江山留韻事石火妬閒身惟有它生願蓮花定結鄰

其四

精神原炯炯混俗示和光百忍持公藝三千客孟嘗
琴心澹益遠詩格雅而蒼不獨音徽邈人今古誼亡

輓陳憲副

斯人皆欲殺到死不相饒怒眚看疑裂雄心血未銷
情翻新舊局世閱往來潮獨有窮交淚還同絮酒澆

其二

熱腸偏我輩餘子不堪云世法寧容此伊人詎識君
氣終懸峭壁筆亦凜雄軍俠骨歸何地要離豈願羣
歲暮苦雨

雨寒亡賴甚兼值歲云殘老去逢辰懶年荒度臘難
門嘗稀出入性只任眠餐粗得調心法無營夢亦安

其二

陰岑難辨曉黑暗總宜眠大夢觀生事長貧謝俗緣
骨高仍似馬坐冷並無麤只道爲儒苦儒官苦更然

其三

殘冬猶足戀雪雨太無情大地疑長夜高天不肯明
四鄰皆握粟合境未休兵徒有魚腸在終宵迸匣鳴

除夕

三百六十日堪憐是此宵金虬聽漏永銀蠟守更遙
覓果兒爭栗陳蔬婦辦椒流光不可駐倏忽又來朝
題梅贈黎隱君

比韻梅堪侶孤清占水潛古香存老幹冷艷發春枝
日月淪精魄冰霜煉骨皮寧同蘭蕙質空谷媚華滋

次和林陽仲西郭感事

灼日炎方息連雲構已殘行人多色慘啼鳥亦聲酸
燕乳辭巢去颺饑掠果餐無情應有恨長寢夕漫漫

其二

還聞翁仲哭空見石羊眠萬斧樵邱木千犁踏壠田
夢魔人逐鹿機網雀啣蟬因悟閻浮界誰爲解脫仙

其三

青山原逶主芳草若含情百舌撩春夢千林帶殺聲
荒邨連市徙官道絕人行歎息西流水誰與挽洗兵

過羽甫兄舊館

幾回掩袂過此地亦西州門巷更新構林池只舊流
竈寒烹藥火牆塌養花溝猶記繙經處松風滿佛樓

其二

門冷唯司蔓庭空祇守槐燕巢秋社剩客履舊苔
琴想虛懸壁雲疑懶出齋傷心非一事彈淚下荒堦

館有懶
雲齋

元宵卽事呈林陽仲何人止

羯鼓喧殘市妖粧演俗伶火蓮栽不活珠蚌吐難明

地警歡場寂歲貧燈價輕金吾方厲禁更盡没人行

其二

炙月人難暖嘶風夜轉寥如何當此際都不像元宵
燭淚民膏盡金聲賊膽驕重城剛下鑰是處踏星橋
過何文玉青浪園

微瀾輕漾綠空影發天青出郭塵方靜到山眼獨醒
陰廊依岸轉霽閣與煙停步步堪延佇迴颺瑟瑟聽

其二

虹背橋平跨沙心柳突穿水能週戶外山亦到堂前

此地居然勝誰云遠特偏遲來應選屐踏遍好林泉

春日客集歇園

鄉心無日夜飛夢遶天涯遠道空懷友殘年喜到家
相逢開醵酒小步閱春華薄酌花陰下荒池兩部蛙

偶作示兒姪

勞鶩嗟身事放閒暫適情先人遺素業若輩謝躬耕
入世寧無累慚人說寡營行藏吾早定憂汝學難成
園居社僧過宿

陰池流活活獨樹鑿青冥曝日魚方懶酣林鳥乍醒

山僧來借榻石几共陳經忽到新潮水潺湲倚檻聽

其二

以余常依止於爾可當歸選石安茶竈借欄挂衲衣
看經閒月上施食野禽稀不必扁前戶從無人歎扉
雨卧中林因懷西林寄何人止

微雨暗復滴長風吹不晴燈窗泉獨語林夢葉頻驚
傲岸非關癖蕭閒頗得情因之懷夙好西郭有寒盟

懷莫止公并引

簡帙得止公曩寄余札云將入峨眉恐爾後音問

亦省唯願君多作詩題中幸留鄙名令千載下尙
知有莫生也余覽之不覺淚下先是有人傳止公
函詢而未知端的詩以懷之

故國應難返它山何處歸人情已可見失路竟安依
興寢勞魂夢傳聞有是非燈前閒簡帙淚落忽橫衣

其二

人前猶寓札身後曷留名寄託情彌苦羈離意不平
峨眉插漢峭巫峽注湍驚未卜君何向余懷與恨并

春日柬俞季郎

夢遙猶可接室邇反多違別有司離合非關會數稀
詩情高入淡慧想寂通微以此堪逃俗春來知掩扉
題世立澹居

人方炎是逐君以澹爲居壁老蝸陳字帶長草護書
枝頭聽巧鳥沼面數行魚客履破苔入虛庭自晏如

贈祝愛林

徒然寄一壓身已隱壺天香篆煨沉水茶鎗點活泉
桐君曾授訣藥上許叅禪亦有詩琴伴時來問酒錢
同梁叔熹過集蔣園時方營築

郵泉枯得活叱石嬾能醒乍入逃花塢前題指柳亭
老篁稀似帚新菖擢如釘灌剔從茲始再來眼必青

廿年前余曾有
憇柳亭題詠

春日尹世立攜同高仲良陳伯良集放生社是

日微雨

微雨灑春枝芳菲遍水滸僧閑出定後客韻到門時
律在何妨酒禪深益悟詩瞑鐘人始散燈影照茆茨

其二

濕煙含閣潤滑雨點林酥晴霽雖云好空濛似此無

泉堪供碧乳飯亦出雕胡盡日閒吟眺爲歡尙未徂
春夜世立攜客過訪息廬

春光已過半林卧未知春閉戶殊無趣逢君最快人
敲詩釐韻譜品水集茶賓晏坐林方寂潮聲到耳新
其二

怒石蹲林莽髡茆貼水涯有僧容借榻逢客可爲家
花氣和香韻禪燈分月華流鶯方睡穩聊共聽鳴蛙
次和尹世立夜過口占

潮響剛到門客屐臨溪駐登臺目稍寬倚樹得新句
朦朧月始華澹宕林多趣語罷出林垆笑指客來處
送世立沾麓五羊赴試

禪榻聽經處思君獨倚闌潮平池響細風攪葉聲乾
蝶寢余勞夢鴻飛爾並翰一帆破曉去帶雨度江干
春雨懷林鹿野先生

點滴催花雨空濛灑徑塵是林皆綻錦無鳥不啼春
客教修琴法僮忙剪藥晨小樓拈筆處應不坐凡賓
得友人山房苦雨詩次答

不復辨昏曉信知春日遲雲來翻作嶂堦漫忽成池

濕竈沉煙處，閔楹生菌時。案頭光燦燦，昨夜得君詩。
余將赴瓊陳，受之解楚綬。歸移尊話別。

余浮溟海去，君挾楚雲歸。去住同爲戀，行藏願每違。
驚看時局異，轉覺鬢毛非。况復涼飈至，蕭蕭滿袷衣。

其二

移舟臨水曲，欲別幾夷猶。海國連三島，波心見萬州。
尊前釐韻譜，天末想詩郵。獨有鄉園戀，迢迢路阻修。
別李公祖用其見贈韻

南溟天最遠，離緒與之長。去路甘棠遠，流波杜若香。

清神分月朗，麗句煥雲章。別後懷明德，盈盈水一方。

經高涼寄題李曰輔山亭用吳川樓先生韻

三十一首原刻朱
厓三集可廬草

名園雖未到，地已數經過。遂樾藏山秀，浮嵐出海多。
鑿天分洞穴，翳閣廠藤蘿。正爾懷高躅，因風寄浩歌。

其二

樹已屯青靄，泉兼瀉碧幽。高人於此築，仙子也曾遊。
葦葦團瓢屋，荷藏剝木舟。高涼信不謬，六月已先飜。

其三

地曠宜邀月樓高可摘星
海連天外白山入戶來青
花木墮新譜禽魚續舊經
三橋頻立馬注目想嵬亭

披莽

披莽從今始曠然就剪除
樸椎存古意疎野可吾廬
螢熠蘿軒火蝸行石壁書
因茲便寢處不樂亦何歟

其二

仄仄魚鱗徑疎疎虎眼籬
藥移他地木柳剩去年枝
忌俗刪其偶蠲繁割所私
莫言閑逸事調劑有時宜

其三

鵬翼垂雲外焦冥曉裡栖
人間無不有物性也難齊
破夢看隍鹿觀心養木雞
翛然唯所適吾亦任天倪

其四

到海天彌大應無天外人
地逢南不滿花度臘猶春
晦朔通潮息東西走曜輪
因知一室內可以觀無垠

酌酒戲贈楚江石

把杯澆石丈冷面一相看
物有離鄉貴人真作客難
雨花凝不活雪盡凍微殘
終日閒摩弄惟應共歲寒

贈王堯韭移居石門

久嫌城市薄性只愛邱樊卜築鄰沙井移家向石門
賒天開古洞俯月敞幽軒不作依人計棊書聊晤言
同諸子遊清源菴因尋東坡井

儘堪成小致乍入即淹留始識蕭清趣難從耳目求
稍嫌池尚涸添以竹能幽偶與閒僧約遲余月一遊

其二

祇宜城隔斷却有徑斜穿僧飯抄盤米園丁入寺錢
霜催椰子墮雨濯菜芽鮮指點迤西路來尋學士泉

訪答辛亮書齋

豈可居無竹書聲乃在茲雨來青不斷雲過重難移
空碧搔書幌翠光入謹籬興來無腹稿滿壁寫新詩

杜辛洲折柬見邀不果赴次答

惆悵心期阻端居意緒闌暗蟬依柳靜鬪雀下庭寒
終日闔門坐同人寡所歡回燈獨自語興寢太無端

早起

嚴冬似早春時物多暄煦崇朝澹晦陰花徑冥濛雨
垂柳助芳柔繁英亦增嫵悄然人慮清屋角流鶯語

初春出郭訪鄭聖符

冷然人意遠倚杖眺芳林鳥跡窺奇字泉聲入韻琴
空光分碧靄積翠澹城陰春色從東至青郊草欲深
送林公毅之會同

春裝乘曉發望望博冲河海色浮新浪林芳變舊柯
排寒風颯細進暖氣微和立馬南橋畔聽鶯一浩歌
寒雨懷空可亭却寄陳命美

也知色是幻故以空名亭忍草沿堦長禪花上架青
山窓一雨過客履幾人經曉露溪痕濕移泉到佛餅
其二

未知簷溜積池水底般深舊藥應成次新篁定出林
蕭清全洗俗踈野最宜心正有伊人想衝煙未可尋

戲贈鄭聖符新婚

多年纔射雉此夕快騎鳳帶結同心縷衿薰異國香
低聲呼小玉偷眼覷檀郎昨雨連朝暗爲雲夢楚王
命美邀同馮載賡集空可亭

童方傳折柬步卽到精廬茗竈還留火高齋纔罷書
餅芳梅臈候砌艷卉冬餘爲愛柳陰畔停杯待月初
東馮載賡時新納寵

家園宴方洽，知不到山房。積翠如凝黛，添紅爲洗粧。
芳心傳葢蕊，皓齒發榴榔。若問閑功課，看尖較短長。
同載廢命美，賜炬公毅夜。集聖符宅，余獨後至。
時聖符新婚

幽期那忍負，薄暮我能來。蓮蠟分房燭，蘭肴續夜杯。
暖風微送酒，芳意密傳梅。城柝頻移漏，更深尚未回。

訪潘恒山

望仙人洞不果遊

垂蘿今結屋，甘蔗舊名園。出郭不踰武，離家祇幾門。
雖當車馬道，別是煙霞村。因悟考槃趣，非爲場圃言。

其二

蘭堪畹以乞，竹亦徑行三。蔬甲肥冬雨，油花洗暮嵐。
過橋尋馬埒，謝仙龕未許恣遊屐。空濛薄靄啣

夜起步，月烹茶。懷周自珍却寄

龕燈留靜夜，殘夢酒初醒。起步瞻河漢，微光流戶庭。
雞聲破海白，蟲語上簾青。正爾懷同賞，茶香入瓦瓶。
輓蘇新男司訓

瘴海聊歸骨，家山尚旅魂。問程指綠水，行哭向青門。
宦薄身同棄，人亡道不尊。從來生死地，交誼不須論。

其二

鵬翮志猶壯蠅頭帙已陳可憐貧到骨未免死資人
丹旒朱厓道青芻碧海濱潛然一相送不覺已沾巾
同彭蔣二寅丈五里亭值雨人白衣菴禮大士
冠蓋紛衢路停輿叩淨關慈雲方覆徑法雨乍彌山
施食禽忘怖啣花電共閒猶然牽物役到此愧塵顏

其二

一飯依香藉千花替
次尋忙處息聊以幻調心
鐸響搖空砌潮聲吼
思路已絕因悟觀世音

次答自珍病中見

閉門緣避之司出以

扣翠誰同伴聽鶯獨寤歌

三齋行盡左

何為問青郊道芳菲幾許多

次答何人止目懷

卽有殊方勝其誰什討探鼠應窮技五狙亦賦朝三

歸夢潮來去離踪海北南還將天外信遙寄榻邊談

和坡公倦夜

合下十三首原刻
朱厓四集和蘇草

夜長人意倦展轉候天明帳綻容蟲入窓虛恣鼠行
漸於鄉夢斷翻覺旅魂清擬作還山計初衣補未成

有感和坡公和孫叔靜韻

世法老難熟，心情近更疎。眼昏看簿牒，心怯開家書。
造物勞薪甚，吾生爨木餘。有時拈秃管，空腹不堪攄。
睡覺和贈子封韻

酒闌初睡覺，殘夢不能成。廿載紅燈影，相隨白木檠。

牕風敲陣陣，城漏聲聲暗。數從前事悠悠似，隔生

雜感

東風吹百有餘年

跡與飄蓬逝，身將委砌

時一棄，置世路絕逢迎。然中夜起，感歎若為情。

其二

戒檝擬浮車

強出官無六

還知倦鬪馬，老謝長途。行何踽踽，背負一青壺。

其三

世法不相假人情

傲帶猶堪惜，餅居詎近安。清時有衡泌，何地不盤桓。

其四

藜杖不覺遠，春光何處尋。聽鳥清砭耳，窺泉空到心。

山靄天開函，松風澗奏琴。官閒殊亦好，時不廢登臨。

其五

去去復去去夷猶鳥不前
雲心輕出岫溪語戀鳴泉
涉世聊委命將心難問天
生來不作計負郭悔無田

其六

漸還歸閭里于役
云休來時數僮僕經過認川邱
黎母山應遠陸公
向流吾生亦幸矣垂老海天遊

其七

久客人情
靈如惠我川后幸安流
劍有衝星佩槎疑貫日
中無贊起忘者亦何求

其八

三山雖已一曾未
鳥昨有信停橈一問之
飲罷生黎
攜水雲去持以贈相知

其九

歸馬不用策畏途
戰奔問程纔海口鄉夢已江門
下榻陳詩卷行遊新酒樽
故人天外宵時遣尺書存

其十

未必歸全得誰不昨盡非草
應縈墨綬荷欲製山衣
久關臣忘言交誼一槎醉夢過數摺健帆飛

國家圖書館 NATIONAL CENTRAL LIBRARY, TAIWAN, R.O.C.



國家圖書館. NATIONAL CENTRAL LIBRARY. TAIWAN. R.O.C.



鶴汀詩集卷之四目錄

七言律

崖山戶

聞警四首

散館後寄蔣

秋日徐子靖攜諸子

喜晴

送龔學博

過蔣伯瑞

寄馮文孺

宿圭峯寺分韻

真人庵

游

同韓孟郁夜訪

春夜過韓緒仲

送陶逸則遊西園

國家圖書館 NATIONAL CENTRAL LIBRARY, TAIWAN, R.O.C.

送陳音時出京

舟中漫懷呈楊家珍

同楊少游報恩寺

寄黃六柳

寄何文起

寄張約之讀書

秋日園居呈王老師首四

恭陪王老師謁白沙

嘉會樓

途中雜詠八首

舟中遣懷首四

嚴子陵釣臺

遊郭屯

閒居

贈張

冬夜劉平子過話別

同梁山人過訪

過水竹洞偶題

覽王師祖我希公

奉慰王虞石老師

寒食

壽何廷尉辛谷先生

中林

梁伯靜過中林

池中石筍

磯邊樹

賦得移舟掃首

先室生辰有薦

余方營剡溪

何文起將營西山二首

同舍弟文度閒步

初夏小步池亭

春

同區君玉宿白雲

庚申

自恭陪王師老

餞王侍御浴日亭

寄題箕山人

同甘存之游蒲澗

遊南華寺二首

夜泊黃塘驛

過東華寺故址

虔州看春

長日

舟中漫興

寄放生社諸子

南昌元旦

贈小尼師

過虔州訪東溟上人

重登雪

贈辛真觀道士

舟次

湖口阻風

贈金華庵主

奇智上人

迴龍庵訪僧

南歸過社中訪

送楊詩一送余

贈匡雲上人

宿三軒

絢綺堂為潘孺朗

荅贈陳命美

舟中寫懷呈揚

贈楊應先

同楊亦琳舟中限韻

和胡伯連舟中向火

金陵沾病

金陵寓中送陳仲慈

寓金陵聞廣寧失

自金陵雷塗訪林

林陽仲明府邀遊

余客結溪館于僧寺

金陵邂逅蕭太史

國家圖書館 NATIONAL CENTRAL LIBRARY, TAIWAN, R.O.C.

因蕭太史上鄒

奉懷王侍御老師

和羽甫家兒月下

彈琴

和胡伯連美人彈琴

留題彭善長別業

二首

為梁母七袞膺旌

壽母舅小川翁

荅贈何凝生

春日何凝生切

送汪士元還五羊

題潘扶羽園館

尹山雲道人別余

花下蜀

荅李嗣良見贈

葉道人遺息廬

雷陽道中

合下四十四首原刻
宋崖一集浮槎草

秋夕雨東潘孟祖

七夕獨酌衙齋

秋雨遺懷效白香山

柬梁澹明明府

雨後看日

聽雨

同潘寔澹梁能

上刺

偶以公事出西郭

贈王堯韭

秋夕張元太見貽

讀潘母貞慈銘

送王村石贖詔

過鍾禹鑄園館

梁自獻邀遊金粟泉

二首

天寧寺同林彥杓

壽白太尊

汪海渡貽詩

社集咏知風草

再和頴無畏

再和王堯韭

再和潘孟與

社集咏烏鯽魚

憇南橋茶亭

次和張泰寰別駕

讀朱四尊詩

羊廷信明經過訪

過粟泉訪李影九

別粟泉一律贈僧

因病乞假粟泉

過李影九問病

寄故園兄弟

余將北渡餞之海門

東林陽仲先生

冷下十五首原刻
匡二集歇園草

余自瓊南歸理

事四首

荅俞季郎見贈

次荅俞季郎獻春

高仲良見和

暮春仲良伯良過訪

高仲良貽詩留別

次和陳伯良過

次和尹世立過訪

次和友人苦貧

次畲尹世立

王方伯削平輿寇

四首

次和林陽仲銓部

四首

草堂落成漫志近况

訪潘寰瀛明府

悼鍾石之

四首

歲晏悼亡

四首

春日胡南征過飲

馮載慶招集滴翠

一首

遊阜妙觀

讀荅子亮詩草

送胡南征還皖城

送汪爾含還新安

四首

哭潘孟與 八首

紀颶風

稍霽友人過訪

颶風後陳命美貽詩 二首

寄壽尹母

七夕得正古上人書

寄贈卞蓮生明府

送鍾秉筠謁選春官

歸興 四首

新製沉香冠和 合下三首原刻朱
厓四集和蘇草

清明山行和上巳

坡翁云客俎經旬

暮抵漁家 合下首見
岡州遺稿

冬日書懷

走筆邀林遷之

江上春懷 二首

舟次潮連存懷

送胡伯連楊應生南歸

上姚座師

鶴汀詩集卷之四

明嶺南李之世長度著

七言律

厓山弔古

逝水東流怒不回羣峯中壁海門開
兩厓波浪成今古異代衣冠入草萊
遠近林巒開罨畫高低雲杪綴樓臺
英雄千載升沉地擊楫悲風萬里來

其二

旌旗十萬度樓船地轉窮荒別有天
百戰雄圖今已

矣九霄龍馭竟茫然倉皇夢失襄城路縹緲魂遊瘴
海煙何處湘靈悲鼓瑟滿江漁火對鳴舷

其三

峻嶒奇石倚晴霄大海風雲壓暮潮濤覆星辰驚地
軸陣連魚鳥撼天杓人亡故國山河在碑隱荒苔世
代遙無限哀魂招不得斷猿啼處草蕭蕭

其四

瀕危已失三千士誓死猶存六尺孤豈是龍蟠跨寶
鼎可堪鰲背奠皇圖雲深越嶽□塵黯霜冷殘潮海

日枯獨有金牌報國恨至今風雨泣昆吾

其五

廢寢遺陵落照間白雲蒼霧灑空山如聞肅衛趨金
闈是否豐碑掩玉顏子鶴夜歸華表唳黃龍朝捧紫
宸班當時輦蹕驅馳地松檜無風響珮環

其六

汴杭回首卽荒濱三徙逢厓事竟真天地有靈應一
涕風波垂死泣孤臣何來赤手堪扶國卽去黃冠亦
誤身還是中華千古地長風吹雨洗腥塵

聞鼙戶

中原烽火自妖氛羽檄飛書處處聞
虎旅未聞金鎖甲龍池猶鍊水犀軍
天寒古戍連衰草日落秋笳慘暮雲
六韜材官知不少阿誰麟閣署奇勛

其二

先朝九鎮列如綦近代圍營非昔時
遂使宵衣勤廟顧更煩推轂命王師
秦城自合開天塹燕將真能飲月支
見說飛符招募急絕憐荷戟盡瘡痍

其三

東遼本是先王地千里關津帶古城
山海由來稱國險岔河原自逼神京
通貢奉朔緣何事奪市給和太不情
此日草茆憂匪細欲將投筆請長纓

其四

金繒徒自誤和戎究竟殊無五利功
聞道匈奴頻牧馬可憐戰士盡如熊
南侵苜蓿肥廐西望葡萄絕漢宮漫恃
居庸天外險古來形勝至今同

散飲後寄蔣生

君家三徑自爲堂憶我橫經碧沼旁
一笑流光憐過

鳥十年岐路嘆亡羊
踈簾鈎月棊書淨
細雨翻堦橘
柚香檮散別來成底事
晚風紅葉滿山房

秋日徐子靖攜區余諸子過訪溪上

秋風門巷足盤桓
散步留賓得並懽
一葉漁舸藏樹
窅幾家茆屋傍溪寒
盃同河朔差無暑
詩比蘭亭罰
稍寬盡日幽林人不見
青山閒對碧巔峴

喜晴

積雨全消暑氣涼
初晴雲物靄蒼蒼
沙邊宿霧留殘
景樹杪垂虹帶夕陽
乳燕時時將哺返
遊蜂疊疊趁

花忙歲華人事俱無賴
拄杖狂歌入醉鄉

送龔學博

笑向明時早挂冠
投閒應藉主恩寬
三年作吏羶
長冷九折廻車路
亦難歲月已憐新
鶴髮江湖終戀
舊漁竿空餘絳幄
談經地桃李陰陰
春雨寒

過蔣伯瑞

曾倚雲林構石堂
歸來三徑未全荒
簾分野色千峯
暗日轉庭陰萬堞黃
芙蓉閣霞開細帙
滿花臺雨散墨
池香莫言地僻相過少
握手偏憐故意長

寄馮文孺

少年射策獻長楊彩筆同驅翰墨場君悟蓮花窺法
藏我從藥裡訪醫主迷途轉認無生路度世虛疑不
死方大地山河皆泡影不知何處是津梁

宿圭峯寺分韻得幽字

絕壑天藏古洞幽禪堂深夜一燈留雲邊露濕孤峯
淨樹杪風含萬籟秋共倚疎林窺月色更臨曲澗聽
泉流自憐浪迹空人世到處江山足勝遊

真人庵

海上真人去不回千年靈洞鎖莓苔風前尚想朝天
烏雲氣長封禮斗臺玉乳時從陰澗落琪花偏傍石
壇開紅塵擾擾僊都遠日暮空山猿鶴哀

游龍潭

飛流萬仞搗龍宮石磴千盤鳥道通白晝雷霆光隱
見晴天雲霧碧冥濛湍聲半落龍龕窟日影斜窺虎
豹叢坐久石林清嘯起恍疑身世欲乘風

同韓孟郁夜訪方孟旋於萬福寺

長安車馬如流水一到香林便不還童子汲泉當茗

竈山僧補衲下松關燈懸古榻攤書滿月照疎櫺伴
客閒不是風流許予度誰令清淨此追攀

春夜過韓緒仲寺館談禪

化宮別院敞垂蘿叩齒焚香夜共過誰謂逃名一居
士依然持律老頭陀蓮花不染心同住貝葉時緇手
自摩思向祇林皈淨業紅塵車馬定如何

送陶逸則遊西山

匹馬探竒興未闌西山斜雪點征鞍天門日射金波
動雲氣光浮玉闕寒地轉黃河朝太液峯迴紫塞抱

長安憐君已就三都賦祗恐人間屬和難

送陳當時陳季慈何龍友出京

誰道詞人滿 帝畿相憐失意不同歸敝裘爲客黃
金盡擊筑高歌白日微溝水寒流春寂寂燕山殘雪
晚霏霏因君懷土情彌劇尊酒河梁淚濕衣

舟中漫懷呈楊亦琳林應璽梁毓和

短棹衝寒落日斜征途回首一長嗟誰云季子貂無
恙轉覺潘郎鬢有華紫燕啣泥知舊壘白楊飛絮定
誰家吳山越水無消息渺渺疑乘博望槎

同楊亦琳遊報恩寺

初地何年梵刹開一經殘燬半蒿萊閒楹雨塌迷蛛
網廢井烟沉隱劫灰聽法愁猿窺寶座啣花馴鹿上
香臺猶傳舍利舍光恠鈴鐸風生夜月哀

寄黃六柳

久辭簪紱返田廬蘿薜森森稱隱居地近柴桑多種
柳林疑濠濮足觀魚彤雲染翰開金壑清月焚香叩
玉虛此日漢庭求禪草可云消渴老相如

寄何文起

去矣年華雨鬢侵芳遊何日愜招尋疎桐露引蘿軒
月畫棟雲移碧砌陰曲澗移泉通藥圃當窓列樹盡
瑤林洞門舊有留題在綠蘚春來知幾深

寄張約之讀書白雲山中

白雲山上白雲居裊裊丹梯萬仞餘君自磨厓尋勝
跡何須服食檢方書三冬琪樹依瑤圃半夜銀蟾傍
玉除聞道班麟還可馭凌風聊試碧霞裾

秋日園居呈王老師兼寄湛仲賓

蔓草蒼藤次第除小亭灌木共蕭疎馳驅自信無長

策貧病因知戀敝廬時復攢着過白社更誰載酒問
予居倦遊司馬多愁渴猶向文園賦子虛

其二

疊石爲壇竹作林編茆幽結薜蘿深三千客裡空長
缺萬事邱中有短棐靜愛松風醒蝶夢閒調天籟韻
禽音棲遲漫咲儒冠拙何地江湖不陸沉

其三

落絮遊絲片片浮小園蕭索不禁秋衰荷欲卸紅粧
淡嫩竹疑含粉黛愁曲沼平添疎雨潤高臺獨上晚

風道最憐潘岳多情思不賦閒居亦白頭

其四

一雨能消暑氣殘幽齋晴景更宜看床頭墮葉攤書
滿檻外飛花撲徑寒山色濛濛當睥睨商聲浙浙憂
琅玕關河迢遞知音隔獨抱絲桐未忍彈

恭陪王老師謁白沙先生祠

路轉叢篁一逕分遺祠肅穆儼江濱閒雲不掃蒼烟
合湛露長披碧樹薰曲塢潭清猶貯月空階苔古盡
成文宮牆此日堪翹首蘋藻何人共薦芬

嘉會樓

百尺飛樓抗彩霞，荒村籬畔帶漁家。
巡簷老鶴巢朱拱，泛浦春鷗點碧沙。
廬阜堂空山月靜，楚臺人去暮雲斜。
惟餘桃李攢芳徑，啼鳥年年對落花。

途中雜咏同區季譽

馬跡難消驛路塵，驚看時序物華新。
流鶯出谷初求友，海燕啣泥欲傍人。
榆莢半霏寒食雨，桃花疑帶武陵春。
杖藜准儼尋芳去，澤畔行吟問楚臣。

其一

無才祇合老鹽車，敢向窮愁問著書。
貧似張儀猶有舌，病憐潘岳未寧居。
中原遊俠千金盡，上苑烟花三月餘。
共道吳門容大隱，恐傷留滯鬢毛疎。

其三

拂面輕塵捲地遙，楊花點點撲征輶。
疎槐野火連官舍，斷磧殘冰沒短橋。
日落荒原人跡少，風生嫩草馬蹄驕。
旗亭處處堪乘興，拚典鸕裘慰寂寥。

其四

官衢細柳曲沿堤，曉起衝寒一逕迷。
古木斷橋頻駭

馬疎星茆店忽聞鷄哨林獵火時時出腰箭行人隊
隊齊同是五陵遊俠地王孫歸思草萋萋

其五

疲馬間關畏路難每逢村店卸征鞍榆錢杖底寧沽
酒柳絮風前不耐寒一飯侏儒誰欲飽千金漂母若
爲歡天南天北無歸計長鋏飄零未忍彈

其六

曉起登臺思惘然鄉書遙滯嶺雲邊悲同倦馬頻思
櫪歸似賓鴻動隔年幾點殘霞明舊壘數家榆火試

新烟青門尙有宜瓜地何必還山買秫田

其七

嫩綠柔紅鬪曉暉江南花信未全稀鏡前病起愁添
鬢馬上春寒未授衣蔓草似連邊外色遙山半入雨
中微家園三徑知無恙碧荇蒼苔滿舊磯

其八

不盡川原指顧中憑軒一望思何窮夕陽瘦馬明寒
影古木哀猿吟暮風廢苑碑殘惟臥草斷溝水咽自
流紅年華滾滾送過鳥詞客登臨感慨同

舟中遣懷效吳音兼寄方孟旋

爲愛扁舟信往還，一尊臨水復看山。
雙雙黃鳥迎人語，點點滄波照客顏。
賸有百錢攜杖去，從分半席伴鷗閒。
筆床茶竈隨供具，較勝松房靜掩關。

其二

水逝花飄稔有情，凌波睇望澹盈盈。
卻憐弱荇牽風轉，不厭垂楊拂櫂輕。
山學鴉黃當鏡立，江分鴨綠入盃平。
更誰消受湖中景，十里芳尊一勺羹。

其三

晝永人間睡思濃，沿洞孤棹任從容。
茶烹雪乳繡禪味，飯惜雕胡罷午供。
拄杖時聽羣鳥哢，尋山忽訝一僧逢。
春流處處桃花浪，未信僊源隔幾重。

其四

長日衝波不斷流，滔滔送盡幾行舟。
柳條有意垂青眼，江水無情浪白頭。
浮海鷗夷稱范蠡，漆園蝴蝶是莊周。
塵勞傳悟三生幻，取醉聊爲汗漫遊。

嚴子陵釣臺

漢祚山河運已移，桐江猶繫一綸絲。
空傳帝座占星

日不見羊裘把釣時
蔓蘚半封前代碣
芳芹徒結後人思
可憐流水滔滔逝
來往年華泣路岐

遊郭塘村題壁

歷險乘危倦復登
尋幽那有幾人曾
澗橋忽斷遙攀樹
上屋將欹半礙藤
楮葉壇邊搗社鼓
豈花棚下晒魚簪
農談真覺塵心盡
愧我移家遠未能

閒居

晝永柴扉寂不扃
荒墟微日澹攏櫺
僧過竹院頻留偈
客散茶寮自續經
鳥語忽從花底咲
漁船閒傍柳

陰停幽栖未便忘
人世肯向尊前賦
獨醒

贈張逸人

象嶺桃花幾度春
却從流水認芳津
蓬萊自隔三千界
滄海難消萬劫塵
青鳥乍銜青玉檢
白雲偏戀白綸巾
從他甲子山中換
依舊烟霞伴主人

冬夜劉平子過中林居話別

浙浙疎林驚暮鴉
涓涓零露滴蒹葭
叫雲鴈起他鄉思
泛月人歸午夜槎
堦冷茶烟清竹色
杯長語澹落燈花
龍潭賸有重遊約
吩咐山靈護碧霞

同梁山人過訪陳憲副有贈

簾外青山草似茵
閒門車馬寂無塵
一官荒徼仍移
病千里還家不卻貧
院裡鶯聲渾是舊
鏡前華髮總
憐新
予亭此日堪攜酒
莫厭侯芭問字頻

過水竹洞偶題

閒館秋深草色菲
主人懶癖到來稀
門添野竹成新
逕水過寒塘
遶舊磯
背石苔移紅藥老
藉槐剛喜綠
陰肥中林亦在溪流裡
兩地鶯聲對掩扉

輓王師祖我希公

萬里攜家瘴癘俱
一官牢落寄江隅
魂歸翠表人疑
鶴夢繞雲霄
烏是鳧
尚有生祠遺海嶠
誰傳哀訊入
皇都
獨憐宦况清如水
懸橐蕭蕭此問途

奉慰王虞石老師

一夜靈椿墮玉枝
西風吹夢徧江湄
中朝方藉燕然
石瘴海人看墮淚碑
馬首瞻雲空有戀
嶠頭捧檄轉
成悲
關河望斷無消息
邊塞迢迢去鴈遲
時老師
視居庸
寒食齋居何文起將之五羊以書話別悵然賦
此

涼雨如絲草似茵，邨堪病起惜芳辰。
爲憐澗芷思公子，况對青山別故人。
野蝶乍來還乍去，啼鶻疑喚又疑真。
盈盈一帶珠江水，祇有雙魚入夢頻。

壽何廷尉子谷先生

拂曙條風應紫宸，鶯聲初度綺筵新。
子冠自識持平吏，彤管曾參著作臣。
官驛驅郵行赴闕，家山戲綵暫娛春。
金盤賜有僊人露，玉樹分行捧笋頻。

中林晚坐同平子拈十四鹽

浪把年華夢裡占，五驚秋鴈度虛檐。
窓前落籜時敲

戶雨後涼蟾半掛簾，暗血自通千澗入。
薄雲微露一峯尖，俗情休問邯鄲枕。
與爾忘懷寄黑甜。

梁伯靜過中林夜話復用十四鹽

野館涼颺可辟炎，青燈猶喜故人兼。
堵前綠草全欺鬢，鏡裡繁霜欲糝髯。
愁緒每尋歡伯遣，癡心頻向夢魔占。
勞勞門外饒車馬，可道潛夫老更潛。

池中石筍

休將一點儻蓬瀛，杳杳君山隔洞庭。
霜後潮痕添暈綠，雨餘苔色帶螺青。
人從鏡面窺雲竇，魚啖花陰立

翠屏最是憑欄無那處露荷香送酒微醒

磯邊樹

此樹移根幾許年卽看沙溜激涓涓生成拱把知何
用縱作條枝不值錢漁父伐竿尋短檝兒童掠馬望
高顛無人消得閒風景借與山房蔭画船

賦得移舟掃葉

纔見河流漫石磯偏嫌黃葉點苔衣輕移舵尾旋開
陣轉過風前又合圍波面拍來雲疊疊長空掠處羽
飛飛林園鎮日閒相鬧陡覺秋霜氣力微

先室生辰有薦

可道香魂夢未醒憑將盃酒話年齡帳前燭影難成
焰案上爐烟不斷青蛛網拂簷斜入闌花陰籠日澹
移檯夜分無限相思恨誰報潘郎鬢欲星

余方營剝溪梁子魚攜詩過訪喜而有贈

園廬小結傍林梢蔓草荒叢上一切性似魚蠻貪剝
水居同燕子歲營巢非村非郭聊依隱爲白爲子總
任嘲閉戶以來無勝事憑君攜韻到衡茆

何文起將營西山別業拉余往觀因而有賦

城裡住山獨擅奇買山還訂住山期白雲窺戶知新
玉黃鳥投林借舊枝廢井覘泉荷鍾往荒堦種石帶
苔移鐫厓未暇窮幽勝一爲烟霞洗俗姿

其二

緣蘿折折到柴扃林自蕭森壑自冥依隱自憐芳桂
緣卜鄰偏藉古松青溪山佳處宜層閣登陟疲時可
一亭記取池邊數片石品泉留與續茶經

同文度舍弟閒步青竹園

疎篁成聚土成坳半是城居半是郊各編水國非無
籍家住藜林氏有巢沙崩欲墜藤猶結樹冗頻刪葉
又交隔窓梧露垂垂滴且共研硃點易爻

初夏小步池亭

勾管春風又一場簾櫳剛訝綠陰長黃梅子熟連朝
雨白苧衫輕試晚涼草帶欲臨書幌動荷錢初汎墨
池香殘芳冷落無人採趁着游蜂過短廊

春杪閒步小園因寄區茂對索花

每個石頭消一坐池陰深處納涼時隔雲穿過泉無
礙帶雨移來樹不知窓隙乍開刪密葉溪光欲斷補

疎籬東臯多少閒春色剩本從君乞數枝

同區君玉宿白雲山

寂寂虛窓瞰碧岑孤燈一榻白雲陰泉因洗鉢來香
積月伴聽經到法林露冷松風生澗底僧閒夜語隔
溪深空山秋色無人管惟有寒螿繞砌吟

庚申秋日恭陪王侍御老師往寧陽奉祭太師

祠限韻

千秋流韻使人思下馬城隅拜舊祠召社堂前歌樂
只冷風亭畔弄流颺山僧逐客開閒院父老逢人話

往時樗散亦叨門下士一抔明水薦江蘼

餞王侍御老師於浴日亭用長公韻

南溟天外幾重天海國神祠占碧灣九譯梯航來粵
嶠累朝琮璧鎮靈山觀風此日留高韻攬轡清時識
壯顏獨有宮桃霑雨露偏多離思水雲間

寄題葉山人溪上新居

郭外遙遙可辟喧買居兼得帶荒園白蘋浪裡藏魚
市紅樹中間見酒村小雨郵雲來石榻寒潮送月到
柴門常聞採藥歸家少牆上人題姓字繁

同甘存之區君玉遊蒲澗次長公韻

古寺荒涼夕照前
空餘石壁瀉流泉
行穿宿莽千迷道
却望懸崖一線天
澗底有蒲堪服食
山中無榻可安禪
依稀似識曾遊地
莫是前身白鶴僊

遊南華寺

香泉流出響淙淙
迴合寧知翠幾重
度過盤岡微有逕
轉尋洞口已無踪
山中原畝全歸寺
莊落僧徒半力農
行到溪橋還五里
遙風先送殿前鐘

其二

山門轟轟臨溪水
紺宇森森鎖翠微
玉檢三朝封御勅
金函幾世護傳衣
天花和雨空中落
松子飄霜殿角飛
欲識西來真面目
一龕燈影鑒重幃

夜宿黃塘驛

候館迢迢未向明
勞人深夜聽嚴更
家山故夢猶縈枕
僕馬前途已戒程
衝雪自憐雙鬢薄
肩雲休訝一囊輕
名場苦海真誰破
屈指庾關五度行

過東華寺故址

空江禪院杳無踪
浩劫何年此地逢
金像有靈浮浪

出石碑無字半坭封溪邊網得前朝鉢海上人收古
殿鐘十載經遊渾一夢依稀還記寺門松

虔州看春

鬧鼓沿街競曉晨仙旛綵仗引芒神城頭畫角吹殘
雪水面紅樓占早春絃管獨喧歌舞處綺羅爭踏冶
遊塵他鄉樂事同盃酒醉裡還驚客思新

長日

長日江干苦滯淫寒潮過雨澹陰陰豈緣世路抽身
早祇爲風塵染病深收藥時時叅本草思歸小小理

園林明時未必能終隱且向青山一問心

舟中漫興

去路來程不暫停十風五雨浪冥冥長江送客頭俱
白岸柳窺人眼盡青朝汲分泉澆藥白夜燈留火煖
茶餅病來差有閒心力且向篷窓了舊經

寄放生社諸子

放生會結萬人緣卜社東臯已一年買蛤自尋鮮市
去施禽多在砌叢邊爲求隣地安僧竈早向檀那乞
布錢我亦行踪無住着歸來長侍佛爐前

南昌元旦

不逐攘攘車馬塵，暫隨時俗慶年新。
金錢粗辦施僧寺，門板分書給賈人。
旅館難逢千日醉，菜盤又見一迴春。
閒身自覺無拘束，萬事蕭疎總任真。

贈小尼師

剛着麻衣色尚鮮，髮痕如黛額珠圓。
蓮花座下叅新偈，柳絮叢中悟夙緣。
上塔燒燈誇趲捷，隨班禮佛讓輕妍。
閒來學寫華嚴字，勺蠟和香自碾箋。

過虔州訪東溟上人，不值，聞寓潭江，賦此寄贈。

多爲檀那開講席，獨留弟子掃禪關。
交遊方外情彌重，出世緣中法未閒。
到處逢人脩淨土，觀心了不住名山。
盈盈相望潭溪水，一棹西江載月還。

重登雪浪閣

朱樓映帶綠蘿新，指點靈關蹟已陳。
臺館到來渾舊識，江山別後幾遊人。
松風送雨吟虛閣，雪浪飛花捲暮津。
惟有子潭清似昔，八年重浣客衣塵。

贈子真觀道士

子帝行宮傍斗壇，陰陰翠灑石床寒。
雲邊薜荔堪栽

衲月下芙蓉自製冠藥本每教童子覓方書不借外人看年來多病尋真訣丹藥從師乞一丸

舟次小年

晚泊清江思悄然風沙石瀨咽涓涓客邊沽酒逢殘臘雨裡迎春到小年疎磬忽傳紅葉寺荒村多任白蕪烟覺來旅况真無味與盡思迴雪夜船

湖口阻風

永夜潮聲怒未休湖光東望貼天浮可憐一葉扁舟洵空載長江萬斛愁水面時行青草堰浪痕高過白

沙洲誰云京路平如砥苦海風波不自由

贈金華庵王

仄徑懸空斷復連金華頂上禮金僊言尋淨土開精舍早向朱門了俗緣海日夜臨澄鏡影天風曉度玉爐烟梅花點點飄殘雪幾杵磬聲到客船

寄智上人

信是空門解脫禪詩能稱聖酒稱仙江山狎作煙霞主文字長留結習緣松下攤經翻鳥跡壁間題偈破苔錢歸心近逐曹溪水何日同師坐畫船

迴龍庵訪僧

古岸沙崩路已漫，清川流水對潺潺。
人從荒落見殘寺，僧帶斜陽歸故山。
爲愛榕陰遮逕密，偏憐鳥語伴經閒。
蘭橈只在官橋外，問我來時過幾灣。

南歸過社中訪念心上人

松自娟娟水自潺，倦遊因得叩禪關。
閱窮世味方知淡，纔到空門覺未閒。
竹崦暗穿潮響細，壁光微印樹痕斑。
相留茶筍延清話，皓月澄江照客顏。

送楊歛孺還滁陽

旅館飛花簇徑平，懷中春事雨中程。
環滁山色催歸夢，度嶺鶯聲送客行。
遊跡到時題墨滿，鄉關望處海潮生。
秦淮午月人如蟻，計日應過建業城。

贈匡雲上人

莫是前朝釋慧遠，重來再現比丘身。
掃除文字還留偈，了斷因緣只剩貧。
蓮社幾年叅講席，曹溪初渡悟迷津。
塵勞擾擾無閒韻，竹院逢師不厭嚔。

宿三邨庵次韻贈閒道人

三生緣事可誰談，影裡前身嘿自叅。
珠海寺門閒乞

子石鐘山畔老瞿曇肩頭明月詩千首床上葫蘆易
一函莫道此生忙未了因君借宿古邨庵

其二

浪說浮生六十三休將泡影戀虛潭顛毛禿盡那堪
祝臥膽嘗來亦自甘果腹半飄黃麥飯蓋頭一把白
茆庵身前身後茫茫事共剔寒燈五夜談

絢綺堂爲潘孺朗題

潘郎雅自愛閒居世業先朝典石渠紅字鏤牙懸秘
檢綠毫抽牘寫新書堂開綠野春相媚思濯澄江錦

不如知是鳳毛將振藻青藜光照綺窓疎

答贈陳命美

南國詞曹屬代興仙槎渺渺興堪乘江山到處爲閒
主瓶鉢隨緣伴衲僧芸笈箋經藏貝葉竹窓題偈寫
溪藤慚余焚筆無新句欲報瑤瑤尙未能

舟中寫懷呈楊亦琳胡伯連區爾昌高晦生楊
應先梁候生

長江渺渺送流澌難向懷人寫別離撫劍自憐緜是
崩彈冠笑訝髻將絲因懷池草添新恨羞對青山畫

舊看越嶠燕雲家萬里一回凝望一增悲

贈楊應先

曾向名場踵後塵那因旅况見情親懷中蒯劍酬知已篋裡綉袍戀故人借箸欲籌時事劇吮毫酣寫韵言真雄心此夜難消遣挑盡寒燈對話頻

同楊亦琳胡伯連舟中限韵

笑對蝸角逐名場一葉寒江去共忙憂國尙啣腔裡血勞生難掃髮邊霜閒商飲戶盃深淺臥聽更籌話短長酒祟詩魔降未得羨君神力似金剛

和胡伯連舟中向火

留滯休憐客况孤薄寒相對擁湘爐榆槐暫試新煙冷楫柁旋將舊燼噓栢葉浮樽湛似碧瑤花點茗滑凝酥長途韻事知多少此景同君可再無

金陵沾病移寓天界寺

寄食僧寮任寢興閒身似我亦閒僧一年花事春虛度是處名山興倦乘魏闕無媒空抱策東西多難阻擔簦浮生未得同飄梗藥裡蕭蕭滯秣陵

金陵寓中送陳仲慈復任蒼梧

舊江言集卷之四
三
薊門握手自何年白下重逢話舊緣共以萍踪憐去
住卽看岐路異風烟三山蹙駐朝天鳥五嶺還浮下
瀨船南北干戈猶未定遲君銅柱勒燕然

寓金陵聞廣寧失守志感

幾度籌邊坐失機廣寧又見羽書飛投鞭渡水那成
陣匹馬嘶風已潰圍臥甲從拋金鎖積殘兵爭向玉
門歸可憐當事庭如訟今日猶云戰守非

自金陵過當塗訪林陽仲明府次其見贈韻

笑拂淄塵滿敝衣行藏休問是耶非聊從白下輕移
舫間借青山蹙息機鏡渚平涵犀影媚花郊繡襯麥
苗肥到來僊署庭如水清夜朱絃對月揮

林陽仲明府邀遊凌歊臺

綺閣何年結構新凌歊臺畔石嶙峋山花尙帶繁華
色徑草曾承歌舞塵羃羃輕煙開井邑喧喧遊騎匝
城闌管絃十里青郊道分得春光媚遠人

余客姑蘇館于僧寺昔年舍弟文度寓焉重覽

壁題凄然有賦

雨場頽垣舊徑非化宮金像儼斜暉巡廊廢竈僧雛

去畫棟啣泥燕子歸瑞竹已隨空影沒神鐘欲覓款
文微西堂此際難成夢重闕留題淚滿衣

寺有竹無影鐘無頂

異之

金陵邂逅蕭拙修太史因約湖山之遊弗果別

後奉寄

白門樽酒定交初又抗前旌赴使車淮水柳條迎畫
舫吳山春色上藍輿別懷空抱雲中鴈旅食猶彈鋏
底魚惟有芳遊頻入夢六橋煙月幾人俱

因蕭太史上鄒南臯先生

北闕賜環荷

主恩東山一出望逾尊百年魚水逢

今會此日夔龍半在門甘苦自知調鼎鼎塵氛誰共
滌乾坤匡時須仗扶天手築室紛紛未敢論

奉懷王侍御老師

冬盡辭家春首回鄉心一半旅鴻催早投淨業緣多
病思答清時愧不才宿障識來何日了名根依舊未
全灰空啣徑寸明珠在迢遞無因寄栢臺

和羽甫家兄月下彈琴

夕靄隴隴竹映扉曲欄干裡寫音徽林端片月時窺

坐石上流泉欲濺衣鐘響滴雲來寺遠花梢移影上
簾微琴心詩骨清如許幾點寒花雪蕊飛

和胡伯連賦得美人花下彈琴

駘蕩春光不自持携將玉軫對芳蕤鶯調巧舌穿篔
錦燕掠香泥度網絲忽聽泉聲飄落絮翻疑桐韻在
高枝銀蟾半照殘粧淡翠幙禁寒欲睡遲

留題彭善長別業步蕭少宰韻

數武園廬幾自營主人兼以淡爲名虛窓月白看松
影半榻經殘禮磬聲鳥亦安禪栖寂寂泉因漱石韻

錚錚東林真不愧蓮社儼澹山池尙未成

其二

剛說過橋野色分詩箋茶夾日爲羣鶴來伴客窺殘
局僧就縫衣借片雲手註泉經誇苧叟家傳丹訣自
桐君幾回共索花陰醉童子清吟徹夜聞

彭有童善咏詩

爲梁母七袞膺旌

獨抱冰心一寸灰幾年清淚落燈煤堂前鶴髮垂應
短鏡裡蛾眉掃不開里巷忽驚新棹楔門庭剛剪舊
蒿萊離鸞轉入將雛奏天露霏微灑壽杯

壽母舅小川翁七十初度

清時衡泌足相羊
薇省風華擅墨莊
頰映丹霞子鶴
髮帶垂黃纈綠荷
裳花邊酒觥移棋局
驢背詩情附
錦囊昨夜紅桃初綻蕊
早傳春信到瑤觴

答贈何凝生

幾從華省待簪裾
人羨僊郎玉不如
養就苞毛雲擅
采飄來桂影月同疎
花朝染翰摘春藻
夜閣燃藜讀
異書聞道趨庭饒
逸思每攜閒韻過
精廬
春日何凝生招飲不果赴賦此代柬

春陰漠漠帶花朝
約略疎英半解條
欹枕却憐人似
醉應門剛報客來
招蜂衝短檻
翅猶濕鶯轉高
篁舌
未調最是同懷不同賞
綠窓對雨寫芭蕉

送汪士元叅軍還五羊

官閣題詩倚夕曛
風流誰得似叅軍
坐衙揮麈花沾
席過寺尋僧袖拂雲
春社花開人未散
離亭笳發袂
難分盈盈漸覺清歌遠
回望珠光隔海濱

題潘扶翼園館和葉明府韻

池館森森石徑迤
一清清歷可人思
鳥吟爽籟脩脩

竹蝶趁芳叢短短籬杖屐屢疲堪命酒溪山入賞儘
宜詩惟憐韻事難描寫花有幽香月有麝

尹山雲道人別余七年矣每思追尋宵無踪跡
今年偶因一方士注聲於余念雲水孤踪不
便緘札急覓扇頭聊占四韻附寄之

自信疎狂休問天三生誰共話因緣都門策馬居人
後春社傳杯讓客先醉裡扶筇梅塢月夢中吹篴鐵
橋烟分明舊路君曾記謾落娑婆五十年

花下獨酌戲效放翁體兼寄容鼎卿

自笑髯公癖更顛三杯獨酌便頽然榻緣坐久疑穿
膝髮爲吟多欲覆肩與子去來尋舊約看花開謝悟
流年旁人莫訝昏昏醉久矣吾叅春夢禪

其二

再酌花前酒一卮翻因興劇轉成悲綠楊深樹鶯穿
處青草陂塘蛙吠時一陣酸風吟墮葉幾番紅雨洗
空枝清愁種種癡難遣不向花神向阿誰

答李嗣良見贈

世事扶從一醉捐憑將詩局閱流年江山無恙遊筇

外花月多情酒觥邊匣裡有時劍獨吼袖中攜得筆
如椽奚囊收拾殘編在不是侯芭莫浪傳

葉道人過息廬留話兼示麥居士

五十頭顱始悟非半條破衲搭儒衣從教傀儡三生
幻幾見丁令千歲歸鎖骨已堪羅石室枵腸猶可療
山薇羅浮雅有遊仙夢纔向君前半露機

雷陽道中卽事

合下四十四首原刻
朱厓一集浮樵草

食投荒店宿依營半月山郵與水程海外萑苻方伏
寇江干流徒爲逃兵城過五漏門猶閉日上三竿客

未行滿眼風塵成底事可憐書劍誤儒生

其二

逼面巖巒劔鋸青疎花奇樹綴林垆峰頭鷲站衝炎
墜草際蛇行觸鼻腥不辨嵐烟長漠漠總無風雨亦
冥冥薰人毒霧渾如醉野店村醪到易醒

其三

林裡啁啾雜鳥蟲陰陰榕葉乍唵風行隨僕御穿山
脊時擁籃輿渡水中官馬自芻青草坂人家多住白
茆藜平坡十里真如掌呬嘍車聲去不窮

其四

茶瓜無韻稻無香野店村盤取次嘗世味已隨雞肋
澹官程猶逐馬蹄忙身依僮僕家千里路別妻孥淚
兩行久歷征途今最苦黃茆瘴裡度雷陽

其五

獨攜襆被走曾巒閱盡畏途風雨殘面帶煙霞長作
客身依雲水強名官三杯濁酒澆腸熱五夜青萍懾
膽寒酬世近知儒術拙迂疎徒竊進賢冠

其六

原莎莽莽盡荒阡遙指孤城百雉懸新水乍生潮帶
涵危樓一望海連天空開疲卒防春汛幾見流民墾
石田數十年來豐樂土風光強半不如前

其七

柳陰柳葉碧參差幾陣風炎雨溽時處處鳴梭人織
葛山山燒骨火耕菑腥莎忽轉見馴鹿暝葉頻啼立
子規斜日郵亭聊歇馬蠻娘歌唱雜侏儸

其八

欹木崩崖架短橋盤岡幾轉度山椒牛堪負困歸邨

壠水自推車灌稻苗瘴雨灑林煙不掃火雲酣午葉
如燒雖然也是南中地却望家園首重翹

秋夕雨柬潘孟與

雨葉淋漓戰不休長風榻畔莽颼颼旋抽宿火頻添
茗乍覺新寒始問裘世路途場多作戲宦情到海亦
乘桴蓴鱸且莫懸歸思好與潘郎賦早秋

七夕獨酌衙齋有懷梁自獻潘孟與張敬余

涼飈拂檻露泠泠纖月當樓可一亭荏苒流波逢七
夕合離人間亦雙星天邊朔吹來初雁草際微光綴

亂螢徒有芳尊不同賞燈花牢落向誰青

秋雨遣懷效白香山

城隅半是水煙居惟底先生掩敝廬性懶逢人多不
櫛門常簡出爲無車南橋慣兌長腰米北海新嘗有
翼魚地僻官閒何所事碧窓焚蕝了殘書

其二

秋來剛道曉煙清淫雨狂飈掠地行黎母江前潮嘴
長颶風祠下浪頭平信巫野俗多禳鬼經寇流民盛
說兵自笑儒臣空竊祿青袍隨隊學將迎

其三

妬風佞月幾評章案上狂塗墨數行漫與侏儒分月
俸時從黎婺覓名香尊開稔酌堪娛客帶解柳陰可
納涼共指垂虹占霽色微微絨角吐斜陽

其四

信來渡海有奇緣殘夢依稀二十年詩以閒情追白
傅跡因流寓憶坡仙宜泉綠茗烹金粟貼座青氍綖
木棉浪說官貧無罪過俸緡時給寫書錢

東梁澹明明府

城陰一道綠蘿齊門徑居然五柳蹊仙管乍調明月
曲舞裊時掃落花堤荷尊送暑會同醉桐葉經霜幾
自題屢欲乘閒追舊約雨塘蛙吠草萋萋

雨後看月

雨霽涼飈氣自佳悠悠新月逗人懷淒涼客夢人千
里澹宕孤光水一涯素影漸移剛到榻明河欲落尙
橫街聊將歡笑舒童僕共把鄉愁取次排

聽雨

生計原非利與名若爲蹤跡滯顏城憂霪厚地猶嫌

淺笑買黃河不肯清寒入瓦爐香細細風敲紙格火
熒熒撩人一夜瀟騷雨聽徹殘更夢未成

同潘寰瀛王堯韭集梁澹明館賞菊

晶波窅窅漾池光平曳素雲過短牆纔到堦庭驚韻
石坐來衣袖染奇香草沾餘暖猶含綠菊領新寒盡
吐黃清露眞濛燈晻靄况疑身醉朝川庄

偶以公事出西郭暫憇小巷題壁

确石頽沙岸欲崩危橋齒齒歷千層已疲官路剛逢
寺乍入雲堂不禮僧殘暑氣清荷葉堰微涼陰藉豆

花棚間身也被頭顱誤到此情懷冷似冰

贈王堯韭

生無媚骨供時人落穆情懷一任真白銀多緣遊俠
盡青緇徒訝積書貧曾將孤韻傳流水幾悟空華指
月輪茗椀不寒香味淡清參那許厠凡賓

秋夕張元太以詩筮見貽次會

泠泠秋露湛金波政爾懷君奈遠何清月宜人當戶
牖好風吹韻入林柯因探瑤圃求予草却憶華池汎
白荷兩地相思難命駕新詩盈握一長哦

讀潘母貞慈錄有賦

母節臣忠兩不移寸心何幸九重知舊啼碧淚封衣
篋新揭金題榜戶楹柏挺高陵留勁節竹垂甘露護
慈枝南溟森森天無際此是流波捧日時

送王拊石賁 詔萬州

丹詔驚傳到海頭歡聲雷動遍遐陬圖凝九鼎膺千
歷日有重離照萬州桂影搖波浮玉甸槐香浥露點
星郵經遊轉覺家山勝紅葉如花醉好秋

偶過鍾禹鑄園館有賦

依然蒲稗類瀟湘半幅林廬四裏藏綠沼雨迷荷蕙
路黃雲秋釀稻花香行穿密篠衣如染吟對清流魄
亦涼馬首催人鷲舌戀閒官何事逐塵忙

梁自獻潘孟與邀遊金粟泉分賦

拄杖閒支萬壑巔聊將按牒訊靈泉祇言海眼霏瓊
液不道雲根產玉田洗鉢鳥啣香稻粒流花澗帶瑞
禾煙從來名蹟矜竒幻輸與空山自在禪

其二

一泓如許湛圓流却向溟波島面浮海有鹹潮泉脉

貴井飄金粟地靈幽千年墓碣精魂語萬斛驅光罔
象遊呼起端明還共酌冷風人醉宋亭秋

天寧寺同林彥杓陳心虞會敬濟許映三

偶從法藏窺琳宮却訝琉璃寶界同阿歛何年成幻
住摩尼浮浪現神通山空每詫龍聽法海立時聞鷺
呼風惟有閒潮真不舍會隨明月汎鴻濛

壽白太尊

分符海國領專城南極常依帝座明窮髮波濤支一
柱中流日月照雙旌蓋珠天上長生國金粟人間古

佛名 聖王賢臣今日事遐方人吏頌河清

汪海渡貽詩邀賞菊步韻呈答效唐伯虎體

爲甚黃花向酒開想應名酒澆花栽無花也覺酒腸
澁有酒可無花事催酒性全憑花作膽花神端以酒
爲胎頻頻酌酒君休訝日日看花我肯來

社集詠知風草和汪海渡得一東

青蘋尙未決雌雄蔓草誰將測化工本是根荳羣飽
露何緣枝節獨關風吹葭轉覺灰無力占筭還疑葉
不同見說天南波近息堯堦應產薏藜藜

再和賴無畏得四支

茫茫噫氣可誰窺却向天翹早示期海國有濤風不
定巢居無恙草先知春行賈舶占桃浪秋護山農祝
麥岐若道禳祥非預兆枯莖何必數叢著

再和王堯韭得二蕭

水羨瓊株陸羨瑤奇哉占候又靈苗東皇有令先行
草少女乘機始弄潮節節枝枝隨歲序風風雨雨繫
柔條憑君拾得還相示首向山堂月譜標

再和潘孟與得九真

化草曾聞是美人今來海國作波神不煩占驗披枝
得若問灾祥數節親颺母翻風吹海立石尤喚墨攪
天勻宰官亭下年年拜莖草真成丈六身

社集咏烏鰂魚

莫是千年老白蟬前身蠹却幾琅函吐來赤水疑成
字納盡半霜豈爲貪尙想片雲浮玉沼也隨圓魄下
金潭多情不似傳書鯉滿腹螺香一味慙

憇南橋茶亭戲題僧簿

馬蹄撲撲古堤邊却到招提似野廬老佛無緣空守

屋山僧逢着便抄錢香厨飯熟烏從掠草榻莎深鹿
借眠莫道空門寒不過宰官今亦抱寒糴

次和張泰寰別駕元旦試筆

笑拂頭顱與歲新前街撾鼓賽門神雲山有約偏留
客花鳥無端却帶人近海嵐煙霏宿雨夾蹊桃杏報
芳春椒盤隨辦香醪熟其奈朱衣拜謁頻

讀朱四尊悼張孺人詩有感步韻賦呈

當年彤管寫悲吟窅窅重泉信易沉萬感難酬唯有
淚三生如晤亦同心疎花影澹空臨鏡流水聲淒不

入琴幾度徘徊堪掩牘鍾情誰似使君深

羊延信明經過訪以僮被爲贄賦此詡之

未曾相識卽依依風雪誰敲白板扉海外交情憐布
被天涯鄉信滯寒衣多君擊水風彌厚笑我穿場力
已微蹭蹬一羶棲未穩秋來還欲附雄飛

過粟泉訪李影九不遇因爲山僧草疏

踏遍閒原日未曛松房宴坐不逢君半庭草色浮書
帶滿鏡池光染墨雲山鳥時能呼佛現荷花也解沐
禪芬清泉酌罷休言去且爲檀那草願文

別栗泉書一律贈僧

山閣隴隴欲上暉寺鐘初歇汲人稀荷封碧盞投青
澗乳摘雲根下翠微幾度叮嚀勤水使十分剝啄開
禪扉一瓢挂樹從今去帶得清冷兩腋歸

因病乞假避客栗泉用影九韻

謝却常叅事事慵疎狂漸喜世相容荷飄綠沼覘禪
韻鳥過蒼苔覓字蹤細雨鳴蟬依古木微涼洗馬蔭
高榕晝長門簿無來客一枕花茵藉草茸

過李影九問病

枕畔殘編手自刪忙緣未放病身閒
暫投蛙國宜聽雨鎖鎖猿心不住山
隔巷呼門驚客至穿林乞火候僮還
行行刻竹誌前徑恐我重來雲掩關

寄故園兄弟

浮蹤省省信萍槎旅夢經年不到家
纔入仕途都是海備嘗世態半如霞
池荒且喜蛙陳鼓門冷從教雀噪衙
唯有流光容易度三春空負故園花

余將北渡梁澹明潘寰瀛林華東三公餞之海
門諸生各攜具追送王堯韭林公毅鄭聖符

信宿招提平明始別比余阻風白沙瞻懷雅
誼寄此別章

萍蹤鹿豕已經年猶戀招提信宿緣城角殘虹微帶
雨海門飛浪不分天疎燈起食投村店急鼓催裝上
渡船咫尺津頭難可越不堪重別又流連

東林陽仲先生

合下十五首原刻
朱厓二集歌園草

剩得餘身却放閒冷銜端合署乍關覽投故里腰仍
強久習殊方語亦蠻粗棟礫場平作圃小鋪池石假
為山聞君請學園初就我欲從君請學還

余自瓊南括俸錢增擴園地僅尋丈許古樹漣

娑友人之所訶護也歸理園事漫拈紀興

為園湫隘不相宜尺土寸株請益之券內金錢稱俸
羨溪頭古木藉朋私蝸雖涎殼終粘壁蟬欲翳藂喜
得枝拄杖行行閒獨倚老梅迎臈甫開時

其二

周折算來六井強即堪容膝也何妨地鄰南郭先生
隱世辟東牆處士藏懶剪荷衣拋綠沼慵書柿葉委
紅霜較量馬首忙追逐爭似山壘日靜長

其三

依舊寒流浸石磯
淄塵未浣客邊衣
天涯飄梗隨波轉
海外浮槎隔歲歸
乍撒翳藤添爽豁
旋芟冗樹洗癡肥
偶然溪叟來相狎
閒弄竹竿到晚暉

其四

歲貧難度指紛紛
悔不移家住海濱
鶴有賞糧權省節
僧抄錢米量支分
惟餘剩水三弓地
占斷遙峯一片雲
便擬杜門予亦得
詩魔拋下學栽耘

答俞季郎見贈

傅粉塗朱貌失真
鬚眉今始見伊人
搏雲欲繫虛空影
譜雪能描冷豔春
未信江河終不返
繇來薪火也非陳
騷壇近日人爭鶩
唯有季郎步絕塵

次答俞季郎獻春見懷

石墜雙扉久絕敲
纔看春信到林梢
煙霞有癖容吾傲
予白無成任客嘲
僻塢尋香纔曳杖
寒榮偃曝暫依茆
詩逋經歲難支遣
七寸毛錐幾欲拋

高仲良見和爲園小作倚韻有答

難將慧舌比鸞兒
蟬響蛙隴只任之
塗抹自知嫫母

醜斧斤全藉郢人私一聲清晏疎篁月幾陣香積芳
桂枝雨濕詩筒煙滿紙挑燈吟到夜分時

暮春仲良伯良世立過訪中林有僧同集

尋芳半在有無中踏遍莎溪屐未窮到耳潮聲煙際
落撲人花氣鼻端濃鳥知狎客馴空砌雲學安禪繞
定松坐久露臺清嘯起水光和月上瞳隴

其二

片石枝林景最怪多緣癖懶臥林間徑來看竹何妨
入偶爾逢僧未許還水剝磯頭堪滌硯月餘臺畔半

籠山奚囊蠟屐從茲始分付閒雲莫掩關

高仲良貽詩留別次畬

七字投來珠滿函頻思剖腹未云貪半窓紅雨堦前
墜昨夜青燈榻畔談山抱濕嵐供穩睡花啼曉露洗
餘酣春光豈爲遊人駐何事相逢說解驂

次和陳伯良過訪

九十春光已半過其如不飲負春何花容媚客偏能
豔酒盞逢歡恨未多寒逼蕝爐香易細雨滋桐質調
難和同君批抹閒風景險思還將險韻磨

次和尹世立過訪

春在林芳雨靄間聊將澹酌消春閒盤空禡子擣蔬
去竈濕山童乞火還角韻何人詩骨雋飛籌偏我酒
腸慳茸茸細草沾遊屐踏破蒼苔幾徑斑

次和友人苦貧

木棉遮暖草爲茵自笑頻年客路塵帳底有文堪罵
鬼囊中無物可通神傾蓋與語皆肝膽度嶺逢人半
故新吟興轉豪氣轉壯如君意况詎言貧

次俞尹世立贈別

未向冥鴻賦逐肥鷗心鹿性本無機正當蕭瑟人難
別况隔關山月共輝世局隨緣終自了孤雲與我若
相依爲言後夜思君處溟海迢迢夢獨歸

王方伯削平粵寇詩以志頌

合下五十三首原刻
朱厓三集可廬草

陡崖一線透重關自古梯航通百蠻民雜漢夷因產
孽地鄰山澤易藏姦雕戈指日虹霓避羽扇臨戎將
士閒黃木灣頭時飲馬戰袍微漬血花殷

其二

天南鎖鑰鎮雄藩虎帳居然節鉞尊馬上輪刀衝賊

陣牙前獻馘到轅門銷兵士解尊耕犢逃難民歸放
牧豚從此重溟波漸息榮光如注洗朝暎

其三

水陸兵符兩道分登壇號令勢如雲連天飛寨轟雷
破橫海風颿縱火焚汎掃莫教留後患顏行誰敢逆
前軍也知百粵長城借還仗犁庭淨虜氛

其四

海內騷然仰度支東南物力儘彫疲可堪號澤窺關
日盡是炊骸拆骨時十郡河山歸掌握諸曹芻粟屬

分司憑將一柱扶天手重勒鎮蠻兩字碑

次和林陽仲銓部見贈還瓊山兼志疇昔

離筵初洽鳥嚶嚶尊酒從頭話舊盟入室蒞蘭寧異
味當年邪許謬同聲填篋絕處余憐弟齒德排來爾
是兄三度海門人不識却慚津吏問前程

其二

鷓行鷗席各爲羣仕隱繇來不礙君水鏡獨提天下
士文場雄掃萬人軍半窺短閣銓賒月一鑑澄池坐
浣雲近喜詞曹歸領袖綵毫敲玉數相聞

其三

乘風破浪我何堪却向南溟又更南海舶有時夷互
市官郵半是草爲菴餐多瑤柱如常饌飲試椰漿亦
覺酣蒼屹間雲金粟月也曾狂筆掃晴嵐

其四

石室書留壁縱青先朝學士舊儀刑非貪升斗腰頻
折幾閱風塵眼未醒魚豕斲刪新註疏尊疊多綴古
鐫銘可堪誤點進賢籍白首空憐守一經

草堂落成漫志近况

揆地剛能滿一弓芟來蔓艸尚芄芄疎編籬格留通
月低搭茅簷欲避風庭砌漸夷妨蚓穴門楹不設象
牛宮郵泉嫁竹何多事時自荷鋤助小僮

其二

夾笆權分兩耳房粗陳經卷及藜床近從坡老傳慳
法偶向真人鬪睡方病骨且便寬酒債貧餐尙未缺
禽糧卑栖亦是安時分莫把枋榆較短長

其三

屋角平行亦礙看巡簷剛覺帽兒歌童閒洗藥曬書

後客韻香恬熟茗時花瘦籬頭酣不醒竹荒牆角俗
難醫何如剗却前堦草一味清虛也亦宜

其四

漫云鳩鷄一枝安多少冥鴻亦漸磐茆舍竹籬衙似
店紙窓蓬戶隱於官稀稀弱柳人攀折落落疎英雨
打殘分付阿童頻守護籠燈留待夜來看

其五

女蘿如織占頽垣貫檉枿槎僅礙門牛馬任芻寧問
主雞豚歸牧亦成邨一區敢擬高人軸此事難同俗

士言疎拙自知無所豎肯營温飽戀邱樊

其六

海風和暮復和朝準備疎荆護短條地有青錢留碧
蘚庭無絳帳樹紅蕉因窺石鼓虫成字慣任山居屋
似瓢除却常叅何事扶筇縱屐任逍遙

訪潘寰羸明府

每到君庭日易曛詩箋茶夾並芳尊蘭因入室堪爲
友竹近穿堦又抱孫帳下童烏能授易客來凡鳥敢
題門仍聞雅有閒功課新註叅同五萬言

悼鍾石之

寶劍沉淵月隕光
却從海外悼鍾郎
其人如玉溫而栗
有筆生花艷且香
尚憶論文頻載酒
會因示病一登堂
當時笑語皆陳迹
觀世真同大夢場

其二

蘭畹桂叢習習芬
才名少小已知聞
朱崖蚌腹真無價
大宛龍駒迥不群
雅有清談追叔寶
年纔弱冠等終軍
詞壇方訂千秋約
不道浮生幻似雲

其三

湖海襟期聚一瓊
如君標格邁時賢
風流濁世佳公子
瀟洒宗之美少年
昔別曾維青雀舫
重來對寫玉鸞箋
相憐多病還相慰
忽聽山陽淚泫然

其四

難將四大等微塵
石火光中幻住身
本草無靈林間藥
皮囊如蛻曷尋真
故交淚泫陳芻地
瘴海墳靈冠玉人
從此衡門無履跡
鶯聲啼老柳衙春

歲晏悼亡

有引

余始就瓊瓊山妻梁以路蹇不果從比余公車便

道抵家欲再攜而彼已不逮矣辛未殘臘於署中
設奠弔影子然倍增酸楚迺爲悼亡四首焚之
陣陣颼風刮骨酸何人知道一羶寒有兒失母長離
膝垂老無家尙戀官欲撫哀絳驚寡鵠時薰凍被怯
覆鸞夜來歸夢頻頻渡海面波濤幾許寬

其二

蘭幙同歡二十霜辛寒世味備君嘗哀時獨自揮新
涕卒歲誰爲綻舊裳門館時能供菹脯山厨追念飽
糟糠椒盤薄設中庭薦不見齊眉一舉觴

其三

招魂欲寫不成文細數從前幾負君釧鉞每緣供客
盡裙簪常與侍兒分得歸香國應無恨縱叩巫陽未
必聞擬向如來求懺度三生緣會亦紛紛

其四

一撮寒心已似灰更堪撫景若爲栽鏡霜塵匣光無
准鎖錮香奩澁不開屢辦僧錢修法事權因俗臘化
冥財情知此恨年年有且紀悲歌第一回

春日胡南征林公毅過飲和公毅韻

南中氣暖春常早正月山城已綻梅燈市乍殘鶯欲
嬾花朝纔到雨頻來葦辛久擬持齋斷蓬藿何緣爲
客開狂興莫愁餅易罄况逢隣送助餘杯

馮載賡招集滴翠山房同胡南征陳命美

纔出青門卽近郊山堂幕歷隱林坳欲開蓮社依僧
院爲卜松鄰借鶴巢空翠和嵐當檻滴午鐘飄梵隔
雲敲異花奇草看難遍陣陣餘香人酒肴

其二

踞石芑林任偃舒一痕花影上衣裾幾人把酒聽山

鳥何處繙經響木魚香醖嫩芽青茉莉盤分細穎碧
芙蓉明窓真覺無餘事倘許閒窺帳裏書

遊辛妙觀閣宣和碑

斜陽荒隴草芊芊遺構猶存數尺椽捫碣始知宋日
月覽圖曾憶漢山川鶯花別領暄寒候混沌誰司開
鑿權逢着阿僧難向說一龕燈對古堂前

讀答辛亮松壇詩草有贈

松鬣搖風韻最清如何紙上作松鳴海潮夜梵三千
丈哀角危樓十五聲流出空山泉自語飄殘明月雁

孤橫莫言俗耳聽無准還有松壇是主盟余先得海潮句未有

送胡南征還皖城

浮上海蹤動隔年歸心忽繫綠楊煙錦袍白馬嘶芳
甸翠管銀箏上畫船嶺海交游新臭味燕臺花月舊
因緣奚囊收拾江山去又向雲中颺玉鞭

送汪爾含還新安兼訊白下舊遊用命美韻

瀕行攬袂意何與丹荔炎雲映客裾篋有牙琴應奏
水袖攜馮劔豈彈魚天邊屢換朱厓月海外難傳白

下書君去我留成底事可誰看竹到精廬

其二

荷香冉冉撲征轅軟雨柔風汎綠尊茉莉有香傳陸
賈葡萄無種憶張騫閒依榕幕唯吟柳夢逐萊裾亦
遶萱南北路岐堪一歎可能相別不銷魂汪為叅戎幕賓

其三

南溟貼漢森無涯蚌腹鰲肩萬丈霞怪石沉波生鐵
樹鹹潮着岸盡鹽花三山浮水人如鶴五夜衝星劍
是蛇歸去黃山尋舊隱為言蓬島得金沙汪喜談

其四

殘山剩水幾豪吟盤礴看君一解襟
青海留書將別淚白雲飛夢遠遊心
行邊荔子偏垂赤到日槐芽已換金
若過秦淮應息槩畫船煙月底般深

哭潘孟與

閒聽陰虫遶砌鳴悲來欲慟強吞聲
伊人已作經旬別泉路今知第幾程
浪把前途傷幻夢難將後會訂緣生
騎鯨若向三山去應踏金鑿頂上行

其二

絕世才華出世姿卽論風雅忝吾師
酒緣涉趣沾唇淺文寫靈心落紙奇
蘭化香留終自遠琴亡韻省可誰知
冷腸消得些些淚灑向君前偏海濱

其三

鶴矯龍昂詎可馴斲留爪甲也驚人
榮華木槿堪觀世堅脆芭蕉合喻身
凍石一枚分蠶尾澄笈數夾隱魚鱗
緘題篋裡時時吼始信文章恰有神

章一類又易簣之日
余卽蒐其詩笈藏之

其四

爾汝形骸頓可捐論心直到古人前詩聞鯉也趨庭
日痛似回今厄運年南海有珠光陸地北溟無翼上
摩天郵亭尚記篝燈話一噓新編待子傳余赴公車
於太平遇
孟與南還授余一編曰
榮蹇一噓屬為之敘

其五

蘭徑微颺曳短裾每因退院過精廬幾人白醉同看
茗雅有孚言不及書社結蓮花今已矣名垂竹素竟
何如酒鑪便爾河山隔從此山堂草丈餘余與孟與
社于清源菴
一名蓮花菴

其六

宋代流泉今好在井飄金粟古龍湫當年載酒俱陳
迹此際憑誰續勝遊夜竹一痕深有露潛蓮數片不
禁秋空留醉筆題巖石無復羊何共唱酬孟與曾邀
余遊白龍

金粟諸勝
各有廢詠

其七

疎柳為衙草結菴門開荒徑亦三三詩催擊鉢飛毫
和辯送懸河捉麈談儼介名山憑兩屐從酣巧鳥喚
雙柑風流轉覺隨波去韻事於今遍海南孟與曾和
余草堂六

其八

風輪陣馬歎時光轉悟空華禮法王勾漏漫傳丹有
井維摩休道病留方高秋鴻鵠先垂翅半夜奎婁頓
掩芒細簡帳前書萬帙有兒差得勝中郎

紀颶風

傳來靈草節交叉少女俄乘七葉車牛館頻年祠颶
母蝸宮今見走魚爺干櫨並拉同摧朽萬瓦紛飛似
捲沙惟有先生掩書臥宿欄過雨長新芽

稍霽友人過訪

殘書濕重揭難開火熾金猊一石煤切水微聞喧螿
渡茆簷時見曝禽毳滄菜小剗移城邑花鳥閒愁弔
草萊騎馬到門坭過膝南橋剛道射潮回

颶風後陳命美貽詩問病次韻答之

占風漫道有耶無蟬竦經天疋練鋪一陣剪紅花落
索數竿搖綠竹單癯燕捎晴幕弔殘壘峰塾香泥墮
濕鬚正是棧門僵卧穩不堪朝謁又相驅

其二

嘗聞海立疑生脚更訝山移恰有靈木杪翻濤饑鶻
叫石林開隧毒龍經愁看積靄屯空閣忽見微霞抹
遠汀瘦骨似嫌風力健呼童糊紙補窓櫺

寄壽尹母

一莖仙液湛金卮恰是槐芬萱郁時池養苞毛今五
色庭栽瑤樹亦三枝和丸且課庭前草弄玉常含膝
畔飴若問蓬萊清果否碧桃方熟報君知

七夕得正古上人書許渡海見訪詩以促之

罡風連暮復連朝慣住瓊南識信潮香象繇來堪截

海靈烏何必倩填橋彌天有脚應須到彼岸回頭定
不遙好向龍宮先寄語幢旛計日過銅標

寄贈卞蓮生明府

昔曾畫舫汎中泠北固寒煙入晚汀鉄甕有城高王
氣金山留帶鎮江靈龍飛尙想淮河濕鳧起遙連嶺
樹青此日關門瞻瑞靄黃雲如蓋擁郎星

送鍾秉筠謁選春官

郵亭別袂柳煙縈送送潮門十里程溟沼開帆翼翩
健潞河揮策一裘輕行衝鴈陣過梅嶺獨聽鶯聲入

薊城惟有天涯留寓客夢隨飛騎遶神京

歸興

命途休歎爲詩窮自笑年辰值謁宮海貝有文都是
錦山魃爲祟不驚銅生金鑄就疑成錯勁角柔來半
似弓燕領虎頭非我相祇應鑽紙作枯蟲

其二

聽來巧舌劇嘍囉伎倆山神幾許多老驥鳴長空伏
樞羈禽力倦欲移柯機心盡附漢陰叟世事渾如春
夢婆新水一痕鏡一曲謀將煙艇載漁簑

其三

世情見說不如雲晴雨暄寒頃刻分海有大魚非說
恠門多羅雀莫驚羣卽看蜃氣俄成市更訝雷聲半
在蟲萬事且拚醉裡過瓣香惟祝杜康君

其四

路遙鄉國頻來夢客久江山亦厭人北海有航如守
凍東風無力不爭春沈郎腰瘦帶移孔范令官貧餓
積塵自警家園三徑去天邊垂柳五回新

新製沉香冠和椰子冠韵

合下三首原刻朱
厓四集和蘇草

指磨牛角映霜絲鶴擎鳩築物外儀五指黎人爲木
客三山仙子是冠師奇香到眼余偏賞異國傳來人
未知纔向鏡前簪一會封函留待入林時

清明山行至木下廟和上巳携酒

陣陣原頭飛紙灰清明風物亦悲哉酒澆地下誰曾
見哭喚山頭魂詎回荒塚野狐眠不起殘腥饑鶻攫
還來南橋眺罷當修禊木廟壇邊花正開

坡翁云客俎經旬無肉又子由勸不讀書蕭然

清坐乃無一事余今有類於是因和其詩

不思何肉與馮魚滓穢寧教溷太虛嗒爾坐忘南郭
几脩然人似上皇餘身依地水真如幻俗少耕漁近
厥初欲作瓊南風土記山經月令不勝書

暮抵漁家

高樹數株茆屋靜江邊小聚卽漁邨隔離犬吠人聲
細衝雪客來夜打門官裏長年無賦役舟中幾代養
兒孫魚多米賤從君換况有新醪盛瓦盆

冬日書懷

氣至寒林慘不舒蕭然晏坐得真如耗磨轉覺雄心

盡簡懶全于世法疎一葉爲家將鶴往三冬無事帶
經鉏過逢半是邱中侶多暇還參種樹書

走筆邀林遷之

笑爾昂藏一丈夫近來好事有還無燈前說劍神偏
王穆下談天興不孤已辨青尊澆醜礪從教白眼看
模糊莫言嵇阮風流甚到是公榮勝可俱

江上春懷

北地塵沙雪滿貂南來風物尚蕭蕭半篷衰葦聽殘
雨幾處孤邨隔斷橋晚稻慣嘗鄉味減濁醪粗遣惡

懷消故園正想芳菲處不是登山卽泛潮

其二

忽轉平流是小溪芳洲冉冉短莎齊邨過野寺無黃
葉水到人家盡綠堤暖日河鮪穿荻出軟風海燕掠
篷低江南好景依稀似祇少閒僧一杖藜

舟次潮連有懷爾昌却寄

綠楊搖曳草芊芊古渡移尊憶往年兩岸雞聲啼曉
月半空漁遂散墟煙經春有約平原會雪夜無端剡
曲船滿眼相思不成寄雙魚迢遞越江邊

送胡伯連揚應先南歸拈得五微

纔見槐疎葉又菲同遊京路不同歸三江秋水征人
棹九月寒砧客子衣家遠祇應憑夢到時逾多覺賞
心微欲知燕地羈栖苦看取塞鴻嶺外飛

上姚座師

清時詞賦滿長安抱瑟逢人未忍彈鉛槧尙慚諸弟
子皂袍先作老儒官朝敲驢背銓常苦夕寫蠅頭帙
已殘不是玉堂經品藻有誰青眼國門看
卷之四終



鶴汀詩集卷之五目錄

五言排律

經綠護屏邨

將北上過江門別林

舟行

賦得江上霞

汎彭蠡湖

螺川望月

方舟吟投贈

題東山草堂

登圭山椒和王虞石


圭峯從禱同楊亦琳

天壇從禱喜雨

奉送姚瀛翁座師

壽楊隱君

過金陵壽焦太史



題釣廬江圖

冬日偕王君奉登圭峯

津樓晚望同高公先

出郭迎施明府

山堂初構

送學博劉賓墀先生

同區季譽過東臯

紀病

和葉明府喜雨詩

寄賀李本寧先生

讀林初文先生集

林六引民部招遊

再遊金魚池

贈朱瞻御

夜泊京口

小除夕泊市义

元日汎舟螺江

遊玉龍寺

擬登極日五色雲見

牡蠣牆

除夕三姑灘守歲

何太史席中感述

經熱水

合下十一首
原入朱匪集

壽司理朱公

社集咏知風草

初春同張泰寰過飲

清源菴作詩社

潘孟與見和草堂

閏月得家報

得何象岡宮詹書

壽周宗師

壽張太尊

和冬至日與諸生

飲酒

六言排律

戲和陳子明自嘲

次韓孟郁韵解嘲

七言排律

山房題壁十三韻

秋日得何襄武見懷

次韻荅陳子明山壘

大方伯孫公垂示

鶴汀詩集卷之五

明嶺南李之世長度著

五言排律

經緣護屏邨

山行數十里漸覺有人家
隔塢聞春白沿溪盡漚麻
泉流經九曲磴道入三丫
穴處依山谷刀畊近水涯
土垣桑作戶蓬巷竹成遮
灌木環邨背垂藤傍屋牙
居人慣逐虎迷路屢驚蛇
秋壠家家麥春苗處處蛙
甘瓜持作饌苦菜代烹茶
簡樸淳風在柄遲世代遐

暝猿時挂樹幽澗自飄花到此塵心盡農談日易斜
將北上過江門別林陽仲

豈是齊竽誤誰明卞璞心生涯隨去住吾道亦浮沉
桂櫂江門塢蘭房翠岳陰向來同燕賞此夕漫商參
猿鶴故山夢風塵行路吟睽違方在卽何以叙遐襟

舟行

舟行無日夕江上變晴陰不是時清眺那堪此滯淫
岸梅初綻子堤柳未成林斷磧殘冰溜寒溝宿雨侵
沿圻經曲折觸望極高深景物居然異羈閉此共尋

隨波憐泛泛似梗去沉沉睹燕知時換聞猿斷客心
勞生非所問懷土思難任

賦得江上霞

明霞出江渚冉冉麗層霄插漢疑鯨飲填河象鵲橋
光浮雲母障影落蛟人綃披日扶丹轂行雲映翠翹
長空如挂練若木共擎標駕海常朝漢典波欲赴潮
遙山點翠黛近浦拂蘭苕盛氣浮疑結靈旗颯共飄
羽人持締節海客拾明瑤今夕乘槎者寧知天路迢

汎彭蠡湖望廬山瀑布

廬山望不極湖影澹遙空時見雙飛瀑宛如駕白虹
穿雲開罨畫噴玉鬪玲瓏倒射潭渦黑全蒸閃日紅
爲波常注壑入漢共朝東遠與三江接平分九派同
榮光浮激灑灑氣挾鴻濛日扶桑轉經天碣石通
川寧學海至山象出泉蒙觸目紛爲異誰知造化工
螺川望月有懷陳子明楊若春余彩震

江干聊徙倚流日火雲殘政爾陶嘉月遊思屬所歡
清輝涵水鏡皓魄漾金盤浥露荷同汎縈烟竹共溥
川巒寧異照風月覺殊觀獨白悲形影何由託羽翰

砧搖風緒亂書就鴈行單相望那同賞關山此夜寒
方舟吟投贈楊亦琳林應爾袁季昌

鄉關聊引望失路倍相憐一水杳然去方舟儼若僊
凌波澹容與顧影屢洄沿日映雙帆下風生一纜懸
觸荷蒂並掇汎荇蔓同牽劍自龍文合槎疑斗氣連
羣鷗來泛泛乘鴈去翩翩水宿寒襟接晨遊芳袂聯
推蓬分燭焰敲石度茶烟酒熟浮觴引詩成剪葉傳
又非萍水聚時惜逝波煎投札申微詠因之和扣舷

題東山草堂十六韻

白社憐同調青林羨獨棲一亭依絕巘千澗注迴谿
割漢飛甍出撐空古木齊磨崖開碧洞鑿道俯丹梯
泉冽籠鵝沼山芳種藥畦鶴巢窺幔穩燕語掠簷低
坐攬羣峯盡行穿一徑迷垂蘿紛網戶嫩柳曲緣堤
塔影連奎閣鐘聲度古提居然濠濮想何異武陵溪
梭景窮無象冥思悟有倪清言弄捉塵玄夜破然犀
書滿鄴侯架燈懸太乙藜花間時夢蝶雲裡忽聞鷄
舊好移尊入新詩研露題不須投井轄多暇此攀躋

登圭山椒和王老師韻

憑高聊極目灑氣碧隴隴揮手天門近摩空日觀崇
人遊蓬島外僧度薜蘿中石嶂霞爲幔巖花錦作叢
琳宮疑駕蜃金澗冉垂虹勝會良非偶留題付翠筒

圭峯從禱同楊亦琳和王老師拈得蒸字十五

韻

大火流朱夏炎風釀鬱蒸山農倦抱甕行旅暘椎水
額禱齋心齋印壇祀事仍燔柴清霽徹奠璧曉光升
騎影半空度峯文拾級登丹書焚貝葉僊梵奏迦陵
遮道來童曳颺旛引現僧精誠寧物備胥蠻叶靈承

鞭石翻玄鷲窺潭搗赤鯨層厓染翠黛飛溜瀉瀟湘
滴滴林端潤微微爽氣增排空雲作陣綴漢雨如繩
井邑烟光滿川原野望憑津莖澤已遍噓楠道彌宏
詎慚三農願還看百社凝

天壇從禱喜雨賦得十二韻上王老師

方甸開黃域園陵象紫樞森沉諸籟寂慘淡百靈趨
登假皇慈降升中嘉秩殊就壇蒼壁瘞掃地白雲鋪
綠簡藏金籙朱書散赤符雲璈奏鈞樂玉醴薦行厨
展禮陳巫祝趨蹌集弁儒呪泉興躍岷揮日却踰烏

瑞藹四和叶神膏九土敷濯枝寧破塊噫氣藉嘘枯
淋潦沾柔雉流雲傍寫鳧忻茲桃李徑披灑待昭蘇
奉送姚瀛翁座師應召還朝得三十韻

會稽日月秘揆采發東南似淬耶溪秀如從石匱探
拳峯疑有筍鑄嶺却無函劍氣光常越藤巖燦若舍
產移丹穴種瑞吐朱砂龜九萬期搏運三千細討覃
登巍出衆選試理慎平勘正氣喬嵩峙掄才水鏡涵
鱷馴知化暴虎渡似馴斐載道歡聲洽行春化日酣
績成看奏最澤潤想流甘當宁頻嘘借諸艱久練諳

鸞棲寧戀棘鴝序喜陪叅補袞麒麟繡觸邪獬豸簪
還朝聽曳履問俗且停驂父老攀轅切門生仰面慙
食恩寧望報鏤骨只中啣向日滋桃李干霄託梗楠
不言小自喻交讓美誰堪抱拙技窮五懷珍別至三
莪應知是蔚青豈出於藍廣庇萬間廈常溫半挾糝
臺歌賡萬壽華祝頌多男願附扶鵬翼欣同賀燕謫
私心徒耿耿下視每眈眈弱質嗟駑鈍高援起滯淹
臨分懷倍劇佇望鬱如惓棠芾遺濃陰炎埃驅毒嵐
鼓薰終解愠燮鼎定調汨召對勞清問從容借箸談

壽楊隱君

翠竹津頭渡青門郭外村林疑濠濮想溪似武陵源
樂道唯耽隱忘機豈避喧一經韋相業數畝仲長園
玉種三株樹霞餐九節根瑤編窺寶籙雲笈授真言
曲水羅瓊饌秋花撲羽尊三山遙在望紅日俯天門

過金陵壽焦弱侯太史

寶錄吐丹文鐘山接紫氛天生一德相身致重華君
妙理既叅秘名言卓不羣胸涵雲夢有氣鬱桂枝芬
太乙僊人下空同聖帝聞色絲牽絲羽勁筆掃雄軍

清廟瓊雕簋明堂樂奏叢龍門誰可到蘭畹若爲薰
日月雙丸跳汞鉛大藥分歲星占侍從壽極燦河沿
五百圖書在三千道德云適周方問禮遇郢政求斤
願效臺萊祝何如薦野芹

題釣廬江圖贈何隱君

廬江清不極一葉是浮家愛月頻移棹占星欲傍槎
山光明辟荔湖色淨蒹葭把釣臨平浦微吟數落花
灘聲晴噴雨海氣晚蒸霞鴈去遵長渚鷗忘逗淺沙
沿流擷芳芷帶露折胡麻若問生涯事滄江鬢未華

冬日偕王君奉容六言舍弟文度登圭峯限韻

寒山明積翠遠水帶晴嵐政有登山屐何辭長夜酣
磬聲來梵閣泉韻滴虛潭共慙坵中賞還叅塵下談
流雲生石室香露灑松龕縹緲明霞合空濛瑞藹涵
攢峯橫截業黜壑靜沉耽藉草聊同適傳盃尙謝唼
緜山逢子晉面壁想瞿曇惟有他年約雲蘿好結庵

津樓晚望同高公先林陽仲

綠篠村村合重樓面面遮窓光時見岫海氣欲成霞
浦樹攢高岸人烟就淺沙小橋當仄徑疎柳臥浮槎

水國洲環市江漁艇是家斷虹收雨過歸鴈背帆斜
草沼鳴蛙鼓風簷散蜜衙坐來詩興發清露滿蒹葭
出郭迎施明府值雨賦呈

東臯聊極目一水澹盈盈望鷓頻移棹瞻鳧屢問程
崧雲猶戀輟紫水已揚旌

施以高明令署篆新會

岸柳迎風咲

江花夾仗明輕陰來曉閣甘澍遍重城麥隴初含穗
桑畦並擢莖金波呈錦練玉軫候棊聲笳引香風遠
烟消細浪平炎方新茂宰鄴下舊詞英徒有臨風羨
芳洲采杜衡

山堂初構張儀吉以詩見貽次韻輒荅

便可名愚谷因之構息廬垂蘿絲匝戶細草蔓繁裾
獨抱坵中賞依然濠上居看花頻夢蝶洗墨白啣魚
小築偏臨水荒臺迥瞰虛和煙分徑竹過雨理園蔬
柳眼經春媚荷錢望月舒瓶花兼露折堦藥帶雲鋤
機息輕鷗狎情閑野鶴如北窓聊偃仰午夢正蘧蘧

送學博劉賓墀先生之汪祁陽

併序

東閣傳經早聞化鐸南浦分袂遽軫離絃崧雲一
棹入僑鄉灘水半帆通花縣衡陽鴈度恰是鳧飛

之晨夢澤風高政值鵬搏之會臺通四望山接九
疑晨留嘯父之名溪著愚公之號黃華岡上僊鹿
嘶風白鶴觀前神鐘渡海瀟江竹色斜連帝子行
宮浯水谿聲宛接真人舊館到日山靈熟識重來
父老忻迎玉瑄閒調風扇陽和之律宸樽並酌人
含邃古之淳晴霞乍暖錦鴻飛甘澍欲來石燕舞
湘靈鼓瑟似賡絃歌神女行雲疑霏化雨寒帷望
處白雲隨捧檄之裾露行時花綬綉還鄉之錦
萬流仰鏡映鏡石以同輝滿座生香飄香橋而暗

度楚澤雄風先偃草嶺南春信尙啣梅桃李何言
臺萊載詠臚成篇帙附之縹緗
分符今作令且喜近鄉園驛路通湘口家山對郭門
觀風憐土壤問俗詰方言形勝荆吳會魚鹽海市喧
祁峯雄楚澤漢派接淮源露冕新遊壯探奇舊夢存
瞻雲頰挂笏愛日且娛萱漸鼓南薰奏還驅北溟轅
香橋細雨過青澗雜花繁浯水漫郎宅瀟江帝子村
公餘知有暇佳勝可誰論

同區季譽林陽仲過陳憲副東臬別業留題得

十四韻

綠水開名墅青郊帶院門
林幽山籟寂沙暖谷禽喧
野渡潮通舸芳躋竹蔭垣
荆扉臨水次瓜地接平原
旭日卸窓過飛霞挾棟騫
臥槎遙跨澗織弄雜編籓
霽色來山翠灘聲漲水渾
池方偏貯月閣短欲延暄
灌木危栖鶴垂藤裊掛猿
溪誼來水市夜火望漁村
汎月移鷗櫂行春駕犢轅
詞人頻問字舟子誤尋源
混迹時羣鹿遺柴且避鴉
東山方擊望誰道黃坵園

紀病

已脫名韁鎖難消病了
因支離唯伏枕坐起每
憑人肌冷頻煨火頭岑
密裹巾常餐朝過午不
寐夜難晨食隔彌添噎
眠多跼不伸空率覘目
眩懽悴掩着顰伏火填
心坎虛風旋耳輪百般
難狀苦四大備嘗辛茗
瀋時澆吻梨漿斲軟唇
聳肩如倦鶴捉肘有懸
鶉寒煖衣無準薤薹味
不真髮稀常罷櫛腰減
屢移紳少浴衣藏虱長
懸帽漬塵坐疑穿木榻
臥每烘棉茵脉脉調氣
息微微叩穀神休將形
問影還訝業隨身心舛
恆多夢性乖亦善嘆呻
吟愁倦僕驚詫惱船儂

舊本叅方誤新囊檢藥頻忽經殘臘過幾度月華新
去國三千里迴舟兩閱旬留將雙眼在歸及故園春

和葉明府喜雨詩

殘伏方流火先秋已替雷將無禮忒序其奈魃爲灾
茂宰咨民隱端居念詎灰齋心陳嘏祝望禱遍峩嵬
一雨倏而降羣峯黯未開空濛屯曉閣蕭颯轉疎槐
會以祈霖集詩應訝雨催登壇推詰匠規步愿鴻裁
象嶺城千雉熊波沼一杯江山留卓異來者景高臺

寄賀李本寧先生起南太常

中朝方繫望寧許賦鴻冥卿月臨淮甸春風過洞庭
千秋垂信史七郡戴祥星禮樂窺元始英髦屬典刑
宮懸今待奏國牒已鐫銘舊好仙曹接新題 御藻

馨鐘山登霽色湖水貼天青草莽忻殊遇會邀筆墨

靈 先生己未春會爲余叙
拙稿故結中致感云

讀林初文先生集有感

珠光寧爲碎光華豈可沉死能留俠骨生獨露文心
太息千時策悲涼適越陰無堵堪灑血有焰足銷金
道喪言猶在人亡嗣可尋潸然空掩牘三歎伯牙琴

林六引民部招遊金魚池分得六魚

澄澄鑑碧沼潄水貯文魚已近清華地還疑豪僕居
榆楊蔭曲榭荇藻敷周除信是皇慈洽曾供睿賞餘
層層翠鬣繞粲粲錦鱗舒分沫承天澤依光接玉渠
春遊傾士女暇燕盛簪裾蠕動霑靈貺人禽圖廣輿
虹流紛射潄水赤幻呈書鈞餌相忘處天淵長晏如
再遊金魚池同胡伯連分賦

言尋鬪草陌重過金魚池新水纔生岸輕陰半着枝
遊人多藉地觀者卽移時萬綠森羅處緘紅點綴奇

光搖銀甲動爛帶錦雲披接餌來何數親人自不疑
朱樓開面面青旆映垂垂選樹張文幕施欄護曲漪
湘娥忻解珮稚子屢投飴駘蕩春光媚流連水澤嬉
魚真知樂否客亦任狂爲薄暮休言去金羈繫柳絲

贈朱瞻御

青衿嗟不第投筆去從軍七首吹毛鐔刀唇偃月文
行穿虎豹窟直入犬羊羣聚米知籌畧摩丸立解紛
醉毫時墨盾戰血每殷帟皆爲報仇裂眉如畫策分
揮戈廻魯日唾手拾燕雲倚馬會飛檄圖麟矢豎勳

葉繻今再見，緩帶昔徒聞。咲我毛錐子，年來倦欲焚。
夜泊京口懷韓孟郁林茂之

危檣照燭影，獨宿一江深。入夜霜逾厲，殘冬氣自陰。
冷光搖遠岸，昏霧沈空林。水落頻移棹，更寒數挽衿。
淒清增百慮，靜黑動微吟。寂聽無非感，遙遙孰賞音。

小除夕泊市义

江暝孤舟夜，霜殘小盡年。悄寒猶自若，陰靄轉淒然。
水意連深澹，山容互晦暄。村燈明戶戶，溪鼓鬧船船。
序已隨波逝，春應待客旋。郵堪沙際宿，林露滴涓涓。

元日泛舟螺江

元日人難暇，舟行稍豁然。江光疑溢岸，山影儼隨船。
草際含新意，梅梢蘊舊妍。亂紅楓夾寺，一碧水分天。
春氣方乘候，冬殘未謝權。微陽猶戀樹，初霽漸離煙。
遊目紛多適，餘情澹可捐。中流唯泛泛，閒興藉波傳。

遊玉龍寺

在皇恐灘前一名仙人掌

攀緣皆鳥道，磴磴人蒼煙。寺古依雲壑，僧貧種石田。
地平仙掌似，峯秀玉蓮懸。迴復藏禪宇，清涼卽梵天。
灘聲皇恐近，水色貢章連。咲折梅花去，江干獨放船。

擬登極日五色雲見

玉燭皇圖固金滕歷數歸三辰方在御五位儼垂衣
佳氣浮仙仗祥雲捧禁闈彩園星緯動光夾日輪輝
萬國瞻子象千官拜紫微瑞煙長裔裔冲穆想宸威

牡蠣牆

南海天連水人家半水鄉祇疑鮫伴室翻訝蠣同房
片片藏鱗甲層層綴雁行千尋能拔地百堵欲延岡
巧乃矜時匠輸寧測海王年深侵薜荔月影拂桃榔
米臼舂魚骨山瓢酌蟹筐異方無不有慣習轉爲常

除夕三姑灘守歲

燈火前邨是維舟一傍之人家正闌處客况欲闌時
節序餘今夕鄉心尙水涯將殘年似燭漸短髮成絲
預檢明春歷旋拈守歲詩荼瓜隨僕辨市酒莫言酬
何象岡太史席中聞蕭拙修陳果庵二先生計

感述

賜環方此日靈玉悲何如客歲尊前話郵筒別後書
音塵殊未隔勲業竟成虛皂橐徒懸草花磚想直廬
艱危當日事放逐幾年居不獨周旋數頻承齒頰餘

昔天多士泣大廈兩樑徂惟有玉堂宴向隅倍愴余
經熱水

溫泉今始見果不異前聞焦釜聲相沸蒸雲氣共熏
四時炎作令五德火爲君終古煎難涸臨流勢若焚
浮來經噴薄幾轉尙氤氳渾沌誰開鑿陰陽互糾紛
草仍舊以縹石亦潤而文造化信難了休將物理云

壽司理朱公

玉露飄奇甸金波湧瑞輪輕寒難釀雪佳氣儼浮春
兮筴占陽歷倉精司坎辰時和天降歲靈叶嶽生申

鄴水華照筆廬峯秀卓旻天衢騁逸足溟沼奮脩鱗
執法高郎曜分符領海澹衆流資砥柱萬象屬陶甄
嘉肺平而允仁風藹以淳煙消黎母瘴浪洗蛟蟻塵
沐德慈爲母賡歌壽作人一簾壺貯月四履鋪成茵
捧日瞻明主承流仗俊臣忻茲桃李徑噓拂藉洪
鈞

社集咏知風草拈得一先限八韻

物華鍾海嶠靈卉識機先節應封姨信威乘颶母權
織能驅靈芥弱亦助霆鞭噫氣誰爲籥天喬早已傳

禳祥看立決疏數候難愆推歷同冀莢司晨陋刻蓮
豚蹄虛祝歲鷄骨浪占年何似一莖草而通造化乎
初春同張泰寰過飲李影九值其誕辰

數齒慚余長拈杯讓汝先祇言獻歲酒已是祝齡筵
簇柏粧春巧盤椒矢頌鮮觥籌商酒戶花事紀華年
浪迹憐蓬島著書任白乎玉清原本姓金粟是前緣
說法同居士稱詩儼謫仙偶逢張果老爛醉百花前
清源菴地頗幽靜堪作詩社賦排律一章呈潘
寰瀛梁澹明二明府馮載賡許今喜二孝廉

王堯韭陳命美荅乎亮諸文學

此地宜開社何須覓遠公藕花池未活柳子蔭將藁
舉武行堪至巡城路稍東棘垣圍野圃蔬地敞禪宮
矮小廬能整蕭清樹半蒙望窮見睥睨徑轉接衚衕
地近蘇公井誰追白傅風期應月一至朋以韻而同
不較觥籌負惟羅翰墨工筆牀茶竈副山菽野肴充
人雜緇黃素材收梗梓桐五丁驅鬼斧八面任輪攻
伐木聲相應它山石作礮拈花呈妙偈剪葉當詩筒
書此招羣彥盟盤讓乃翁

潘孟與見和草堂六首因賦十九韻以勗之

從來唱和手離合兩俱難刻畫看形表吹鏤任筆端
呼空傳響籟逆勢取波瀾孤管和音奏繁絃玅指彈
水窮雲緒起山仄馬蹄安似以燈傳影還同彈迸丸
調諧絲比竹采暈碧和丹聽只聞邪許臭微辨蒹蘭
諦觀神秀俗休問體肥單唾出人爭拾啣餘鳥棄殘
靈須呵瓦石險必嘔腸肝海底淘星月空中舞索竿
窮搜諸寶現高躡萬人寒以此歸詞匠方堪步雅壇
山川元不朽金石也難刊世自趨狂藥誰爲破夢團

古來高格少人盡矮場觀之子才而敏伊余樂且般
鴛鴦原活譜針法在人看

閏月得家報

寒洹歲添閏淒清旅值冬竹垣風易入茅屋露偏震
獨處難成豫隨班亦寡棕食常過日午起每聽晨鐘
叨竊誠無補疏卑易見容屢移帶孔緩經月印奩封
蘿戶書長掩苔堦履不趸髮絲霜後減骨以病來慵
風土何多異親知不一逢鄉書纔昨至歸夢屢怔忡

得何象岡宮詹書寄詩扇集序賦荅

一自投荒溼星霜五易杓身難依日月夢屢切雲霄
地盡天涵水氣生月應潮津迷針是導風利梗同飄
逆浪魚翁壯吹沙颶母驕确田刀作耨邨屋葦爲寮
俗古文儒盛風偷俗尙澆遐方徵翡翠近地少漁樵
薄宦嗟浮海勞薪任折腰未能收鉄網徒自望銅標
之子今名世天生翊聖朝弘文資黼黻卑論採芻蕘
品藻駘增價吹噓羽送颿感深唯一涕喜極更難描
車笠盟何有山鐘氣詎逢自甘社櫟棄敢望館材翹
山衮行當補商彝亟待調波臣惟有祝報答愧明珠

壽周宗師三十四韻

鳳歷三千紀龍沙八百身貞符歸寶籙華祝叶昌辰
五老降廬阜雙始立漢濱地靈應產杰維嶽寔生申
夙昔金閨彥遲迴玉署春瞻天惟尺五就日有重輪
自出南方牧旋分海國巡憲邦文允武提轄士和民
鉄網羅周又銅標紀漢臣衆流宗水鑑萬象屬陶甄
畫角和門壯朱絃清廟陳臨戎方緩帶校士每垂紳
霜日暄兼肅乎風穆以淳談邊聚米得問俗譽肩真
文治光三象兵機遁八垠山深蔽藿護海沸一隄湮

月旦憑高下風裁邁等倫遂令荒徼士同飲上皇醇
競獻懷中寶全收席上珍搏風培勁翮縱壑養修鱗
水蛋趨蛟市山黎耕島畝斷鰲擎浪箭佩犢卧花茵
杲日隨潮至光風轉律新榮河剛薦瑞紫氣儼浮闈
九室梁爲榭八千歲是椿丹臺推仙史清世仗端人
會接三山近籌添五指勻章縫環濟濟瓔奔走蹲蹲
香裊焚唵叭鎧華耀蟬蠙瓊漿調鳳髓金饌鮓龍脣
椎結吹紅貝越裳貢白鷄麒麟看畫像蚪蚪待鑄珉
桃李言何有臺萊詠已頌自慚叨雨露何以答洪鈞

壽張太尊

淑氣方回暖花光又報朝兮雲陰壠麥絳露灑陵茗
歲叶豐年兆民興太守謠三辰七緯正五雨十風調
地表秦封舊勝留漢使標暄寒氣候別畊鑿土風寥
恤緯知民隱蒲鞭創俗刁興文陶禮樂驅惰習漁樵
照魅狐潛鏡鉏奸莠辨苗劬鴻遵水次馴鹿臥山椒
涸澤防漁竭炊沙慮釜焦萑苻頻汎海芻粟爲援遼
憂國寧辭瘁勞民亟起彫恩覃三戶潤化洽十城饒
已訝珠還浦更看月應潮星臨南極動川到北溟朝

杲日扶丹轂慶雲麗絳霄微茫仙島近縹緲化城遙
河伯來呈瑞鮫人出獻綃海浮光冉冉山擺指翹翹
酌水知河潤戴星切斗杓豈儒何以頌叅岳奠南條

和冬至與諸生飲酒

葭管微微動天心在此中始知造物意未遣一陽窮
靜息方持禁齋心暫却儼那堪商旅息更訝賓朋同
子液勞子矣蒼杓指自東陽微風不競海暖氣潛通
螺盞吹波綠牙籌點漆紅風光誰是主滌倒我成翁
書史占雲瑞農祥祝歲豐堦萸剛換葉厨蕙未成藜

海國三株樹神山五粒八乘槎如貫月破浪擬乘風
衰鳳徒歌楚無魚豈歎馮真成身似葉更訝髮如蓬
止酒思陶令賡詩憶長公臨風數歸翼不是羨冥鴻

六言排律

戲和陳子明自嘲

叱咤如醉如夢沉冥非佛非僊半得閒
寘一榻百錢且挂兩肩逢人祇合拚飲
醉中自愛逃禪胡奴不用送米支遁
何須索錢以馬喻指是馬草卒尙白
非卒閒思日月過隙恰似箭括離弦
漫爾煙霞痼疾真成湖海癡顛老去
空餘俠骨生來不受人憐畢竟宜寘
何地自斷休問皇天

次和韓孟郁拈得也字二十八韻解嘲示蘇汝

載

一邱一壑過之適來適去順也何須飾蚓招龍大都
 指鹿為馬三生輾轉塵勞四大形骸浸假榮華霎似
 風燈棄置瞥同掌瓦長平朽骨已灰秦宮燬構如楮
 世間萬劫消沉自在一切割捨誰非逐響吠聲我貴
 知希和寡雌黃顛倒未真幻影虛空漫把狡兔三窟
 巧逃冥鴻一網盡打我生之初胡為人壽幾何姑且
 游心遠古辛夷野日一室甜閒有酒但呼公榮無絃
 安辨賀若邾堪傀儡灌一收賴絲竹陶寫青黃自斷

溝中煨燼誰收屢下新
 心鏡掃除杳水拖坭沾惹
 尋仙莫問桃源
 榆社閒來捫腹筭經漫爾
 當鑪滌筆碧峴
 清齋日嗽蔗餘曲肱木榻
 蘧蘧露頂松風灑灑奇靈天地憂愁滅裂古今風雅
 高談解跨連環雄辯疑驅炙輠浮生石火電光大道
 批糠土苴豕孚躑躅負塗龍戰辛黃在野乾坤瞬息
 滄桑吳越興亡墓槨有時端坐書空鎮日閉關結夏
 殺人豈是會參非罪誰明公冶從他熟視耽耽我自
 笑言啞啞素位何怨天乎卜居聊問日者

七言排律

山房題壁

楊亦琳

剩水山堂幽事

几媚林泉蘿封小徑雲房

濕雨過寒塘石溜泚

元漁舸藏曲岸依依籬落帶

疎烟隔寒澗芷紉芳

初漫捲盤荷當酒船閣世休誇

雙白眼據梧時弄七朱絃潮生桂浦尋鷗席露滴松

壇灑鴈箋簡嬾自便坵壑相迂疎難結後生緣荷鉏

種竹聊醫俗對客啣盃稱避賢有性久知鳩共拙無

才那得謫如僊從拋隙日籠中過肯借微名賴下傳

國家圖書館 NATIONAL CENTRAL LIBRARY, TAIWAN, R.O.C.

燕市敝裘徒落落梁園飛蓋自翩翩張儀去國猶存
舌支遁還山不用錢未信腐儒生計少床頭賸有古
人編

秋日得何襄武同陳子明見懷之作次韵輒答
林館俄驚物候秋長 渺渺暮雲澹湘簾半捲疎螢
度竹徑微曛宿鳥 封煙樹暝碧天涼侵露
華收張羅戶僻 僧閒有偈留漫以通家
憐孔杏何來高 車毫逸思盈緇帙說劍雄
心傍蒨緜共向馬山 應懷舊侶隔芳洲當年

泛雪曾迴棹何丁披雪 遊湖海才名推倚馬滄
江吾憶狎眠鷗 水涓淨叢竹經霜色色幽
酒壚豈是河山 典敝裘

次韻荅陳子明 武山齋見懷之作

京洛淄塵滿敝貂惜 芳草怨陵苔幾人幽谷同歌
桂五見春盤白頌椒北去風塵雙劍隔南來信息大
江遙巖城朔吹傳哀角邊月鄉愁寫洞簫圭嶺自懸
松鶴夢珠江不斷往來潮畏人小築稱愚谷帶索行
歌混野樵雲樹千重猶漠漠蒹葭一水望迢迢素懷

知爾情偏劇，綵筆逢人，氣轉驕。一字寧論，堪赤幟，千
秋誰共。振翠鑣，陳郎草檄，霜橫陣水。部梅花雪，映條
見說，駝山誇勝。會肯容借榻，避紛囂。澗泉帶雨，疑霏
玉海，氣蒸霞欲。建標千里，徒懸泛雪，棹重逢，尙阻隔。
江招郵筒，此日勞緘。兩地相思，對次瀟。

大方伯孫公

履之太學以四十自序

詩見寄

有乞休之志，依韻詠懷

并遺之

爲和因武嚴韻，強成俚言

用志祝望之

流光可似鏃，離上幾下

自憐成佛不妨，千劫

後匡時，須着一

闕閣中朝，最文播雞林外

國傳五嶽，未游

曾到詎無緣，霜清瘴霧

寧煩掃體，淨貪白

身說麤儀，皆在困何須龍

德必于田，衆生胥溺

津渡萬古長昏，藉炬然彩筆

昔投登岱賦，珍函今寄詠，懷篇度恆沙，刻方成果現

宰官身亦是禪，丹袞遄歸陪鷺序，滄江無恙附鷗眠

百川浩矣流宗海，五石誰其煉補天，漫道還山須及

早槐階，剛是黑頭年

宿... 卷之四

三

Handwritten characters in a vertical column.



國家圖書館. NATIONAL CENTRAL LIBRARY. TAIWAN. R.O.C.

鶴汀詩集卷之六目錄

五言

古意

出郭遇陳生

秋日閉關十一

溪影

溪色

溪樹

溪月

入秋無事十二首

題嶺上僧房二首

蟠木几

溪光

溪聲

溪橋

溪雲

國家圖書館 NATIONAL CENTRAL LIBRARY, TAIWAN, R.O.C.

夜起步月 二首

流花橋

觀鑒大師遺物

袈裟一

響履一

腰石一

鉢盂一

題陳命美壯遊冊

海島奇遊一

浮邱覽勝一

白雲春眺一

粵秀晴登一

星石興題

東山佳氣一

撫綆長肅

揮塵談禪一

浴日曉望

珠江汎月一

送陳命美夏命

過先弟文度山館三首

黃雲樵笛

紫水漁舟

皂幕晴嵐

圭峯瀑布

江門晚渡

熊海歸帆

厓門春浪

象山秋月

沉香山和松林合下三首
和蘇草

和寄虎兒

和鬼蜨

六言絕句

山壘

閒居

國家圖書館 NATIONAL CENTRAL LIBRARY, TAIWAN, R.O.C.

七言絕句

經秣坡先生釣臺

黃道姑墓

玉臺曲 二首

圭峯道人

古離別曲

明妃怨 二首

閨怨 二首

贈吳良卿將軍 四首

觀競渡舟 七

別陳生

園居卽事

山行有感

寄陳熙父

戲贈梁伯靜

江上詞 二

秋園 四首

洞門題壁

訪廬斗山

彭蠡壯遊

南浦別送嗣淳家兄

題葉潏溪

珠江詞 六首

夜起烹茶

送趙弼之吳下省親

水竹山人

出郭送黎建和

寄黎明彝

春日魯子湛書堂 二首

春日病起

寄羅湘林

寄馬仲高

望湖亭候風 二首

呂公祠

題主人園館

初渡江書寄故園

書折梅亭

悼女 十二首

清明山行 三首

寄懷劉賓輝明府

喜劉平子至

聽劉郎讀書

走筆示劉郎

月下同平子賞蘭

葉山人自楚歸 二首

贈蕭威侯 二首

同梁叔熹中林晚眺 二首

林裡望圭峯

水中山影

閒亭

讀書處

栢 是先君手植

槐

山澗

山井

山松

石几

飲香樹

和青堂

浣雲磯

題畫

題折枝梅

戲贈常姬畫荷便面

席中贈常姬 二首

半嶺題圓明庵

度嶺謁張曲江祠

梁口觀燈詞 四首

題東山道院

重過迴龍庵

贈紫雲僧

溪上雜題 十首

國家圖書館 NATIONAL CENTRAL LIBRARY, TAIWAN, R.O.C.

寄平子五羊旅舍

無擇以遊圭峯記 六首

閉關 四首

送念心上人

寄頭陀端公 四首

登賒月臺望圭峯

圭嶺策驢卷 二首

送慧公朝補陀 二首

過興教寺

老槐

老槿

老栢

清明同羽甫兄 丁三首

古岡八景和葉明府 八首

坊市迎神謠

匡雲上人歸廬山 二首

元旦詞 十四首

戲咏荔枝盤詞 四首

過黃竹菴書一絕

王堯韭以六憶詩 六首

王侯德政咏 八首

遂坨 以下歇園草二十八首

且樓

今門

硯北居

未了閣

繡徑

清涼界

活得七十年

鑒止

螺室

聽松步

浣月池

隣佛閣

迎涼坐

李米祠

國家圖書館 NATIONAL CENTRAL LIBRARY TAIWAN R.O.C

爲鶴洞

莫論世

止止

竹咲

立春前一日獨酌三首

尹世立貽詩索書二首

次和尹沾麓過訪四首

對庭柳四首○以下可廬草三十二首

買菊

移橘

種扶葉二首

挿槿

種茉莉

種芭蕉

種薔薇

青茉莉

瓊土最煖

養魚

王堯韭持怪石

無題贈胡南征四首

陳命美笏八景

命美小影

春詞三首

和縱筆三首○以下和蘇草八首

隨筆書所見五首

鶴汀詩集卷之六

明嶺南李之世長度著

五言絕句

古意

明鏡似妾心時時照君面妾心如有塵照君君自見
入秋無事自掩蓬廬偶然意會憑几漫書不倫
不次楮盡而止得若干首

客來不開門門外猶通刺并欲杜此門支以巉巖石

其二

門外雜喧闐此是無喧處猶惱幽禽多呼鳴不肯去

其三

偶閱古人書了不異人意強作一家言欲占千秋事

其四

積書爲子孫無慮數千卷古人不貴多三語卽爲掾

其五

酒無大功德聊以破吾懷當其無懷時小啜亦復佳

其六

爾作爲文章文章不利爾大都機事人畢竟機心累

其七

數日不飲酒形神故自親三年不讀書舌本快於人

其八

入門天地寬出門天地窄出不容一身入猶有四壁

其九

貧只爲收書貧復著書賣以彼諛墓金償此買書債

其十

結客遍中原肝膽不可託我與我周旋或不侵然諾

其十一

元龍據一榻賓至榻下坐我以榻爲賓此榻亦忘我
其十二

朝來望西山頗自饒爽氣有一片煙霞不類人間地
出郭遇陳生

立馬古堤邊翩翩美少年別懷都不語折柳帶青煙
題嶺上僧房

南來北往客驅馬度梅關自咲紅塵裡生涯不暫閒
其二

山僧不出山披衲山中坐時見車馬客纍纍山下過

秋日閉關

不知閉戶久但覺鑱生苔好客何曾到好花長自開

其二

借書人取亟貰酒僕來遲世事都如此郵教放兩省

其三

觀書了無味賣文不值錢燒筆償文債枕書惟高眠

其四

夜長睡不着起坐索衣添莫道秋無信涼颼已入檐

其五

謝客何時久逢僧若個閒不知蘿月下敲破幾松關

其六

懶雲掃不去纖月邀還來客有送泉至柴門破例開

其七

徒竹妨當門乞花種滿園未能醒蝶夢差自解禽言

其八

山侶時送藥佳人數致書具言秋候好病况今何如

其九

投僧猶有髮依俗尙無家祇自成迂嬾悠悠度歲華

其十

愛此磐石坐泠泠疎竹根風送蟬聲過斜陽半在門

其十一

經霜憐嫩葉帶月惜微芳別號惟花叟前身是蜜王

其十二

衰髮頻添白病眼不成青秋色無聊賴寒光滿戶庭

蟠木几

渾沌微含象文離亦現身凭宜南郭士製或斲輪人

溪影

臨流弄溪水不見溪中影遠望忽遙遙煙際移孤艇

溪光

野水荒荒白長流汨汨渾微看隔溪岸疑帶曉霜痕

溪色

連山一片青遠近含秋色偶同溪上過溪痕蘸衣碧

溪聲

若道水無情溪聲流不已一雨掩山窓懷人清到耳

溪樹

秋雲輕似葉秋葉復如何日日溪頭坐飄紅幾許多

溪橋

見說中林路祇在剌溪裡落日少人行小橋站溪水

溪月

隔沙人語淨空庭露未稀起來看月色溪影冷侵衣

溪雲

溪雲薄如紙拖水三千丈安得一丈筆橫波寫秋漲

夜起步月

煙鳥栖初定虛庭人獨閒長空一片月半侵碧溪灣

其二

隣燈半滅明犬吠人聲靜空月帶流霜遙遙弄溪影
流花橋

山色長如此水流無盡期可憐橋畔柳半是折殘枝

觀鑒大師遺物 四首

袈裟

袈裟遺片片珍重出相示當時幾許寬罩却曹溪地

響履

一隻還西天一隻留在茲怕作延津去勞師謹護持

腰石

腰石來助春石頑春不息欲知米熟否還問點頭石

鉢盂

酌水鉢盂中水味甘如醴爲有老龍蟠山僧不敢洗

題陳命美壯遊冊 十首

海島奇觀

冷星沈島碧隴隴日初曉微茫空際煙一點孤槎渺

浮邱覽勝

僊人去不還丹竈煙長冷攜將柳子瓢去抱丹砂井

白雲春眺

二月江南道關關春鳥啼欲知遊子夢芳艸白雲萋
粵秀晴登

鳥語斜陽外山花夾礪紅古牆唯一堵云是越王宮
星石興題

攜來端石硯濡筆題星石雨花剝不盡前朝遺墨蹟
東山佳氣

城市俗不過要尋僧寺閉今朝試蠟屐攜妓上東山
撫絃長嘯

安得知音人來辨肉和絲花間與月下冷然獨奏時

揮塵談子

手持犀塵柄權作蒼蠅拂蒲團坐堆堆口裏道何物
浴日晚望

海王宴玉帝虛空呈百幻倒翻琉璃屏跳出金光彈
珠江汎月

春水碧如油珠江汎月遊女郎不相識並着木蘭舟
送陳命美還瓊海

天外五峯攢盈盈裊翠鬟長風吹海樹指點認家山
過先弟文度山館

人理已銷謝書堂今在茲井邊有殘墨洗硯汲泉時
其二

門逕是耶非欲入還疑錯低語問小童雙浹應聲落
其三

入門寂無見出門如有晤入門復出門掩袂卽前路
古岡八景

黃雲樵笛

深林不見人隔林聞遠響踏破黃雲堆樵子閒來往
紫水漁舟

漁舟入浦淑水流舟亦駛回看水色鮮錯認暮山紫

皂幕晴嵐

皂幕碧雲幢遮斷蓬萊館嵐氣冥濛入不知山近遠

圭峯瀑布

飛鳥不敢近晴天雙瀑飛却從雲際望空翠滴人衣

江門晚渡

水市喧津橋邨店臨官路一棹橫孤煙隔江人喚渡

熊子歸帆

微茫水煙生風雨歸舟急片帆擁壘飛白浪如山立

厓門春浪

潮聲打海門波浪變今古中有不變魂古木精靈語
象山秋月

孤亭故薜蘿石上習芳碣半嶺有人家秋來拜新月
沉香山和松林山韻

以下和蘇州

礧礧露虛空真山也不如造物非無意偏鍾腐朽餘
和寄虎兒

檳榔花兼實蒟醬葉連根何須啖丹荔始羨海南邨
和鬼蜮

花魂偏作妖鬼血藏金碧腐艸亦成文點點留斑迹

山壘 六言絕句

自是嵇康嬾出非關劉尹頻來堦前一堆黃葉戶外
三尺蒼苔

閒居

尋常都忘盥櫛賓客不習衣冠帙散雲霞生座尊開
首偕在盤

七言絕句

經秣坡先生釣臺故址

萬疊松陰鎖沈寥
厓懸崩石草蕭蕭
釣臺冷落無尋處
細雨微風漲暮潮

黃道姑墓

雨暗殘塋寂寂孤
斷碑遺字半虛無
英魂不化山頭石
怕有人傳是望夫

玉臺曲

絕壑峻嶒寶刹開
中峯明滅彩雲堆
玲瓏玉韻半空

鳥丁寺集

卷之六

一

起白日陰晴風雨來

其二

縹緲孤臺接大荒金光瑤草半蒼茫石巖深鎖諸天
寂僧在翠微炷妙香

圭峯道人

圭峯道人黃辛峯一瓢聊寄此山中
山空日暮無人到汲澗烹茶餐紫松

古離別曲

長堤堤邊柳如絲堤上行人多別離
千條萬條都折

盡那個攀條不淚垂

明妃怨

去國離鄉夢已殘到來
漸相安穹廬冰雪知多
少不似長門宮裏寒

其二

繡錦藏來篋已塵愁顏半失畫圖真
君王不用頻相憶祇看深宮灑淚人

閨怨

玉樓深夜冷颼颼靜裡
遙添一片愁却下珠簾頻悵

望碧梧枝上月如鉤

其二

殘月朧朧夜未央
西風吹雁不成行
紅顏最苦經離別
一夜相思鬢有霜

贈吳良卿將軍

出身元是羽林郎
手挽雕弓二石強
夜行魍魎應知避
生縛熊羆不可當

其二

憶同追逐少年場
龍劍貂裘擁驕驍
珠箔垂樓咲獨

倚玉瓶 貰酒坐先嘗

其三

射獵歸來血濺刀
長風半度野雲高
綠楊陰裡彎弓駐
搖曳山花照錦袍

其四

結髮論交我是兄
鬪鷄走狗十年情
何來白面輕投筆
咲向黃榆自請纓

觀競渡舟中書呈亦琳遷之

水漲溪橋百道通
滿江煙浪碧濛濛
揚舠共逐分龍

雨解纜偏驚舶掉風

其二

岸頭撾鼓酌江神噴霧驪龍鬪碧津咫尺停雲天共遠一尊風雨暗愁人

別陳生

平蕪十里下蒼茫楓樹高凝萬葉霜却望故園秋色裡不知天與大江長

園居卽景

小小園畦半畝餘移來花木漸扶疎長貧閉戶不出

郭閒卽帶經倦帶鋤

其二

呼童穿沼水泠泠縷短坭深汲不成昨夜礮頭添幾尺滿林新笋一齊生

其三

睡殘春日較遲遲興劇還敲五字詩一把長鑿七寸管六時那有得閒時

其四

自然嬾態厭逢人剝啄從教耳畔頻讀罷嚴楞無一

御江詩集 卷之六
事就牀卸却白綸巾

其五

宛宛晴雲曳釣絲雙雙鷓鷯弄明漪偶然拂水輕風
過正是前山落照時

其六

對水柴門總不關清溪一雨瀉潺湲千林處處如新
沐洗出林端幾片山

山行有感

刺眼繁花的的新傷心啼鳥一般春十年前度看山

眼屈指於今到幾人

寄陳熙父

芹芳池畔足幽栖春日春花鳥亂啼澗戶無人晝寂
寂東風閒殺畫橋西

其二

城邊十步一亭臺個個朱甍壓面開不是人間常得
住陳琳原是謫仙才

其三

璧水澄澄玉作鈎黃雲冉冉映朱樓懸知多暇聊攀

陟到有新詩在上頭

其四

白龍池上白龍湫分作清溪洗硯流昨夜黑雲將雨
過祇驚溪畔墨花浮

其五

譙樓鐘動夜初分半度虛空半入雲曾是十年燈火
地邨能同聽不思君

其六

東來紫水碧灣環百折斜穿竹洞關但得買船兼買

酒不妨同去又同還

戲贈梁伯靜

邨能逐逐老風塵三尺虬髯七尺身若待尙平婚嫁
畢古來名岳定無人

江上詞

輕風輕雨端陽時垂柳垂篁半不支纔聽回船歌管
續不知殘照已西馳

其二

蒲葉青青艾酒黃移來孤艇共相將江頭幾點分龍

雨一半霏微半夕陽

秋園詩

綠槐陰盡露風梢庭檜森森翠欲交野鶴窺人馴舊
徑鳴鳩將子試新巢

其二

綠葉初殘風乍稀紅香飄處逗人衣芙蓉出水枝枝
淨橘柚經霜個個肥

其三

波容如練瀉秋光習習輕颺拂野塘柳條欲折還依

水荷葉全枯不受霜

其四

游花點點曳花鬚冷蕊垂垂綴露珠一夜西風搖百
草輕霜淒斷白蘼蕪

洞門題壁

洞門十日九日閒無日無時不閉關兒童慣識常來
客暫放柴局一往還

訪盧斗山不遇

一逕蕭蕭萬玉林數椽茆屋住山深不知採藥何來

去總在雲蘿無處尋

彭蠡壯遊卷

彭蠡湖邊湖水秋君去揚舲湖上遊千里湖光千斛酒與誰同醉木蘭舟

南浦別送嗣淳家兄赴京

南浦溪邊春水生攀條不盡別離情長安車馬如流水天北天南有鴈聲

題葉潔溪隱居

清溪百折度潺湲溪上何人獨掩關密篠叢篁三逕

合落花啼鳥一庭閒

珠江詞

珠江江水碧迢迢畫舫湘簾橫玉簫兩岸垂楊低拂水輕風搖過木蘭橈

其二

溪邊十室九爲漁一葉浮家逐浪居斜日江頭歌欸乃高秋浦口拾芙蓉

其三

酒旗臨岸屋臨江映水朱扉面面窓遊人立馬羈金

宿江詩集 卷之二
絡少婦當壚瀉玉缸

其四

石尤浪起白頭風一點雲飛沒太空
村北村南無處泊滿江烟雨碧濛濛

其五

白浪排山山欲摧北風打船船不開
江邊漁父迎人語如此風濤即莫回

其六

清溪茆屋兩三家溪女臨流浣落花
一片芳心何處

着暗隨流水到天涯

夜起烹茶

空階泣露竹溥溥酒氣微清枕簟寒
茶竈半消烟乍起一鈎殘月碧闌干

送趙弼之吳下省親

春江渺渺落鴻孤送子扁舟下五湖
一片白雲看不盡暗隨明月入姑蘇

水竹山人

水竹山人水竹居一壺濁酒一囊書
春江春漲綠如

髮來往扁舟喚打魚

出郭送黎建和

釣臺百尺瞰漁磯中有長松大十圍此地從來饒古
意送君臨水重依依

寄黎明彝

城中車馬足喧闐羨汝郊居隔市塵短短野橋臨曲
水青青楊柳帶疎煙

春日魯子湛書堂賞花同黎建和鄭明宰黃茂

明分賦

松壇竹塢淨無塵花院招攜及早春如何不飲拚花
咲况復當鑪有玉人

其二

蘭燈艷艷漏聲長玉醴頻傾琥珀光衆客莫愁歸路
暝晚風拚醉百花傍

其三

澗戶平臨萬壑霞幽棲贏得傍山家當門自種相思
樹繞砌全開並蒂花

春日病起

閉戶那堪度一春從教車馬競芳辰誰能不飲椒花酒也自蕭然一病人

寄羅湘林

別來雙鬢各蕭騷咫尺風煙夢寐勞猶記墨花池畔雨數拳奇石點庭臯

寄馬仲高

當年裘馬盛遨遊聚散江湖一葉舟到處逢人堪買醉千金還擲錦纏頭

望湖亭候風戲用蘇長公語作起句題壁

望湖亭下水連天人家家多住平湖邊揚州估客浮大舶來往江湖無歲年

其二

望湖亭上風颼颼亭畔幾家紅粉樓日暮津頭待估客齊歌一曲古涼州

呂公祠

南北風塵一駢馳繁華如夢可勝悲後人不解邯鄲枕秋草茫茫拜古祠

題主人園館

華池浸水澹漫漫隔岸雲陰隱翠巒爲愛謝庭風物
好滿林新種碧琅玕

初渡江書寄故園

渡盡長江萬里津嶺梅溪柳幾株新故園無恙芳菲
在草色青青似怨人

書折梅亭

采采寒香把贈頻一枝猶帶故園春憑將驛使傳消
息爲謝京華久客人

悼女

泡影空華亦幻緣來如一夢去如烟人間自有傷心
淚莫道蜉蝣十二年

其二

每逢節候一興悲阿母來辰去忌時轉眼七年彈指
過吞聲重續悼亡詩

其三

刀尺閒拋委篋塵猶餘絲縷一般新把來傳玩人驚
詫却道分明腕有神

其四

桐葉拈來賦小詩曲欄對月賞花時如今花發空庭
月祇有寒蟬泣露枝

小女有賞花詩云花神帶月
猶含咲人似含愁獨倚欄

其五

晨粧才罷倚花前牙管濡毫搨舊箋茶竈未寒香未
燼碧窓閒鎖日如年

其六

阿弟趨庭爾問奇何來片語解人頤閒房靜放蕨蕪
鑰絳綦籠燈寫父詩

其七

總帳朧朧燭影斜膽餅依舊供時花夜闌髣髴聞歌
咲猶憶中庭玩月華

其八

悶來無處可招魂花裡尋香月裡痕茉莉滿庭闌未
况水光疑曉又疑昏

其九

盥手案頭譜藥方爲憐多病禮醫王生來未悟身同
幻供佛曾燒永壽香

其十

清溪曲曲水悠悠紅葉西風幾度秋此日臨風傷往事兩行衰淚似溪流

又觀水詩云清溪一派水分作兩條流

其十一

篋裡遺編手自摩數痕鉛黛點烟螺愁來病眼那堪閱消得寒燈淚幾多

其十二

阿母墳前是爾墳虛空誰識幻來因游魂若返衆香國應念衰殘火宅人

清明山行

澹澹平蕪漠漠烟荒唐一望轉凄然青林夜哭多窮鬼山北山南飛紙錢

其二

西嶺松楸東嶺墳豐碑萃屋漸成塵惟有青山閒是主年年挿柳度遊人

其三

高谷深陵幾度更青山一片石峻嶒濛濛草露沾衣濕暝日風林吹鬼燈

寄懷劉賓墀明府

湘水遙連漢水長美人爲政有輝光懸知潘縣桃初
熟無限春暉照北堂

喜劉平子至

清溪溪畔舊溪堂九曲溪流曲曲長水自潺湲花自
咲依稀前度識劉郎

聽劉郎讀書

空齋閒掩碧苔滋只隔重門窅若斯惟有書聲關不
住聽殘涼月二更時

走筆示劉郎

非向山頭尋老衲定於花下醉紅裊池邊日日攤書
卷昨日今朝不對君

月下同平子賞蘭

誰從月裡惜香魂空影流堦澹寫痕一片湘簾秋似
水也宜幽客伴黃昏

葉山人自楚歸攜詩稿過訪輒有此贈

七十壯遊世亦稀蕭蕭華髮映征衣一囊詩草看猶
濕昨日瀟湘江上歸

其二

雁汀言集卷之六
一片平湖天際青一點君山水際萍山人詩骨清如
鶴帶得烟光過洞庭

贈蕭威侯

偶同剡水弄潺湲水面雲生澹澹閒不敢掇來相把
贈君家原住大雲山

其二

和丹吮墨幾人同却羨蕭郎腕最工欲附溪藤三百
緜春來隨意染芳叢

同梁叔熹中林晚眺因而話舊賦贈

憐君家往碧溪灣兼有詩情溪水間政值雨晴秋又
好却來臺上望圭山

其二

昔年載酒也同遊霜岸芙蓉葉葉秋醉倒綠楊呼不
起一天涼月侵溪流

林裡望圭峯

遠望遙遙只隔林由來山色最宜深白雲不礙閒來
往纔過枝頭又度岑

水中山影

嘗聞山上少流泉水裡看山色更妍淡即是雲濃即
樹問誰圖者米家顛

閒亭

見說閒亭閒未閒亭下寒流去又還落日半庭雲貼
水野人秋思滿圭山

讀書處

一茆正可借閒居恠底年來倦讀書枕簟乍凉人睡
覺香風送過綠芙蕖

栢是先君講業處

空階流月碧如脂幾度當軒栢影移三十年前烏哺
子舊巢應在最高枝

槐是余手植

空翠搖堦雲影凉秋來槐葉幾飄黃種時人尚高於
樹今過牆頭如許長

山澗 一名浣花渠

澗畔索索磬石斑無泉休訝澗空閒請君過雨時來
看嫩綠柔紅流出山

山井

小橋轉過石巖隈玉鏡圓流印碧苔見說一泓清似
許每晨親汲供如來

山松

龍甲龍髯裊裊青虛堂風雨夢初醒道人不管閒歲
月漫說深巖有茯苓

石几

山中一具天然几黃如蒸栗滑如脂問君着此有何
用海月初生雲起時

飲香樹

味似桂可爲麴

已聞巖樹能成酒更說柳漿解醉人近譜西林新本
草衆香國裡一株春

和青堂

輕嵐點點着衣衫花氣撩人似半酣簾外山光簾內
映絕如濃黛寫江南

浣雲磯

半挂枝頭半蘸磯輕明誰浣碧霞衣長風十里吹難
斷却訝吳江練色微

題畫

是處青山路盡賒前山隱隱夕陽斜高原巽絕疑無地却望雲中又幾家

題折枝梅

會於月下步蒼苔雪裡聞香不見梅剛到月斜香寂處一梢寒影挂牆隈

戲贈常姬畫荷便面

荷花荷葉一般香撥葉拏花兩柄長欲折荷花貽歡子留將荷葉蓋鴛鴦

席中贈常姬

輕翻拍板度新聲花底微聞百啭鶯座客一時齊側耳就中誰是最關情

其二

才聽清歌聲遏雲風前蘭佩又聞薰并刀一剪湘江水可似湘娥百疊裙

半嶺題圓明菴

北往南來度此關圓明菴子住山間前村車馬忙如許可道逢僧便借閒

度嶺謁張曲江祠

前朝風度一瞻依立馬庾關望翠微閒剔荒苔看古
碣斜陽山色逗人衣

梁口觀燈詞

江頭杳杳步如雲徹夜歌聲處處聞鐵柱千年鎮浪
底家家人賽許真君

其二

梁口村中觀綵棚江邊路轉黑層層絳蠟有錢無處
買大家留點小鰲燈

其三

蕭公廟前金額字艷艷花燈照海紅恰好攏船看一
會爭奈挂帆趁北風

其四

江邊冷落無燈火一色桃花向月然咲殺街頭空剪
綵胭脂買斷未還錢

宿東山道院

春入寒山漸解冰風吹簷溜滴層層銀蟾未沒金烏
出夜坐雲巖不炷燈

重過迴龍菴

烏丁詩集

卷之六

破落禪扉帶葉關頻來只是愛僧閒齋厨過午無烟
火可是多時不下山

贈紫雲僧

不置房厨不宿糧雖然常住似遊方前村乞食歸禪
院一個鉢盂挂在牆

溪上雜題

潮頭新漲水淙淙小步荒窪翠幾重行到水窮試一
望隔溪雲起是圭峰

其二

潮來潮去有常期白白荒荒水一陂流到中林還漸
住轉來花下入平池

其三

水光澹澹着林暉映帶園廬入翠微貪玩晚霞溪上
坐不知涼露濕荷衣

其四

截得琅玕三兩株溪邊日日打鷺鳧覺來世事皆兒
戲贏得頭顱似老夫

其五

沿溪曲曲柳齊齊澹景拈來盡畫題任是黃筌描不
得水烟人影小橋西

其六

閑來趺坐但垂綸坐到潮平水不鄰紅葉滿林風乍
起行人錯認浣花津

其七

半畝荒畦手倦耘種花栽藥苦無勛年來事事成拋
擲祇有粘毫未忍焚

其八

底須逃俗與逃喧拚是車塵不到門紅日睡殘無一
事自盤青竹護蘭蓀

其九

柔風澹澹漾微瀾輕汎崇蘭露乍溥偏是撩人難寐
着半簾疎月碧闌干

其十

膩葉叢叢荔子灣石梁咽處水潺潺閑來却憶宣城
句絮絮雲生疊疊山

寄平子五羊旅舍兼訊蔡姬

珠海迢迢問渡時我留君去各差池如何一盞松花
酒不共冰盤擘荔枝

無擇以遊圭峯記及詩見貽輒題數絕於後

九月九日圭峯寺處處松陰藉酒盃苔花滿面衣衫
濕誰向峯頭看瀑來

其二

千仞懸崖挂古松飛泉一道瀉淙淙就中想像堪描
處兩個山僧扶短筇

其三

閒山剩水人占盡若個遊人問翠微向晚欲投雲際
宿禪房借得稻田衣

其四

寺裏遊塵滾滾忙巖頭別占好風光詩懷放却千峯
外且共閒僧話夕陽

其五

誰道雲中別有塵斜陽數點帶炊烟山前石耳無人
攜得瘦瓢試澗泉

其六

雀江詩集 卷之六
最高呼吸通雲霧塵海茫茫隔大千權與山靈借一
席懶將狂韻紀流年

閉關

槐月浸堦涼不寐晶晶虛牖寫圓光緣心久斷閒來
夢消得蒲團一味長

其二

數轉殘經月未斜蓮燈艷艷簇窓紗覺來文字無真
性迷悟何須問法華

其三

蟠木瓊瓢老瓦鐺隨緣蔬食類行僧狂心也逐猿
鎖破得塵勞第幾層

其四

飢與幽禽相伴食閒隨孤鶴共經行予關鎖鎖何來
去寒月寒潮幾度生

送念心上人遊補陀

洞口潮音杳靄間涼風吹月墮梅灣長空碧蘸琉璃
淨試向雲邊洗鉢還

寄頭陀端公

鶴汀詩集卷之六
層層破衲衝雲寒披髮蒙頭不着冠
話到傳心無半字活人長施一丸丹

其二

黃雲山下漏聲聲記得同師採藥行
莎徑稻田捫露遍擷來蔓草不知名

其三

三尺蒲團七尺筇四更殘漏五更鐘
一聲喚醒緣生夢月在寒潭風在松

其四

兩年三度水雲期可似三生石上時
師自幻遊吾幻住相逢誰唱竹枝詞

登除月臺望圭峯

涼夢初醒午後鐘高臺閒眺信孤筇
微茫一帶蒼烟外占斷斜陽三五峯

圭嶺策驢卷

山椒覓絕無人到流水泠泠漱古苔
八十山翁不扶杖一月騎驢來一迴

其二

洞口陰飈掃石扉欲尋雲術轉微微月明三弄雲中
笛驢背松風吹葛衣

送慧公朝補陀

一片慈雲占斷峯海潮隨月去溶溶玉毫光徹三千
界影落斜陽杯渡中

其二

浪頭高打海門關嫋嫋潮音響珮環一點青螺吹不
動舟人遙指洛伽山

過興教寺題荆山上人蘭若

通西橋畔古招提堆石崩沙遶碧溪黃葉滿林僧不
掃自車泉水灌蔬畦

老槐

一樹繁陰澹古姿秋來黃葉點堦墀月明貪玩疎疎
影坐到露涼人睡時

老槿

閱盡韶光悟色空一場春夢附東風年來領得真消
息坐向枝頭數落紅

老栢

偃蓋峻嶒解傲霜虬枝半似攬穹蒼道人慣服青青葉却訝霞衣帶麝黃

清明同羽甫兄存固弟山行

雨過長堤掃落花小橋橫站綠楊斜兒童指點前山路去歲清明不在家

其二

語燕啼鶯有底忙十分春色半斜陽紅林隔水青帘映轉過溪橋聞酒香

其三

軟風低度碧林溫衣上花香帶酒痕猶記去年寒食過蹇驢騎出水鹵門

古岡八景和葉六桐廬府韻

黃雲樵邃

閒聽風林邃一聲飛花片片遍林輕樵人指點雲生處石齒參差路未平

紫水漁舟

幾樹疎楊間小桃鏡波如赭映城濠漁船箇箇和煙宿煙際遙山侶戴鰲

皂幕晴嵐

半露雲牙半插天危峯倒卓若虛懸試從霽後看山
色白白蒼蒼幾縷煙

圭峯瀑布

噴瀑奔來萬馬強可堪描寫八詩腸瘦瓢酌罷枕松
石也愛松風午夢涼

江門晚渡

千艘如蠟集江門却喜江聲敵市喧向晚綠楊歸渡
暝遠燈明滅認前邨

熊子歸帆

空水浮煙欲上蒸遙瞻瓜舶點飛蠟家山處處雲相
似帆影千層濤萬層

厓門春浪

浪打厓門洗劫灰空山艸木變春雷長江閱盡無窮
事閒汐閉潮自去來

象岡秋月

城裡佳山景最多山腰亭子枕城阿亭前留得棠陰
在士女秋來踏月歌

坊市迎神謠

雲蓋層層引畫旛香花燈燭競千門如何水月觀音
現清靜場中轉鬧喧

其二

聽來囉哩不分明羌笛琵琶鈺鼓聲重被擁寒儂未
起街頭徹夜有人行

其三

楊枝祇合灑涓涓化作滂沱遍大千濡首沾裳渾不
惜看來人似飲狂泉

其四

傅粉塗朱色色新驚看疑鬼又疑神世情賣得千般
假郵筒拋頭肯露真

其五

沿街十室九笙歌祇道豐年樂事多試向坊頭閒借
問朝來米價定如何

其六

勾闌選妓一齊陳若箇當頭出手新我亦逢場同作
戲不須更訝鬧場人

匡雲上人製斑竹龕奉佛歸廬山偈以送之
七寶莊嚴未是嚴琅玕幾點墨痕沾香爐峯頂香雲
繞疑對瀟湘雨半簾

其二

琉璃淨滑露珠勻中見如來妙淨身為問空明誰點
綴菩提無樹鏡無塵

元旦詞

丙辰作

沿街爆竹鬧新晴車馬喧喧徹夜行侯門深鎖真如
海不見閤人報曉更

其二

姣服時粧色色新東鄰逐隊過西鄰紅蠻箋帖通名
氏剛進廳前就轉身

其三

十條街巷九經過那箇相逢不綺羅呼童好好注名
籍今日門庭好客多

其四

絃管啁啾鬪麗華十分春色半豪家堂前介福還增
壽過午青衣未散衙

其五

長夜深闌鬧不平百般喧炒試年庚女童聽得鷄聲
叫忙殺春粧惱未成

其六

百褶羅裘穩稱身年年打扮慶嘉辰東家人祝雙雙
壽莫管儂家二八春

其七

巷南巷北喜匆匆邨酒邨肴一般醜笑殺東鄰窮措
大瓦盤菜甲領春風

其八

薰風裊裊度屠蘇爭道新年景物殊莫怪華門貧似
舊竹窗糊緜換桃符

其九

紺宇平明鎖鑰開燒香隊隊謁如來僧雛不慣持齋
律密閣安排慶歲杯

其十

祁祁女伴競新粧一道歡聲繞西廊殿前數罷阿羅
漢密語叮嚀拈佛香

其十一

不須掃逕與應門落葉蕭蕭護短垣車馬自來還自去幾曾片緜到貧軒

其十二

誰道春風不世情朱門偏開華門清山禽未解東君意猶攪殘粧夢不成

其十三

油幕香車細惹塵家家門額貼宜春朱樓別鎖春消息鳥語鶯啼總帶人

其十四

十樣時粧一樣同青樓日日醉東風遊人只愛春長在剛到春來惱殺儂

戲詠荔枝盤詞

天然幻出有巖巒面面看時幾許寬九曲武夷穿未過請君來咽荔枝盤

其二

餅餌邴堪易荔枝坡翁怪石未為奇絳房冰粒無人嚼施與廬山老衲師

其三

千峯流出玉漿寒，勾漏真人此煉丹。
火枣交梨湔俗品，一盤擎出荔枝丸。

其四

樹裏藜藜荔子灣，石橋流水雪潺潺。
江南六月榕蔭道，謔入襄陽作硯山。

過黃竹菴書一絕寄陳子明

昔年燕市盛遨遊，此日青氈楚水頭。
同作波臣余更遠，炎天四月下瓊州。

王堯韭以六憶詩見投和之

盈盈羅襪隱湘裙，縹緲凌波去若雲。
時向落花堤畔望，春山澹澹曉煙分。

右憶行

其二

輕勺兔頰蘸麋脂，陣陣螺香拂玉池。
錦字緘題頻自看，碧窓寧許侍兒窺。

右憶書

其三

甲帳宵然蠟炬紅，海棠睡起怯東風。
珊瑚半倚嬌無力，一點難消珀暈濃。

右憶醉

其四

朱唇不動韻輕颺宛宛新鶯度綠楊羅袂乍垂還乍
舉微風時遞麝黃香 右憶歌

其五

窺人皓魄一輪孤消得清宵此景無就枕忽驚還獨
起不知誰爲解羅襦 右憶眠

其六

菱花似水寫秋光畫出覆看若個長一片烏雲翠可
鑒飛來小鳳立中央 右憶粧

王候德政詠

森森桃李自成蹊罨蕪甘棠萬樹齊共道太平信有
象絃歌聲滿島城西 一庭化雨

其二

湘簾如水靜琴張聽得清音不下堂百里仁風噓海
畔滄波如拭漾榮光 半榻清風

其三

羣峰縹緲戴金鰲萬頃奔流噴玉濤瘴雨蠻煙清似
洗扶桑捧出日輪高 奇甸煙清

其四

鯨鯢東徙燧煙消海國風生殺氣遙一自伏波南渡
後狂瀾誰更樹銅標 重溟波息

其五

秦鏡高懸照膽明圓屏風靜不聞聲憑將一掬溟波
水來洗人間窳滯情 肺石平反

其六

海門休道一九封黎母江前五指峯飛蜃昔聞成幻
市斷鰲今見駕崇墉 巖城保障

其七

青郊如染遍桑麻煙火茆茨幾萬家夜戶不驚眠犬
靜山鷄時啄野桃花 花郊馴雉

其八

皇恩浩浩海波寬謾說山城借枳鸞九譯梯航同捧
日彩鳧飛處卽長安 枳邑栖鸞

遂坨

以下十九首爲何浚生題

若個閒人肯住山青山半老利名關城隅遂坨深深
地恰可乘閒一買閒

且樓

閒居信不可無樓且構飛甍傍小邱樓外青山樓裡
月莫教凡客坐當頭

今門

森森苔迳綠蔭繁白板覆支今始門竹裡茶煙和露
掩山禽到此也忘喧

視北居

後置素牀前棊几中間對立我和伊主人心手覆閒
處剪下芭蕉葉葉時

未了閣

束之高閣有何用貨向人間不值錢權與蟲魚分一
飽枉教人認夙生緣

繡徑

軟風微雨韻輕颺半為花神洗俗粧徑裏蒼苔堆不
盡流鶯啣上薜蘿牆

清涼界

偶從火宅詠涼天月挂蘭梢箇箇圓此是瑤臺真樂
國銀灣浩浩漾嬋娟

活得七十年便是百四十

塵忙每歎駒光促山靜方知鳥歷長識得坡翁過活
法等閒休把日頭量

鑒止

水鑒澄漪月鑒潭明明光景遞相涵繇來此相非和
合現出空輪與客參

螺室

我有一菴名曰泡君今作室像之螺兩地盈盈波宛
宛水光月色較誰多

聽松步

移來葉葉帶蒼雲髣髴濤聲寺畔聞佛臘松齡都不
記鐫題但認老僧分

浣月池

分明素影澹盈盈浣向澄波分外清誰與主人同濯
魄坐看池上月華生

憐佛關

佛法無邊詎有憐強將和合說緣因悟來是一原非
二佛在虛空也化塵

迎涼坐

炎境趨人着甚忙
揮來襜褕汗如漿
君家縱有迎涼坐
輸我寒氈一味涼

李米祠

苦銜長吉似秋蟬
老米名顛筆不顛
墨瀋精魂疑未散
冷香殘燼話前緣

爲鶴洞

常聞華表人成鶴
見說孤山鶴似人
爲鶴爲人一間耳
試從雲水問分身

莫論世

談鋒纔起合銷魂
世事如何到耳根
好把胡綿雙塞耳
曰余無聽爾休言

止止

車輪生耳馬蹄僵
世路驅人不可當
唯有至人堪息影
止止之中是吉祥

竹咲

世上咲啼半假真
問君笑臉向誰人
風前對客娑娑舞
咲罷還疑亦起嗔

立春前一日獨酌花下漫興

春脚嫌寒不肯臨
陳苔委葉逕陰陰
瓦盤盛得屠蘇酒
持向玉蘭花下斟

其二

水煙山靄盡春情
不但花容與鳥聲
籬壁風光人不
管土牛看罷趁街行

其三

景寂人閒喜得兼
絕濃峯色又當簷
紅梅未放春消息
移向山窓護布簾

尹世立貽詩索余拙書倚韻有荅

春山和睡恰方濃
烏印蒼苔見字蹤
欲寫殘經猶未
了覺來心手正雙慵

其二

鍾肥玉瘦費平章
腕鬼心花枉自忙
欲訝溪藤信手
抹君家醬醅儘堪藏

次和尹沾麓春日過訪

春禽啼向水煙中
澹雨瀟瀟濕翠桐
纔啓洞門驚客
到蒼苔先有鶴行踪

其二

蜀茶花發日微曛
片片香光爛火雲
茗酌合留山衲
賞酒籌應請麗人分

其三

簷角銀蟾透畫櫺
龕燈纔了佛前經
宵長猶剩閒功
課共把新題寫素屏

其四

淺水疎林漫搭菴
無奇可問但予談
逢君只恐春歸
去帶雨看花盡濕衫

對庭柳

石室西邊路稍紆
茆叢新構古城隅
行人乍入遙初
徑認得先生柳一株

其二

昔我往矣柳依依
今來轉覺柳芳菲
枝頭黃鳥聲聲
啾似啾先生去又歸

其三

手折楊枝手自栽
枝枝今已出牆隈
自從雨塌牆無
蔽誰爲先生守護來

其四

盡日予蟬咽露枝午風庭畔柳絲絲乍眠乍起何多
事爭似先生睡足時

買菊

諸花惟菊最難種避雨迎暄却費心自是海南真樂
土百錢買得一籬金

移橘

經秋盤橘綻微黃日炙風吹別作香飛鳥啄殘人不
採滿籃爭看綠檳榔

種扶桑

繁英暮落早還開偏向江南處處栽北客見時三歎
息扶桑國裏海船來

其二

浪說花王讓牡丹扶桑初日湧金盤嫣紅一捻嬌無
力可似貴妃醉凭闌

插槿

此是空門不住身到來香國作花神牆隈籬脚多多
插看取枝頭日日新

種茉莉

堪嫁江梅媵水仙
藜藜香雪鬪芳妍
女郎編綰蓬鬆髻
却道真珠不值錢

種芭蕉

連朝凍雨色青青
滴入芭蕉不肯停
藤枕竹床初睡覺
綠窓和墨寫黃庭

種薔薇

薔薇艷艷燦朝霞
引蔓抽莖的的花
此地無冬常似夏
故教紅萼管春華

青茉莉

姑射輕盈白玉肌
看來疑帶綠苔衣
粧臺珠顆真無價
一串香絲碧玉圍

瓊土最暖冬至後
尚有菊蕊未開者

炎海無霜菊後開
却留蓓蕾待陽回
寒枝未放籬頭信
暖律先噓荻孔灰

養魚

滿注流泉貯石盤
魚兒吹浪吸青漪
看來魚亦知人意
人欲知魚有甚難

王堯韭持怪石數顆置盤池中云自楚江攜來者

怪石清泉傍草菴何年拾得自湘潭苔痕似帶離鄉淚撩我鄉心轉不堪

無題歲贈胡南征

銀河有路直通潮烏鵲爲媒倩作橋夜半天鷄叫海月騎凰人弄碧霞簫

其二

鮫綃帳子太輕盈添炷蘭膏一倍明低語問郎鄉與

貫兩人同籍是南京

其三

南海頭珠敵火光尙嫌籠重不勝粧
除醜露掠烏雲鬢咲殺塗朱與抹黃

其四

閱遍三山十二樓與郎騎鶴上揚州
交南估客來賽寶萬斛明珠得似不

次陳命美笏叁八景

雖然背郭也疑邨空際陶山抹黛痕
望裡彩霞光不

斷一屏朝爽正當門 陶山飛翠

其二

鱗鱗雉堞散鴉羣萬井煙光凌紫氛城下汲來沙井
水佛餅茶竈雨平分 雉堞凌空

其三

一片涼生碧樹頭微風葉葉點庭幽炎州怪底全無
暑輸與疎槐占好秋 槐巷風生

其四

駕海飛輪一隻孤銀灣浩淼瀉晶壺重重梵網千絲

綴八夜高懸徑尺珠 荇池月印

其五

石啣飛流幾道穿湍聲八夜攬人眠晴空也有雷霆
鬪鞭起獐龍上九天 橋連水色

其六

半曳微颺半着捎飄來清響度林均夜長過雨涼無
寐一百八聲雲外敲 岸度鐘聲

其七

閒看飛鷺浴新晴芳草如茵一簟橫晝永睡殘無底

事風敲松子落楸枰

鷺浴前湖

其八

潮聲潏潏瀉溪寒
雪裡推窓倚檻看
飛鳥不驚人跡
絕青簑黃笠抱漁竿

漁歌遠浦

題命美小影

慵拈枯墨點冥濛
對畫看山迥不同
纔到君庭都是
畫陶公山已入圖中

春詞

買斷春光不費錢
誰云春不到寒氈
瓦盤菜甲屠蘇

酒權與東皇借一年

其二

春牛館外鼓鼕鼕
番認邨前路幾弓
陣陣絲旛橋上
過巷南巷北走兒童

其三

十里官衢五畫亭
東郊踏遍草盤青
牙前隊隊呈新
戲先把花名進樂伶

和縱筆

衰顏未必便成翁
擲杖登山捷似風
木痛酒闌歌一

宿江寧集卷之六
曲山花斜映帽兒紅

其二

白髮數莖映葛巾
天邊海國寄閒身
虛勞門下收殘
草浪說坡翁後一人

其三

絕無薏苡像明珠
欲買沉香一片無
徒入寶山空手
返却教黎母亦欺吾

隨筆書所見雜用坡公韻

腰弓負弩走諸黎
城上鎗旗盡點齊
昨夜弼州傳羽

箭賊船齊下石牌西

其二

攔街吹貝鬧兒童
溪上扶藜歎老翁
今歲青苗焚旱
魃去年白浪舞狂風

其三

九十春光又幾何
春遊不似往時多
南橋拜罷牧郎
廂東岸爭迎太華漚

其四

已聞黎火燒蠻村
更報閩航嘯海門
坊市近來多夜


禁無人攘鬼賽梨園

其五

土酋馬上引孳幢一隊黎奴五十雙六角帽兒當鉄
甲箭頭落處萬人降



國家圖書館. NATIONAL CENTRAL LIBRARY. TAIWAN. R.O.C.



鶴汀詩集卷之七目錄

古騷

惜別

樂府

石芝歌二章

鰕鮒篇

升天行

俠客行

酌君酒

思遠篇


覆水篇

廣獨漉篇

結交行

少年行

歌聲長



子夜歌 四首

巫山高

雜言

賦月 戲作一字起九字止

賦草 戲作一字起九字止

禽言 六首

花竹吟效連珠體 二首

社中觀餐霞叟塑佛 何澹公草堂留題

過西林訪子峯道人 觀葉世美戲劇

鶴汀詩集卷之七

明嶺南李之世長度著

古騷

惜別

有美一人兮羗媿脩而獨處扈芝蘭以為裾兮曳明
璫之纍纍排風雲而遐覽兮抗埃壒而遙舉瞻脩塗
之紆阻兮思蹇產乎延佇夫既眷余以惠好兮又申
之以芳期時冉冉其將屆兮風波忽而間之仰明月
之皎皎兮紛獨鑿余羅幃衆星儼其靡靡兮白露湛

國家圖書館 NATIONAL CENTRAL LIBRARY, TAIWAN, R.O.C.

而未稀步長廊以徙倚兮迷不知其所爲昔交甫之
竒逢兮解明珠于漢浦若洛嬪與神女兮固余心之
所慕余旣抱此懣懣兮汨臨風而罔訴余令靈氛司
筮兮令蹇脩以通情曰兩美其必合兮兩愛其必成
駕雲輶與星幄兮摩閭闔乎余上征飲余馬于天津
兮擷桂華于月窟玉皇憫余之幽衷兮亦締之以靈
匹羗明眸與皓齒兮焉蕙心與蘭質懽婉戀之綢繆
兮要余盟乎皎日余結以羅帶兮又襲之以蕙裳遺
余以佩褱兮汨期焉而吾以行情連蜷而不舍兮余

亦黯黯其慘愴塊余獨罹此睽隔兮渺不知夫天路
之茫茫青鳥遺余鸞箋兮旣訂之密約夫何告余以
不聞兮步遑迴而反却余欲度而無車兮欲逝而無
航苟余情之可質兮雖聞寂夫何傷彼天高猶可越
兮路遠亦可卽恐遲迴而不吾顧兮余懷悵其靡極
獸躑躅猶思求羣兮鳥狐栖而鼓翼紛余獨索居而
子處兮悅屏營而隄隄星歛歛而欲稀兮月黢黢而
將匿溘時序之播遷兮旣零露而賁霜木葉萎而辭
幹兮衆草萎其菸黃何草木之搖落兮睇松柏而勁

好諒美人之媵信今日歲寒其永保懷朕情而不發
兮羗獨悲此遠道也長惜但以增歆孰云譽余之中
抱也余紉秋蘭以繼佩兮集申椒其紛羅余情雖惆
恍兮顧余心實靡他昔尾生之抱柱兮寧狗義而沉
波翻雨雲于掌上兮固薄俗之所訛結幽盟于金石
兮檻明月而長歌 歌曰皓魄盈盈流光爛兮彼美
者誰姿容婉兮橫調玉簫吹參差兮手撚璫華寄遠
思兮思而不見淚欲頽兮願言惠好永矢不墮兮

思遠篇

望美人兮隔雲山被白縠兮跨紫鸞紫鸞兮上下我
思君兮延佇延佇兮奈何君不見兮愁若山有阿兮
雲有端路險難兮愁攀緣情不真兮期不專去不顧
兮來不言怙悵兮大息欲往從兮迤邐

望美人兮隔江潯河漢迤兮邈以深霜高兮宵宵月
永兮沈沈沉沉兮未極淚潺湲兮沾臆江有沚兮又
有離我思君兮君自知心不同兮情易攜不敢怨兮私
自悲桂欂兮鼓蘭柁中流兮吹參差君不聽兮愁絕欲
往渡兮逶迤

樂府

石芝歌

山中多白石靈巖闕幽跡山中多白石靈巖闕幽跡
和雲搗玉漿煉作仙家食仙家食駐童顏生羽翼出
入參寥無窮無極欲以言志山中多白石

其二

芝生億萬齡朱華冒紫莖芝生億萬齡朱華冒紫莖
仙人結作佩服之觀帝庭觀帝庭載雲輶御霓旌吐
納元氣游於杳冥欲以言志芝生億萬齡

烏丁詩集 卷之七

四

覆水篇

覆水置地中不能收涓滴請看大道旁有時生荆棘
偶然盃酒結綢繆寧知肝膽成拋擲君不見餘桃在
口尚津津昨朝感惠今則嗔世間安得一心人

鰕鮒篇

白龍化爲魚乃在網中居寄書與豫且何廼亟相屠
豫且語白龍時命固所造不見鰕與鮒日日游潢潦

廣獨漉篇

右引

余方賣田營宅拮据甚苦有邨下老人媿媿勸余

大較述田疇之美戒土木之費政如山東父老課
農種種皆實話詞似鄙俗要寓至理余癖性難移
卽未能轉圜以聽而靜惟其言可謂非膏肓之良
砭哉因記李北地有獨漉篇云獨漉獨漉賣田求
屋其屋雖大其人則餓每一讀之輒爲解頤夫老
人目不知詩而言下暗合安得以其適言而忽之
也余旣謝老人乃疏前語借題樂府拮据撫俚辭名
曰廣獨漉篇非徒取資談噱蓋以自嘲云余弟文
度雅同余癖亦書一通貽之

獨漉獨漉富人買田不買屋盈箱盈困穀纍纍譬如
 觸目皆珠玉世間何事不求人囊裡有錢餅有粟賣
 穀又得錢將錢復買田操豚祝天公但願禾苗被蠶
 南畝連阡縱有餘錢起大屋不是載人但載穀三級
 高籩品字安籩音圍盛穀器也臂大麻繩攔腰束堂前幻出
 九疑山廳心路轉三巴曲庭內春聲庭外聞舊禾未
 打新禾續平明張繳雀窺倉半夜搥床鼠嚙櫝實來
 籩畔叙琴尊僕從請過禾堂宿昨日雌雞已抱卵今
 朝黃牛又生犢南邨庄客輸乾租東堡佃郎送贖肉

牆隈列盎釀醋醬厨下炊煙酒正熟平頭童子鼓風
 輪白日黃塵不見人乍疑雨打鴛鴦瓦又驚屋角春
 雷震隨風糠粃翩翩舞匝地明珠顆顆勻校晴校雨
 乾和濕微貴微賤舊還新門外健兒勢似虎農夫俛
 首遭箠楚去年尚欠草鞋錢今年七月無新黍全憑
 盃酒解爭噏更回悲臉陪笑語便便坦腹坐中堂睜
 睜曠目氣昂昂漆黑烏紗克約正朱紅扁額榜勤王
 案頭筆架三山立座右牙籌一尺長天地兮黃編租
 簿上中下則別田庄花闌票子催科急硃筆橫斜批

兩行獨漉還獨漉，苦苦賣田來買屋。屋破錢壞鈔殫經，營不知費穀幾多斛。其屋日袤其田縮，嚙牆不充饑。噉柱不入腹，君不見貧人起屋富人住。後車不戒前車覆。

升天行

龍游雲霧中，飛空杳無跡。衆口遙交嘘，無風生羽翼。富貴信有階，貧賤豈無極。神龍失水而陸居，雖欲升天升不得。

結交行

結交重同心，結客重黃金。願君金多如季子，請君報仇爲君死。君不見春申門下皆珠履，結交莫結貧賤士。

俠客行

驄馬玉連錢，銀鞍光燁燁。昔日羽林兒，今爲亡命俠。平原一望草連空，手提千石之雕弓。迴身一發墮雙鴻，鳴鏑尙在飛雲中。歸來椎牛復撾鼓，萬金不惜酬壯士。竭來四海任橫行，眼中不肯容睚眦。荆卿小兒劍術疎，軼深里人翻自屠。男兒七尺乃浪擲，何足道。

哉小丈夫

少年行

出入羽衛承華軒追游盡是七貴門絲繩宛轉提玉尊醉來笑入胡姬宿手撚花枝笑不言

酌君酒

酌君酒勸君歌人生不飲如樂何來日苦短今日多君不見黃河之水萬里一折無迴波我無安期不死之大藥又無魯陽却日之長戈白日忽西傾朱顏豈未醜願君劇飲勿蹉跎酌君酒勸君歌

歌聲長

歌聲長歎聲短人生意願苦不滿鼎鼎百年會將半來日之日豈長算贈君七寶瓊瑤之素琴盛以九華葡萄之繡段一彈再三彈拂拭冰弦斷爲君宛轉柔腸亂歌聲長歎聲短

子夜歌

美人玉簪長縮着蓬鬆髻低頭墜玉簪散髮垂至地

其二

羅袞十二褶褶褶繡鴛鴦不知儂腰小但訝羅帶長

其三

儂有一寸心在郎心裏許郎有一寸心教儂無覓處

其四

不惜千金軀奉郎一夕歡歡了三更去妾夢三更長

巫山高

巫山高高不極琳宮貝闕造中天雲環玉珮無消息
陽臺臺畔碧氤氳朝為行雲暮行雨雨散雲搖不知
處暮暮朝朝空憶君

雜言

賦月

戲作一字起九字止

月如珪又如玦河漢迢迢關山不可越清光兩地誰
同懷人空望瑤臺闕難把寸心訴與嫦娥相思一夜
搔首遲明發

賦草

一字起九字止

草如煙復浸潦如縷如絲閒愁堆不掃十里平蕪遠
青斷腸偏在章華道王孫一去今歸未歸河畔萋萋
却訝霜華早

禽言

南山張繳北山羅行不得哥哥東家樹籬西家棘哥哥行不得

其二

歸去好歸去好在起常遲離家飯常早戴星騎禿驢昏黑隨山跑

其三

坭滑滑何時乾行路千難與萬難

其四

提壺提壺沽美酒不飲香醪辜負口錢到有酒沒沽

胡盧提提胡盧

其五

坭漉漉沙簇簇賣却黃牛去買犢有田無力賃人畊布穀布穀布布穀

其六

姑惡夫惡紅顏命薄新人入門故人出閣新人笑故人啼寧爲惡姑婦莫作惡夫妻

竹下賞花戲作花竹驗效連珠體

花宜疎散竹宜叢竹色花光迥不同幾點竹痕花底

露一番花信竹邊風花如欠竹千般俗竹若無花一味窮政喜成陰花竹伴賞花人醉竹林中

其二

花壇竹嶼細評章竹有君兮花有王花似含香供竹笑竹宜輪粉助花妝不緣竹淚濺花落剛覩花神對竹狂攜得花茵和竹榻看花看竹醉餘觴

社中觀餐霞王叟塑佛賦贈

兼送其還鄉
叟南康人也

觀世盡虛假癡人妄認真偶然拈一土捏作大聖神金碧與丹雘塗抹及污漫體魄儼然具姿容眇若新

觀者詫竒絕悲仰極懽忻回看一塊土丹堊衆具陳土木何情者胡然忽現身憑君雙手眼變幻殊絕倫千人千手眼觀者如一人君豈普眼佛能攝衆眼根君豈堯羅手而轉大法輪天地一幻師萬類屬陶甄君巧侔造物乎乎衆妙門工技信無匹風期亦可親瘦鉢膠藤杖青袍白幘巾矯矯雲中鶴飄飄嶺上雲長揖歸匡廬五老鬪嶙峋

何澹公草堂留題

紅塵市上紛相逐揮汗霑霑如新沐陡覺門開景色

幽中有天然圖一幅乍疑摩詰輞川居致態不
差縮拈墨和煙粗點綴脫盡蹊畦與甜俗閒齋窄
澹生姿虛牖龍龍映脩竹石片縈堦龜殼文瓦塊
屋魚鱗簇牆如端木不遮肩巷似柴菜詎容轂仄
徑纔穿枝礙看荒畦移步莎靄足堦前貯月兼釀
流鑿渠磬折盤三曲潮筋海眼何曾透緒得天泉
清可掬石牀不斲亦不磨移來尙帶苔紋綠慚處
憑將一線通波心石罅如蠹穴墨潘時翻絮絮煙
鏡光淨抹澄澄穀平頭童子置芳餌躍出錦鱗鬢
鬣禿擊來掌上

不驚人宛如荷葉龜兒宿須臾擲放撇波去又似排
風縱巨瀆山間移藥不知名花底來禽不辨族綺石
養蒲滴滴滋陶鎗剪蕙旒旒郁疎姿疎韻大宜人柔
綠柔香飽心目嘗恨山家籬落幽好景不入邨人腹
城中半是富人居拚金買埒猶嫌促石室藏身患不
牢鉄關挂戸囚如桔誰知澹遠饒古趣坳土芥舟隨
意覆睫裡焦明穩置巢頭上蝸牛行戴屋閒誦南華
齊物篇更披叔夜養生牘笑我勞勞塵鞅人問君

鄰卜

過西林訪平峯道人

道人喜燒丹自言不卧者十六年矣

十六年來但跣趺荷衣坐破一團蒲繩牀拋却猥
虎香鉢常攜欲飼烏菜甲淹留供碧盞松鱗盡剝入
丹爐西林有客閒過訪相對無言共燃鬚

觀葉世美戲劇有贈

柳上千端呈百幻枝頭百舌語千端物情搬盡機關
巧世界還同扯淡看過眼雨雲空孟浪帶人花鳥強
悲歡個中難與癡人說好向邯鄲破夢團



國家圖書館 NATIONAL CENTRAL LIBRARY TAIWAN

鶴汀詩集卷之八目錄

雜著上

西郭尋梅記

涉園記

游新寧記

游蒲澗龍潭記

浮槎草序

歇園草序

可廬草序

和蘇草序

讀李長吉集

讀李氏遺書

賚浮宅文

并引

白雲傳

閒乞子傳

并引

清心石頌貽何文超

淡公由石頌

清心石頌後語

南陽朱公仕途頌

并引十六首

靜虛楊先生墓誌銘

李公度兄弟合墓誌銘

家譜東野公實錄

先室楊氏孺人行狀

鶴汀詩集卷之八

明嶺南李之世長度著

雜著上

西郭尋梅記

梁叔子告余曰爾時佳勝有西郭之梅焉寒香十里
離離似天上之白榆余時諦聽陡覺羅浮春信撩人
幽夢矣次晨偕羽甫兄仲昭姪往探之余裹山中荷
短筇令小童負餅貯冽泉作画家林和靖約束別
茶鎗酒具肩隨自城南迤邐而西出郊坰憇大雲

昨望西林爽氣宛來狎人何文起讀書坐翠微
處走筆邀之文起從山城睥睨間恍露半肩倏低俯
昂儼駕虹梁縹緲空際度也良久乃至把袂而笑行
行至陸家庄蔓棘荒叢不見所謂十里寒香者環堵
一區古廟爲鄰荆扉闐寂絕無離落鷄犬聲歛扉入
則短簷暗竇草苔頽垣僅一園丁皴肌蒜髮方晷未
作晨炊冷如六朝廢院之殘僧也行至一坡稍近高
豈汗塘積溷全礫填委有梅數幹雖閱年多所然婆
娑偃蹇不無殷仲文之悲刺蕊殘英不能待臘香魂

渺渺委泥沙矣主人雅不規園園丁亦不曉客過覓
園中無一石可班荆者有童子隔林呼曰從此間道
有翹林可陰茆屋可憩也忻然從之跨澗度畦出入
林莽久之得一蝸廬湫隘特甚相顧輒然當時七聖
迷途問道童子安知非娛事耶文起曰令嗣宗同遊
不知幾慟絕矣於是且談且笑穿長林遵廣衍一路
濃陰蒼翠染袂仰視喬松有如偃者如僂者如櫻者
如軒如墜者撫而樂焉羽甫曰今日探梅雅興轉
聽松佳會矣余曰談梅尙爾止渴况乃親見之復

數武轉入山坡有土垣柴柵夾以短籬頗類幽人窟
諷之云何氏牧羊室也比至主人逃避余曰豈方
平君已驅白羊不返耶諸子咸大笑俄而有荷鋤過
者遙指曰長松之下有石几焉盍移尊就之余私語
僕無更作童子伎倆否拾級而登仄徑迂林漸入轉
窅令人毛骨洒然行數武覺梅香逆鼻余曰此間不
梅而香豈花神有知憐吾輩岑寂耶時荷童負餅前
行大呼曰梅在茲矣梅在茲矣余四人緩步進林木
蔽虧若近忽遠暗香微度斷續因之山側有小池廣

不踰武然碧水澄澄淨綠可愛半壁巖絕鑿磴斜通
雜卉疎花蒙茸錯綴池畔古梅一株娉婷皎潔照影
自憐若有人兮獨立山阿若迴風若飄雪若曳明璫
若編珠貝又若凌波容與而不自持也副以脩篁三
五株羅羅清疎不減倪雲林布置又其黝壑含風暝
巖棲露若造物珍惜山靈呵護留以待吾輩者因思
陸園之梅所以不見賞者非梅之過也或產在曠原
或生當孔道驚飈夜隕暮散晨摧縱抱孤芳豈堪衆
忌此梅息影靈光似玉人之閉閣藏牙卸甲又似驪

龍之抱珠則其棲託異也嗟乎天下之物大抵爾矣
沉醕咏賞藉坐花茵阿童先折兩枝挿瓶君置石几
上茗椀既馨酒鑪亦沸凝風飄蕊點裾汎犖飛籌走
兕不知其數偶山園植蔗甚盛市一二本佐觴甘美
異常得所未有余曰昔人但知漸入佳境爲食蔗三
昧此間產蔗中邊皆甜佐以梅香別是一種清韻他
時但記入山厨食譜也紅日西沉梅影參差四人戀
戀不忍去呼童再折寔瓶餘各簪巾幘踏歌聯袂遵
路而歸是日也同遊興極欲狂余以茲遊亦非艸艸

故瓊綴其事更與每君期來年當復相訪云

情景宛然態度悠然感慨處令人愁絕興發處令人
人神飛疑筆端有花故寫得酣暢乃爾

區舉吉

吾伯子真梅癡觀其叙致處乍離乍合若流思若
結賞語語傳神令人轉憶疎影橫斜暗香浮動之
句翻恨景致未遠

之標

涉園記

東城僻所李長度宅焉右有短垣竇而入為委巷其
 家可百餘尺寬僅四尺隘矣列竹交蔭甍以薔薇日
 色不到蒼苔溜溜印屐齒又低枝礙幘垂蔓棘衣行
 人苦之乃主人甚樂焉主人送客罕至此有童子時
 穿綠蔭或乞火於鄰或貰酒於市而已巷窮為板扉
 入則竹逾茂陰逾肥人行空翠林光注射通體作碧
 紺色挿槿為籬籬內隙地以栽杞菊背北則灌木撐
 空有茨不剪曰竹笑亭然亭寔無竹也主人一日坐



亭上聞杌杌浙浙聲一陣風來又嗒嗒如人笑語怪
問何物童子曰是竹笑也主人喜甚遂以名亭復拈
長公讚文與可畫竹語以銘之亭右爲茶寮左爲門
逕入門翠幹亭亭與灌木爭秀卽亭上聞笑語物也
進數武有襄楚一株盤屈扶疎可愛之甚軒其下曰
中林若右則高梧映屏中藏斗室曰息廬息廬者主
人遊息所也廬中短榻長几竹方牀蟠木几並度上
殘編與主人伴其餘皆賸物矣砌之下爲疎牆以隔
之牆外隙地蒔花品偏右爲門跨短廊步除月臺高

僅六七尺從樹間隱隱見圭峯政如箔裡看佳人也
廊之右枕方池潮汐出入得石筍插置池中又乞金
鱗數十頭放之小有致池南隙地空廣客曰何不就此
建閣藏書也主人曰雖無藏書閣堪作種蔬畦吾
試與子淺斟細嚼聽宮商角徵之音不猶愈於兀兀
呬唔哉客不能答然主人本意欲建閣但囊澁耳池
之北爲四柱數椽門對長溪其源則圭山之泉出與
潮滙百折滢洄至此而盡初主人考室有形家者病
之主人曰殘山剩水實稱我心扁曰剩水山房其前

壘石爲磯潮頭一至磯若泅焉屋若漚焉從練光搖
曳中延睇隔岸半明半滅行人隱約殊有致主人詫
曰是我一幅單條瀟湘景也則又時時謝客來狎主
鷗社矣兌得漁舫一隻汎汎沿流不知遠近行至一
處偶見二巨石卧沙際一如擘半桃一如柳葉俱可
班坐十許人主人愛之傾囊輦歸以如葉置磯頭分
鳧鷖半席潮流嚙扯宛似波面浮來者題曰浮波片
葉如桃者則置中林嘉樹下爲對客觴奕之具然主
人懶甚客不常至主人與此石轉狎轉親或據桃寫
貝或傍柳垂竿又題曰中林癡石一日主人踞石而
坐喟然而嘆曰吾園中花木朝榮夕瘁園中服玩朝
改夕更若者皆非園有也長吾園者其惟石丈乎然
彼亦非產於園者也凡物可徙而來者亦可負而趨
况夫人匪石也而戀戀於一區

偶同李羽甫何文起文玉過長度涉園看石

几留題

何雅

看此石沉蘊歲月久吞沙水嚙苔痕厚不爲大力
負而趨在處定煩神鬼守世人盡解看石几兩兩

何緣落君手却笑俗眼徒紛紛誰覺大奇還大醜
得君拂拭上君園遂令聲價逼璠玞怪來遇合信
非常老米當年曾見否錯置轉詫各成趣一卧漁
磯一林藪傍株似遺半邊桃近水疑浮一葉柳閒
來趺坐看雲生醉去閒眠聽松吼或俯溪流數賦
詩或移茶竈頻輾白君今通籍預金閨詎有閑
結伴友答云借此磨世心不然二石亦安取看君
身長髯三尺電光如晴河如口塵土何曾見此漢
無乃謫仙地上走風致服玩各各殊林廬彷彿闌

風右顧予雖慚非仙骨俗情小撻如衣垢赤腳長
林雲草間大嘯如將滯惡嘔因知青楚互爲唵清
福非人難消受君有餘錢好買舟君有餘尢好釀
酒日教掃石待騷人耳熱高歌還擊缶一任水到
渠自成出世用世無先後塵中誰識高人心箕踞
片石非苟苟

游新寧記

新寧爲會邑析疆其民風土俗小同大異山自良金發脉半屬外藩峯巒少秀麗水至長沙始合潮其上皆谿澗自河口渡抵城四十里駕小艇如梭稍似外江船隻逆流使篙亦半類南雄上水舟但無高灘駛潦耳山谷匯流水特清泚澄澄紺碧可鑑鬚眉以浣則潔以漱則寒以煮茗則發香雅入泉品會邑不如也城半靠山門開三面其甃城以磚不以石其城門衝處絕無直街通衢衙署黌宮寬而不厭閭閻之豪



各聚其鄉城中編戶多單赤舍廬矮狹俱磚瓦爲之亦頗完整家家植扶留葉老少皆食檳榔坊市魚鮮差減會邑山味倍之如鷓鴣麋鹿之類最夥且賤墟日偏饒然肴多而少良醞泉好而乏佳茗大缺事也土產蒲席城中業者四十餘家皆日織夜市遠人初至則四倍其價以狙值焉城外民以治磚埴瓦爲生郊郭土田彌望而不肯耕城中曠地儘饒而不肯圃至時蔬果品皆取辦長沙往還動費半日亦缺事也民雖喜鬪然衣冠習俗大率類多樸風第與皂走卒

輒與衣冠講鈞禮叙親情大難堪矣余以令公折柬相邀然邑中絕無官舍寺院可館客縣堂押票與民假館其民之輒以主人自居不因主人之愛客而加禮焉至點撥兵壯送行對客長揖又不挑行李幕衙自出官錢雇夫種種皆異事然求之奔競世界此猶近古哉長度曰余居新寧三日往還兩日所最快意者飲雷公潭水而甘抵那西見一樹綴綴纍纍丹渥可愛土人呼白銀香云還至長沙一人使捧拋鉢竒甚惟此三事不能忘懷然亦何可忘也舟途共得詩

八首

遊蒲澗龍潭記

跨邑故有圭峯山云寺其中當一壑耳又不勝隘其
它勝有巖有洞有樹有石有泉泉之勝者望之如挂
雙練呬然受之曰龍潭蛟龍宅焉時興雲雨其源自
澗澗有蒲人罕知也道士子峯時時採藥于此謀與
遊邀麥生瑒梁生如密俱則有梁生暹并余猶子蒨
春願從就余竹洞棲宿焉凌晨風雨敲窓余忽忽興
欲闌卧不起有頃聞屐聲甚厲則梁生闖扉入因攜
招麥生生方噉糜餘竟枵腹往一平頭齋糧先之二

人挾雨具從登陣四望曠埜無山黑雲堆墨時雨聲
初歇嵐光冉冉逗衣裾郊行數百步度石橋次山麓
拾級而進出沒雲際從西取道得石泉踞而樂焉俄
而雲脚拔空金丸跳出大江吞之流景注射顧瞻棟
宇璀璨陸離鐘聲隱隱從半壑墜余捫衣上則諸子
先至道士降迎班荆列坐黃梁初熟石耳佐之梁生
引滿一大觥遂起余戴笠扶筇自東嶺度可數百步
次山腰折而東摩展旗峯斜穿百千步更直上距躍
又數百步進次嶺自此一延踵可跨絕頂捨之從小

徑降就綠護屏綠護屏者峙如屏以蔽圭峯之陰其
高與峯齊延袤什之險更絕於是復距躍而力疲矣
則捫蘿踏磴數武一息度屏諸峯纍纍如覆盂周環
如壙中漑如釜漑而湖塗淖瀦焉衍而畦曲澗經焉
沿澗入愈深愈黝或如珪或如璧或如鏡或如蜿蜒
乍深乍淺淺者瀨瀨鮒鯉泳之深者沈沈鱣鰻窟之
大較緣澗者畦枕畦者山山窮則取道自畦畦窮則
取道自澗澗仄則超澗遙則涉行數里許山迴谷轉
澗道遂迷但聞有水泠泠疏地脈出則蒲澗也蒲生

澗底怪石嚙之青苔衣之上有昌陽一寸可百節更不知闕何年代其陽覆以叢林林端壽藤裊裊垂飲縋而下之若擲林中旣下旋復合也偃行三十武許而蒲盡恣采盈筐遂從陰道出少選疎林露光如箭如滴已而研然有天得故道焉澗盡而東卽龍潭窟雙練挂處蓋泉自蒲澗來百折迤邐至此層厓嵌空澗水爭道而出兩山當其鎖鑰頑石拒之勢不肯降長風突來更助其怒又其石中突旁欹突者如唇欹者如吻唇喻之而吻吐之其喻之也如截奔馬如擁

雪山吻而吐之也如噴如瀉如崩如墜鏗鏗轟轟虛潭塔之聲震百里聞者膽碎余乃脫帽激流出向所采昌陽嚼而澆之效道人盤足坐絕欹處梁生劇欲泝流下擣龍宮麥生挽住乃從谷口脊度僅鳥道耳顧其下立石如戟懾之甚梁生轉跨山脊行其餘皆作磨蟻旣成度則汗已淫淫漫踵矣取故道還山選大石憇焉麥生撫掌歎曰曩吾賈吳楚閩越間所至名勝庶幾寓目焉不謂陞武之內失此佳觀余曰大都天下名山大壑精靈儲之錯以人巧而勝始著故

夫磴梯之繚繞殿塔之雄沉香火之輝煌供饗之豐
腆皆足以助其勝槩夫勝以人增亦以人俗彼太華
衡霍之墟往來如織管絃啁啾車怠馬煩不翅囂矣
且夫中州之廣衍計不如嶺外之峭竒而人力遜之
往往鞠爲茂草縱有靈巖閟洞亦委之荒煙殘照間
與麋鹿共之斷橋塌壁僧徒罔依遊人宿春朝不迨
夕於是樵夫牧豎者登焉而日曾不能以一瞬也
政唯如是以故山日益高泉日益深巖巒樹石日益
清寂夫以麋鹿之所不能遊樵夫牧豎之所不能得

者吾黨因而窮其勝豈偶然哉道人從旁而笑顧見
梁生已摩絕頂上小梁就禪房借榻焉猶子方沿山
而採蕨薇侍兒烹茗進尊報糧盡貸米香厨廼成一
飽林光忽曛強起索衣道人送之石橋長揖而別

浮槎草序

長度曰余之遊瓊也在己巳仲夏炎雲灼日走熱瘴
中苦不堪言屬海寇告警晝行宵伏余乃發孛累回
家隻身將僕踉蹌阻將闋月始抵徐聞始余之來
也只憚苦海今乃疲于征途比登舟一槎飛夢而過
併不知有所謂海也既而睹瓊之山川土俗淳古都
華意甚樂之間與高朋野衲訪勝尋幽不復作鄉園
夢矣第初遊海外人意覺新酬應還襍未暇與詩卷
仇對而督學孫公枉札云海南人士有堪語此道者

不妨廣示接引爲五指開一生面一時諸士多就余問詩探韻課題倡酬不絕然業非專至罕存副墨庚午余將赴公車門人羣請焉願詩艸長留海外作奇觀也余笑曰它日當付萬頃洋中任海風吹墮那國耳不意小僮已私錄一編藏之巾笥中余既抵里門二三知己過訪亟撰笥謂瓊海有白梅檀曾帶得無余給之曰有寸許欲供無鼻孔漢發笥乃得茲編相與大噱庚午重九日識于媽香亭

歇園草序

庚午秋余以公車就道暫憇里門時官貧不能具資斧正熱惱間山妻嘲余君豈食騾溷未厭耶余方對鏡不覺失笑會歲稔海寇蜂起水陸阻難而余興往之氣亦稍頓矣廼就故園隙地權歇焉茲役也去署若郵在家仍客因得以餘身剝日灌園讀書拈弄柔翰而里中舊社方盛陳詩余亦不禁獵興轉濃臆技載癢積有題詠凡如千篇辛未初穉識于息廬

可廬草序

辛未秋杪余始返瓊署時再經在颶衙舍蕩然惟垂柳一株亭亭蒼翠人目爲先生柳云柳傍隙地命僮拾礫治穢余曰此可以廬矣廼構茆三楹權爲宴處娛賓之所于是有可廬草以志此廬之緣起而前後所著皆以次系焉長度曰余坐可廬取殘草而翻閱之信筆雌黃刪留任臆無人爲我彈射者獨堦柳依依拂案若垂青眼相覷也因思昔人云校書如掃風葉隨掃隨有然則安知今日之所留者又非它日之

所刪耶余何能知姑以質之柳君

癸酉仲春望日序

和蘇草序

瓊土潮帶鹹嵐帶濕故藏書最難客歲所攜書籍磨損與泥爛居半再來不復攜書矣土刻有蘇文忠公海外集常置案頭時取諷玩間有所觸輒次而和之有謂余者曰坡公才擅今古子何故作效顰余曰蘇有蘇詩余亦有余詩詩以言志非角才也且公之居儋亦太無聊已設余幸當其世同其地將不得比于黎子雲周小隱之輩一倡和平客無以對退次所作名和蘇草

讀李長吉集

唐杜牧之序李長吉集云太和五年十月中半夜有疾呼傳書者亟取火來發之得集賢學士沈公子明書一通自稱元和中與李賀交甚厚日夕相與起居飲食賀且死授我生平所著歌詩爲四編凡二百三十三首數年東西南北良爲已失今夕不寐閱理篋帙忽得賀詩前授我者思理往事凡與賀話言戲游一處所一物候一旦夕一觴詠顯顯然無有忘棄者賀復無家室子弟得以給養卹問嘗恨其人味其言

止矣余讀至此未嘗不掩卷流涕嘆息古人用意之厚也當賀之以遺編相授也豈必便爲身後之託其在沈公則敝爪遺翎不啻千金矣故俺得之而喜亦常情乎然誰有半夜呼門而託以傳者又誰而因以思理往事至一話言一遊戲一物候一觴詠而顯顯不忘者又誰因而念其家室子弟而思給養卹問者而又不可得則恨其人味其言若終身以也嘻如此交情可多得耶而賀亦知人也哉余友新安吳兆游古岡僅半月而死始兆手一編託予募寫余爲錄三

本以其一還兆其一授憲副陳公其一留余敝篋嘗兆之客死也僮僕奔散余爲視其殮檢其裝茲稿無有焉憲副宦遊蒼梧其本亦混失所僅存者敝篋之殘篇陳公序而傳之得以播同好已耳兆所差強于賀者有弟若男奔喪然旅櫬迢迢空囊走四千里殊爲可憐賀時無此苦也兆游粵未久思理往事所爲話言觴詠者無多至于味其言恨其人則千載下庶幾旦暮遇之矣因記邑有羅希呂先生諱蒙正生于元季顯于國初其以詩名古岡者實爲開山第一祖

而其集無傳曩有陳先生者對余言一日同舟見老人抱膝諡詠灑灑可聽問之曰吾祖羅希呂所著也有集藏于家二百年往矣吾老無兒恐一旦溘朝露子幸而顧我當以遺之言罷泣下時陳聽之唯諾備詢老人住址未果去後三年過其鄉往訪之此老已亡矣噫古人得一編半夜呼門今人聆此言需遲三載人情曷相遠乃爾余不恨羅公之不遇余而深恨余之不得遇公嗟夫古今豪杰其湮没于俗漢之手者何限因憤懣而筆之于篇

讀李氏遺書

李卓吾千古有眼珠人也是故見誠所之可倚則慮難以之死生以之馬誠所千古有骨頭人也是故既爲卓吾所倚則患難扶持之生死周旋之卓吾具禪識而乏禪韻迹共生平行逕與彼逃禪况味殊不合其所持論與其行事亦半合半離其眼眶空其口門濶大抵好以英雄之膽智破賢聖之榜樣又好以權術之驅駕顯豪杰之披擣故此等人必不用于世此等人而用世能爲利亦能爲害此人亦不可處世此

人而處世有所利亦有所害何者以識太高性太窄而又太任識性故也夫卓吾亦自知其必不用於世而思出世矣出世而又在世其能免乎若誠所端的是世法中可倚仗之人觀其處友如斯其處君父可知矣誠所與當途書其推尊卓吾無所不至然誠所之於卓吾非如七十子之心悅誠服孔子而陳蔡相從故事也夫既患難投奔又復意氣許可中途掉臂夫豈人情觀其書云吾非喜事者直是勢無所逃耳卽此一言英雄肝膽已畢露矣至云如有不虞某請

以身代此不過激切擔當語可便云誠所肯替卓吾乎誠所亦十分見得卓吾必不疎虞以累知己若云請代則未也寧可卓吾爲誠所而死誠所決不可替卓吾死同一知己而感恩與不感恩之分也若誠所書中之明目張膽獄中之委曲調停此等力量古來僅見甯武子一人今人則不可知矣夫卓吾本是慷慨高流又有知己如此安得不向風刎頸以酬知遇也哉令卓吾不遇誠所亦未肯死何者其性氣矯厲儘足以挺持必未至爲匹夫自經之爲也卓吾之死

雖以禪解自居畢竟俠骨未化抱關侯羸是其公案
矣誠所最後一書未免過情抑寔見得卓吾爲知己
而死而不欲自居耶然所云掃迹滅名者亦具真語
卓吾曰吾將死於不知已之手以洩憤焉此是卓吾
欺人語也卓吾他書多顛倒玩弄不盡真實其意必
有所寓覽者當自得之若其持辨攻擊則千古以來
無此快筆也

賚浮宅文

有引

僕也家近水廛身依澤隱殘腥可拾鷹喙分其羸
餘剩水無租魚蠻偕以游泳夫飲河偃鼠一飽之
外寧復求多決枋微禽一枝之安業已踰分然而
鴻栖厭角鷺宿空沙背日之鳥偏逐危檣汎荇之
鳧爭迎去擢物性有適人理寧殊是以芘岸柳之
垂蔭倩共千條縈楫睇衝波之落葉輕隨一葦飄
風難稱犯斗客星欲作問津漁父陸郎單舸副以
茶竈筆牀米氏扁舟亦備書厨畫筍推篷聽雪浩

然獨對寒江沂月浮家鷗夷並載西子空懷良願
靡愜心期從古煙霞有主買山還費支遁之錢如
今舟楫無媒浮海深嗟宣尼之筏謬欲徼靈川后
寵錫浮居昔敬游十賚重以飛軒毗陵五貺首陳
釣舫如僕者徒淪苦海誰度慈航命之窮矣亦何
慕焉夫談梅尙爾止渴臨淵何必羨魚虛擬策文
權當心賞

海王曰都乎圭是錫胙爾土茅奠於水域乃擴乎構
浮波攸宅術長五湖兼署七澤添註龍宮部領蛙國
礪山帶河隸茲版籍延袤畿甸不辨疆場沃壤如脂
平皋似拭茆茨旣剪輪奐爰飾截虹起棟斷鰲奠極
樓駕飛蜃薨圖彩鷁賓月開軒郵風張席露館羅星
雲房栖葍海市晨開蛟宮夜織珠浦燃燈螭房列戟
斜連雀觀潛通鸞掖馮夷典樂司閭河伯江妃充陳
蝦王尙食弁簪鶴冠綦繫鳧鳥薦綬橫披荷裳細襞
旣掌絲綸允荷柱石永稱波臣水部是職

閒乞子傳

併引

余讀閒乞子詩知乞子非乞也雖然非乞亦乞也諸公之贈乞子者多以不乞描乞子之乞余將以乞描乞子之不乞於是作罵乞子詩併述其槩嘻余真罵乞子也耶余真不罵乞子也耶

閒乞子不知何許人也曳杖操瓢行乞於市且歌且謔既皇然如有求復克然如自足旁若無人自笑自哭有髯頭陀者亦乞子類也過而叱之曰子何乞焉乞子曰中戶乞米上戶乞錢無米無錢乞詩隨緣有

大檀越併而捨旃無量功德福壽萬年頭陀曰乞錢
爲貧乞米爲饑詩不飽腹欲乞何爲乞子曰有詩而
貧貧亦不實有詩而饑饑亦不餒匪詩而乞所乞伊
何人盡乞也余乞較多隨緣喜捨是在頭陀頭陀曰
何哉子操術甚卑而持願太婪余與若米將助子饑
余與若錢將助子貧余與若詩將助子之誦誦咄哉
余覆子瓢擲子杖令子乞無所乞回頭相向若爲我
解頤聽我打油之詩子以笑當哭余將罵作貽大家
心事難向說莫問旁人知不知

戲贈詩

一胞膿血裹頑皮怪殺沿門作乞兒乍笑乍啼緣底
事非狂非病可誰醫是條街巷都行遍若個菴堂肯
住持鎮日乞來還乞去這般行逕没人知

其二

懷中絮絮口叨叨說麼詩情比麼陶算爾生涯堪俯
仰傍人門戶幾周遭憑將饑口遮羞臉也自逢人弄
假驕鎮日乞來還乞去這般興味怎能熬

白雲傳

白雲者不知何許人也亦不知何姓自號白雲人亦呼白雲白雲又曰吾好聽石故號聽石則又屢更其說人呼白雲如故白雲貌不踰衆人面黧然削也兩目睜睜似鬼不巾不幘或裹頭或戴氈帽或戴笠或屐或跣身衣短後衣手執彈鐻具遊行市中日得數錢買食或徑就人家食人與之食輒食與共食則亦共食不與不食亦不飢多與則又盡食遇暮則寢寢不擇處有時通宵弗寢瞑目趺坐腹冷如冰絕呼吸

一如木偶人人頗異之白雲好訪境內名士見卽知其爲人其遇人或葡伏或抗揖皆巧逢其意所談說則先爲卑瑣之言已爲謬言大率多寓言時稱引符識所射覆亦多奇中懸物以詰之則佯爲罔中者問白雲年幾何曰兩歲矣又曰鴻濛之前業有我焉其狂譎放誕類此白雲不識字信口爲詩文時有驚人句自余與白雲遊人爭識之然倏來倏去終莫迹其處一日白雲過余揖而辭曰與子別更十年後會有期也余漫應之曰余惡乎待耶猶是出一編則白雲

手書漫注其姓名下列生平履歷纖細必載語無倫次大半不成字以示余曰盍爲我傳之余笑謂白雲子爲謬言多矣余能數更子傳也且鴻濛之前誰傳子者白雲不答竟去

逸史曰余始識白雲意白雲異人也及迹其所爲又大類非人至白雲所與衆人交了不異衆人耳以余所知白雲不染不著出無常向入無常主儻然而往儻然而來大較令人莫可窮詰其爲人類此然余終不謂白雲人也

清心石頌貽何文起

併序

淮陰之農夷墓而得古盤焉裹以敝絮摩弄自喜
觀者曰此漢物也余曰頃自北京來正陽門外假
古董說秦說漢何以辨哉解者曰是丹渥然其翠
蒼然而沁骨也然則何以知其漢也曰其款識漢
也然歟識已可假矣余愛其質勿問其識解綿襖
子易之還之金陵有徽人見之欲易以雙元練余
曰余以輕得而重售是又一假古董矣勿許俄見
岸上有唱賣清心石者余聽之不覺大笑曰有是

哉心而可以石清也乎哉買得數十顆貯之古盤
 泝流而歸酌長江之水沃而注之欣然自適向者
 逆旅牢慙之情若為之頓消余乃歎曰異哉石而
 可以清心也抵家置盃頭塵埃蒙蝕此心此石轉
 不相關矣友人文起氏好閉居家有園林足以自
 樂今欲卜館五羊余思旅况之難消也 貽之盤石
 並獻頌
 我心理然如此石何須水石相湔滌若然石亦解有
 心石欲自清清不得我觀此石像心形顆顆尖圓顆
 顆明以心數石石既現以石鍊心心亦清雲卧主人

正打坐起來擦眼看石顆此盤莫管漢和秦還看此
 石同心麼

清心石頌後語

余以古盤文石貽文起文起報書謂如此重貺世不
 恒有余笑曰是余以敝襖子易之農夫者也物固有
 遇不遇耶方余寘盃頭塵埃晦蒙黯黯無色兒童誤
 以他器壓之余思損壞乃拾而藏之余今以贈文起
 而文起見重若是文起好古蓄藏甚富詎乏此供毋
 亦故人之意耶抑以此盤出于古塚之坭登之文士

之几而私慶其逢也且其在農人也晨霜伴笠夕月
伴鉏寧知作清供哉或者同瓦盤竹筍盛蔬食藜羹
與婦子同享而已得一敝襖終歲忘寒欣然而易之
令余以敝襖子贈文起文起必唾而麾之矣雖然盤
取載石石名清心如我說清心者清更無揀擇謂此
盤卽敝襖子可也願我文起亦作如是觀

淡公白石頌

漫郎有石厥名五如淡公之石一味魁隤問何所如
如大雪堆金砂丹礫錯綴纍纍峩峩偃卧山阿

餐霜貌古吸溼形和淡公見之拍手呵呵扱衽稽首
我則拜他賈肆列珍波斯陳貝唾而弗顧維石是愛
石性本淡我淡相類石丈淡公置之一處斗大渠圍
芥子嬾菴淡公石丈與菴爲三涉園居士來課清談
石丈點頭一肯而已居士作頌風過石耳兩兩冥對
莫是真契

南陽朱公仕途十六詠頌

有引

臨川朱公至性肫篤君子也起家孝廉歷仕南陽
別駕生平宦跡所經各爲一詩以紀之中間炎涼
喧寂光景如見然無一不從國計民隱起念者絕
無詩人牢慳習氣也詩凡十六首蓋公之年譜宦
跡並見于茲矣公之英嗣爲瓊司李暇日出以相
示各爲一頌以志景仰之懷

乙未謁選

青紫匪榮所娛者親予親弗逮晝錦何人持此寸丹

以報君父可仕則仕何必榮膺

戊戌大計

野無青草民其怒饑誰司牧者而繭絲爲臣則無庸
厥考下下臣其受禡以謝主者

浙江戎幕

誰謂勞臣而作幕賓東南彫瘵借箸以陳一片雄心
江潮遜烈千秋波臣一腔熱血

督送兵仗

兵甲皚皚公之武庫冠裳楚楚公之儒步緯武經文

是維乃公操則凌冰氣則貫虹

餘杭鞫獄

終夕焚香以告上帝維帝好生拔此幽殍朽楊薶薶
誰堪其荼脫驂而贖彼乃非夫

再謫滇南

滇南邈矣于彼遐疆驅車叱馭寧避羊腸我無苞苴
以達當路獨清獨醒問之漁父

沅州避兵

彼狡播會窺我疆圍楚甸滇垂迄無寧堵逋臣跋涉

越陌度阡聊藉長城以度歲年

委給軍餉

投醪推食念彼孤軍清白一橐不留羨緡我衣我被
我煦我嘔誰爲德者朱侯父母

奉嚴酒禁

斗粟百錢烝民不餉曷有餘錢以問濁酷民之脂膏
市之涓滴蠲彼糟丘留此擔石

晉寧講業

絳幄橫經圖左史右吾道主盟青衿領袖誰其介之

梓萼橋輝誰其和之伯埴仲篲

訊轉雲間

項下金鈴誰解誰縛物我兩平寃親不着宦跡轉蓬
南北西東雲間一雀天際孤鴻

泖湖讓局

今古殘碁着爭先後局外者誰旁觀袖手知白守黑
我師猶龍嚴灘明月泖湖清風

起復東昌

東齊牧圉民力彫疲孤臣啣命忝民社師三載倚廬

茹荼孔棘曷以報恩君親罔極

監收商稅

鑄山煮海權酤算緡虎而翼者眈眈何人謂天蓋高
惟民視聽臣願排闥爲民請命

南陽下車

浣水悠悠似使君清聆彼謳歌竹馬載迎何以方之
夔黃召杜服留桐鄉祀垂畏壘

兩攝邑符


兩地甘棠浙川新野民亦載忻寇君可借維公有言

盡瘁鞠躬千載武侯孤忠則同

禽判獸經題辭

予既選長度詩若文付之梓矣
長度復出此二則見示則暮于長
度而其弟文度襄之者也余讀
之不勝心賞夫此雖長度之遊戲
三昧乎乃多識鳥獸州木之名固

鳥丁詩集 卷之八 題辭



吾夫子之言也則夫何莫非詩教
乎是故夏梓所之不以為帳中之
秘而并賢雒陽之紙

廣陵冒愈昌謨



靜虛楊先生墓誌銘

李之世曰婿為半子靜虛公視余若子也余不敢以
室人之父父也而以吾父之執而父之也始公與先
府君為筆研交於時吾世父見所翁賓主壇坫同遊
則有楊于望先生溫仁仲先生而公與府君最莫逆
余之始生也公過而摩頂何物寧馨許以長女妻之
而于望先生實執冰言猶記壬午之歲先生以儒士
應省試有司醮之余時單衫總角從馬後公撫余曰
行見而為馬上人也庚寅余黍遊庠則公先已捐館

舍矣先君命余一觴垂涕曰而岳丈之言曾記否今日之慶轉增吾山陽之感也小子念之哉明年余始委禽婦覲先君復爲涕語欵詳見先室孺人行狀中嗚呼一彈指間府君已卽世矣室人等告殞矣余之痛且感也又何如蓋公歿而諸舅氏俱幼越多年所始營宅兆余私稽公之遺行而若存若沒也生前之狀追述于舅氏旣病弗詳墓中之言欲徵之當塗又思弗信余小子烏容嘿嘿焉余觀世之爲墓中言者非諛則夸夸與諛非誌公也寧甘挂漏貴在存真或

者有當于公夫公恂恂篤行君子也其爲善不近名其施德不責報名不出閭閻行不踰閭閻是故閭所與遊則諸戚黨宗屬無二三知己而已問世之人有知靜虛公無有也然而覲德者如登春臺如飲醇醪不覺心醉以故里巷慕義無窮問戚鄰宗屬無不人人知有靜虛公也者公對客恂恂與人交不侵然諾蚤年失怙擗踊盡哀事祖若母大母並以孝聞兄弟同居不折產而以儉樸先生之居恒食無兼味衣無緇絲靜掃一室焚香讀書晏如也妻孥臧獲相對儼

然終公之身不聞厲聲遽色亦不聞嬉笑浪譁見遺
泉墮粟于地必拾而藏之三致惜焉公之祖德澤翁
以勤起家至公而敦儒素口不問產囊不畜貲先君
語余嘗一日過公值翁他出已晡矣家無客供大母
以鑰匙遺公命啓篋焉公以非祖命逡巡竟不敢發
也某氏者侵公牆地衆爲不平公夷然曰多此尺土
何增吾居輒讓之人服其雅量有妹旣嫁公割產以
遺之仍爲變易以調焉其緩急則毅然俠丈夫之爲
也公居南隅先君居東郭花晨月夕必期過訪公最

寡交嘗過先君見戶外屨衆輒引避去時或登堂諷
詠不問主人又或促膝予談移晷卜夜然不喜爲賓
主禮薄醕蔬羹忻然共適而已兩人真率意味大都
相類先君交游傾都邑嘗曰淡而真信而可倚惟于
建一人真古狷者流也于建公別字諱卓自號靜虛
云生于嘉靖庚戌六月十九卒于萬曆甲申十月十
三以乙卯年二月十九日卜塋於荷木坑坤艮之原
公配吾岳母余氏孺人侍御公諒之裔也丈夫子四
長繼述藩掾娶馬氏次繼純娶何氏出繼嫡叔于參

公次繼治庠生娶黃氏次繼芳庠生娶余氏長女適
之世次女聘李氏未字而殤塋墳下之左孫光啓文
啓述出守仁庠生守義守禮守智守信純出胤昌治
出承宗承聘芳出若其先世代有聞人自古柳村而
徙郭居者爲茗溪公生英生雄英以景泰癸酉中式
不仕雄生四子季曰竹主又生四子長曰泮是爲德
澤翁壽百歲生平山公平生二子長卽公謹按狀而
系之其行事則多余所自述焉銘則余弗敢也夫德
後必昌公之子若孫業駿發行且有操彤管以銘公
者然必以余言爲徵信也

李公度正萼兄弟合葬墓誌銘

吾兄方甫有二子長曰公度字子庚次曰正萼字子實俱爲正室趙出始方甫之訓其二子也公度沈潛嗜學手不停披口不輟吟然竟以書癖而得沉痾之疾公度旣以疾毀賴有弟能繼志正萼視其兄倍秀發其於學差見大意駸駸欲底於成而亾何竟夭也公度聘劉氏病不及娶而卒卒之歲是爲壬子距生辰辛巳正得二十九歲正萼以癸未後兄二載而生以戊申先兄四載而卒得二十七歲配陳氏有嗣士

芝八齡矣而又不育悲夫吾兄雖尙有子天胤能紹緒而興宗然而舐犢之悲有餘痛矣至是卜兆奇榜之牛山面甲背庚以甲寅仲冬八日合而窆之而士芝亦耐于左畔長度曰合葬非古也然中古以來有之矣其以兄弟合者古槩未之見焉則所謂以義起者也雖然以義可合也以情尤不忍不合也余誌其畧乃係之銘銘曰生則同胞死共穴有鬼其封芊且鬱千秋萬世樂茲室

家譜東野公實錄

東野公有德者也又博雅通羣書其學陰陽律歷以迨百家及古今治亂之林下至中朝憲令罔不究也而度不能大用於世弗仕當路者聞公賢時造虛謁之問政事則公亦遂談政事言皆鑿鑿顧益奇之於是轉相傳慕敬禮公矣間爲尺素往來時有倡和又或微諷其仕而公竟弗仕已而歎曰是豈爲升斗折腰者乎乃倣古東膠虞庠之法立爲社師與邑人共尊禮之公爲社師所受數百餘徒傳相授也又鄉中

事無問巨細曲直其或沉寃隱苦皆得藉公轉圜公以其便宜嘿寓倡率薰勵之術於是鄉里化之蒸蒸澤於仁讓矣公承先世頗饒裕所居清曠閒曠父老指余自上街而前向北上且近百家曰此公棲隱處也內有園亭花木鑿沼引泉中育生魚千百頭公又能擊版聲丁丁令羣魚蕤蕤至矣有同府黃公來觀魚樂之既別遺之鮮其所贈詩云謫僊孫子鬢如絲養就溫然玉雪姿上館識荆纔會合祖筵把酒又分離胷中律究三千日邑內人尊一代師遯跡山林非

久計好將經畧濟明時又答惠魚詩云故家池養錦鱗鮮分惠殷勤到客船念彼不隨桃浪化令人捕却柳堤邊肯將鼎俎終生路猶戀餅罌一勺泉萬物原來俱有盡多君爲我意惓惓一日邑侯林公造訪睹其先人遺像卽爲其先人題像其襄事也則率文武僚屬會焉今之都會山是也之世曰余往展墓都會山里老尙侈譚邑侯會葬之事云比登壠則荒邱童然土纍纍莫辨也所存者子孫重立之石耳余乃泣然久之而老大人言有人犁于田得古碑忌者沉之

購弗出近乃有姦人盜靈署篆林侯正其界贊曰古有匹夫而爲一代師者其人雖王侯不得而臣友云以余所聞攷之大率骯髒而不適於用吾東野公蓋隱德者流其於世不肯用而卒大用之矣或疑公之賢而不能芘其嗣此亦何可知哉以彼其時李氏不絕之脈如綫矣今子孫繩繩繼出而皆衣足食滿是誰賜也可以飽煖而忘其先德乎夫子孫若飽煖而忘其先德者殷鑒在都會之墓

先室楊氏孺人行狀

楊氏者李長度正室以夫得稱孺人云孺人之先爲宏農君裔入明有茗溪公者始遷邑之古勞村生英雄生雄英以景泰癸酉中式不仕雄之孫爲百歲翁泮者徙居城南宣化里以隱德著生兆松松生卓號靜虛卽孺人父也長度曰昔余先君滄澣公與靜虛翁友善盟曰吾二人者必爲媼於是孺人以辛未十月初六日生明年壬申九月十五日而生余交相慶也嗣一相過先君抱余置翁膝先君過翁亦抱孺人如

抱余余就外塾時時揖見岳翁翁喜得良婿無祿岳翁先逝四舅氏俱幼先君撫之如家人余年十九游庠先君吁悼顧安得汝岳丈存而以卮酒相慶也明年孺人歸先君諄諄命以兩世通家好不爲世俗之爲孺人叩首稟命則侍翁姑及祖姑倍謹臧獲米鹽毫不敢專且躬井臼鍼績不倦外家頗有後言孺人正色曰吾知嫁則從夫已耳先是壬辰吾母區太孺人不離枕褥者經旬一日知吾母不可贖矣脫簪珥與金若干密營喪贍及祀奠費先君問兒何爾

猝辦蓋余實不省也早年骨肉多不育則禁情茹恨以承翁歡有爲巫覡之說者麾之曰是能爲造命者乎余性剛急孺人莊事之終身無媠容媢語語不及外事居恒外寢孺人卒候書聲以爲作息每夜分手調精具佐讀而自篝燈課媵侍爲女紅尤精籌算然酷好施與急人之難不啻若已也有劉媪者太孺人乳之同居三十年老且病矣或諷處之別室以防不諱孺人曰彼田子方何以悲老馬耶竟以同室終而解衣殉之蓋自先太孺人逝繼母容齒少于孺人孺

人恪守婦職佐以家秉有四姑氏其二未嫁食指增繁余出爲人教授子弟而亾何先府君且病矣先君之病也幾一載余以奔走故缺護持賴孺人周旋其間延醫藥料中費多自內出政徬徨間而先君不祿矣痛哉痛哉孺人則謂余母過毀它日寧繼母而撫幼姑者誰數年來母矢節弗渝姑耦俱無猜微孺人之調劑不及此丙午余叨鄉薦書函寄孺人時服衷蹄曰聊以報卿典釵時孺人泣而藏之願吾子孫無忘貧賤也孺人故勞瘁且饒產育至是益癯則請置

貳以分其勞已酉冬余將偕計孺人方娠且骨立矣不覺相顧汎瀾已而收淚曰丈夫萬里之行寧作楚囚相對遂別余卧病燕臺髣髴間似與孺人訣者趨程歸歸家孺人伏枕已半稔比見余猶強起曰死生命也所悼者君行妾未得死所耳今則瞑矣越兩月而終嗚呼悲哉吾家獻吉有言妻亾而後知有妻也噫余今乃知之矣曩余好結客游酒問之厨脯問之庋而罔缺供今者余閉關不敢揖客矣曩僅家祀之晨則灑掃供張畢余始饋奠今則躬爲涓器滌筭矣

余素不問產且善忘曩者事無纖鉅隨即輒響應嘗
戲謂友人曰吾家有一扇自然賬簿子不煩紀注也
今覺茫如矣曩者入門兒女嬉嬉挽爺衣袂今則男
呻女唵誰問燠寒噫嘻那能不悲雖然余生趣盡矣
計同室日短同穴日長是悲有盡而歡無窮期也歲
月遷流孺人行歸宅兆其虛左以俟吾又念余年向
適忽忽多遺亾故暇日追憶生平著爲行狀兒曹尙
幼罪它日果能尋阿母於紙上否余何知焉余何知
焉

孺人卒于庚戌七月二十日距生辰政得四十歲
育一女子三男子又一女庶出

鶴汀詩集卷之九目錄

雜著下

禽判 并引

獸經刪 并引

餅水叁稿題詞

題魯子湛画牡丹帳額

鍾馗像贊

恆一和尚小影贊

家兄羽甫小像贊

鍾生像贊

可廬銘

閒亭銘

端溪小葉研銘

端溪水巖荷葉研銘

成窰茶甌銘

譚生寫小影作偈戲題

書十八羅漢渡海偈 書募化佛像偈

書和美人詩後 護蘭決 并引

鶴汀詩集卷之九

明嶺南李之世長度著

雜著下

禽判 并引

有賈人航海投于荒外聽夷言似鳥語也渾不省
識居久之聞緣頓空耳根漸熟彼我酬對言下了
如夫人其靈者鵠鵠之始殼也咀以米瀝飼以魚
蝦既解人憐亦變禽韻乃知結習成性物罔間然
余林棲久矣市聲不入耳剝啄不到門鎮日所聞

嘲嘲啜啜之音聒耳亂聰之嚮據案屏息則猿心
乍馳捷戶高眠則蜨魂偏攪然鳥投壺而蛙節鼓
亦山人之供具也蜂驚夜而鵲報晨亦山居之號
令也初諦之懵懵莫辨習聆之了了印心昔莊叟
齊物鵬鷁等觀尼父醒世人鳥不如以余揣之殊
或不爾若夫體性懸隔貌別趨岐此靡論已有同
類也彼此異情或同羣也雌雄異向况夫舞雨翔
風燥濕殊候蜚霜翳露凍燠殊宜擲翹汎沚陵隰
殊方嚙餌啜梁薊膾殊尚紛乎蹟哉縱離婁難以

辨纖毫而治長豈必悉細隱乎姑舉一二以槩大
凡拄杖聽來爰筆撰次客見而誚之曰此非大人
先生者之爲也夫余旣忝爲園長矣則夫衙帶湖
山衙署藪澤簿領卉木籍隸禽魚非余職耶然而
花飭難監詎望凌煙鳥國多岐曷令平允是用抉
靈機于虛籟叅慧質于曲情旁引禽經輒判鳥韻
敢云羽族之董狐庶幾園林之功課也歟

杜宇啼不如歸鷓鴣叫行不得一箇懷南一向北南
山張繳北山羅行行不得喚哥哥哥哥道不如歸去好

血迸殘紅奈爾何

雌喚雨雄喚晴陰晴渾未定雌雄枉自爭難將消息
問東風校晴校雨決雌雄不如且勿爭歸去巢上宿
衆鵲啾啾鳴胡爲占我屋

有鶴吻長似剪刀錐沙畫石心徒勞鷓鴣辛苦供人
饌唳下長懸一縷絛紅喙綠衣郎入水衣不濕水底
唧魚水面立蛙黽潛無踪枯魚河邊泣

鴛雙棲鴟單宿鷄鷺見雌搏且逐物情自爾起歡噴
何論翻雲覆雨人鴛鴦多情頭早白薄倖鸞鷓喙先
赤阿誰了却恩怨債睡鴨池塘伴鷗席

鵲報喜鴉報愁東家釀酒復椎牛西家執紼上山邱悲
莫悲兮悲似樂送喪人家吹鼓樂歡莫歡兮歡似悲
花燭房中雙淚垂世間哀樂元相混喜鵲憎鴉癡不
癡

得過且過鳳凰不如我從他羽毛我自裸捱得冬殘
春便可澤雉惜毛衣顧影池中墮一包皮囊帶肉裹
寒號蟲勸君得過隨時過

信天翁衣食何太慳殘膏與剩粉一飽傍人難魚鷹

櫻得魚狼籍餘腥分與儂不惜世事紛紛巧者勞拙者元來不費力

淘河嘖吭寬一淘水一斗啄木聲丁丁詛蟲持篆咒終日淘河河不乾終年啄木木不朽道逢精衛過一
一訴衷曲爾爲我填河我爲爾啄木

橫枝橫豎枝豎牽柯帶葉權且住綴茅秀綻縑麻蒲
巔葦杪爾爲家風雨來蒲梢墮鴟鴞笑鷓鴣爾巧不
如我

鸚鵡舌如簧摩背不成韵鵲鴿聲澌澌剔舌韵逾雋
爾鳴爾瘖任人爲誰云截雀續鳧非前生綺語今生
債鎮鎖金籠不得飛

獸經刪 并引

隋志載禽經不著姓氏唐志始作師曠胡孝轅定
爲隋人筆余不能辨然讀其文若有當焉至吳郡
黃勉之補撰獸經拮撫雖勤效顰可厭矣余攬撮
舊文摘爲韻語閉窗一諷聊以解頤夫勉之續經
用心良苦不虞後有不識字之侯芭者從而雌黃
之夫人短于自見而長于見人之短吾恐後人復
姍後人也原注冗穢隨筆刪定

麋牝麒麟昌期在囹騶虞五彩亦曰義獸

羔羊有禮乳則跪受羚羊知警羶羊善鬪羶羊不祥見也則咎

駒駝曰驥駿曰盜驪赤駟青騏紫燕白義爾雅作白義曰

龍曰魚厥毛權竒回毛在膺是曰宜乘在肘之旁則

曰減陽背曰闕廣幹曰弗方馬為火畜土則牛屬圓

蹄趺趾起卧在足

虺曰狡獬亦名白澤搏食虎豹而不及格

虎曰李耳亦名伯都畫地而卜以食狸狐

岐尾塞鼻是為白雌噉鍊善觸貊犬如驢

織婦狎邪獬豸秉直麇麇短脰威夷長脊豺獾之祭

各以其食

果然號類塵頤厥羣辛邱有尉化婦淫奔有侯鉅鹿

乃與仙鄰

子路見人倒而投樹犬子聞聲登枝猶豫

猩猩善啼厥音韶妙狒狒操管人笑亦笑雙雙並行

文文自叫

扮牂踰殺緞琬稀豚髯鬚主簿長喙將軍狼貪多智

豹廉有文

舍利懷金口自吐射射父生香以瓜自剔麀隱戀山
麀餐掘澤馳智貉愚鈍蝟巧狙

黃熊居山力能拔木蒼兕度河遇舟則覆

鷄駭子犀鼠息玉狸獨鳴猿絕猿啼人悲月圓兔孕
雪落狗喜

子象之膽春夏四季貓睛豎圓子午丑未一足反踵

三趾跂跂雄曰山丈雌曰山姑紆繪拖彩敷粉塗朱

風獸聞磷火獸移卽水獸幹幹土獸狸力子鳴在子
極鳴孟極

窮竒蝟毛厥音如猱諸懷蕪耳鳴雁磬磬

辣辣一目從從六足叩叩比肩負而逐逐獺則無口

混沌太樸山都裸體狃徐坦腹

風狸長脊手持草莖足訾文臂逢人乃鳴羸與馱驥
異類所生

有角者膏無角者脂肉食者悍草食者愚或羣或友

厥有牝牡或穴或寓厥有常處遇食則食遇畏則畏

食虎齧猿厥制在氣酣荷醉狗曷究正味異類殊形

研桑莫記

張茂先入瑯嬛石室縱觀異書故博物一志開揭
鴻濛長度亦習靜園林耳而禽判獸經靈變譎怪
似不從人間來豈涉園中自有瑯嬛耶社人區舉
吉述
雖本黃五嶽獸經而文極瑰奇古雅此乃天閭之
遺也之標

餅水空稿題詞

子猶餅矣餅之破也寧可再完子猶水矣水之覆也
寧可復收蓋余周覽古今造物忌完世間多缺不能
不致嘆於才人也生負才秀發冰壺讓潔秋水同清
尤工咏物信筆點染生態灼然碎則折花着餅水中
疎密橫斜各極其致此亦幽人之雅賞也又喜爲麗
詞艷曲醉題紈扇興書練袞吮毫立就然卒以此招
謗悲夫世網似織人情似冰豪杰不得志於風雲則
寄懷於月露流連光景耗挫雄心逝水滔滔聖賢莫

度誰爲玉碎又誰爲瓦全誰爲清塵又誰爲濁水然
則瀉餅中之滴可以浣愁驅硯海之濤可以寫恨微
吟低唱短歌長謠可以優游可以卒歲矣當世而有
牙謂虞翻之知己固不敢望後世而有所謂識字之
揚雲則又安知

題魯子湛畫牡丹帳額子

江南無牡丹所謂人間長見畫耳陳省公云牡丹雖
着以翠樓金屋玉砌雕廊白鼻犒兒紫絲步障丹青
團扇紺綠鼎彝才子書素練以飛觴美人拭紅綃而
度曲余謂若爾則花神長寂寞矣不若子湛以彩筆
貌花王置冰綃帳裡使蝴蝶夢中常戀戀猶爲清事
也

書何文起和美人詩後

古今賦美人者多矣鄧黃門朔爲三上三中三下凡九首何文起倚和之繪景描情幾無剩技已余再不復作美人詩與文起約試取并州快剪剪下九幅生絹來寫此九詩選九美人次第分執之按拍緩歌每歌一闕引九大觥一年三百六日日聽九闕進八十一大觥庶幾不殺風景乎不然亦窮措大強作風流想耳

鍾馗像贊

世傳鍾馗或曰終葵或曰圭首或卽大椎是鍾馗是圭首不然何以張眸奪爪而邪魅奔之是鍾馗是大椎不然何以奮爪張眸而邪魅咸趨如我說法無魅無邪世間相混人鬼掄擲終葵圭首是耶非耶

恆一和尚小影贊

是一還是二個個禪和沒巴鼻非一也非二廓然無聖亦無諦八百菖藤都是兒戲捏起拳頭犯着正位噴粟泉山下白龍吟且對阿僧瞌睡

家兄羽甫小像贊

唵撚戟髯行聳詩肩目送飛鴻手揮七絳彼何人斯
貌古神專身隱名彰行畸天全其利物也俠不市義
其藏身也異以行權是以人稱詩禪或號韻僊吾不
能名其品矣第聞之國人皆曰賢

鍾生像贊 有引

鍾石之雅而文無祿蚤世余爲四詩以悼之既聞
其婦甫逾二八之年誓堅松栢之操持素馭佛哀
泣以禱惟像是求畫工于夢中恍若有遇追摹而

得其髣髴焉余旣悼鍾生復竒其婦覽像悽然乃
爲之贊

此爲鍾生也耶胡清而癯貌若不愉謂非鍾生也耶
蘭芬玉潤洵美且都豈丹青之夢境真有所遇乎抑
幽明之路不隔感通之理匪誣嚙蕙質易描文心難
畫五色陸離紛披筆下徑當求之白玉之樓豈其留
形於濁世者睹丹青寧不悲詫也耶

可廬銘

昔焉地植者蔬茨以茆今始廬天則遙海則天我之

廬無不可屋不椽簷不到階不除壁不沈疎編籬花
朶朶活渚泉魚個個於其中寄坐卧不着忙不放情
茶墨香常供課琴不絃書不裹榻不懸關不鎖忙客
辭閑客過我可廬廬可我

閒亭銘 文度弟

風生葉攪樹無寧枝有亭其中屹然不移樹也白
庭也白寂寂者是閒喧者是劇世法攘攘那有閒時
誰知劇處閒卽在茲來斯亭者便是閒期

端溪小葉研贈王堯韭系之銘

斑形象葉輕亦復然拙於用小俗人舍旃浮海而南
罽之中筍一見色喜有上居士居士云何物以小竒
五石之匏將安用之佩雜瓊琚副以隄縻拂則生雲
呵而作雨雨散雲收消歸曷所目藏于背乃發靈光
道冲常盈厥用在陽永矢結鄰欽茲石友持贈居士
再拜稽首

端溪水巖荷葉研贈周自珍爲之銘

青匪青白匪白其色也空而空卽色快不摧毫膩不
滯墨如芭蕉之未舒旗兮似齒莖之初放蒨携之海

外無人識周郎見之頻噴噴龍香一劑鴛池煙贈與
周郎勿輕擲

成密茶甌寫對月繙經者贈自珍銘曰

素瓷瓦盞畫僧伽清月無人演三車諦而聽之海潮耶
松風耶曰非也輕煙一縷白斜斜木蘭瑤草未堪誇
粟泉新水點新茶

譚生寫小影作偈戲題

爾手貌我影還從眼光攝爾眼觀我形還從手腕捏
手眼不相貸如何遞交涉將無眼有手莫是手有睫

爾眼和爾手見我紙若一我眼不識我見紙猶彷彿
若作紙眼觀呼我爲何物須知我亦影還將紙作真
皮囊終歸盡徒留紙上人

書十八羅漢渡海偈

偈大波濤云何成渡問阿羅漢以空空故空中無礙
大地山河人見謂海我從空過石壁礮礮龍行不住
魚水人塵亦復如是固知羅漢非現神通人海波濤
手重萬重

書募化佛像偈

佛三十二相俱非真寔相天人阿修羅大地山河等一切有形者亦復等如是何况佛中佛是謂假中假而生執着見不能見如來有人觀是像於色而不住照見非相相卽是波羅密

護蘭訣 并引

余以三春塊處抱甕之外了無餘事架上蘭譜一帙時取諦觀卒庸腐可厭夫蘭本蕩艸奈何不與蓮菊諸卉早遇知己絕無素心人一操弱管寫其生韵令花神長慘淡也余于舊譜旣刪繁存要乃掇其大都遂成駢語播之同好嗜余亦非真愛蘭者借此墨客攄彼國香花若有靈笑日含風以待知己涉園主人記于竹笑亭下時甲寅花朝

原夫蘭生澗壑無人自芳根入盃盤得養斯茂依巖

傍止首辨方宜辟暑防寒罔愆時令高臺颯爽恆患
衝風幽砌陰沉間嫌受濕風湊肌理幹散漫以猖披
濕漬根苗篔蒙茸而慘黯長松脩竹延颺則可蔽霧
匪宜密蓋輕籃障霰攸需迎陽弗用南中雪少偏宜
失水不忘冰盤海國多風才遇抽條切須引架樂浸
淫雨類浮翳以腐根飽飫腥肥必生蟣而癩葉向陽
太慣穗瘦而花則繁就陰過多朶稀而幹反茁淤泥
潦積宜搗蝸宮宿溜沙乾須平螿垤茶清爲甘露一
洒而煩醒立蘇蒜醬是刀圭輕拂而頑芥頓解至若

杖頭留蕊胎花信於芳年根底刪蘆衍孫枝於奕葉
旣平沙以絕蔓乃解網而除絲曠濕澆乾校晴量雨
映雕闌以幽箔頓高架於崇堤梯東野以追涼倚南
窗而偃曝丹葩承旭灼灼呈姿素艷凌霜盈盈寫韻
夫其披日也志士傾葵其暱陰也賢人息影玉砑沉
彩類靚女之蔽帷竹龕冥栖儼高僧之入定縱遇焚
而能整雖受垢而不緇若乃清供一盃金盤瀉露珍
庖雜俎土盎羅羶聚崩壑之流沙拾斷溝之殘堞乃
攤乃曝斯簸斯揚蕨焚枯而灰靈芒納溷而壤沃微

傾漉瀝淡灑雞酥雖當門而勿鉏每凭檻以獨賞收
沙如收種甄別辛黃和土卽和糞劑調甘苦欲探竒
千九畹宜珍護于四時

護蘭卷末小語

余素不解花性而最欲觀人栽蒔嘗從諸子灌園
而見其養芽接體扶葉理根選沙澆水之間是或
一道焉諸子嘗以意爲花品花詩數徵余爲花神
立一赤幟余故謝不敏徒集其所譔說與昔人舊
譜并陳間以資遊玩而已忽有示余護蘭訣一篇

卒業知爲李長度手譔先是聞其植籬種樹息機
杜門克脩大業採掇之餘復有纂輯遊戲三昧爲
花神董狐厥功茂矣余近善瘡不獲常親長度焚
香隱几深喜得此披閱幽壑中何殊添一幽客耶
甲寅上巳後三日陳遂良識

鶴汀詩集
卷之九

三



鶴汀詩集卷之十附錄鳧渚集目錄

五言律

鎮海樓和何文起

過何文起雲臥軒

劉民部覲國奉使首二

望圭峯瀑布

閒居

劉平子館青竹園

送黃達卿之西粵

同萬益之登圭峯

客中至日二首

姑蘇七夕同何文起

廣陵遇風

贈五樵陶山人

山行

七言律

恭陪王侍御老師奉祭

秋日餞王侍御老師二首

吊厓三首

寄劉賓墀老師

遊長壽菴集二首

北歸經姑孰訪林

寄余曙台

呈周邑侯二首

當塗五日邑無競渡

秋日閒居二首

己酉秋歸述懷五首

七夕後登粵秀山

葉六桐明府惠教二首

登塔步王侍御老師韻

贈別高雲樵二首

智上人社中諸子集

小築偶成

楚天春雁

雁字

送林連山明府

寄心白兄京邸

慈度寺四首

書懷

遊圭峯有懷

飲赤芝言懷

清溪小隱

登粵王臺

五日偕馮文孺觀競渡

送友還高明

同友人夜泊黃冲

江口望瀑布

寄何文起

訶林西館喜象公

五羊寄陳元之

贈別

寄懷李青陽

寒夜

集楊亦琳宅

鶴汀詩集卷之十附錄鳧渚集

明東亭李之標文度著

五言律

鎮海樓和何文起

粵王臺畔北面面俯峻嶒勝地憐今昔雄圖幾廢興
蒼茫殘碣在寂寞野煙凝不盡登臨意秋風感慨增
過何文起雲卧軒留酌

從君一借榻塵俗洗然清看字看芝紫襟懷坐月明
含毫能賦酒散帙兼持枰歡會幾人合淹留日夕并

劉民部覲國奉使將還朝過古岡同張仲駿餞

別舟中

彩鷁明朝發相攜此聚筵
槎疑漢作使人似郭同仙
把酒情何恨臨風思惘然
帝城千萬里望入斗牛邊

其二

煙花三月暮客行須及春
看君持節意猶過宦遊人
世路誰同調襟期合有憐
相將報聖主且莫厭緇塵
望圭峯瀑布

樓觀俯飛瀑崩騰萬仞傾
凌空凝練白觸石散花明

山靜聊爲語溪流不盡聲
層層清漱玉何以濯吾纓

閒居

草閣春雲薄危牆澹日斜
荒林容噪鵲廢沼亂鳴蛙
苔綠溪邊樹池開巖畔花
頽然邱壑裡是處足煙霞
劉平子館予青竹園將別賦贈

世情不可問青眼喜逢君
獨夜看明月披懷閃白雪
清歌留竹素幽賞叶蘭芬
此日難爲別霜風高葉闌
送黃達卿之西粵

言尋八桂國忽別五僊城
慘淡詞人色踟躕旅客情

蒼梧雲渺渺帝子淚盈盈到日留題處逢人好寄聲
同萬益之劉平子登圭峯得猿字

侵晨同策杖攀陟幾嶺岼秋老山容淡僧閒法界尊
予言堪捉麈幽谷不聞猿到此囂絲絕無令客思繁
客中至日

至日風兼切羈栖堪自憐目隨歸鳥盡心逐暮雲邊
故國煙霜候他鄉留滯年天涯歸夢短愁殺線長懸
其二

世事愁人問長途休記年高風寒暮雨落雁失霜天
節序三冬近葭灰一夕先窮愁拚共醉把酒意茫然
姑蘇七夕同何文起

友生皆逆旅是處可安身遇節頻爲客啣杯賴故人
狂飈迅夜發乍雨黯天津此夕真何夕休疑別淚頻
廣陵遇風

返棹息隋堤煙花望欲迷孤懷憑遣興客夢未安栖
炎酷思魚泳征忙怯馬蹄吾生平似葉風入任東西
贈五樵陶山人

卧遊興不淺醉墨掃江山落落松濤壯泠泠溪水潺

雲淨諸峯出鶯啼百卉斑桃源何代子來往一舟間

山行

山行數十里一逕遍桑麻樹樹當門立枝枝交戶斜
鄰翁慶餽酒童子鬪穿花聖朝餘樂事一半在農家

七言律

恭陪王侍御老師偕洪徐二公祖方都閩奉祭

太師我翁因步適求堂用求字韻分賦

冠裳颯沓擁華騶廟貌羣瞻世德休駕雀雲邊
降栖烏臺畔嚶鳴求三台星聚占靈氣八月霜清肅

早秋不是啣恩叨國士何緣溪泚擷芳羞

秋日餞王侍御老師于浴日亭次韻賦別

赤輪蘸水水涵天影射龍宮第幾灣地鎮東南祠
瀆亭疑蓬島屹孤山爲霖共識濟川略攬轡今瞻捧
日顏不盡丹心懸彩筆千秋留韻嶺雲間

其二

秋水遙看一色天星輶迢遞駐黃灣
揆竒靜攬亭中勝問俗閒巡嶺外山銀海已澄舒素練金光初浴映
酡顏憑高忽起瞻雲思飛向武陵九曲間

吊厓

羣峯中斷出厓門曠莽當年託至尊一自翠華遊粵
嶠遂令王氣失中原蠻煙尙帶千秋恨杜宇長啣萬
代冤白骨蒼苔世共遠江間何地可招魂

其二

悵望京華一水遙玉關何處繫天驕西風離黍餘邱
壠南國羈魂久寂寥海若有靈應雪涕波臣無計挽
寒潮卽今萬里秋江淨異代忠良荷聖朝

其三

浮沉今古一興亡南北英雄落大荒萬死孤臣磨百
折千秋涼雨泣三湘黃冠夢失南歸路白草魂飛北
地霜何處悲風增感激纍纍青塚拂垂楊

寄劉賓墀老師

幾年講席坐氤氳別後鳧飛望楚雲尺素長啣雙鯉
至報瓊空隔一鴻聞洞庭秋月湖光島湘浦春絲帝
澤薰遙憶風流何所似徵書早晚入鷓羣

遊長壽菴集愛蓮亭和何文起韻

愛蓮亭傍古招提蓮子花開葉葉齊過雨香飄無遠

近侵人涼氣自東西僧去日午能供飯客到松陰幾
杖藜興劇莫嫌歸路晚微微山月印前溪

其二

總爲乘涼夏日遊無風此地亦雲流山藏寶界森森
闕客到禪堂事事幽嘗對上方浮泗磬更饒靜藏素
瓷甌拚留斟酌僧家味未羨青龍竹葉舟

北歸經姑孰訪林存莪署中賦贈

會從文社愜蘭心此日過逢意轉深君自出家看雉
舞我徒爲客驚蟬唵黃山爽氣堪支笏碧水寒聲不

礙琴珍重年來致主願肯令吾道負朝簪

寄余曙台

年來書問半浮沉豈爲雲坭隔素心遠望風流人似
玉每憑天外聽鳴琴三湘露白清秋滿八桂花明別
院深漫道公閒堪拄笏卽看載筆上螭簪

呈周邑侯

清秋仙舄去還來分得君王露幾杯散入人間皆雨
化驚聞天上忽春回絃歌徑逐琴聲遠桃李爭迎輦
路開却望舊時聽政處陰陰竹樹莫辭培

其二

雙鳧飛出未央宮再入河陽花縣中露漑金莖成澍
雨人遊化日蕩春風甘棠滿地遍甬陰桃李何年自
作叢樗散獨慚叨國士子雲還許賦河東

當塗五日邑無競渡故云

經年客夢總茫茫爭奈端陽節又忙到處煙光欺過
眼尋常賞玩適迴腸荔雲嶺首依稀近蒲雨湖心漫
自長別有逋臣千古恨教人何地吊靈湘

秋日閒居

滿地蓬蒿未肯除園林秋日野煙疎松窗漫引騷人
興菊圃偏宜處士廬但使杖頭能載酒何妨枕底賦
閒居年來性癖卑棲穩懶向人前問子虛

其二

一醉能令世事忘匡牀木榻對焚香浮煙裊裊秋雲
迥清夢蘧蘧午日長客若到來休問字我今睡起祇
抄方呼童共抱漢陰甕疏徑灌畦趁夕陽

巳酉秋歸述懷

頻頻上策不見收風雪蕭然一敝裘岐路却憐揚子

淚抱珍空笑楚人愁百年天地劔還壯半世行藏鏡亦羞賴得故園叢菊在高秋吾且任夷猶

其二

凌亂秋光點客衣孤舟一棹薄言歸漁人解網亭亭立倦鳥思巢颭颭飛竟日青山過眼豁趁風黃葉去帆微乘槎莫問嚴平卜勝事如今滿釣磯

其三

世態還看一局棋輸贏無定亦非奇可憐滿目傷心處徒自逢人塞馬悲紫陌紅塵俱客夢滄江他日是

吾私閒來更悟浮生理泛梗飄蓬任所之

其四

泥塗豈為儒冠誤涉世真同行路難孤劍未曾國士報枯桐容易向人彈飛鴻自覺青霄迴失雁徒驚衝雨寒蘆葦蕭蕭秋已暮卑栖吾愧一枝安

其五

十年壯志竟成虛落魄風煙返舊廬可道相逢無狗監應知賦就愧相如常時邱壑故亡恙昨日交遊今與疎羅雀人情何必問蓬蒿三徑且教鋤

七夕後登粵秀山留別邱齡叔伍國開同羅友

國何右文賦

憑高千古意悠悠况復風煙是素秋同社幾人今聚
散曠時勝地且夷猶峯迴翠岫雲光滿夜轉銀河海
氣流指點家山聊悵望可堪別袖更牽愁

楚天春雁

空江薄暮半霏微送別江頭淚滿衣草色有情憐去
縹柳條無計挽征騑幾年絳幄談經舊一夢青山閣
字違見說衡陽歸雁好嶺雲湘月漫依依

葉六桐明府惠教次和王侍御老師遊圭峯詩

步韻

霜威肅肅淨秋旻微雨山嵐遠滌屯喜有王喬重煥
鳥更逢葉令接芳塵摩挲泮勒墨留題舊璀璨揮毫屬
和新千古地靈憑傑思繪山畫水不如真

其二

攬轡郊原問俗行青山原自昔年盟玉臺遺址情逾
戀厓海平波意轉清乘月不妨歸騎緩聚星遍映彩
鳧明從前太史書雲候看到於今恰遇庚

登塔步王侍御老師韻是塔老師鼎建

塔影觀空象外求寧陽亦自有丹邱諸天寶界渾無
相半夜光芒最上頭水國人烟浮島出山城霞氣帶
江流千年形勝鎮南服畏壘遺芳碣並留

贈別高雲樵

征車迢迢指蒼梧雪擁驪駒不可呼湖海一尊憐短
髮風塵雙劍問長途帆飛粵嶠魂先遠路人湘江竹
半枯不是王孫歸去晚可勝離思滿平蕪

其二

征帆遙望雪霏霏風雨河梁淚暗揮金盞空餘
缺舌存曾下舊時機途危吾道心能壯歲晚江湖夢
獨違賸得煙霞還好在迎春彩筆挾霜飛

智上人社中諸子集子青竹園分得霞字

門掩蓬蒿鳥雀譁山雲溪月領煙霞閒園白喜孤僧
話開徑誰期長者車園野敲殘花下局醉陰消得湖
邊茶相憐莫道過逢易明日看雲獨可嗟

小築偶成

小築溪邊溪水深春來桃浪碧千尋林鶯啼處烟花

落海燕飛時曲澗陰何事誅茅成僻徑但移疎竹寄
閒心紅塵不到山叅裏數尺磯頭鎮日陰

雁字

每見秋高著幾行却教點點挾風霜凌空恍作龍蛇
陣散彩疑同雲漢章可道關傳千里信故應曲寫九
迴腸樓頭少婦清宵立欲問書來天幾方

送林連山明府

百里專城接大荒何來借寇重循良西京應識于公
傳南國新聞荀令香去日壺漿迎竹馬行春麥穗滿

岐陽遙知俎豆風流遠閩海波連紫水長

寄心白兄京邸

萬里空傳賦子虛十年多病卧相如關河未老三春
色海岳先高幾束書目斷烟雲稀過雁愁來粵嶠見
雙魚知君到處能相憶閩門開佇望餘

慈度寺

西城一渡是慈航雲水蒼涼慧日長誰話浮生閒到
此我來載酒漫相將千繡貝葉僧留偈一縷爐煙客
借香頂禮空王歸未暝晚風殘月照山房

其二

上方寶界法雲層九級浮屠快一登證果已無真舍利觀書猶奏舊迎陵蓮開梵宇維摩室月隱紺園大智燈此外俗塵如可避攢眉還似虎溪僧

其三

十千大地法雲連百丈光涵海國天從有攢眉過白社阿誰合掌念青蓮梵王宮渺磬聲度舍利名高樹影懸千載維摩人所羨不知何計得逃禪

其四

陰岑殿閣倚雲齊傍有池亭遠檻低祇樹懷來新苑刹蓮花開遍古招提會聞老衲跨瑤象喜見仙尼駕玉鷲未覺塵心容易破看花且莫使人逃

書懷

萬木森森巧結林隔溪人靜白雲深行藏此日休看劍山水頻年欲破琴未信黃金終悞世還疑白雪解知音閑來一悟浮生理底事寧論升與沉

遊圭峯有懷

岩堯圭嶺倚天開有客攀遊我亦來碧水蒼洲觀遠

嶼清秋綠酒共高臺興探泉石從幽賞醉拂劍書欲
自裁獨憶白雲堪悵望秋風回首漫啣杯

飲赤芝言懷

海內交遊夢寐孤黃公肯邈河山壚憐君獨掃三蒿
徑容我清狂一酒徒荏苒風塵催歲促迂疎心事入
春蕪過逢賴有清尊在白眼歌來耳熱呼

清溪小隱

清流一道迥通渠閑寂真成隱者居潁水流傳人引
犢濠梁何必子非魚晝長倚樹看仙局潮滿臨風把

道書知爾栖遲興不極雙柑聽鳥自如如

登越王臺

越王臺北枕山阿訪舊重臨奈若何竹裡鷓鴣啼不
盡天邊鴻雁影還過孤城睥睨帆樯出古寺藤蘿歲
月多潮氣上蒸雲氣濕夜來風雨一高歌

五日偕馮文儒梁不遷觀競渡珠江分得淮字
端陽雨過氣清佳載酒每遊一曠懷醒醉幾人慰楚
淚烟波到處怨秦淮大招今古天誰問薄咏滄浪趣
可偕聞道湘靈捐佩褫褫芳聊得共吾儕

送友還高明

嶙峋石室倚雲隈東望仙鄉亦快哉
玉乳巖中留蹇跡斗魁臺上勒雄才
秋風瑟瑟征帆瘦芳草萋萋
思催一曲驪駒牽別袂煙波將雨重徘徊

同友人夜泊黃冲遇雨

柔櫓輕風信遠天晚山飄雨轉淒然
却疑此夕劍爲怪漫說相逢夜有緣
吹浪鼉鼉時汨汨狎人鷗鷺自便便
維舟自向江頭立爛熳春愁入暮烟

江口望瀑布

迢迢一水挂碧岑突兀遠見山光深
青天半泣雨赤日翻愁狼狽吟石角孤雲生
細細澗邊幽草靜陰陰經行綠髮年年異
莫遣寒聲到客心

寄何文起

淡月微微漏正長故人念我一何忙
亦知不作雲雨雨其奈相思夜已霜
匣裡龍文時自拭斗間雲氣無光
由來神物悲離合矯首寒天各渺茫

訶林西館喜象公至索贈

閒從寶地覓招提梵剎蕭森一徑西
喜有生公來

法不妨支遁結幽栖池開皓月猶涵樹雨過流雲
度溪送送可能成三笑新詩今爲上人題

五羊寄陳元之

百年湖海窮交在此日風塵話別難把酒未忘知
淚孤桐容易向人彈時危吾道畏多阻心遠懷君
自歎十里停雲遙悵望洞門深鎖一溪寒

贈別

飛錫遙來自上方雲林鶯語日初長楸枰局罷旋供
茗揮塵談時亦佐觴永樹沉沉楊柳色石闌曲曲芟

